



BIBLIOTECA NAZ.

XVI

E

60

NAPOLI

XVI

E.

60.



11
11.0



TENTAMEN THEOLOGICUM

IN QUO DEMONSTRARE CONATUR AUCTOR

Ubi Apostolica Sedes adiri non possit, devolvi ad Dominos
Episcopos facultatem dispensandi in publicis impedimentis
Matrimonii, providendique spiritualiter in ceteris rebus
omnibus Romano Pontifici reservatis, quoties id pu-
blica urgenisque subditorum necessitas postularit.

*A se primum Lusitanice scriptum, semelque & iterum
typis commissum, deinde a Venetis Italice versum*

D E N U O R E G E N S U I T

LATINITATE DONAVIT.

CREBRISQUE ADNOTATIONIBUS ILLUSTRAVIT

ANTONIUS PERERIA
FIGUEREDIUS

Presbyter ac Theologus Olysiponensis, Regiæ Curia
Censoriæ Xvir Ordinarius, Regisque Fide-
lissimi ab Epistulis Latinis.

*Ad calcem Operis subjungitur ejusdem Auctoris Responsio Apolo-
getica ad Censuram Gabrielis Galindi Theologi Matritensis,
jam superiori anno seorsum edita.*



O L I S I P O N E
APUD ANTONIUM VINCENTIUM SILVIUM

ANNO MDCCLXIX.

Permissu Regiorum Censorum.



Sanctus Cyprianus in Libro de Unitate Ecclesiæ :

*Episcopatus unus est , cuius a singulis in solidum pars
tenetur .*

**Sanctus Gregorius Papa Magnus in Libro IX. Epistula
LXVIII. ad Eusebium Thessalonicensem :**

Si unus universalis est , restat ut vos Episcopi non sitis .



AD EXCELLENTISSIMOS
 REVERENDISSIMOSQUE DOMINOS
 E P I S C O P O S
 E T
 ARCHIEPISCOPOS
 Regni Lusitanici Coloniarumque ejus.

EXCELLENTISS. AC REVERENDISS. DOMINI.



*U*i Liber totus est in demonstrandis tuendisque Juribus Episcoporum, quique ea non meo solum, sed quatuor etiam Censorum gravissimorum judicio solide demonstrat ac tuetur; Liber is, inquam, neque aliis dicari debet
 a 2 quam

quam *Episcopis*, neque potest ulla ratione *Episcopis* non probari. Talis vero Liber est, *Excellentissimi Antistites*, quem nunc *Vobis* sisto. Qui quot *Principia* statuit, (statuit autem decem) tot nobilissimas incorruptissimasque *Perceptiones* complectitur, quibus plane doceamur, quanta res sit esse *Episcopum*. *Perceptiones* ab *Spiritu Sancto* traditas in divinis *Scripturis*: *Perceptiones* a primis sæculis in sacro *Apostolicæ Traditionis* Deposito conservatas: *Perceptiones* denique, quæ invita postremorum horum temporum nescio an inscitia, an adulatione, in hoc Tentamine demum comparent pristino suonitori restitutæ, utpote omnibus illis notis insignes, quas præ se ferre solet, quidquid genuinum est ac sincerum.

Episcopatus quidem proximus Auctor est *Iesus Christus Dominus* noster: ille enim fuit, qui *Apostolos* suos *Episcopos* proxime ordinavit, quando eis dixit: Sicut misit me Pater, & ego mitto vos. Accipite *Spiritum Sanctum*: *Ite* in mundum universum, prædicate, docete, baptizate. Quæcumque alligaveritis vel solveritis super terram, erunt ligatæ vel solutæ in cælis. Quæ verba sua ipsa
am-

amplitudine & generalitate potestatem
quandam ostendant nullis conclusam limi-
tibus. Nullis conclusam limitibus quoad
materiam: quandoquidem ejus mensura
pro subditorum necessitate erat. Nullis
conclusam limitibus quoad locum: quan-
doquidem virtute verborum Christi uni-
versum terrarum orbem quilibet Aposto-
lorum pro Diœcesi habebat.

Injuria vos ego adficerem, Antistites
Excellentissimi, si in hac consecutione
probanda immorarer. Sed quoniam hanc
Epistulam ad solos Episcopos datam mul-
ti lecturi sunt, qui Episcopi non sunt: pro
me Theologos duo adlegabo, qui qua pol-
lent auctoritate, ceteros omnes referant.
Prior est Nicolaus de Cusa, Cardinalis ^{Cusa p.}
& Episcopus Brixienfis, qui Libro II. 727.
admirandi Operis de Concordantia Ca-
tholica, Capite XIII. ita ait: Recte di-
cimus omnes Apostolos in potestate cum
Petro æquales. Insuper est ad memo-
riam reducendum, quod in principio
Ecclesiæ fuit unus tantum Episcopatus
generalis. Alter est Dominicus Sotus, im-
mortale illud Illustrissimæ Familiæ Præ-
dicatorum decus, qui apud Tridentinam
Synodum Theologorum omnium Princi-

*Sotus in
IV. Sent.
p. 548.*

pem egit sub Paulo III. Ejus verba hæc sunt : Cum utraque plenissima jurisdictio de essentia sit Apostolici muneris, utramque a Christo omnes immediate susceperunt , atque adeo unusquisque erat per Christum Episcopus totius Orbis .

Tum ut perfectius munia obirent Episcopalis ministerii , tum ut melius conservarent in Sacro Collegio Catholicam unitatem , cujus velut centrum Petrum constituerat Dominus , singulas Provincias ab unoquoque speciatim instruendas ac regendas , Apostoli inter se de communi consilio divisere . Atque hæc quidem origo fuit Diœcesium: hæc item causa, quam ob rem sub initia ipsa statim nascentis Ecclesiæ in Episcopatum invexerint Apostoli tres illas classes Episcoporum, Archiepiscoporum, & Primatum: titulos illos quidem amplioris administrationis respectu Hierarchiæ Ecclesiasticæ exterius gubernandæ, non vero amplioris jurisdictionis respectu cujuslibet Parœciæ interioris regendæ . Quoniam ut scribit Sanctus Hieronymus: Ubi cumque fuerit Episcopus , sive Romæ , sive Eugubii , sive Constantinopoli , sive Alexandriæ ,
sive

sive Tanis; ejusdem meriti, ejusdem est & Sacerdotii. Ceterum omnes Successores Apostolorum sunt. *Pressius vero Sanctus Symmachus Papa*: Ad Trinitatis instar; cujus una est atque individua potestas, unum est per diversos Antistites Sacerdotium. *Hinc præclaro illud a Guillelmo Parisiensi Episcopo dictum*: Ipse Dominus Jesus Christus non plus quam Episcopus est in dignitatibus Ecclesiasticis, secundum quod homo.

Quod si in tanta hac potestate Episcopatus a Christo adnexa Apostolis succedunt Episcopi, quemadmodum paullo ante ex Hieronymi ore audivimus, idque cum Hieronymo tota docet Antiquitas: planum est, intra Paræciam suam tantam fore Episcopi potestatem, quanta suarum ovium est necessitas. Id vero est, quod scribebat S. Cyprianus in Epistula LXXII. ad S. Stephanum Papam: Ha-

Cyprianus:
p. 306. ea
dit. Fellis

bet in Ecclesiæ administratione voluntatis suæ arbitrium liberum unusquisque Præpositus, rationem actus sui Domino redditurus.

Profecto temporum decursu usurpare sibi tamquam proprium Successores Beati Petri cœpere exercitium quarundam ju-

risdictionum, in quarum possessione antebac erant Episcopi. Verum ut illud prætermittam, quod primæ hæ Reservationes ad solas causas Fori contentiosi spectabant, ejusque proinde generis erant, ut solam totius Ecclesiæ externam Politiam proprie respicerent: illas ipsas sibi non usurpabant Romani Pontifices, nisi de consensu ceterorum Episcoporum: qui quæ observantia & reverentia S. Petrum Apostolorum Principem prosequerentur, a se quidem in Romanos Pontifices ejus Successores dimittebant easdem illas prærogativas, quæ antea communes erant omnibus Diocæsibus. Est in hoc genere sane præclarum exemplum illud, quod in corpore etiam bujus Operis in medium adfero, desumptum ex Actis Generalis Concilii Sardicensis medio quarto sæculo celebrati. Audiamus verba Præsidis ejus, qui erat magnus ille Osius Episcopus Cordubensis: Si vobis placet, Sancti Petri memoriam honoremus, ut scribatur ab his qui causam examinarunt, Julio Romano Pontifici, & si judicaverit renovandum esse judicium, renovetur & det Judices. Et mox e vestigio: Respondit Synodus, Placet. Heic fatentes habemus

Concil.

Sard.

Can. III.

Tom. II.

p.647.

mus

mus Patres Concilii Generalis, in quibus erant cum ipso Præsidente multi ex Hispania & Lusitania Episcopi: (veluti Emeritensis, quæ Metropolis erat Lusitanicæ; & Asturicensis, quæ Urbs ad Bracarensem Provinciam spectabat) fatentes, inquam, pro honore & memoria S. Petri Apostoli primi Romæ Episcopi constituturæ & consentire se, ut Romanus Pontifex illa in posterum prærogativa & auctoritate fruatur, qua possit in gratiam Episcoporum apud Provinciale Synodum judicatorum novum causæ examen, seu novam Revisionem concedere: non quidem advocata Romam causa, quemadmodum bodie fieri solet secundum Tridentinæ Synodi caput, Causæ criminales; sed novis iudiciis designatis, qui intra eandem Provinciam denuo examinarent causam provocantium Episcoporum.

Usque adeo certum est, a consensu Episcoporum sive Conciliorum Generalium initium habuisse has aliasque prærogativas primatui Romano adnexas: (quas prærogativas multi quidem ita imperite, atque ita temere inter se commiscunt; ut quoniam in Primatu ipso Jus Divinum a Jure Ecclesiastico discernere ac separa-

*re ipsi vel resciant vel nolunt, quidquid in Romanis Pontificibus spiritualis potestatis est, totum id ex institutione Christi ipsis inesse contendunt). Usque adeo certum est, inquam, multas ex prærogativis illis, quibus bodie fruitur Romanus Pontifex, ipsi Divino Jure non competere, sed concessione tantum & gratia Ecclesiæ in Episcoporum corpore repræsentatæ: ut multorum Theologorum gravissimorum sententia sit, ipsam etiam Primatus Sancti Petri conjunctionem cum Romano Episcopatu divinæ institutionis minime esse, sed tantum institutionis Ecclesiasticæ, quæ absolute mutari aut variari possit. Quamvis enim Dominus noster Jesus Christus in persona Beati Petri Primatum ipsum instituerit, volueritque in Ecclesia sua (quemadmodum constans omnium Patrum, omniumque seculorum Traditio fert) perpetuo esse Principem quendam, seu visibile quoddam Caput omnium Christianorum: tamen quod Episcopus Romanus perpetuo sit ille Princeps, id vero est, quod Theologi illi negant esse Juris Divini. Docent enim conjunctionem duarum illarum qualitatum consequentiam quandam fuisse illius obser-
van-*

vantiæ & gratificationis, qua Ecclesia ad decus & memoriam Principis Apostolorum, conservatione & successione Primatus nobilitare voluit illam Urbem, quæ & Caput erat Orbis totius, & Sedes primi maximique Episcopi fuerat.

Nullus dubito, Excellentissimi Antistites, quin omnes ii, quibus tanta non est peritia Theologiæ, ejusque Dogmatum, quantam ego in vobis considero considerareque debeo: ubi primum ea legerint quæ modo commemoravi, pro hæreticis statim habituri sint eos, qui talia docent. Verum enim vero quis hæreticum dicat Joannem illum Gersonem, Cancellarium Academiæ Parisiensis, Generalis Concilii Constantiensis Animam, & per antonomasiam Christianissimum Doctorem dictum (a)? Joannem illum Gersonem, qui

(a) Jacobus Augustus Thuanus Historiæ sui temporis Libro CXXXVII. Cap. 6. Tomo VI. pag. 388. Joannes Gerson Cancellarius Parisiensis, & famosissimus sua ætate Theologus, Caroli VI. temporibus REGIUS AD CONCILIUM CONSTANTIENSE ORATOR, auctoritate sua & doctrinæ opinione pervicit, ut multa in eo SALUTARIA AC MEMORABILA infererentur. Indeque re bene ad Dei gloriam & decus Regni gesta reversus, DOCTORIS CHRISTIANISSIMI non solum apud nos, sed & inter exteras nationes summo consensu nomen meruit.

qui cum pari sanctitatis & eruditionis laude vixisset, (fuit autem utraque in eo sane eximia) post mortem tot tamque insignibus miraculis coruscavit; ut illorum fama permotus Carolus VIII. Rex Christianissimus, pro illius honore & memoria sacram Ædiculam ædificari jussit, ibique ejusdem imaginem collocari, ubi per annos plurimos cultu publico decoratus est Gerson, probantibus plaudentibusque tum Archiepiscopis Lugdunensibus, tum magnis aliis Antistitibus florentissimi illius Regni? Is vero Gerson in nobili suo Libello De Potestate Ecclesiastica & Origine Juris, sub finem Considerationis VII. in hunc modum scribit:

Gerson
Tom. II.
p. 236.

Sed quæret forte aliquis, quo pacto Ecclesia Romana dicatur eadem isto modo, cum ab initio fuerit in Antiochia? Responsio facilis est, si fiat abstractio a connotatione loci, & dicamus quod Ecclesia Romana est illa Diœcesis, Provincia, vel Sedes, quæ peculiariter habet regi per auctoritatem Papalem, & eam complectitur. Sic veritatem habet vulgata vox: ubi Papa, ibi Roma.

Quis hæreticum dicat Nicolaum illum de Cusa, Cardinalem e Germania,
cun-

*eundemque in Italia Episcopum Brixien-
sem, ex Sacro Ordine Canonicorum Re-
gularium Sancti Augustini Doctorem?*
Qui Libro II. Operis supra commemorati
Cap. XXXIV. sic scribit: Non posse ad-
huc Romanum Pontificem perpetuum *Cusa p.*
Principem Ecclesiæ probari, satis ex hoc *774*
manifestum est: Et mox paullo inferius;
Quare si per possibile Treverensis Ar-
chiepiscopus per Ecclesiam congrega-
tam pro Præsidente & Capite eligeretur,
ille proprie plus Successor S. Petri in
Principatu foret, quam Episcopus Ro-
manus.

Quis hæreticos dicat duos illos apud
Salmanticensem Academiam Magistros
Primarios, Dominicum Sotum & Domi-
nicum Bannesium, ex nobilissimo Prædi-
catorum Ordine? quorum prior in Com-
mentariis in IV. Sententiarum ita dicit:
Utrum culmen summæ dignitatis jure *Sotus p.*
divino in Ecclesia Romana consistat, ita *649.*
ut Episcopus Romanus & Summus Pon-
tifex sint divino nexu conjuncti, NON
EST TAM CERTUM, QUAM NONNULLI
ARBITRANTUR. Alter vero in Commen-
tariis in Secundam Secundæ S. Thomæ
ita: Quamvis a viris doctissimis & ca-
tho-

Bannesf.
Tom. II.
p. 52. &
57.

tholicis verum existimetur; jure divino Romanum Pontificem esse Petri Successorem: tamen NON EST FIDES CATHOLICA, sed opinio valde probabilis. *Et aliquanto post*; Aliqui Doctores graves nostri temporis ajunt, Episcopum Romanum esse quidem Summum Pontificem, non tamen jure divino hæc conjuncta esse. Ita sentit Fr. Dominicus Sotus (a).

Ut ad alterius generis Reservationes jam pergamus, quales utique sunt, quæ ad Pœnitentiale & internum Forum pertinent: adhuc sub initia sæculi XI. suæ au-

(a) Sentit & Bellarminus ipse Lib. II. de Romano Pontifice Cap. XII. Tom. I. pag. 312., ubi ita scribit: *Quod Episcopus Romanus, quia Episcopus Romanus est, sit Petri Successor, ex facto Petri ortum habuit, non ex prima Christi institutione. Nam potuisset Petrus nullam Sedem particularem sibi umquam deligere, sicut fecit primis quinque annis: & tum moriente Petro, non Episcopus Romanus, neque Antiochenus successisset, sed is quem Ecclesia sibi elegisset. Quia vero Romæ Sedem fixit, & tenuit usque ad mortem, inde factum est, ut Romanus Pontifex ei succedat. Et mox: Ista ratio successionis non est ex prima institutione Pontificatus, quæ in Evangelio legitur. Extat de eodem hoc argumento insigne testimonium in celeberrimo Dialogo inter Clericum & Militem, quod Somnium Viridarii vulgo inscribitur, Cap. LX. apud Goldastum Tom. I. pag. 78. Quod opus sub Carolo V. Gallorum Rege anno Christi circiter MCCCCLXX. adornatum est.*

auctoritatis & jurisdictionis adeo tenaces erant Episcopi, ut Patres Concilii Salgunstadiensis anno MXXI. coacti, Canone XVIII. definiverint: non valere absolutiones illas, quas se inconsultis sive invitis, suis subditis elargitus esset Romanus Pontifex. Patres vero Concilii Lemovicensis anno MXXXIII celebrati, illud pro confesso statuerint: Inconsulto Episcopo suo, ab Apostolico poenitentiam & absolutionem nemini accipere licet. Quod illi quidem memorabili hac probant ratione; Apostoliei Romani (sic Romanos Pontifices tunc vocabant) Episcoporum omnium sententiam confirmare, non dissolvere debent. QUIA SICUT MEMBRA CAPUT SUUM SEQUI, ITA CAPUT MEMBRA SUA NECESSE EST NON CONTRISTARI (a).

*Concil.
Tom. XI.
p. 1133.*

*Ibid. p.
1250.*

Hæc

(a) Eo spectat, quod Hæresi XLII. num. II. refert S. Epiphanius Tom. I. pag. 303. Cum enim Marcion ob stuprum virgini illatum a suomet parente spectatæ sanctitatis Episcopo, de Ecclesia pulsus esset; ac consequendæ absolutionis gratia Romam post Hygini Papæ obitum se contulisset: Clerus Romanus ab eo precibus fatigatus, ut se in communionem reciperet, hac illum responsione refutasse traditur: *Nobis injussu venerandi Patris tui istud facere non licet: una siquidem fides est, & omnium una consensus: neque contra spectatissimum collegam patrem tuum moveri quidquam possumus.*

Hæc doctrina Concilii Lemovicensis nos eo ducit, ut quasi e re nata indagemus & aperiamus, quæ nobis notiones efformandæ sint de Primatu Papæ. Quæ notiones si male efformantur, quidquid rite dispositum est in Ecclesiastica Hierarchia, totum id funditus evertunt. Sin vero est ut recte se habeant, mirabili plane concordia totum Ecclesiæ mysticum corpus devinctum retinent. Patentur Lemovicenses Patres, Romano Pontifici tamquam Capiti dicto audientes esse debere Episcopos: sed interim tamen non debere Romanum Pontificem, eo quod sit Caput, membra lædere ita nobilia, ut sunt Episcopi. Edocti a Beato Paulo agnoscebant, quemadmodum in physico hominis corpore suæ cuiuslibet membro operationes sunt propriæ, quæ nisi labefactato & deturpato Toto inverti non possint: ita in corpore morali Christi, quod est Ecclesia, diversis membris alias atque alias functiones assignatas esse a Christo. Nunc autem posuit Deus membra, unumquodque eorum in corpore, sicut voluit. Vos autem estis corpus Christi, & membra de membro. Papæ assignavit Christus functiones capitis: Episcopis functiones brachio-

*I. Corintb.
XII. 18.*

cbiorum & manuum. Si brachium velit esse caput, quam erit monstrosus corpus? Si vero caput brachii munia obire velit, quam reddetur & ipsum deforme? Quid si caput sibi usurpet operationes totius corporis? Chimæram videre se omnes credent. Si totum corpus oculus, ubi auditus? Si totum auditus, ubi odoratus? Quod si essent omnia unum membrum, ubi corpus?

Memoratum Apostoli locum præclare quidem in rem nostram explicavit Sanctus Bernardus, cum ad discipulum suum Eugenium tertium scribens hoc modo disse-
rebat Libro III. Capite IV. Monstrum facis, si manu submovens digitum, facis
pendere de capite, superiorem manui,
brachio collateralem. Tale est si in
Christi corpore membra aliter locas,
quam disposuit ipse. Unde concludit i-
dem Bernardus, divina lege obstringi
Summum Pontificem illæsa observare, si-
bique non usurpare Episcoporum jura.
Honorum ac dignitatum gradus & or-
dines quibusque servare positi estis, non
invidere, ut quidam vestrorum ait: Cui
bonorem, bonorem.

*Bernard.
 Tom. I.
 p. 439.*

Planum est autem, bonorem & digni-

b

ta-

tatem Episcoporum in eo non esse, ut ipsi nominentur Episcopi, insignibusque Episcoporum utantur: sed in eo, ut ceteris sui proprias obeant functiones: nempe functiones Pastorum gregis sui: functiones quas obiere Apostoli, quorum successores Episcopi sunt jure divino; functiones quas Christus verbis adeo magnificis in Evangelio designavit, quando instituit ordinem Episcopalem. Hujusmodi functionibus privare Episcopos, idem plane est, ac propriis operationibus suis privare membra præcipua corporis Christi: est velle Episcopos non esse Episcopos. Namque vel in ipso naturæ ordine, idem est operationes proprias speciei suæ quodlibet ens amittere, ac suam formam amittere. Egregie omnino magnus Gerson: Qui tollit ab entibus proprias operationes, certe secundum Philosophum tollit ab eis proprias formas. Quid enim valet quod unus sit Episcopus, si ne officii sui executione, quod illi Christus contulit?

*Gerson
Tom. II.
p. 183.*

Velle igitur, Papam eo nomine quod sit Primas Ecclesiæ, auferre ab omnibus Episcopis posse, sibi que libere ac solo arbitratu suo usurpare exercitium illarum fun-

functionum, quas Christus fecit Episcoporum proprias: id vero est de Primatu notionem quandam habere novam, notionem Antiquitati ignotam, notionem omnino adversantem ei, quam nobis reliquere Sancti Patres, ex ipsisque Romanis Pontificibus laudatissimus quisque.

Quis Pontificum, quæso, jura Primatus sui melius noverit, quam illa novit Sanctus Gregorius magnus? Atqui Gregorius hic ille est, qui Libro VIII. Epistula XXX. Eulogium Episcopum Alexandrinum monebat, ne Decreta Papæ ipse diceret Jussa Papæ: Jubere enim proprium verbum esse dominantium: Papam vero non esse Dominum Episcoporum, sed Fratrem. Mihi loquitur vestra Beatitudo dicens: Sicut jussistis. Quod verbum jussionis peto a meo auditu remove, quia scio qui sum, qui estis. Loco enim mihi fratres estis, moribus patres. NON ERGO JUSSI, sed quæ utilia visa sunt, indicare curavi. Ut palam vobis fiat, Excellentissimi Antistites, hanc loquendi rationem non tam a Gregorii modestia, quam ab illius sapientia esse profectam: auscultate, quæso, quid tam multis post sæculis Eugenio Pa-

*Gregor.
Toni. II.
p. 919.*

pæ Tertio scripserit Sanctus Bernardus Claravallensis: Quid tibi dimisit Sanctus Apostolus? numquid dominationem? Sed audi ipsum. Non dominantes, ait, in Clero, sed forma facti gregis. Et ne dictum sola humilitate putes, non etiam veritate: vox Domini est in Evangelio: Reges gentium dominantur eorum: vos autem non sic. PLANUM EST: APOSTOLIS INTERDICITUR DOMINATUS. Et alio in loco: Scias Romanam Ecclesiam aliarum Matrem esse, non Dominam: ET TE NON EPISCOPORUM DOMINUM, SED UNUM EX IPSIS.

Idem S. Gregorius in eadem epistula Eulogium reprehendit propterea, quod ad Romanum Pontificem scribens, titulo eum Universalis Episcopi decorarit. Reprehensionis vero causam ille adducit, quod titulus ille Universalis Episcopi vix ex se arrogans esset, vix sine offensione injuriaque aliorum Episcoporum non posset usurpari: cum e contrario totus Papæ honor deberet esse honor Episcoporum. In præfatione Epistolæ, quam ad me ipsum direxistis, superbæ appellationis verbum, universalem me Papam dicentes, imprimere curastis. Quod peto dul-
cissi-

cissima mihi sanctitas vestra ultra non faciat: quia vobis subtrahitur, quod alteri plusquam ratio exigit præbetur. Nec honorem esse deputo, in quo fratres meos honorem suum perdere cognosco. MEUS NAMQUE HONOR EST FRATRUM MEORUM SOLIDUS VIGOR. Tunc ego vere honoratus sum, cum singulis quibusque honor debitus non negatur.

Illud ratio postulat, Excellentissimi Antistites, ut tantisper considerationem vestram defigatis in eo, quod vel ipsum titulum Universalis Episcopi arbitrabatur magnus ille Pontifex Romanum Episcopum dedecere, ceterisque Episcopis esse injurium. Quid, quaeso, pronuntiaturus esset Gregorius, si Successores suos vidisset illud sibi arrogare, ut non titulo solum, sed re etiam sint Universales? Quid, si vidisset in eo illos Pontificatus honorem penitus collocare, ut soli ipsi videantur Episcopi? Profecto qui ita loquebatur, qui ita scribebat, ideam de Primatu S. Petri efformabat multum ab ea discrepantem, quæ bodie apud Curiam dominatur. Profecto in ea erat sententia, ut arbitraretur, non propterea everti Primatum Papæ, si Episcoporum auctorita-

*ti primævus suus vigor constaret: quini-
mo reservare sibi Romanum Pontificem
id, quod institutione Christi toti Episco-
patui commune est; nihil aliud esse, quam
fomentum impendere vanitati, causasque
dissidendi serere. Si universalem me Pa-
pam vestra sanctitas dicit (concludit
modestissimus Gregorius) negat se hoc
esse, quod me fatetur universum. Sed
absit hoc. Recedant verba quæ vani-
tatem inflant, & caritatem vulnerant.*

*In Epistula XII. Libri IX. quæ ad Jo-
annem Episcopum Syracusanum in Sici-
lia est data, adfirmat idem S. Gregorius
Magnus, Primatum Papæ minime in eo
esse, ut ipse Provincias omnes adigat ob-
servare ritus & consuetudines Romanæ
Ecclesiæ: imo e contrario stultum esse, si
propterea quod ipse sit Episcoporum Pri-
mas, arbitretur Papa, omnes se Romani
Pontificis discipulos profiteri debere, i-
psam vero nullius: De Constantinopoli-
tana Ecclesia quod dicunt, quis dubi-
tet eam Sedi Apostolicæ esse subiectam?
Tamen si quid boni vel ipsa vel altera
Ecclesia habet, ego & minores meos,
quos ab illicitis prohibeo, in bono imi-
tari paratus sum. STULTUS EST ENIM,*

*Ibid. p.
941.*

QUI

QUI IN EO SE PRIMUM EXISTIMAT, UT BONA QUÆ VIDERIT, DISCERE CONTEMNAT. *Ex hac certe Epistula S. Gregorii colligimus, non idem esse oblectari Episcopum quemlibet pro conservandis tuendisque moribus & ritibus suæ Ecclesiæ, ac Romano Primatui adversari. Non omnes Ecclesiæ consuetudines ex Romana petendas esse, docet hæc Epistula. Ita argumentando conclusit Petrus Gunssavillæus, novitius ille celebrisque harum Epistularum editor.*

Quandoquidem in eo versamur argumento, quo nihil est gravius; nihil majoris momenti: operæ pretium est paullo adhuc adcuratius rimari, quisnam ea de re sensus fuerit aliorum Sanctorum Patrum. Ac S. Cypriani quidem Archiepiscopi Carthaginensis, qui tum propter ætatem Apostolicis ipsis adeo vicinam temporibus, tum propter insignem diligentiam qua in describendis prærogativis Primatus Episcopatusque usus est, facile inter Patres familiam ducit: S. Cypriani, inquam, jam in corpore hujus Operis multa eaque gravissima testimonia exposui, quæ ibi legi possunt non longe a principio. Hæc ergo unum illud in medium

adferam, ubi Cyprianus quam adcuratissime ostendit, essentiam Primatus non in eo esse, ut Papa in Ecclesia unicus sit Legislator, vel Supremus Arbiter Episcoporum: neque item in eo, ut Papæ Episcopi cæcam quandam obedientiam exhibeant, quæ nihil judicat, nihil examinat. Est autem ex Epistula LXXI. ad Quintum Mauritanicæ Episcopum data,

Cyprian.
p. 304. *ubi ita ait: Non est de consuetudine præscribendum, sed ratione vincendum. Nam nec Petrus quem primum Dominus elegit, & super quem ædificavit Ecclesiam suam, cum secum Paulus de circumcissione postmodum disceptaret, vindicavit sibi aliquid insolenter, aut arroganter præsumpsit: ut diceret se primatum tenere, & obtemperari a novellis & posteris sibi potius oportere. Nec despexit Paulum quod Ecclesiæ prius persecutor fuisset, sed consilium veritatis admisit, & rationi legitimæ quam Paulus vindicabat, facile consensit: documentum scilicet nobis & concordiæ & patientiæ tribuens, ut non pertinaciter nostra amemus, sed quæ aliquando a Fratribus & Collegis nostris utiliter & salubriter sug-*
ge-

geruntur , si sint vera & legitima ,
ipsa potius nostra ducamus .

Ex modestia qua Petrus se a Paulo reprehendi passus fuit , ejusque doctrinæ de abrogatione Mosaicæ Legis acquievit , non reputans Primatus injuriam , se ab inferiori carpi edocerique : colligit magnus Cyprianus , non debere Successores Petri ita despotice imperare , ut Reges , quibus est proratione voluntas : nec debere Episcopos reverentiam Judiciorum Romanorum ita capi , ut arbitrentur , nunquam sibi licitum esse reclamare ac repugnare . Ecclesiæ enim regimen non esse regimen absolutæ Monarchiæ , non dominationis , non imperii ; sed regimen modestiæ , ministerii , humilitatis . Regimen , ubi non unus est , qui præcipere solus possit , neque item unus , qui solus possit definire : sed regimen , in quo semper explorandum est , num Collegæ suffragentur ;
U in quo nunquam non dispiciendum est , quid judicent socii . Id Christus disertissime docuit universos Apostolos suos , quemadmodum ex S. Bernardi ore paullo ante audivimus . Reges gentium dominantur eorum : VOS AUTEM NON SIC . Sed qui major est in vobis , fiat sicut minor : & qui

qui præcessor est, sicut ministrator. *S. Bernardus ad Eugenium III.* Planum est: Apostolis interdicatur dominatus. I ergo tu, & tibi usurpare aude aut dominans Apostolatam, aut Apostolicus dominatum. Plane ab alterutro prohiberis. SI UTRUMQUE SIMUL HABERE VOLES, PERDES UTRUMQUE.

S. Cyprianum Archiepiscopum Carthaginensem excipiat S. Augustinus Hipponensis Episcopus. Eritne in Romana Curia Theologus quispiam, cujus de Primatu S. Petri veriora ac solidiora sensa sint, quam Augustini fuisse? Nullum credo ita arrogantem fore, ut se comparare ausit cum Doctore adeo illustri, adeo sancto. Atqui ipse Augustinus, V. cum Augustino Episcopi Africani supra ducentos quindecim, congregati omnes in Concilio Carthaginensi V. anno Christi CCCCXIX. diserte protestati sunt, idque coram Legatis Papæ Zozimi: una Concilii Generalis, a tota Ecclesia celebrati, quale Nicænum fuerat, auctoritate cogi se Collegasque suos posse ad immutandam Disciplinam circa Appellationes, contra ac moribus Africæ ad illa usque tempora receptum erat. Augustinus E-
pi-

piscopus Ecclesiæ Hipponensis dixit :

ET HOC NOS SERVATUROS PROFITEMUR, Collectio
Justelli
Tom. I.
p. 143.
SALVA DILIGENTIORE INQUISITIONE
CONCILII NICÆNI. *Paucis vero ante an-*

*nis , Epistolam XLIII. ad Glorium &
Eleusium scripserat idemmet Augusti-
nus ; ubi de famosa causa Cæciliani Ar-
chiepiscopi Carthaginensis verba faciens,
eam doctrinam tamquam penitus explo-
ratam tradit ; etiam post sententiam in
Romana Synodo a Melchiade Papa la-
tam , potuisse Donatistas ad Generale Con-
cilium provocare , ubi demum exami-
naretur profligareturque ipsa Cæciliani
causa : Ecce putemus illos Episcopos ,
QUI ROMÆ JUDICARUNT ; non bonos ju-
dices fuisse : RESTABAT ADHUC PLENA-
RIUM ECCLESIE UNIVERSÆ CONCILIUM,
ut si male judicasse convicti essent , eo-
rum sententiæ solverentur .*

August.
To. I. p.
II. p. 97.

*Quid ex his duobus locis magni Augu-
stini consequens esse debeat , vestræ ego
considerationi vestroque judicio relinquo,
Excellentissimi Antistites (a) . Tempus
enim*

(a) De utroque loco Augustini arguimus infra in
Principio V. num. XIV. & num. XVII. Ac posteriori
illo quidem ex Epistula ad Glorium & Eleusium de-
sumpto , ad demonstrandam auctoritatem Concilii ge-
ne-

ne-

enim jam est contrahendi vela orationis: ut qui hactenus demonstravi, in quo non consistat Primatus: deinceps id, in quo ille positive consistat, designare pergam. Arduum sane negotium! transitus periculi V alex plenus! Arduum quidem solus inficiabitur, qui nesciat, quam parum, vel quam minime in Scholis argumentum hoc discuti soleat. Periculosum item solus negabit, qui animum non adverterit, quid quinto jam sæculo pronuntiarit non nemo subacti judicii: Aures Romanorum quadam teneritudine plus trahuntur.

Vita S.
Hilar. A-
relat. scri-
pta a S.
Honorato
eius di-
scipul. c.
XVII. p.
570. edit.
Quæfnel.

Ego tamen illis ductus luminibus, quæ de hoc argumento nobis reliquit ille Cyprianus, ille Augustinus, ille Gregorius: ajo essentiam Primatus illam esse, quam tri-

neralis supra Papam, usi sunt diversis temporibus Theologi quinque doctissimi celebratissimi que: nempe anno MCCCCLXXXI. Henricus de Hassia in suo Concilio Pacis. Cap. XIII. anno MCCCCXXXIII. Nicolaus de Cusa Libro II. de Concordantia Catholica Cap. XVII. anno MCGCCXI. Thomas Corcellæus in Oratione habita apud Bituricensem Conventum, quam describit Pithæus in Probationibus Libertatum Ecclesiæ Gallicanæ Cap. XII. num. 4. anno MDXII. Jacobus Almainus in Libello de Auctoritate Ecclesiæ & Conciliorum Cap. VII. & Joannes Major in Disputatione de Auctoritate Concilii supra Pontificem Maximum: quam utramque lucubrationem post Richerium publicavit Dupinus ad calcem Tomi I. Operum Germanianorum, pag. 990. & 1133.

tribus vocibus descripsit Claravallensis Abbas in eodemmet loco, quem paullo ante laudavi. Quid tibi (inquit Eugenio Papæ Bernardus) dimisit Petrus Apostolus? Non tibi ille dare, quod non habuit potuit. Quod habuit, hoc dedit, SOLLICITUDINEM SUPER ECCLESIAS. Hi limites sunt, quibus Primatum Papæ concludit Bernardus: ut ipse Inspector quidam sit quidamque Superintendens Generalis omnium Episcoporum, omnium Christianorum, omnium Ecclesiarum. Sed ubinam, quæso, hanc Inspectionem atque Superintendentiam Generalem Papæ collocat mellifluus Doctor? An in eo collocat, ut Papa Supremus quidam sit Arbitrarius Regum & Principum Sæcularium, ut certis in casibus alios de throno dejiciat, alios in throno ponat? Nequaquam. Imo vero docet, quod si Successor Petri velit esse Judex Statuum ac Dominiorum Sæcularium, eam usurpationem esse jurium alienorum, esse rationem agendi ab Apostolorum spiritu & praxi omnino alienam, esse abusum clavium Ecclesiasticarum, quæ circa solas conscientias versari debent, non vero circa possessiones. Non monstrabunt, puto, ubi aliquando quispiam

Lib. I. c.
6. p. 417.
& 418.

piam Apostolorum iudex federit hominum, aut divisor terminorum, aut distributor terrarum. Ergo in criminibus, non in possessionibus potestas vestra. Habent hæc infirma & terrena Iudices suos, Reges & Principes terræ. Quid fines alienos invaditis? Quid falcem vestram in alienam messem extenditis?

An in eo collocat, ut Curiam Tribunalibus plenam habeat, quo ex universo Orbe se conferant Partes innumeræ, aliæ pro Beneficiis impetrandis, aliæ pro petendis Dispensationibus? minime gentium. Imo vero ait, occupationem esse quæ Apostolorum dedeceat Successorem, tot excipiendis contentionibus esse intentum, talemque Petri habere Curiam, qua-

*Lib. I. c.
4 p. 416.*

le Romanorum Prætorium esset. Quid servilius indigniusve præsertim Summo Pontifici, quam non dico omni die, sed pene omni hora, insudare talibus rebus & pro talibus? Et quidem quotidie perstreperunt in Palatio leges, sed Justiniani, non Domini. Justene etiam illud? Tu videris. Fallor si non movet tibi scrupulum perversitas hæc.

An in eo collocat, ut sola Dignitas Pon-

Pontificia Deum Auctorem babeat! an ut solus Papa sit, qui jurisdictionem bauriat a Deo, minime vero Episcopi? Eum sane errorem vocat Bernardus, & quidem cum Scripturis pugnantem. Erras, si ut summam, ita & solam institutam a Deo vestram Apostolicam potestatem existimas. Si hoc sentis, dissentis ab eo qui dicit: Non est potestas nisi a Deo. Non ergo tua sola potestas a Domino: sunt & mediocres, sunt & inferiores.

An in eo collocat, ut Papæ jus sit Episcopos spoliandi juribus & libertatibus suis? an ut immodicas exemptiones elargiatur? an ut sibi vel levissima quæque reservet? an ut Ecclesiasticæ Hierarchiæ pervertat ordinem? Imo vero e contrario docet, adstringi Papam ad conservandum singulis id, quod proprium est Dignitatis suæ; nisi id ipse, quod suum non est, usurpare injusteque retinere velit. Honorum ac Dignitatum gradus & ordines quibusque suos servare positi estis, non invidere, ut quidam vestrorum ait: Cui honorem, honorem. Tunc tibi licitum censeas suis Ecclesias mutilare membris, confundere ordinem, perturbare terminos quos posuerunt patres tui? Si iustitia est jus cui-

Lib. III.
c. 4. p.
439.

Lib. III.
c. 4. p.
438.

cuique servare suum, auferre cuiquam sua justo quomodo poterit convenire? *Docet plenitudine potestatis abuti Papam, cum a jurisdictione Episcoporum Abbates, a jurisdictione Metropolitanorum Episcopos, a jurisdictione Patriarcharum Metropolitanos eximit.* Murmur loquor & querimoniam Ecclesiarum. Subtrahuntur Abbates Episcopis, Episcopi Archiepiscopis, Archiepiscopi Patriarchis sive Primatibus. Bonane species hæc? Mirum si excusari queat vel opus. Sic facitendo probatis vos habere plenitudinem potestatis: sed justitiæ forte non ita. Facitis hoc quia potestis: sed utrum & debeatis, quæstio est. *Docet rem esse Summo Pontifice indignam, quod is, qui plenissima supremaque gaudeat potestate, minime ea contentus sit, nisi sibi ab Episcopis auferat vel ipsas minutissimas jurisdictiones.* Quid tam indignum tibi, quam ut totum tenens non sis contentus toto, nisi MINUTIAS QUASDAM ET EXIGUAS PORTIONES tibi creditæ universitatis satagas facere tuas? *Docet monstruosum fieri corpus Ecclesiæ, dum Papa ordinem illum pervertit, illamque perturbat harmoniam, quam ex in-*

institutione Christi servare inter se debent membra ipsius. Monstrum facis, si in Christi corpore membra aliter locas, quam disposuit ipse. Novissime docet, neque Romanam Ecclesiam aliarum Ecclesiarum esse Dominam, neque Papam Dominum esse Episcoporum. Consideres ante omnia Sanctam Romanam Ecclesiam, cui Deo auctore præsides, Ecclesiarum Matrem esse non Dominam: te vero non Dominum Episcoporum, sed unum ex ipsis.

Liv. IV.

c. 7. p.

450.

Planum ergo est, supremam illam Inspectionem ac Superintendentiam, in qua S. Bernardus essentiam Primatus collocat, nihil aliud esse, quam inter Antistites omnes sic Romanum Pontificem eminere, ut caput, primumque Præsidentem Episcoporum: ad quem proinde ex Primatus officio spectet toti Ecclesiae invigilare eo fine, ut munia ac ministeria gradus sui perfecte obeat unusquisque: hoc est, ut Ecclesiae corpus illam dispositionem harmoniamque conservet, qua ipsam donarunt Christus & Apostoli: ut cuilibet gradui sua jura custodiantur illesa; ut liberum sit cuilibet membro functiones Hierarchiae suae proprias exercere.

Confirmatur egregie hæc Primatus notio, ubi animum adverterimus, quo illum sine instituerit Christus. Consentiunt universi Patres, finem alium non fuisse, quam ut vitæ divisionibus unitas servaretur. Sanctus Cyprianus in Libro de unitate Ecclesiæ: Quamvis Apostolis omnibus parem potestatem tribuat, tamen ut unitatem manifestaret, unitatis ejusdem originem ab uno incipientem sua auctoritate disposuit. Hoc erant utique & ceteri Apostoli, quod fuit Petrus, pari consortio præditi honoris & potestatis: sed exordium ab unitate proficiscitur, ut Ecclesia una monstretur. Sanctus Hieronymus in Libro I. contra Jovinianum: Propterea unus eligitur, ut capite constituto schismatis tollatur occasio. Sanctus Augustinus in Tractatu LXVIII. in Joannem: Ideo unus pro omnibus, quia unitas est in omnibus. Ex hoc autem Primatus sine plane agnoscitur, quæ sit ejus essentia. Quoniam si Christus Dominus noster hujusmodi Primatem seu Caput visibile ideo instituit, ut a mystico Ecclesiæ corpore schismata arcerentur, atque inter membra singula concordia servaretur: planum est, officium
Pri-

*Cyprian.
P. 77.*

*Hieron.
Tom. IV.
P. II. p.
168.*

*August.
Tom. III.
p. 801.*

Primatis sive Capitis hujus non esse sibi proprias facere operationes ceterorum membrorum; sed tantum sic in illa influere, ut unumquodque suo se contineat loco, unumquodque functiones exerceat muneri sui: omnibus autem pro norma sit jus divinum & Canonicum.

Confirmatur præterea hæc Primatus notio ex eo, quod cum in exequendis Canonibus, tum in conservandis singulorum juribus, virtutem & amplitudinem characteris sui maxime elucere significabant antiqui Pontifices: in eo supremam potestatem atque majestatem Primatus sui collocabant. Sanctus Gelasius in Epistula ad Episcopos Dardaniæ: Uniuscujusque Synodi constitutum, quod universalis Ecclesiæ probavit adensus, non aliquam magis exequi Sedem præ ceteris oportet, quam primam. Sanctus Gregorius Magnus in Libro X. Epistula LII. Absit hoc a me, ut statuta majorum Consacerdotibus meis in qualibet Ecclesia infringam. QUIA MIHI INJURIAM FACIO, SI FRATRUM MEORUM JURA PERTURBO. S. Leo IV. apud Gratianum: Ideo permit-

*Concil.
Tom. V.
p. 328.*

*Gregor.
Tom. II.
p. 618.*

*Caus. xxv.
Quest. I.
cap. 16.*

tente Domino Pastores hominum sumus effecti, ut quod Patres nostri in Sanctis

Canonibus affixere, excedere minime debeamus. *Ubi hos limites transgressus fuerit Romanus Pontifex, nonnisi schismata, dissensiones, ac discordiæ in Dei Ecclesia erunt.*

Probe id agnovit Benedictus Papa IX. cum ad quendam Gallia Episcopum scribens ita agebat: Profiteor omnibus
Concil. Tom. XI. p. 1133. Confacerdotibus meis, ubique terrarum

Adjutorem me & consolatorem potius esse, quam contradicentem. ABSIT ENIM SCHISMA A ME, ET A COEPISCOPIS MEIS. *Rationem multo ante indicavit Sanctus Pontifex Xystus III. in Epistula*
Collect. Cutaatii p. 1272. X. ad Episcopos Illyricos. Ut omne corpus capite regitur, ita ipsum caput nisi suo corpore sustentetur, firmitatem &

vigorem suum perdit. *Indicavit V. Joannes Papa VIII. in Epistula ad Imperatores: Totius familiæ Domini status & ordo nutabit, si quod requiritur in corpore, non sit in capite: & inde fiet, ut omnis Ecclesiastica disciplina resolvatur, omnis ordo turbetur.*
Concil. Tom. XI. p. 330.

Hinc etiam est, quod antiqui Pontifices in die consecrationis suæ publico se jurejurando obstringebant, ne transversum quidem unguem ab observatione receptorum

rum

rum Canonum se recessuros. Ac similiter in die consecrationis suæ jurabant, jurantque adhuc Episcopi bodie obedientiam Papæ præstandam; sed obedientiam secundum Canones, obedientiam servato ordine suo. Duo hi axes sunt totius Disciplinæ: ut Papa Canonibus regatur in præcipiendo, utque Episcopi Canonibus regantur in obtemperando. Quare Eugenius Papa IV. in eademmet Bulla, Lætentur cæli, in qua definivit apud Florentinum Concilium, Romanum Pontificem Caput esse totius Ecclesiæ, Vicarium Christi, Patrem, Doctorem, Pastoremque omnium Christianorum: id e vestigio subjunxit: Salvis Privilegiis Patriarcharum & juribus eorum. Ne quis vero sibi persuadeat, Privilegiorum nomine intelligendas hic esse meras gratias Papæ: observandum est, Primatum ipsum Sancti Petri a Beato Leone dictum esse Privilegium Petri: ipsaque Episcoporum jura Privilegia Ecclesiarum vocata a Concilio Nicæno fuisse Canone IV. Atque hæc jura illa sunt, quæ Synodus Ephesina Actione VII. Libertates dixit a Christo Servatore nostro Ecclesiæ concessas.

Est ergo Romanus Pontifex Princeps

Ū Caput totius Ecclesiæ: sed Ū Episcopi
Principes sunt Ū Capita Parœciarum
suarum. Ejus in controversiis de Fide Ū
Disciplina præcipuum quidem judicium
est, sed non solum: suum enim est Ū Epi-
scopis judicium, atque illud quidem decre-
torium, non tantum in Synodum coeunti-
bus, verum etiam toto orbe dispersis (a).

Legatur
Concil.
Florent.
ses. VIII.
pag. 147.
Cusa Lib.
II. c. 9. 10.
II. Mar-
ca Lib. II.
c. 16. n. 8.
Dupinus
de la Po-
test. Ec-
clesiast.
pag. 544.
Gallice.

Potest quidem leges ferre Ū promulgare
pro tota Ecclesiâ: sed Ū Episcopi suas
ferre Ū promulgare possunt pro suis Parœ-
ciis. Potest quidem abrogare Ū rescinde-
re, quidquid Legum Ū Constitutionum
Episcopaliū Canonibus generatim rece-
ptis adversum Ū contrarium inveniatur:
sed Ū ipsis Episcopis jus est atque auctori-
tas ad examinandum Ū librandum, num
latæ a Pontifice leges ac constitutiones pu-
gnent cum Canonibus Generalium Conci-
liorum, vel cum moribus, juribus, ac li-
bertatibus in singulis Provinciis usu legi-
timo invalescentibus. Pro certo habet Ro-
manus Pontifex, sibi aliquod Fidei caput
rite

(a) S. Bernardus in Epistula CLXXXIX. ad Inno-
centium Papam II. Episcoporum ministeriū est de dog-
matibus judicare. Hinc decantatum illud Gallicanæ
Ecclesiæ Axioma: Episcopos judicare de Fide ante Pa-
pam, cum Papa, & post Papam.

rite definienti Spiritum Sanctum adesse, ne erret. Sed eundem adflatum proportionem quadam ab Spiritu Sancto sperare debent Episcopi, dummodo in regendis ovibus suis bonorum Pastorum partes omnes strenue exequantur. Veritas enim est Evangelica: Ubi duo vel tres congregati fuerint in nomine meo, illic sum ego in medio eorum (a). Hanc Dei præsentiam certo sibi pollicebantur Episcopi Africani in ea Epistula, quam de Appellationibus scripsere ad Cælestinum Papam. Hanc omnibus Ecclesiis communem ponebant Patres Octavi Concilii Generalis, cum Actione VI. ita pronuntiabant: Spiritus Sanctus qui locutus est in Sancta Romana Ecclesia, credimus quod & in nostris Ecclesiis locutus extiterit. Meminerant enim illud: (quod in hunc solum observat Illustrissimus Bossuetus) Visum est Spiritui

Concil.
To. X. p.
556. Bos-
suetus in
Corollar.
Def. Cle-
ri Gallic.
§. 7. To.
II. p. 308.

C 4

San-

(a) S. Cælestinus, I. in Epistula ad Synodum Ephesinam: Spiritus Sancti præsentiam testatur congregatio Sacerdotum. S. Martinus Archiepiscopus Bracarensis, Præses Concilii Bracarensis II. Inspiratione hoc Dei credimus provenisse, Sanctissimi Fratres, ut conveniremus in unum, ut non solum de visione alterutra gratulemur, sed etiam ea, quæ ad ordinationem & disciplinam Ecclesiasticam pertinent, pariter conlaquamur. Scriptum est enim in Evangeliiis, dicente Domino: Ubi cumque fuerint duo vel tres congregati in nomine meo, ibi ero in medio eorum.

Sancto. & nobis. *Ad extremum est sane Romana Ecclesia Ecclesia Principalis, quemadmodum eam vocant Sanctus Irenæus, & Sanctus Cyprianus (a): sed non sola est Christi Ecclesia. Sunt & Christi ceteræ aliæ Ecclesiæ: omnesque simul cum Romanâ unam illam Ecclesiam constituunt Sanctam, Catholicam, & Apostolicam, quam in Symbolo profiteamur (b).*

Concil.
T. XVIII.
P. 155.

Audiamus in Concilio Florentino Sessione IX. magnum illum Bessarionem Archiepiscopum Nicænum, postea vero Romanum Cardinalem. Scimus quidem quæ sint jura & Prærogativæ Romanæ Ecclesiæ: nihilominus scimus etiam, Prærogativæ ejus quos terminos habeant. QUONIAM QUANTACUMQUE FACULTATE POLLEAT ROMANA ECCLESIA, MINUS TAMEN SYNODO ŒCUMENICA ET UNIVERSALI ECCLESIA. Quorsum igitur illud est, quod nos docent, Romanum Pontificem unicum esse Judicem cum desinien-
do-

(a) S. Irenæus Libro III. capite III. (de quo loco erudite disserit Marca Libro I. de Concordia, Cap. II. nu. 6.) S. Cyprianus Epistula LV. ad Cornelium: (de quo legendus Baluzius in Notis pag. 459.).

(b) S. Augustinus in Psalmum XLIV. num. 23. Tomo IV. pag. 394. *Eccæ Roma, ecce Carthago, ecce Antiochia & aliæ Civitates filie Regum sunt, & ex his omnibus fit una quedam Regina.*

dorum Dogmatum, tum administrandæ Disciplinæ? Quorsum est illud, quod nobis persuadere volunt, nullum aliud in Ecclesia Dei nomen, nullamque etiam potestatem esse, quam solius Papæ? (id quod in uno ex Dictatibus S. Gregorii VII. legimus).

Quam ab ejusmodi doctrina abhorrebant Galli Episcopi sæculo nono! qui cum audissent, Gregorium Papam IV. ex Italia in Galliam venire ad excommunicandum, quotquot a Ludovico Pio Imperatore essent contra duos ejus filios perduelles: intrepide illud respondisse memorantur ab Aimoino Monacho Libro V. capite XIV. Nullo modo se velle voluntati ejus succumbere: sed, si excommunicaturus veniret, ipse excommunicatus abiret:

Aimoin.
pag. 289.
Paris.
1603.

CUM ALITER SE HABEAT ANTIQVORVM
AUCTORITAS CANONVM.

Quam ab iisdem adulationibus abhorrebat Robertus ille Episcopus Lincolnienfis! qui cum Innocentius Papa IV. anno MCCLIII. sibi reservare conaretur certas quasdam Præbendas ex Ecclesiis Angliæ, nihil Pontificiis jussis territus, nobilissimam illam & celebratissimam ad eundem Innocentium dedit Epistolam, quam descri-

scribit Matthæus Parisiensis ejusdem ævi Historicus, cujus hæc summa erat: Sedi Apostolicæ eam tantum auctoritatem inesse, quæ justa imperaret, quæque sacris Canonibus non adversaretur: porro Reservationes illas esse injustas & cum sacris Canonibus pugnare: non posse igitur nec debere se Episcopum illas admittere. Pro-

*Matth.
Paris. p.
871. Lon-
dini 1640.*

pter hoc his quæ in prædicta Littera continentur, unice, filialiter, & obedienter non obedio, contradico, rebello. Ut vero intelligatis, Excellentissimi Antistites, semper in Romana Curia extitisse, qui Episcoporum expostulationibus faverent; narrationem suam hoc modo prosequitur idem Scriptor: Cum hæc inter fratres Cardinales recitarentur, vix compescentes impetum Papæ dixerunt ei: Non expediret, Domine, ut aliquid durum contra ipsum Episcopum statueremus: ut enim vera fateamur, VERA SUNT QUÆ DICIT. Non possumus eum condemnare. Catholicus est, imo & sanctissimus, nobis religiosior, nobis & sanctior: ita ut non credatur inter omnes Prælatos majorem, imo nec parem habere. Novit hæc Gallicana & Anglicana Cleri universitas: nostra

sira non prævaleret contraditio (a).

Quam ab iis item placitis abhorrebat Chrittianissimus Doctor Joannes Gerson, cum ita scribebat: Papa non potest pervertere Ordinem Hierarchicum universalis Ecclesiæ. Quin in multis casibus liceret eidem resistere in facie & dicere: Cur ita facis? utpote in exemptionibus manifeste nocivis, & si Prælatos & Ecclesias sibi subditos onerare sumptibus intolerabilibus, & Libertalibus penitus spoliare vellet.

*Apud
L. 401.
Lib. VI.
epist. 14.
To. V. P.
II. p. 325.*

Tercentis & amplius annis Gersone antiquior memorabilem hanc sententiam scripserat Goffridus Vindocinensis: Romanæ Ecclesiæ post Petrum minime licet; quod Petro non licuit. Petro quæ liganda erant ligandi, & quæ solvenda solvendi est a Christo data potestas: non quæ liganda solvendi, vel quæ erant solvenda ligandi est concessa facultas.

*Bibl. PP.
To. XXI.
p. 60.*

Maximo sane dolori est, quod cum Christus Dominus noster suos Apostolos Episcopos

pos

(a) Dux omnium pro Roberto orantium Hispanus Cardinalis fuisse traditur ab eodem Scriptore. Sic enim habet post paullo: *Hec dixerunt Dominus Ægidius Hispanus Cardinalis, & alii, quos propria tangebatur conscientia.*

pos ordinavit sub hac verborum forma: Sicut misit me Pater, & ego mitto vos: ite, docete, prædicate, baptizate: post tredecim demum elapsa sæcula exortus fuerit Petrus de Palude, qui doceret, non aliam jurisdictionem a Christo immediate institutam esse, quam Petri. Et hanc tamen Paludani doctrinam adoptat Cardinalis a Turrecremata! U' hunc tamen Paludani Tractatum egregium vocat Bellarminus (a)!

Non minori scandalo esse debet, quod cum Ecclesia ex doctrina Spiritus Sancti sit Sponsa Christi: Sacramentum hoc magnum est: ego autem dico in Christo & in Ecclesia. Cum eadem Ecclesia, Augustino iudice, sit suprema quædam Regina: cum sit, Tertulliano fatente, Mater & Domina nostra: U' quod majus quiddam est, cum Arbitra illa sit plane suprema, ad cujus Tribunal eos, qui admoniti resipiscere nolint, deferre Petrus jubetur a Christo: Si te non audierit, dic Ec-

*Augustin.
in Psalm.
XLIV. n.
23. Ter-
tul. in Lib.
ad Mar-
tyres.*

(a) Petrus Aurelius in *Octo Causis Sponzæ præambulas* Tomo I. pag. 150. Atque hæc omnia ex brevissimo uno Paludani libello, quem Cardinalis Bellarminus Tractatum egregium non vocasset, si legisset: quod enim non fecisse, ex aliis ejus locis satis deprehenditur.

Ecclesiæ (a). *Extremis hisce temporibus adveniat Cajetanus Cardinalis, qui illud probandum suscipiat, Ecclesiam respectu Papæ servam quandam esse, & natura quidem servam. Ecclesia serva nata Romani Principis. Et hi tamen libri sunt, qui Romæ in pretio habentur: hi sunt, qui in Indicem damnatorum non referuntur: hi sunt, qui constituunt Bibliothecam Pontificiam Illustrissimi Rocabertii, quam ego adpellari potius vellem Armamentarium opinionum Curiae.*

Cajetan.
To. XIX.
Bibl. Pō-
tif. p. 494.
conferatur
Lamius
Lib. IV.
Ep. J. &
Baluzius
in Notis
ad S. Cy-
prianum
p. 549.

Christus Dominus noster diserte per Sanctum Lucam nos docet, Ecclesiæ suæ regimen longe diversum esse debere a regimine Monarchiarum & Rerum publicarum mundanarum. Reges gentium dominantur eorum: VOS AUTEM NON SIC. Apud Sanctos Patres nihil est hac doctrina frequentius. Nihilominus quam pauci hodie sunt apud Curiam & extra Curiam, qui sibi non statuant, Papam respectu cujuslibet Clerici sic se habere, quem-

Legatur
N. Luca
Lib. II.
c. 16. n. 6.

(a) Sanctus Augustinus Libro VII. de Baptismo cap. II. de Ecclesia loquens Tomo IX. pag. 200. *Quæ Domus etiam accepit claves & potestatem solvendi & ligandi. Hanc domum si quis corrigentem corripientemque contempserit, sit tibi tamquam ethnicus & publicanus.*

quemadmodum respectu suorum subditorum sæcularium se habet Princeps quispian sæcularis ! ipsum respectu Episcoporum talem esse , qualis Rex quilibet respectu suorum Magistratum ! Sicut Rex potest coarctare & restringere pro libitu jurisdictionem Senatorum , ita penes Papam jus esse ad coarctandam & restringendam arbitratu suo jurisdictionem Episcoporum ! sicut Rex , quod ad temporale regimen spectat , superiorem in terris alium non agnoscit quam Deum ; ita Papam , quod spectat ad Ecclesiæ regimen , adeo supremum esse , adeo absolutum , adeo nulli subiectum ; ut (quemadmodum docet Glossa capitis Quanto personam , de Translatione Episcopi) nemo ei dicere possit , Cur ita facis ? Quam Glossam magnus Gerson alibi vocat priscæ adulationis virus letiferum : alibi monstruosum horrendumque offendiculum positum in itinere mandatorum Dei . Hinc proculdubio profectum est , ut Gersonis ipsius ætate perinde se habere viderentur Episcopi , ac simulacra depicta : vel ut in Concilio Tridentino conquerebantur Hispani , ad nihilum redacta esset Episcopalis auctoritas .

Quis

Gerson
Tom. II.
pag. 247.
& 275.

Quis igitur tantam incogitando corruptionem non lamentetur? quis tantam Episcopalis Ordinis non doleat imminutionem? tam multam Ecclesiasticæ Hierarchiæ jacturam? tam multos sensus Antiquitati contrarios? Nempe solus is, qui fuerit in ipsa Antiquitate plene hospes: solus is, qui nihil fuerit in Sanctorum Patrum lectione versatus.

Ego sane candide profiteor apud vos, Excellentissimi Antistites: hanc Episcopalis Jurisdictionis labem, tum qua Episcopis dedecori est, tum qua subditis damnosa; unam mihi causam fuisse, cur ad exarandum hunc Librum, quem vobis dedico, calamum adripuerim. Qui licet de impedimentis Matrimonii speciatim agat, illius tamen Principia ejusmodi sunt, ut ex iis pariter intelligi possit, quantum ad alia etiam Disciplinæ capita se extendere valeat, auctoritas Episcoporum. Tentaminis titulo illum donavi, non quod de doctrinis dubitem, quas ego Censoresque mei pro indubitatis habemus: sed quod nostrorum hominum præjudicatis opinionibus consulendum duxerim, quibus ita vigentibus, certus victoriæ esse nemo potest.

In

In hoc igitur Libro visuri estis, Excellentissimi Antistites, me ea quæ doceo, non captiosis speculationibus, non vanis declamationibus fulcire. Scripturæ, Patres, Concilia, Historia, Theologi majorum gentium, fundamenta illa sunt, quibus superstruuntur doctrinæ meæ omnes. Aculeatis censuris, dictariis ad rem nibil facientibus, semper abstinui: mihi enim unum illud propositum est, certare ratione, veritate vincere. Si vobis se, Excellentissimi Antistites, doctrinæ istæ probaverint: maxima ea Libri commendatio erit. Sin minus, ipsa me consolabitur conscientia rectæ intentionis, qua Ū scripsi Ū prælo submisi. Fieri autem poterit, ut quæ modo abjiciuntur, ea amplexura posteritas sit, non sapientior illa quidem, sed a partium studiis liberior. Mibi tamen ego persuadere non possum, Excellentissimi Antistites, fore ut a vobis improbetur is Liber, cujus honor alius non est quam Episcoporum, Ū cujus doctrina damnari non potest sine injuria Episcopatus. Et maxime id quidem, cum vos latere non possit, Canone XIV. Octavi Concilii Generalis, indicta suspensionis pœna juberi Episcopos ea auctoritate se gerere erga
Sæ-

Sæculares Proceres, ut ab illis etiam in politicis honorari se & observari curent: æque item ad Religionis, atque ad Statum gloriam pertinere, quod integra sua jura Episcopis conserventur. Quoniam ut jam scripsit Beatus Franciscus Salesius Episcopus Gebennensis: Id erit Deo gloriosum maxime, ut Episcopalis Ordo pro eo, quomodo institutus est ac valeat, agnoscat. Atque ante annos non-gentos monuit Carolus Magnus Imperator, ab eo quod Episcopis sua jura illibata constent, Regnorum auctoritatem & securitatem pendere. Præcipimus atque jubemus, ne forte, quod absit, aliquis circa Episcopos leviter aut graviter agat: QUOD AD PERICULUM TOTIUS IMPERII NOSTRI ATTINET. Et ut omnes cognoscant nomen, potestatem, vigorem, & dignitatem Sacerdotalem. Olisipone, XIV. Julii, anno MDCCLXVI.

*Libr. I.
epist. 30.*

*Libr. V.
Capitu-
larium,
cap. 314.
pag. 888.
edit. Bas-
luz.*

Excellentiarum Vestrarum

*Humillimus ac Reverendiss. Servus
Antonius Pereria.*

d



P R O Æ M I U M.

I. **A**Nno MDCCLX. mense Augusto ineuriente, Decreto suo cavit ac sub gravissimis pœnis edixit Rex Fidelissimus, nequis Lusitanorum cum Romana Curia ullum haberet commercium, sive sacrarum, sive civilium rerum causa. Scilicet ea Regum & Principum Catholicorum consuetudo est, (salvis quidem tum religione tum Pontificis dignitate) cum majestatem & auctoritatem suam vindicare volunt ab injuriis Romanorum. Ut antiquiora alia prætermittamus exempla, ita apud Gallos fecit in Xistum IV. anno MCDLXXVIII. Ludovicus XI., in Julium II. anno MDX. Ludovicus XII., in Julium III. anno MDLI. Henricus II., in Clementem VIII. anno MDXCII. Henricus IV. Ita apud Hispanos in Clementem VII. anno MDXXVI. Imperator Carolus V., item in Paulum IV. anno MDLVI. ejus filius Philippus II., tum in Clementem XI. anno MDCCIX. Philippus V. Apud Lusitanos similiter in Benedictum XIII. an. MDCCXXVIII. Dominus Rex Joannes V., cujus exemplum produxit & sequi se protestatus est Augustissimus Rex noster ejus Filius, quem Deus conservet.

Est in hoc genere in primis memorandum & singulare illud vindictæ exemplum, quod anno MDLXIII. in Pium IV. edidisse traditur Christianissimus Rex Carolus IX. tum cum illius Pontificis jussu potior locus Hispano Orationi apud Tridentinam Synodum est datus. In mandatis dedit Legato suo Carolus, ut post expositam & exaggeratam forti & aculeata oratione injuriam, qua Regem Filium Ecclesiæ natu maximum adfecisset Pontifex; sermonem his verbis, clauderet, tanto sane amarioribus, quanto exquisitioribus: *Sedem Apostolicam; San-*
d 2 ctos

Goldast. *Etos Pontifices, Sanctam Ecclesiam, pro cujus di-*
 Tom. IV. *gnitate augenda majores nostri sanguinem fude-*
 Constit. *runt, veneramur, reveremur, suspicimus. Pii qu-*
 Imper. *tem IV. imperium detractamus: quaecumque sint*
 P. 573. *ejus judicia & sententiae, rejicimus, respuimus,*
& contemnimus.

II. Causam vero, quamobrem pro justis
 atque honestis haberi debeant ejusmodi vindi-
 ctæ, ante annos quadringentos quinquaginta
 scriptam reliquit laudatissimus ille Dominica-
 nus Joannes de Parisiis, cum in Libello de
 Potestate Regia & Papali cap. 20. ita differit:
 Paris. p. 128. ex *Est licitum Principi abusum gladii spiritualis re-*
 edit. R. *pellere eo modo quo potest, etiam per gladium ma-*
 aberii. *teriale: præcipue ubi abusus gladii spiritualis*
vergit in malum Reipublicæ, cujus cura Regi in-
cumbit: aliter enim sine causa gladium portaret.
 Anno post centesimo vigesimo eandem doctri-
 nam tradidit magnus ille piusque Gerson in
 suis Regulis Moralibus, Tit. de Præceptis Deca-
 logi, ubi ita scribit: Jure naturali vim vi re-
 Gerson. *pellere licet: sic quod impetis & aliquis a quali-*
 Tom. III. *cumque persona cujuscumque a. gnitatis etiam Pa-*
 p. 97. ex *palis via facti, & non habens juris remedium, fas*
 edit. Du- *habet injurianti se de facto resistere secundum qua-*
 pinii. *litatem injuriæ, scilicet quantum requiritur &*
sufficit contra illud ad sui tutamentum ab hac
via facti. -- Et mox e vestigio: -- Casus mul-
ti esse possunt, in quibus aliquis se gerens pro
Papa, & pro tali habitus ab Ecclesia, poterit a
subdito licite vel occidi vel incarcerari, vel per
modum quendam appellationis ab eo vel subtractio-
nis a sua obedientia declinari: nisi forte ob stare
monstraretur constitutio aliqua non humana solum,
sed divina atque revelata, huic naturali juri præ-
judicans. -- Hoc sensu intelligenda est concin-
na illa narratio, ubi argutus Galliæ Histori-
cus Thuanus dissidium describit inter Carolum
V. & Clementem VII. Caesar Carolus, inquit,

ut injuriam sibi a Clemente VII. illatam ulcisceretur, nominis Pontificii auctoritatem per omnem Hispaniam abolet: exemplo ab Hispanis posteritati relicto, posse Ecclesiasticam Disciplinam citra nominis Pontificii auctoritatem ad tempus conservari.

Tbuam.
lib. I. p.
23. novissimæ editionis.

III. Theologi qui sub Rege nostro Joanne IV. annis abhinc centum & quindecim hoc argumentum tractarunt; multo adhuc explicatius & nervosius mentem suam aperuere in eo Libro cui titulus est, *Balatus ovium Lusitanix*, Parisiis edito Latine & Lusitanice an. MDCLI. Quippe qui ita posuere: Principi temporali esse potestatem jurisdictionis in suos tum directivæ, tum punitivæ; erga externos, pro suis protectionis ac defensionis; apud exemptos (cujusmodi Ecclesiastici sunt) æconomica & conservativæ, quæ plerumque conjungitur cum protectivæ & defensiva, etiam contra eosdem Ecclesiasticos. Quæ sane potestas protectionis eo nomine ad Principes pertinet, quia hi sunt Protectores ac Tutores Regni, servando jus, removendo injuriam sibi & subditis factam vel faciendam: atque adeo cum dignitatem suam tum Rempublicam tueri posse ac debere. Ex eo autem principio consecere nostri ad unum omnes, suffragante optimo quoque externorum Doctorum: Supposito quod tam manifesta Regi & Regno inferretur injuria, licere omnino Regi & expedire potestate æconomica uti, & injurias hujusmodi propulsare. Primum jubendo, ut quicumque Lusitani Romæ essent morarenturve, Beneficiis Ecclesiasticis gaudentes, ii omnes Romæ exirent, & in patriam remearent; sin minus, fructus Beneficiorum interciperentur. Deinde subtrahendo Pensiones, quæ Romæ solvuntur, tum naturalibus, tum externis. Præterea præcipiendo, ne ullum emolumentum & pecuniæ genus ob causarum expeditiones Romam mittatur, vetando ne eo negotia deferantur.

Balatus ovium
p. 186.
Lati. editionis, cui in summa continetur Lusitana.

Quandoquidem imperitis potius quam sapientibus

Goldast. Tom. IV. Constit. Imper. P. 573. Etos Pontifices, Sanctam Ecclesiam, pro cuius dignitate augenda majores nostri sanguinem sudaverunt, veneramur, reveremur, suspicimus. Pii quatem IV. imperium detractamus: quaecumque sint ejus judicia & sententiae, rejicimus, respuimus, & contemnimus.

Paris. p. 128. ex edit. Riberii. II. Causam vero, quamobrem pro justis atque honestis haberi debeant ejusmodi vindictae, ante annos quadringentos quinquaginta scriptam reliquit laudatissimus ille Dominicanus Joannes de Parisiis, cum in Libello de Potestate Regia & Papali cap. 20. ita differit: Est licitum Principi abusum gladii spiritualis repellere eo modo quo potest, etiam per gladium materiale: praecipue ubi abusus gladii spiritualis vergit in malum Reipublicae, cujus cura Regi incumbit: aliter enim sine causa gladium portaret. Anno post centesimo vigesimo eandem doctrinam tradidit magnus ille piusque Gerson in suis Regulis Moralibus, Tit. de Praeceptis Decalogi, ubi ita scribit: Jure naturali vim vi repellere licet: sic quod impetit & aliquis a qualicumque persona cujuscumque auctoritatis etiam Papalis via facti, & non habens juris remedium, fas habet injurianti se de facto resistere secundum qualitatem injuriae, scilicet quantum requiritur & sufficit contra illud ad sui tutamentum ab hac via facti. -- Et mox e vestigio: -- Casus multi esse possunt, in quibus aliquis se gerens pro Papa, & pro tali habitus ab Ecclesia, poterit a subdito licite vel occidi vel incarcerari, vel per modum quendam appellationis ab eo vel subtractionis a sua obedientia declinari: nisi forte obflare monstraretur constitutio aliqua non humana solum, sed divina atque revelata, huic naturali juri praejudicans. -- Hoc sensu intelligenda est concinna illa narratio, ubi argutus Galliae Historicus Thuanus dissidium describit inter Carolum V. & Clementem VII. Caesar Carolus, inquit,

ut injuriam sibi a Clemente VII. illatam ulcisceretur, nominis Pontificii auctoritatem per omnem Hispaniam abolet: exemplo ab Hispanis posteritati relicto, posse Ecclesiasticam Disciplinam citra nominis Pontificii auctoritatem ad tempus conservari.

Tbuan. lib. 1. p. 23. novissimæ editionis.

III. Theologi qui sub Rege nostro Joanne IV. annis abhinc centum & quindecim hoc argumentum tractarunt; multo adhuc explicatius & nervosius mentem suam aperuere in eo Libro cui titulus est, *Balatus ovium Lusitania*, Parisiis edito Latine & Lusitanice an. MDCLI. Quippe qui ita posuere: Principi temporali esse potestate jurisdictionis in suos tum directivæ, tum punitivæ; erga externos, pro suis protectionis ac defensionis; apud exemptos (cujusmodi Ecclesiastici sunt) æconomica & conservativæ, quæ plerumque conjungitur cum protectivæ & defensivæ, etiam contra eosdem Ecclesiasticos. Quæ sane potestas protectionis eo nomine ad Principes pertinet, quia hi sunt Protectores ac Tutores Regni, servando jus, removendo injuriam sibi & subditis factam vel faciendam: atque adeo cum dignitatem suam tum Rempublicam tueri posse ac debere. Ex eo autem principio consecere nostri ad unum omnes, suffragante optimo quoque externorum Doctorum: Supposito quod tam manifesta Regi & Regno inferretur injuria, licere omnino Regi & expedire potestate æconomica uti, & injurias hujusmodi propulsare. Primum jubendo, ut quicumque Lusitani Romæ essent morarenturve, Beneficiis Ecclesiasticis gaudentes, ii omnes Romæ exirent, & in patriam remearent; sin minus, fructus Beneficiorum interciperentur. Deinde subtrahendo Pensiones, quæ Romæ solvuntur, tum naturalibus, tum externis. Præterea præcipiendo, ne ullum emolumenti & pecuniæ genus ob causarum expeditiones Romam mittatur, vetando ne eo negotia deferantur.

Balatus ovium p. 186. Lati. editionis, cui in summa consensit Lusitana.

Quandoquidem imperitis potius quam sapientibus

Cajetan.
in 2. 2. Qu.
 XXXIX.
Art. 1. ad
 2. Tom.
 XI. P. II.
 fol. 100.
vers. Ro-
ma 1578.

tibus scribo, placet adhuc aliquantulum immorari in exponenda doctrina celeberrimi illius Cardinalis e Dominicano Ordine Thomæ de Vio, vulgo *Cajetani* nuncupati, a patria *Cajeta*, quæ urbs est Regni Neapolitani. Hic Theologorum Transmontanorum Princeps, in Commentariis in Secundam Secundæ B. Thomæ, cum ad mentem Doctoris Angelici explicare contendat, quid sit schisma, in hunc modum scribit: *In responsione ad secundum, adverte diligenter, quod recusare præceptum vel judicium Papæ contingit tripliciter. Primo ex parte rei judicata seu præcepta: secundo ex parte personæ judicantis; tertio ex parte officii ipsius Judicis. Si quis enim etiam pertinaciter contemnat sententiam Papæ, quia scilicet non vult exequi quæ mandavit: licet gravissime erret, non tamen est ex hoc schismaticus. Contingit namque & sæpe, nolle exequi præcepta superioris, retenta tamen recognitione ipsius in superiorem. SIQUIS VERO PERSONAM PAPÆ SUSPECTAM RATIONABILITER HABET, ET PROPTEREA NON SOLUM PRÆSENTIAM EJUS, SED ETIAM IMMEDIATUM JUDICIUM RECUSAT, PARATUS AD NON SUSPECTOS. JUDICES AB EODEM SUSCIPENDOS, NEC SCHISMATIS NEC ALTERIUS VITII CRIMEN INCURRIT. NAMQUE POTEST PERSONA PAPÆ TYRANNICE GUBERNARE: ET TANTO FACILIUS, QUANTO POTENTIOR EST, ET NEMINEM IN TERRIS TIMET ULTOREM. Cum quis autem Papæ præceptum vel judicium ex parte sui officii recusat, non recognoscens eum ut Superiorem, tunc proprie schismaticus est. Et juxta hunc sensum intelligenda verba *Litteræ hujus & similium: INOBEDIENTIA ENIM QUANTACUMQUE PERTINAX, NON CONSTITUIT SCHISMA, NISI SIT REBELLIO AD OFFICIUM PAPÆ VEL ECCLESIAE, itaut renuat illi subesse, illum recognoscere ut Superiorem, &c.* Doctrinæ a Cardinale Cajetano traditæ hæc sum-*

summa est: non peccare eum, nec schisma facere, qui se ea ratione a Pontifice subtrahit, ut quamvis injustis & tyrannicis mandatis ejus obtemperare nolit, paratus tamen est ejusdem auctoritatem tamquam legitimam agnoscere in rebus spiritualibus & justis.

IV. Intercluso autem commercio cum Romanis, quemadmodum grave esse Lusitanis mox cœpit carere Rescriptis & Dispensationibus, ita etiam de potestate Episcoporum pro ea rerum difficultate disputare mox cœperunt nostri Theologi. Ac Lusitanis quidem Proceribus bene multis dolentibus, jam tot annos eo in statu esse res suas, ut quando interea nullas gratias ambire liceret a Romana Curia, sibi prorsus necesse esset vel parum dignas uxores ducere, vel nullas ducere, idque maximo cum discrimine tot Domorum & Titulorum: fuere de Professoribus Theologiæ, qui dicerent posse Episcopos eo in casu illa impedimenta tollere, quæ ex consanguinitate & affinitate oriuntur. Ea enim potissima fere habentur apud Lusitanos, ubi Optimatum plerique propinquitatis ceu vinculo colligati, arctissime inter se cohærent. Sed harum sententiarum sicut nulla id, in quo fundus quæstionis erat, attigerat; (potestatem scilicet Episcoporum uno Summi Pontificis arbitrio metientibus singulis) ita nulla, quod sciam, alicui se probavit Episcopo. Revera enim, nisi quis prius animum advertat, quam sint ingentes vires, quas ab institutione sua habeat Episcopalis Ordo: nisi exponat, quænam Ecclesiæ consuetudo fuerit prioribus sæculis: nisi aperiat quem ortum habuerint Reservationes Pontificiæ: nisi ostendat, sine ipsorummet adsensu non potuisse Romanum Pontificem in perpetuum exturbare Episcopos possessione & exercitio illorum munerum, quæ divina institutione sunt ipsorum Episcoporum

ma-

maxime propria: nisi denique examinet, quæ conditiones justam, quæ item circumstantiæ necessariam dispensationem faciant. Nisi hæc, inquam, aliaque Principia quis ante stabiliat: profecto nec sine difficultate & salebris procedere, nec a meticulosis animis habere optatum adsensum potest ratiocinatio Theologorum.

V. Atque ego sane neque ea sapientia, neque ea auctoritate me esse arbitror; ut putem in eo argumento sentire mecum debere tot tamquam egregios Antistites, quot hodie Ecclesiis nostris præsident. Spero tamen aliquid lucis, aliquid etiam novorum monumentorum a me allatum iri: quod expositam doctrinam non modo valde probabilem, verum etiam practice tutam reddat. Eapropter opus hoc meum *Tentamen Theologicum* dico. Esto enim voluntatem forte non moveat: certe legentium mentes poterit illustrare. Quo autem bene distributa & plana sint omnia, illud in duas Partes dividam. Quarum prima Fundamenta jacet, quibus innixus conficiam: ubi adiri Roma non possit, sive Principibus prohibentibus, sive ingruentibus bellis, sive pertinaci aliquo schismate perdurante; devolvi ad Episcopos potestatem dispensandi in omnibus casibus, qui alioquin Papæ reservati erant. Altera ostendet, cujusmodi doctrinas & exempla de hoc argumento nobis reliquerint Doctores, Academiæ, & Antistites aliorum Regnorum.

TENTAMINIS THEOLOGICI PARS PRIMA

*Continens Principia unde conficitur, sub hodierno
rerum statu posse Episcopos providere & di-
spensare in omnibus casibus, qui
non patiuntur moram.*

PRINCIPIUM PRIMUM.

*Jurisdictio Episcopalis in semet spectata, hoc est,
in sua institutione a Christo facta; præcisiisque
vel lege, vel consuetudine, vel reservatione in
contrarium: jurisdictio quadam est absoluta, &
quæ nullos limites habeat, respectu singularum
Diocesum.*

*Doctrina Evangelii de institutione Episcoporum.
Loca S. Cypriani: Canones Nicæni, Constanti-
nopolitani, Chalcedonenses.*

*Quam grave vulnus inflixerint Ecclesiasticæ tum
Disciplina tum Hierarchiæ, a sæculo nono spu-
riæ Decretales Isidori Mercatoris, a sæculo duo-
decimo Decretum Gratiani. Testimonia Bernar-
di, Durandi Episcopi Mimatensis, Cardinalis
Cusani, Joannis Gersonis, & Petri Aurelii.*

PROBATIONES.

I. **A**PUD Matthæum Capite XXVIII. 18.
post Resurrectionem suam Apostolos
ita adlocutus est Christus: *Data est
mihi omnis potestas in celo & in ter-
ra: Euntes ergo docete omnes gentes, baptizantes
eos in nomine Patris, & Filii, & Spiritus San-
cti:*

2 TENTAMINIS THEOLOG.

Eti : docentes eos servare omnia quaecumque mandavi vobis. Apud Joannem Cap. XX. 21. *Sicut misit me Pater, & ego mitto vos. Accipite Spiritum Sanctum : quorum remiseritis peccata, remittuntur eis ; & quorum retinueritis, retenta sunt.* Ex his locis certum habemus primo : virtute hujus missionis Apostolorum a Christo factæ, constitutos illos fuisse Ministros Novi Testamenti, (sic enim Paulus loquitur) hoc est, Pastores Ecclesiæ suæ, Administratoresque sive Dispensatores omnium Sacramentorum quæ idem Dominus instituerat : ex quibus solum Baptismum & Pœnitentiam ideo expressit Christus, quod ad hominum salutem hæc erant potissima.

Certum habemus secundo : in hac Sacramentorum administratione contineri non solum potestatem Ordinis, sed etiam Jurisdictionis : hoc est, non solum potestatem consecrandi Corpus Christi, & remittendi peccata, sed etiam ipsum exercitium horum & ceterorum Sacramentorum, ipsam electionem & missionem novorum Ministrorum, ipsam facultatem ferendi novas leges ad eandem Sacramentorum administrationem pertinentes, adeoque facultatem eas relaxandi, quoties id suaderet utilitas aut necessitas Fidelium. Ideo S. Paulus Act. XX. 28. officium Episcoporum explicat per actus regendi vel gubernandi Ecclesiam Dei. *Attendite vobis & universo gregi, in quo vos Spiritus Sanctus posuit regere Ecclesiam Dei.* Planum est autem, ab hoc regimine separari non posse facultatem condendarum legum, ac proinde etiam relaxandarum.

Atque hinc profecto est, quod in illis Provinciis, quas singuli regendas suscipiebant, diversas constitutiones edere solebant Apostoli, utpote Supremi quidam apud greges suos Legumlatores. Has proinde *Apostolicas* constitu-

tutiones hodieque dicimus : quales illæ sunt de jejunio Quadragesimæ , de celebrando Paschate , aliisque Festis Christi statis diebus ; de ritibus item & cæremoniis , quibus Baptismus & alia Sacramenta constant . Atque de legibus quidem ejus generis agit procul dubio S. Paulus , cum in priori ad Corinthios Epistula XI. 34. ait : *Cetera autem , cum venero , disponam* . Nonnullas pro arcendis ab Episcopatu & Sacerdotio certis hominibus , quas *Irregularitates* vocant , idem Apostolus promulgavit in Epistula ad Timotheum & ad Titum . In altera vero ad Corinthios Cap. II. 10. scribit idem Paulus , se ut Christi Vicarium subdito cuidam remisisse partem pœnarum , quas ille utpote pollutus incesto pati meruerat : tum hominis misericordia motum effecisse , ut ille restitueretur fratrum cœtui , a quo excommunicationis lege depulsus antehac fuerat . Quod illustre quidem exemplum est potestatis ad dispensandum .

Certum habemus tertio : hanc potestatem a Christo Apostolis collatam ad regendas Ecclesias sive Diœceses , quæ singulis forte obtingerent , vel quas ipsi divino instinctu sibi deligerent ; potestatem quandam fuisse absolutam , & quæ nullos haberet limites , sed causarum genera omnia complecteretur . Patet : nam forma verborum , qua usus est Christus in mittendis Apostolis , potestatem quandam præ se fert nullis limitibus , nulla exceptione circumscriptam : *Data est mihi omnis potestas : euntes ergo docete &c. Sicut misit me Pater , & ego mitto vos &c.* Revera autem homines illi , quos Christus in tot & tam longinquas Regiones mittebat , ceu totidem Legatos suos a latere (secundum illud Pauli , *pro Christo Legatione fungimur :*) homines illi , quos idem Christus constituebat Patres nascentis Ecclesiæ ,

4 TENTAMINIS THEOLOG,

Principes populi Christiani, Deosque fortes orbis, quemadmodum scripsit David: (*Pro patribus tuis nati sunt tibi filii: Principes populorum congregati sunt: Dii fortes terra vehementer elevati sunt*): Illi homines, inquam, non alii esse debebant, quam Summi quidam & veluti Omnipotentes Christi Oratores, quibus omnia licerent, omnia permitterentur respectu illarum Diocesium, quibus unusquisque præfectus erat. Hoc ex eo confirmatur: quod nobis pro certo constat, omnes & singulos Apostolos pro ea potestate qua gaudebant, multos in illis Provinciis quas administrabant, per semet ordinasse Episcopos, iisque potestatem impartitos esse aliorum ordinandorum. Hoc S. Joannes fecit in Proconsulari Asia, ubi Smyrnæ Episcopum constituit S. Polycarpum, ut notum est cum ex Tertulliani Libro de *Prescriptionibus* Cap. 32. tum ex Libro Hieronymi de *Scriptoribus Ecclesiasticis*, num. 17. Hoc S. Paulus fecit in Creta, ubi Archiepiscopum Gortynæ constituit S. Titum, communicata etiam cum eo potestate novorum Episcopatuum per eandem insulam creandorum: ut in Epistula ad Titum legimus Cap. I. 5. Si ergo Apostoli ea auctoritate muniti, qua Christus Episcopalem ordinem decoraverat, tot Episcoporum ordinationes in suis Diocesibus celebrabant, quod maximum sane munus est Ecclesiasticæ Hierarchiæ: quid, quæso, esse vel contingere posset in his & aliis Diocesibus, quod ipsorum Apostolorum regimini & curæ non subesset?

II. Jam si quæramus, quinam illi sint, qui in hac potestate & jurisdictione Apostolis successerint: hos Episcopos esse universi Patres consentiunt: S. Firmilianus Cappadox in epistula 75. ad Cyprianum: idem Cyprianus in epistula ad Cornelium, quæ est quadragesima

fima quinta in editione Felli, qua utimur: S. Pacianus Barcinonensis in epistula I. S. Hieronymus in epistula (a) ad Evangelum, & in epistula ad Marcellam. Ne omnes describamus, sufficiat audire locum S. Firmiliani, qui est elegantissimus. Postquam retulisset formam, qua Christus apud S. Joannem Episcopos ordinavit Apostolos, ita pergit: *Potestas ergo remittendorum peccatorum Apostolis data est, & Ecclesiis quas illi a Christo missi constituerunt, & Episcopis qui eis ordinatione vicaria successerunt.* Cypr. p. 324. Nec minus insigne illud est Augustini in Psalmum XLIV. num. 32. *Pro Apostolis constituti sunt Episcopi. Non ergo te putes desertam,* August. Tom. IV. p. 398. *(Ecclesiam adloquitur) quia non vides Petrum, quia non vides Paulum, quia non vides illos, per quos nata es: de prole tua tibi crevit paternitas. Sed quid opus est in ea veritate demonstranda laborare, quam Synodus Tridentina Sess. XXIII. Cap. 4. pro comperta & indubitata habuit?*

Hinc duo conficio maximi momenti. Primum: jurisdictionem Episcoporum esse immediate a Christo, non vero a Papa. Demonstratur. Nam qui Petro dixit, *Tu es Petrus, &c. & Pasce oves meas:* idem ceteris Apostolis dixit, *Sicut misit me Pater, & ego mitto vos: Euntes ergo docete, &c.* Sicut ergo ex prioribus locis colligitur, Successorem Petri

A 3 esse

(a) Non ad Evagrium, ut in priori editione Lusitana mendose positum est. Quem tamen errorem ante nos etiam erravere Richerius, Launojus, Thomassinus, Maiburgus, Febronius, aliiqui summi viri: decepti, credo, falsa inscriptione capituli Legimus apud Gratianum Dist. XCIII. ubi Hieronymi locus citatur ex epistula ad Evagrium, cum tamen in correctis editionibus nulla ad Evagrium inveniatur.

esse jure divino Primatem Ecclesiæ, habereque immediate a Christo præfecturam & administrationem super Ecclesiam universalem: ita ex locis aliis confici debet, Successores Apostolorum jure divino esse Pastores & Rectores suarum Diocesium, habereque immediate a Christo potestatem eas regendi & administrandi. Perstat in hac doctrina ex omni memoria etiamnum tota Sacra Facultas Parisiensis: perstitit etiam constanter per duodecim sæcula tota Ecclesia Catholica: usque dum ignorantia vel antiquitatis contemptus (quod Illustrissimus Bossuetus observat Libro VIII. Cap. XI.) in Scholas invexit huic repugnantem alteram, quæ jurisdictionem Episcoporum a Papa repetit immediate. Quæ doctrina ut falsa haberetur, satis erat animadvertere, novam esse eam & inauditam usque ad sæculum XIII., cum ex adverso prioris illius gravissima atque luculentissima argumenta extent in Scriptura & Traditione. Quid enim aliud significare nobis voluit Christus, quando Apostolis suis dixit, *Sicut misit me Pater, & ego mitto vos*: nisi unum esse Christum, non vero Petrum, qui tam Apostolis quam Episcopis Apostolorum Successoribus, adnexam ipsorum characteri jurisdictionem tribuit & auctoritatem? Quid aliud persuadere nobis voluere ipsi Apostoli, cum in Concilio Jerosolymitano ita definire, *Visum est Spiritui Sancto & nobis*: nisi Episcopatum Decretorum sive in Conciliis Generalibus, sive in Particularibus editorum, vim omnem immediate esse a Christo, non a Papa? Quid aliud intellexit B. Paulus, cum Asiæ Episcopis dicebat: *Vos Spiritus Sanctus posuit Episcopos regere Ecclesiam Dei*: nisi Episcopalis potestatis unum Spiritum Sanctum Auctorem esse, non vero Christi Vicarium? Quid aliud manifestare intenderunt antiqui Episcopi,

cum

cum in Conciliis ita scribebant: *Ego judicans, ego definiens subscripsi*: nisi in Condendis Fidei & Disciplinæ Decretis eadem auctoritate apud Synodos pollere Episcoporum sententias, quæ nixus in Jerosolymitana dicebat Jacobus Apostolus: *Propter quod ego judico*, &c. Denique quid aliud arbitrati sunt sive Patres Quinti Concilii Generalis, cum absente, imo etiam repugnante Romano Pontifice famosa illa tria Capitula Nestoriana condemnare: sive Patres Octavi Concilii itidem Generalis, cum nulla expectata confirmatione Apostolicæ Sedis, talem sententiam in Phocium protulere: *Nos eum inobedientem & resistentem Sanctæ huic & universali Synodo repulimus & anathematizavimus, per datam nobis potestatem in Spiritu Sancto a primo & magno Pontifice nostro, Liberatore ac Salvatore cunctorum*: nisi latis a Corpore Episcoporum Judiciis, etiam ante confirmationem Papæ divinam quandam vim inesse, immediate a Christo acceptam, qui unicus Auctor est omnium Sacramentorum, unicus Fons totius jurisdictionis Ecclesiasticæ?

III. Alterum consecrarium est: hanc potestatem a Christo datam Episcopis ex se esse potestatem quandam absolutam & incircumscriptam, respectu uniuscujusque Dioceseos gubernandæ. Demonstratur ex iisdem Principiis. Nam sicut dicens Petro, *Tu es Petrus, & Pascere oves meas*; Successores Petri, qui Romani Pontifices sunt, Christus constituit Pastores universalis Ecclesiæ, salvis omnino Juribus Episcoporum: ita cum dixit Apostolis, *Sicut misit me Pater, & ego mitto vos*: Successores Apostolorum, qui sunt Episcopi, idem creavit Pastores cujusque Ecclesiæ particularis, salvo etiam Primatu Papæ: qui in nullo alio consistit, quam in Administratione & inspectione super totam Ecclesiam Catholicam; eo fine

videlicet, ut minister quilibet pro gradu ordinis sui proprio munere & officio recte fungatur, utens ad id tamquam norma quadam divino jure, iisque canonibus, qui communi consensu constituti sunt & recepti ab universa Ecclesia. Utraque enim auctoritas, & Papalis & Episcopalis, ejusdem ordinis est, atque ad unum idemque genus pertinet: in eoque tantum una ab alia differt, quod Papa respectu totius Ecclesiæ perinde se habet, ac Metropolitanus respectu totius Provinciæ, salvis omnino Juribus Suffraganeorum (a). S. Thomas in IV. Sententiarum, Dist. XXIV. Quæst. III. art. 2.

S. Thom. Potestas Sacerdotis exceditur a potestate Episcopi, Tom. VII. quasi a potestate alterius generis. Sed potestas Episcopi exceditur a potestate Papæ, quasi a potestate ejusdem generis. Unde omnem actum hierarchicum quem potest facere Papa, potest facere Episcopus. Quod quidem brevius complexus est Cardinalis de Cusâ Libro II. de Concordantiâ Catholica Cap. 13. Hoc solum singularitatis in Pe-

(a) Acute id quidem significabat Petrus Guerrerius Archiepiscopus Granatensis, cum in Concilio Tridentino sic agebat: Ego sum Granate Episcopus, Papa autem Archiepiscopus. Vide Historiam Pauli Sarpii Libro VII. pag. 672. Italicæ editionis. Optime item ante annos quadringentos de hoc argumento disseruit Joannes Parisiensis in Libro de Auctoritate Regia & Papali. Capite X. sic enim habet: In collatione bujusmodi potestatis Christus non posuit aliquam restrictionem respectu aliorum a Petro: licet ex modo loquendi appareat, quod vellet Petrum Ecclesiæ principalem & caput Ecclesiæ esse propter unitatem conservandam. Et intelligendum est ita se habere: quod sicut in Apostolis tunc quidquid potuit unus sicut Petrus, potuit & alius: ita & nunc de jure communi, quidquid potest Papa, potest quilibet Episcopus, NISI QUOD PAPA POTEST UBIQUE, ALII VERO EPISCOPI IN SUIS DIOECESIBUS TANTUM.

Petro fuit, quod ipse fuit major in administra- Cusa p.
tione. Et Cap. 17. Superioritas in Archiepiscopo, 728. &
Primate, & Papa, in administratione consistit. 735. Ba-
sil. 1565.

IV. Nihil hac veritate constantius traditur ab antiquis Patribus. Consentiunt omnes, id quod Christus singulariter Petro dixit, *Pasce oves meas*, ratione sui officii singulis Episcopis competere: atque ad Petrum singulariter orationem suam Christum propterea convertisse, non quod unum illum constitutum vellet Pastorem; sed ut omnes intelligeremus, tot Greges, & Pastores, quot componunt Ecclesiam, sic Petro tamquam capiti vel centro Catholicæ unitatis subdi & cohærere debere; ut tam multæ Diœceses, tam multi Episcopi, una illa esse Ecclesia monstraretur. Videantur testimonia S. Basilii Constitutionum Monasticarum cap. 22. S. Hieronymi medio Libro I. contra Jovinianum: S. Joannis Chrysostomi Homilia 79. in Matthæum: S. Augustini Libro *De Agone Christiano* Cap. 30. & Sermone 108. *De Diversis* Cap. 4. S. Cyrilli Alexandrini Libro XIII. *De Adoratione in Spiritu*: Venerabilis Bedæ Commentariis in Caput XXI. Joannis: aliaque aliorum quæ describit Lau- *Лавноу.*
 nojus Epistula ad Hadrianum Vallantium, quæ *T. IV. P. I.*
 est quinta Libri II. item Dupinus Dissertatio- *pag. 215.*
 ne IV. quæ est *de Primatu Romani Pontificis*, *Dupin. p.*
 Cap. I. §. I. Ego nonnulla tantum adferam *308.*
 S. Cypriani, qui inter Sanctos Patres is est, quo nemo sive frequentius sive validius depinxit adnexam a Christo Episcopatu potestatem.

V. In Epistula XXXIII. *ad Lapsos* Cyprianus adfirmat, divinæ institutionis esse a Christo profectæ, ut nova Ecclesia quam ipse condebat, super Episcopos stabiliretur & firmaretur: utque omnium actuum & munerum ceu Supremi quidam Arbitri & Administratores apud ipsam Ecclesiam essent Episcopi. *Divina lege*

Cypr. p. 216. lege fundatum est, ut Ecclesia super Episcopos constituatur, ET OMNIS ACTUS ECCLESIE PER EOSDEM PRÆPOSITOS GUBERNETUR. In Epistula LXXII. ad S. Stephanum Papam scribit

Ibid. p. 306. idem Cyprianus, unumquemque Episcopum in sua Diœcesi Supremum Præfectum esse, qui in administrandis Sacramentis & interno ejus regimine nullum Superiorem agnoscat, nisi Christum. *Qua in re nec nos vim cuiquam facimus aut legem damus: CUM HABEAT IN ECCLESIE ADMINISTRATIONE VOLUNTATIS SUE ARBITRIUM LIBERUM UNUSQUISQUE PRÆPOSITUS, rationem actus sui Domino redditurus.* In oratione a qua idem Cyprianus anno CCLVI. auspicatus est quoddam Concilium, cui intererant Episcopi 87. multo adhuc luculentius loquitur Sanctus Doctor. Aperte enim ait, pro his quæ pertinent ad gubernationem & administrationem uniuscujusque Diœceseos, neminem esse in Ecclesia Dei, qui Episcopus Episcoporum haberi debeat: sed unumquemque gregis sui Supremum esse Pastorem, qui omnia possit, & qui a solo Christo sit judicandus. *Superest ut de hac ipsa re singuli quid sentiamus, proferamus: neminem judicantes, aut a jure communionis aliquem, si diversum senserit, amoventes. Neque enim quisquam nostrum Episcopum se Episcoporum constituit, aut tyrannico terrore ad obsequendi necessitatem collegas suos adigit: QUANDO HABEAT OMNIS EPISCOPUS PRO LICENTIA LIBERTATIS ET POTESTATIS SUE ARBITRIUM PROPRIUM: tamque judicari is ab alio non possit, quam nec ipse potest judicare. Sed expectemus universi judicium Domini nostri Jesu Christi, qui unus & solus habet potestatem & proponendi nos in Ecclesie sue gubernatione, & de actu nostro judicandi.*

VI. Nequis autem existimet, Cyprianum ideo tam magnifice locutum esse de auctoritate Epi-

Episcopali, quoniam foret Papæ Stephano sub-
ratus: sufficiat observare, Epistolam XXXIII.
ad Lapsos, quam priori loco descripsimus, da-
tam a Cypriano esse anno CCL. hoc est, quar-
to aut quinto anno ante excitatam controver-
siam de Rebaptizatione. Adde quod in pluri-
mis aliis operibus editis sub Cornelio, Ste-
phani Prædecessore, eandem illam doctrinam
pari claritate & adseveratione tradidit Cypria-
nus. Veluti cum in Epistula LV. ad Anto-
nianum scripta anno CCLII. ita inquit: *Ma-* *Ibid. p.*
nente concordia vinculo, & perseverante Catholica 248.
Ecclesia indivisio Sacramento, ætæ suum dis-
ponit & dirigit unusquisque Episcopus, rationem
propositi sui Domino redditurus. Judice ergo Cy-
priano, dummodo quilibet Episcopus pacem &
unitatem Catholicam servet, non discedens a
Disciplina generaliter recepta; Supremus ille
est quoad cetera omnia Diocesis suæ Rector,
qui solum Deum judicem agnoscat actus sui.

In Epistula LIX. ad Cornelium data anno
CCLII. docet Cyprianus, duobus Reis Fortu-
nato & Felicissimo, a Synodo Provinciali ju-
dicatis & damnatis, nullam a Cornelio spem
esse debere suorum graduum recuperandorum;
neque prodesse iis posse ad eludenda Decreta
Conciliorum Africanorum, quod uterque Ro-
manæ Sedis auctoritatem implorasset. In suis
quippe Synodis esse Episcopos causarum unius-
cujusque Provinciæ Supremos Arbitros, qui
soli Deo subessent. Esse rationi consentaneum,
ut ibi causæ judicarentur, ubi crimina perpa-
trata essent. Non alio quam perditorum &
desperatorum numero habendos, si qui in ani-
mum induxissent, intra Provincias minorem
esse jurisdictionem Africanorum quam Roma-
norum. Cum statutum sit omnibus nobis, & æ- *Ibid. p.*
quum sit pariter ac justum, ut uniuscujusque cau- 266.
sa illic audiat, ubi est crimen admissum: &
fin-

12 TENTAMINIS THEOLOG.

singulis pastoribus portio gregis sit adscripta, quam regat unusquisque & gubernet, rationem sui actus Domino redditurus: oportet utique eos quibus præsumus, non circumcursare, sed agere illic causam suam, ubi & accusatores habere & testes sui criminis possint: nisi si paucis desperatis & perditis minor videtur esse auctoritas Episcoporum in Africa constitutorum, qui jam de illis judicaverunt.

Ad extremum in Libro de Unitate Ecclesiae anno CCLI. elucubrato, gravissimum illud & in primis memorandum Axioma nobis reliquit
Id. p. 78. *Cyprianus: Episcopatus unus est, cujus a singulis in solidum pars tenetur. Quasi diceret, Episcopatum quidem unum esse, sed ita a Christo divisum, ut unus Episcopus seorsim tota ea potestate in solidum potiatur, qua potitur alius Episcopus. Non potirentur autem singuli solido Episcopatu, si intra Diocesim suam major hujus esset auctoritas quam illius. Est ergo omnibus æqualis potestas, omnibus una atque eadem potestas.*

Id ipsum aperte significaverat idem Cyprianus paullo ante in eodem Libro dicens: Hoc erant utique & ceteri Apostoli, quod fuit Petrus, pari consortio præditi honoris & potestatis: sed exordium ab unitate proficiscitur, ut Ecclesia una monstraretur. Quod enim Cyprianus loquatur non tantum de potestate ordinis, sed etiam & potissimum de potestate jurisdictionis, aperte constat ex verbis illis Christi ad Petrum, Tu es Petrus &c. Pasce oves meas: & ex illis ad ceteros Apostolos, Sicut misit me Pater, & ego mitto vos: quæ quidem Cyprianus præmiserat. Verba autem Christi & potestatem jurisdictionis & exercitium illius plane designant. Ergo Episcopatus totam illam potestatem complectitur, quam Christus in Ecclesia reliquit. Ergo in singulis Episcopis potestas hæc absoluta est, suprema, & incircumscripta.

Qua-

Quare in Epistula LXVI. ad Florentium, cum velit Cyprianus Ecclesiam definire, ipsam consistere adfirmat in congregatione plebis Episcopo adhaerentis: ita ut idem sit animo concipere plebem quamlibet Christianam suo Episcopo adhaerentem, ac concipere Ecclesiam Christi. *Illi sunt Ecclesia, Plebs Sacerdoti adunata, & Pastori suo grex adhaerens. Unde scire debes, Episcopum esse in Ecclesia, & Ecclesiam in Episcopo.* Ergo cum in omni Ecclesia inveniri debet omnis potestas, consequens est, ut quia Episcopus una cum plebe Ecclesiam constituit, omnem potestatem habere debeat idem Episcopus. *Id. p. 286.*

Id egregie confirmatur ex eo, quod ipse S. Petrus Apostolus volens uno quasi tractu atque uno verbo significare, quantus & qualis foret Christi influxus in Ecclesiam, ipsum Episcopum nominavit animarum nostrarum. *Conversi estis nunc ad Pastorem & Episcopum animarum vestrarum.* Confirmatur præterea ex more nascentis Ecclesiae, quæ observante Theodoro in I. Epistolam ad Timotheum Cap. 3. Apostolos vocabat Episcopos. *Qui nunc vocantur Episcopi, Apostolos nominabant.*

Id ipsum se de Episcopatu sentire ostendebant antiqui Patres, cum Episcopos decorabant amplo illo & magnifico titulo *Vicariorum Christi*. Veluti cum ita dicunt Patres Concilii Meldensis anno DCCCXLV. *Nos omnes licet indigni, Christi tamen Vicarii.* Et Patres Concilii Carisiacensis anno DCCCXLVIII. *Pastores Ecclesiarum ut Patres & Christi Vicarios colite.* Hos enim allegasse satis erit, prætermisissis testimoniis S. Gregorii Papæ VII., duorum item Episcoporum Carnotensium SS. Fulberti & Ivonis: & alia aliorum, quæ describit Launoyus Libro II. Epistula 2. num. 21. 22. 23. 24. Atque hinc discas, quam immerito conetur Bellar-

mi-

Binghamus
T. I.
p. 82.

minus proprium facere Romani Pontificis nomen *Vicarii Christi*: eo enim donatum esse Papam adfirmat a Secundo Concilio Lugdunensi Generali. Atqui ante Binghamum observarat Baluzius, & ante Baluzium observarat Rigaltius, jam tum Cypriani ætate *Christi Vicarios* appellari & haberi solitos fuisse Episcopos. Ecce autem Episcopos ævo jam Cypriani *Vicarios Christi*, inquit Rigaltius in Epistolam LV. Cypriani ad Cornelium, quæ quinquagesimanona est Fello. Verum quia Baronius contendit, hunc Cypriani locum de Papa intelligendum esse; alium citat Binghamus ex Epistula LXII. ad Cæcilium, ubi Cyprianus ita scribit: *Ille Sacerdos vice Christi vere fungitur, qui id quod Christus fecit imitatur*. Citat Constitutiones Apostolicas, (opus jam sæculo quarto notum) quæ Libro II. Cap. 26. hæc habent: *Qui Episcopus est, hic post Deum Deus terrenus, Episcopus vobis præsideat, ut dignitate Dei cohonestatus*. Citat Quæstionum in Vetus & Novum Testamentum veterem Auctorem, qui inter Scripta Augustini extat, quique Cap. 127. scribit in hunc modum: *Antistitem Dei puriorem ceteris esse oportet: est enim Vicarius ejus*. Citat Basilium, qui Constitutionum Monasticarum Cap. 22. sic scribit: *Nihil aliud Antistes, quam is qui personam Christi sustinet*. Itaque titulum *Vicarii Christi*, quem Bellarminus Papæ ceu characterem esse volebat, ex adlegatis exemplis constat, ipsis etiam purioribus Ecclesiæ sæculis communem extitisse omnibus Episcopis. Unde conficit Thomassinus in Prima Parte immortalis Operis *De Beneficiis*, Libro I. Cap. 50. num. 13. quod nunc solus Romanus Pontifex *Vicarius Christi* per antonomasiam vocetur, id minime quidem ex eo esse profectum, quod ejusmodi titulo Episcopos spoliasset lex aliqua; sed ex tacita quadam consensione

Thom. T.
I. p. 179.
latine conditionis.

sione fidelium populorum, qui cum animad-
verterent Romanum Episcopum, sicut Princeps
in Ecclesia est, ita potiori jure potiorique ra-
tione vicem Christi gerere in Ecclesia; sensim
sine sensu titulo illo, quasi proprio caractere,
ipsum Pontificem decorarunt.

VII. Quandoquidem vero ipse Thomassinus *Thom. T.*
nobis auctor est, de hac Episcoporum aucto- *L. pag. 7.*
ritate & excellentia neminem solidius aut enu-
cleatius egisse, quam magnus inter Parisien-
ses Theologus Petrus Aurelius: postulat in-
stituti ratio expromi hic a nobis splendidissi-
mos sensus maximi hujus viri, cujus Opera Lu-
sitaniis nostris sunt fere incognita, cum ipsa
tamen dignissima existant quæ in Bibliothecis
Episcoporum illustrem locum occupent. In
Vindiciis ergo *Censura Sorbonice* ita differit Pe-
trus Aurelius: Christus Episcopalem statum, non *Aurel. T.*
mancum quippiam mutilumve instituit, sed ple- *II. p. 87.*
num, integrum, perfectum, & Sacerdotii sui *Parisi.*
summi ac perfectissimi summam perfectissimamque *1646.*
imaginem. Christum enim refert Episcopus, &
vicem ejus in terris gerit, ut saepe docent SS. Pa-
tres. Sicut ergo Christi Sacerdotium vim omnem
Sacerdotalem perfectamque pascendi gregis potesta-
tem complectitur, ita ut varias in ea plenitudine
& perfectione conclusas potestates distinguere qui-
dem discernereque liceat, dissociare vero & inter
se quodammodo discindere, sit piaculum: sic E-
piscopatus plenitudinem Sacerdotii & Pastoralis
muneris perfectionem natura sua continet, & in
hanc status dignitatem a Christo conditus fuit, ut
qui summas illas muneris tanti potestates separa-
re ac dilacerare conetur, similiter faciat, ac si
Sacerdotii Christi divinaque ipsius natura proprie-
tates dirumpat, & Christi in terris præcellentissi-
mam imaginem obliteret. Christus enim perfectionem
Sacerdotii a Patre accepit, quando ab illo
missus est. Perfectionem deinde ejusdem Sacerdo-
tii,

tii, seu Episcopalem utramque potestatem simul dedit Apostolis, quando misit eos sicut ipse a Patre missus fuerat. Eandem denique perfectionem ipsi tradiderunt Episcopis, mittentes eos sicut ipsi missi fuerant a Christo. Quam eandem deinceps Episcopi ad posteros transmiserunt, eos mittentes, sicut ipsos Apostoli miserant.

Hac oratione altissima sane & elegantissima complexus est Petrus Aurelius succum omnem illius doctrinæ; quam ipse in hoc & aliis Operibus nobis reliquit de immensa illa & absoluta potestate, quam Christus Episcopali ordini adnexam voluit. Hac sapientissimus iste Theologus impugnat evertitque quidquid cavillorum & fallaciarum a Jesuitis, pertinacissimis illis Episcoporum hostibus congestum ea tempestate erat in Gallia & Anglia, ad minuendam, imo vero funditus tollendam auctoritatem & jurisdictionem, quæ divino jure pertineret ad illos Ecclesiæ Principes & Sanctorum Apostolorum Successores. Hac ostendit, ex eo quod in Episcopis distinctæ sint inter se potestas ordinis & potestas jurisdictionis, non recte confici, posse ad alicujus arbitrium divelli has potestates. Hac ostendit, aliud esse posse a Papa sua jurisdictione privari unum Episcopum, aliud posse sua jurisdictione privari Episcopatum. Hac ostendit, ex Christi institutione esse potestatem jurisdictionis, tam intrinsecam potestati ordinis; ut apud antiquam Ecclesiam idem esset spoliari jurisdictione Episcoporum, ac laicum haberi. Hac denique ostendit, errasse Patrem Suarium, seque in vera doctrina Patrum & Conciliorum hospitem declarasse, cum scripsit, *Episcopum nomen potius esse ordinis quam jurisdictionis*. Cum ex adverso notio, quam de Episcopatu Christus & antiqua Ecclesia nobis reliquerit, notio quædam sit, quæ utramque potestatem directe & expres-

expresse complectitur. Imo *Episcopi* nomen, quatenus advigilationem sonat & curam, jurisdictionem expressius denotare, quam ordinem. Proinde hodiernis etiam moribus in Ecclesia receptum esse, ut nullus creetur Episcopus, quin eidem grex adsignetur saltem possibilis: ut accidit Episcopis Titularibus, quorum unus Constantinæ, alius Lacedæmoni, quidam Martyriæ, quidam Tipassæ præficitur.

Accepi ab Scriptoribus multis, nomen *Petri Aurelii* personam fuisse, sub qua occultare se voluit *Joannes Vergerius Haurannius*, vulgo dictus *Abbas Sancti Cyrani*; nomen Romanæ urbi odiosissimum, propter singularem amicitiam, quam Theologus iste perpetuo coluisse traditur cum celeberrimo Episcopo Iprensi Cornelio Jansenio. Adeo odiosum est Curia illud nomen, ut apud Benedictum Papam XIV. me legisse meminerim, tum cum de Beatificatione S. Patriarchæ Vincentii a Paulo agebatur, objecisse inter cetera Promotorem Fidei, Vincentium a Paulo amicum in paucis fuisse Abbatem Sancti Cyrani. Sed fuerit vel non fuerit Petrus Aurelius idem, qui Joannes Vergerius Haurannius: explorata sane res est, Opera de quibus loquimur, in summo fuisse & esse pretio apud Gallos: nec ulla, quod sciam, censura confixa Romæ. Thomassinus numquam eorum meminit sine egregia honoris præfatione: meminit autem per sæpe. Clerus Gallicanus eadem magnifice imprimi iussit charta maxima anno MDCXLVI., cujus etiam mandato, singulis Episcopis duo exemplaria data sunt, cetera viris aliis eruditis distributa. In fronte posita sunt Acta Conventus, quæ de his Operibus tam honorifice loquuntur, ut magnificentioribus elogiis atque adprobationibus nullus post hominum memoriam liber sit ornatus.

Ut Jesuitæ infamia adspergerent Petrum Aurelium,

B

relium,

relium, satis erat meminisse, ab hoc Theologo non solum egregie vindicatam fuisse ab illorum petulantibus & convitiis sacrosanctam auctoritatem Episcoporum, sed etiam detectam & confutatam esse invictis argumentis, idque toto orbe plaudente, inscitiam *Joannis Fluidi* sodalis sui ex Anglia, qui sub nomine *Danielis a Jesu* multos eosque petulantissimos libellos ediderat adversus omnes Galliae Episcopos & Doctores Parisienses. Satis erat adfirmasse eundem Aurelium, in tota Societate Jesuitarum nullum reperiri Theologum, qui conferri posset cum magno illo Gersone Parisiensi Cancellario; sive fama per totam Ecclesiam Catholicam diffusa, sive meritis in eandem Ecclesiam, & in eandem Sedem Apostolicam. *Depone igitur, inquit, in posterum emulationem istam Jesuiticam in Gersonem, cui tota tua Societas non habet quem conferat, non solum doctrina famaque per Ecclesiam Catholicam maxima, sed etiam meritis in eandem illam Ecclesiam. & in ipsam Sedem Apostolicam, cum qua eum frustra committere conaris, eximjis & gravissimis.* Sed tempus jam est, ut antiquis exemplis demonstrare pergamus id, quod huc usque testimoniis Patrum & Theologorum probavimus.

VIII. Ut igitur plene agnosceretur, quanta esset hæc Episcoporum auctoritas; satis erat animadvertere, quanta illi majestate Dioeceses suas per octo sæcula & amplius administrarint. Exceptis enim illis causis, quas Jus Canonicum *Majores* vocat; quæ ante adornatam sæculo XIII. Gregorianam Collectionem raræ erant: ante receptas Carolo Magno imperante falsas & spurias Decretales *Isidori Mercatoris*, erant rarissimæ: Exceptis, inquam, paucis ejusmodi causis, de quibus præterito sæculo exeunte eruditam Lucubrationem compescuit *Joannes*

annes Gerbasius Doct̃or Sorbonicus, jussu Gallicani Cleri Parisiis editam an. MDCLXXIX. in 4. uni Episcopi erant, qui nullo interven-
tu, nullo influxu Apostolicæ Sedis, amplissi-
ma ipsi preediti potestate omnia gubernabant,
administrabant, disponebant, ac decidebant,
ut qui subditorum suorum supremi & absoluti
Pastores essent.

Canonibus Nicænis IV. & VI. Antiochæno
XIX. Laodiceno XII. aliisque plurimis cum
orientalibus tum occidentalibus, Metropolita-
nis competeat jus Suffraganeorum confirman-
dorum: iique nullis aliis Bullis muniti, quam
quas a suo Archiepiscopo haberent, recipi mox
& consecrari solebant. Adhuc Jure novo De-
cretalium Gregorii IX. Metropolitanis conser-
vatus est ejusmodi honos: ut colligitur ex Cap.
Innotuit, 20. de *Electione*: & ex Cap. *Cum di-*
lectus, 32. eodem Titulo: idque cum aliis
Canonistis etiam observat magnus Petrus de
Marca Libro VI. Cap. 3. num. 12., & Van-
Espenius Tit. XIV. Quare summus ille Theo-
logus, idemque sæculo decimosexto ineunte
celebratissimus Lutheri Impugnator in Germa-
nia Joannes Eckius, Libro III. de *Primatu Pa-*
pæ Cap. 40. mirari se dicit, quod Episcopi ob-
liti eorum quæ sibi Jus commune permittit,
confirmationem pro sua consecratione a Papa
flagitent. Nempe recentibus Decretis novis-
que Cancellariæ Regulis comparatum erat, ut
electiones & confirmationes Episcoporum A-
postolicæ Sedi reservarentur.

IX. Confirmati a Metropolitanis Episcopi
jus habebant invehendi in suas Ecclesias Sym-
bolum Fidei, quod sibi optimum videretur,
modo nihil a Catholicis dogmatis dissentiret.
Hinc est, quod aliud erat Romanum Symbo-
lum, aliud Aquileense, aliud Jerosolymitanum,
aliud Neocæsariense, aliud Alexandrinum, alia

aliarum Diœceseon. Cum Theodorus Mopsuestenus Episcopus sub initia quinti sæculi Symbolum a se compositum edidisset, idque parum catholicum inventum esset; tale Symbolum reprobavit & proscripsit Sancta Synodus Ephesina Actione VI. De singulis exacte agunt Josephus Binghamus Tomo IV. *Originum Ecclesiasticarum*, Libro X. Cap. 4. & Jacobus Usserius Dissertatione *de Symbolis*, quæ ad calcem Chronologiæ ejus extat.

Si qua hæresis vel suspecta doctrina emergeret, Episcopi erant, qui apud suas Synodos & hæresim condemnabant, & hæreticos ad palinodiam compellebant. Ita cum Sabellio & Ario egere Episcopi Ægyptii: ita cum Eutychæ & Severo Thracii: ita cum Pelagio Africani: ita cum Priscilliano Hispani. Observat autem recte Petrus Aurelius in doctissima Defensione Epistolæ Antistitum Gallorum adversus Libellos quosdam Jesuitarum: idque citato Aurelio etiam observat Thomassinus Dissertatione in Synodum Gangrensem, num. 26. neminem prioribus illis sæculis ausum esse declinare vel eludere vim horum judiciorum Episcopaliū, eo solo prætextu, quod judicia illa non essent infallibilia: sed e contrario ineluctabilem vim quandam in ejusmodi judiciis agnovisse ipsos hæreticos, ut qui ad illam vim declinandam non alio subterfugio uterentur, quam obreptionis vel imposturæ: causantes nimirum, falso se erroris insimulatos esse, utpote prorsum ab illis doctrinis abhorrentes, quæ sibi imputabantur a Synodis. Ubi vero excusationes hujusmodi deessent, omnes pro legitimo ac decretorio habuisse judicium Episcoporum: omnes paruisse: omnes anathema dixisse scriptis & personis, quas anathematizassent Episcopi.

Episcopis quoque ipsis subjacebant non solum

Aurelius
Tom. I.
pag. 33.

Thom. ad
calcem T.
III. Theo-
log. Dog-
mat. p. 33.

lum Clerici, sed etiam Monachi, quotquot per singulas Paræcias degebant. Itaque ante obtentam ab Episcopo facultatem & approbationem, nulli prorsus licebat officio aliquo defungi Ecclesiastico, vel Hyerarchico, non prædicare ad populum, non Sacramentum administrare. Sufficiat laudare quartum Canonem Synodi Chalcedonensis, vel Epistolam Hieronymi ad Pammachium contra errores Joannis Archiepiscopi Jerosolymitani.

Administratio bonorum Ecclesiasticorum prioribus sæculis etiam omnino ab Episcopo dependebat. Liquet ex Chalcedonensi Canone XXVI. Gangrensis VII. & VIII. Antiochenis XXIV. & XXV. Apostolico XLI.

X. Nulla tunc erat, nulla diu postea fuit reservatio vel excommunicationum vel scelerum. Absolvere omnia Episcopi poterant, vel qui eorum Pœnitentarii erant, ne publica quidem hæresi excepta, vel idololatria eorum, qui persecutionibus sævientibus succubuerant. De hæresi constat ex Canonibus Nicæno VIII. Laodicænis VII. & VIII. Constantinopolitano VII. Agathensi LX. Epæonensi XXVIII. Aurelianensis quartæ Synodi VIII. Martini Bracarenfis XXXVI. Perrandi Diaconi L., item ex Epistula Athanasii ad Rufinianum. De idololatria constat ex Cypriani Epistula XV. ad Martyres & Confessores, & Epistula XVI. ad Presbyteros & Diaconos: ex Canone Ancyrano II. ex plurimis Synodi Eliberitanæ, nec non X. Secundæ Synodi Arelatenfis.

Patres Concilii Provincialis Salegunstadien-
 sis anno MXXII. in Germania celebrati, Ca-
 pite XVIII. subditis suis declarant, invalidas
 & illicitas esse absolutiones, si quas ipsi incon-
 sultis vel invitis Episcopis suis ab Roma im-
 petraissent. Id ipsum Sessione II. adfirmavere
 Patres Concilii Lemovicensis in Gallia cele-
 brati

Concil. T.
 XI. edit.
 Coletina
 p. 1133.

16. pag.
 1250.

brati anno MXXXIV. Quod egregio argumento est, ordinarij juris esse Episcoporum absolutiones, quascumque dare vel negare. Anno

Matthæ. MCXLI. juxta calculos Matthæi Parisiensis, qui
Parif. p. sæculo mox secuto floruit: vel an. MCXLIII.
 79.

Concil. juxta Chronologiam Davidis Wilkinsii in Col-
Angl. To. lectione Conciliorum Angliæ, a Londinensi
 Synodo constitutum est, ut in posterum Papæ
 I. p. 422.

reservata esset absolutio eorum, qui Clerico manus violentas injicerent. Quod signum est, absolvi antehac ab Anglis Episcopis potuisse peccatum hoc, quod est hodie in reservatissimis.

Hanc Episcopalis ordinis eminentiam agnoscebant & fatebantur ii, qui apud Nicæam Canone XII., in Africa vero Canonibus XLIX. & L. e Collectione Ferrandi statuebant, ut penes Episcopos esset tempus designare tum publicæ pœnitentiæ agendæ, tum veniæ pœnitentibus dandæ. Canone etiam Antiocheno IX. pleno jure intra Parœciam gaudebat Episcopus, ut fori contentiosi causis exceptis, omnia pro arbitrio regeret & administraret.

XI. Ad extremum quisquis legerit Petrum de Marca Libro VI. *de Concordia Sacerdotii & Imperii* Cap. 3. 4. 8. & 9., Thomassinum de Disciplina Beneficiorum Parte II. Libro II., Gerbasium Libro superius memorato *de Causis Majoribus*, Art. I., Gibertum Tom. II. Tit. VII. *de Prælati*: is antiquis Historiæ & Conciliorum Monumentis fule demonstratum iuveniet, electiones & confirmationes Episcoporum, institutiones novorum Episcopatuum, designationes Coadjutorum & futurorum Successorum, renuntiationes & depositiones eorundem Episcoporum, translationes ab una Parœcia ad aliam: hæc aliaque id genus negotia, quantumvis ex se gravissima, multis sæculis in Ecclesia legitime facilitata esse, nullo Romani Pontificis requisito aut expectato consensu:

Me

Metropolitanis interea omnia intra Provincias moderantibus sive in Synodis, sive extra Synodos: idque more procul dubio ab Apostolis accepto, & Canonibus confirmato; Nicæno videlicet VI. & Constantinopolitano II.; in quibus statuitur, ut secundum mores ubique locorum in Ecclesia receptos, Ægyptii Episcopi ea quæ sunt in Ægypto pleno jure gubernent & administrent: Orientales similiter quæ in Oriente: Asiatici quæ in Asia: Pontici quæ in Ponto: Thracæ denique quæ in Thracia: atque ita administrent, ut quemadmodum se habet Primas respectu totius Dioceseos, ita se habeat Metropolitanus una cum Suffraganeis respectu uniuscujusque Provinciæ. Unde tametsi ad hanc Ecclesiarum & Dioceseon designationem sive distributionem suo consensu & adprobatione concurrerit Pontifex: non propterea a solo ejus consensu vim & robur accepit illa divisio; quæ dubio procul ortum habebat a divisione illa Dioceseon, quam una cum Petro instituerant Apostoli, & in quam successive deinde consenserat totum Corpus Episcoporum: quod Corpus ut suo consensu canonibus supremum addebatur robur, ita ejusdem adsensu, non vero solius Papæ arbitratur rescindi aut immutari: iidem Canones poterant. Nam vel ipsius Romani Pontificis privilegia aliqua consensioni ac decreto Ecclesiæ accepta retulit Chalcedonensis Synodus Can. XXVIII. *Throno antiquæ Romæ, inquit, quod urbs illa in Concil. peraret, jure Patres privilegia tribuerunt: Quod Tom. IV. & multo ante professus fuerat ipse Zosimus p. 1691. Papa I. dicens: Apostolica Sedi in honorem Beati Petri Patrum decreta peculiarem quandam pag. 943. sanxerunt reverentiam.*

XII. Equidem si divisio & designatio Dioceseon Papæ jure divino reservata esset, vel si ab uno Papa ejusmodi divisio & designatio

Concil.
Tom. II.
pag. 47

Ibid. p.
1131.

dependeret : cur , quæso , Nicæni Patres Canone VI. ubi de limitibus & administratione Diœceseon Ægypti , Orientis , & ceterarum Christianarum agunt ; non ad jus divinum , non ad auctoritatem Romani Pontificis provocant , sed tantummodo ad consuetudinem vulgo receptam ? Sic enim ajunt : *Antiqua consuetudo servetur per Ægyptum , &c. Similiter & apud Antiochiam , ceterasque Provincias , suis privilegia servantur Ecclesiis* . Cur item Patres Constantinopolitani Canone II. ubi eandem divisionem confirmant , non alio nisi Canonum jure utuntur ? *Juxta Canones (inquit) Alexandrinus Antistes quæ sunt in Ægypto regat solummodo , & Orientis Episcopi Orientem tantum gubernent , &c.*

Si ab uno Papa dependebat designatio & distributio Provinciarum Ecclesiasticarum , vel si jus illud privilegium erat ejusmodi , ut a Primatu separari non posset : qua religione , amabo te , statuerunt Patres centum quinquaginta ejusdem Concilii Constantinopolitani eodem Canone II. (sequor numeros Dionysii Exigui) ut Episcopus hujus urbis secundo post Romanum honoris loco in posterum gauderet ? *Constantinopolitanus Episcopus habeat honoris primum post Romanum* . Qua religione Legati S. Leonis Papæ apud Chalcedonensem Synodum Actione I. Dioscoro crimini vertere , quod S. Flavianum Constantinopolitanum quinto loco sedere jussisset , cum juxta memoratum Canonem primus ei deberetur post Romanum ? Scire interim oportet , hujus Canonis auctores fuisse multos Sanctos Episcopos , qui illi Concilio interfuere , non minus sanctitate quam doctrina illustres . Qua item religione , qui deinceps secuti sunt Archiepiscopi Constantinopolitani , (e quorum numero fuit Chrysostomus , ejusque Successor Atticus , uterque sanctimo-

et imonia clarissimus) cœperunt sibi adrogare administrationem non solius Thraciæ Diœceseos, (in qua illi antehac meri extiterant Suffraganei Archiepiscopi Heracleensis) sed etiam Asiæ, & Ponticæ, quarum utraque ante illa tempora tam fuerat autocephala & independens, quam nunc erat & diu postea mansit Diœcesis Ægyptia, Orientalis, & Romana? Qua denique religione Patres Concilii Chalcedonenfis Can. XXVIII. Archiepiscopo Constantinopolitano huiusmodi prærogativam sive primatum confirmavere, instituentes eum Patriarcham sive Exarcum duarum Diœceseon vastissimarum, Asiæ & Ponticæ: idque acerrime obluquantibus Legatis S. Leonis Papæ? Nemo etiam ignorat, huic Chalcedonensi Canoni XXVIII. perpetuo repugnasse Apostolicam Sedem: sed frustra repugnasse: nam concessio sibi a Patribus Constantinopolitanis honore constanter usi sunt Archiepiscopi Regiæ Urbis: in his S. Euphemius, S. Macedonius, S. Menas, S. Euthychius, S. Ignatius, aliique plures Sancti Patriarchæ.

Negari ergo non potest, in his aliisque rebus ad Disciplinam spectantibus, potio-rem semper esse iudicio Ecclesiæ & Episcoporum vim corporis totius, quam solius capitis (a):
hoc

(a) Huc spectat illud Augustini in Libris de Baptismo: *Universum partibus semper optimo iure præponitur.* Et illud Basileensium Patrum in Responsione Synodica, quæ incipit *Cogitanti*, Tom. XVII. Concil. pag. 458. *Nec dicat quis, quod ipsa pars principalis potentior est ac dignior reliquo toto corpore & ceteris membris, & per consequens illi potius obediendum: quia ratio, experientia, & auctoritas dicunt contrarium.* Lege ibi reliqua quæ sequuntur; Sunt enim sane egregia. Nec prætermittenda est doctrina Sacre Facultatis Parisiensis adversus Adversarios
nes

hoc est, Politiam & Œconomiam Diœcesium non tam a Romano Pontifice, quam ab Ecclesiarii consensione vigorem habere: atque ab hac consensione ortam esse divisionem & distributionem Diœcesium & Provinciarum Ecclesiasticarum. Neque enim aliquo argumento constat, his constituendis ab initio nascentis Ecclesiæ solam Petri auctoritatem fuisse adhibitam aut adhibendam. Scimus enim, Paulum sua auctoritate Timotheum Ephesi, Cretæ Titum Episcopos creare: atque id ipsum aliis in Provinciis a ceteris Apostolis factitatum. Scimus priorum seculorum moribus constanter receptum esse, ut creationes novarum Provinciarum & Paræciarum nullo Romani Pontificis interventu fierent: atque ipsis Provincialibus Episcopis ad suas Paræcias dividundas, ad novos ibi creandos Episcopos, ad designandum territorium, unum Metropolitanum adsensum satis fuisse.

XIII. Nullus hodie eruditorum est qui nesciat, investas sæculo IX. opera Nicolai Papæ I. spurias Decretales Isidori Mercatoris in causa fuisse, cur labare sensim Disciplina primæva, pervertique totus Ordo Hierarchicus cœperit, cum maximo sane damno Jurium Episcopaliū, parique detrimento Provincialium Syno-

nes Joannis Sarrazini anno MCCCCXXIX. *Quarta veritas: Quandoquæque in aliquo Concilio aliqua instituuntur, tota auctoritas dans vigorem statutis, residet non in solo Summo Pontifice, sed principaliter in Spiritu Sancto & Catholica Ecclesia.* Apud Richerium *De Eccles. & Polit. Potest.* in Demonstratione Capituli II. pag. 12. Similiter Cardinalis Cusanus Libro II. *de Concordantia Catholica*, Cap. 8. p. 722. *Ex qua re sequitur, juxta subscriptiones Patrum, vigorem statutorum Canonum in Concilio, non ex Papa nec capite Concilii, sed ex unica concordanti sensu vigorem habere.*

Synodorum: id quod recte observat Joannes Gerbasius in Dissertatione *De Causis Majoribus* Gerbas.
 Art. IX. §. 2. & Stephanus Baluzius in Præ- p. 224.
 fatione Notarum in Dialogos Antonii Augu- Baluz. p.
 stini, num. II. (a). Ex his falsis Decretalibus 613.
 gravissimæ illæ contentiones & dissensiones
 profectæ sunt, quæ sub Carolo Calvo Imperatore Sedem Apostolicam & Gallicos Antistes fæde inter se commiserunt, causa duorum Episcoporum exauctoratorum, Rothadi Sueffionensis & Hincmari Laudunensis: quos contra sententias Provincialium Synodorum Sueffionensis & Duziacensis restituere conabatur Nicolaus Papa I. ejusque Successor Hadrianus II. Ex his profecti magna ex parte *Dictatus*, quos Baron.
 vocant S. Gregorii VII., quos describit Baro- To. XVII.
 nius ad annum MLXXXVI. num. 31. Sunt au- novissime
 tem edit. pag.
 430.

(a) Ea Nicolai de Cusa Cardinalis gloria fuit, ut primus vel inter primos (erat enim peracri judicio, & in genuinis veterum scriptis apprime versatus) Isidori imposturas fuerit subodoratus. Sic enim ille scribebat anno Christi MCCCCXXXIII. in Libro III. de Concordantia Catholica. Capite II. pag. 782. Sunt meo judicio illa de Constantino apocrypha, sicut fortassis etiam quædam alia longa & magna scripta, Sanctis Clementi & Anacleto Papæ attributa: in quibus volentes Romanam Sedem omni laude dignam, PLUS QUAM ECCLESIE SANCTÆ EXPEDIT ET DECET exaltare, se penitus aut quasi fundant. Si quis illas omnes Scripturas illis Sanctis attributas diligenter perlegeret, & eorum tempora ad illa scripta applicaret, ac deinde in opusculis omnium Sanctorum Patrum qui usque ad Augustinum, Hieronymum, & Ambrosium fuere, ac etiam de gestis Conciliorum, ubi authentica scripta allegantur, usum & memoriam haberet, hoc inveniret verum, quia nec in illis omnibus scripturis de illis præfatis Epistulis mentio habetur, & etiam ipsæ Epistolæ applicatæ ad remp. eorum Sanctorum se ipsas produunt. Et reliqua quæ ibi videre est.

tem Privilegia Romani Pontificis viginti septem, quæ velut totidem divina Jura nobis scripta reliquit ille Pontifex: cum horum nonnulla tamen ejusmodi videantur, ut ipsa legisse idem omnino sit ac refutasse: quemadmodum post Gerbasium & Bosluetum observare Fleurius & Vanespenius. Ex his magnam partem conflata sunt sæculo XI. Collectiones Burchardi Wormatiensis & Ivonis Carnotensis Episcopi: conflata etiam sæculo XII. illa altera Gratiani, quod *Decretum* vulgo audit. Quæ Collectio, cum a simplici Monacho Benedictino quamvis non prorsus imperito, & quidem privata auctoritate fuisset adornata: cum spuris Decretalibus & confictis Conciliis referta esset: referta item testimoniis pessime intellectis: (quale verbi gratia illud est Augustini ex Libro II. de *Doctrina Christiana* Cap. 8., quo probare contendit Gratianus Cap. In *Canonicis*, Dist. XIX. invito quidem Sancto ipso Doctore, Pontificia Decreta paris auctoritatis esse ac Scripturas Canonicas): Cum tot erroribus, inquam, esset hæc collectio inquinata, quot post Romanos Correctores indicavit magnus Archiepiscopus Tarraconensis Antonius Augustinus in Dialogis *De Emendatione Gratiani*: ea tamen fuit temporum barbaries, ea auctoritas Academiæ Bononiensis, ubi summo in pretio haberi mox cœpit ista Collectio, ut lento gradu ad id tandem dignitatis fastigium fuerit evecta, ubi tamquam Corpus quoddam Juris Publici, sive tamquam Authenticum Promptuarium Canonum Ecclesiasticorum haberetur ipsum Decretum Gratiani, ab illoque proinde mutuarentur Canonistæ, quidquid e Conciliis & Patribus citatum ab illis invenias totos quingentos annos.

XIV. Ex hoc igitur Decreto prodiit Caput *Nunc autem*, & inde celebratissimum illud A-

xioma, *Prima Sedes non judicabitur a quoquam* *Dist.*
 quod quamvis desumptum sit de fidei Con- *XXI.*
 cilio Sinuesano, in ore tamen est omnibus *Cap. 7.*
 Canonistis, tamquam Definitio quædam dog-
 matica. Atque inde profecta est illa Glossa,
 quæ legitur Libro I. Decretalium Gregoriana-
 rum, Tit. 7. Cap. 3. *In his quæ vult Papa,*
ei est pro ratione voluntas. Nec est qui ei dicat,
cur ita facis?

Hinc etiam prodire Caput Synodum, & *Dist.*
 Caput Regula vestra, desumpta ex falsis De- *XVIII.*
 cretalibus Marcelli I. & Julii I., unde Gra- *Cap. 1.*
 tianus colligit, deficiente confirmatione Apo- *& 2.*
 stolicæ Sedis, vi legum pollere haud posse De-
 creta Episcoporum: *Episcoporum Concilia*, in-
 quit, *ut ex præmissis apparet, sunt invalida ad*
definiendum & constituendum. Atque eademmet
 doctriua nixi, quamvis tota Ecclesiastica An-
 tiquitate invita, & ipso Concilio Tridentino
 repugnante, sequentem Decisionem promul-
 garunt Cardinales Concilii Interpretes anno
 MDXCIV. *Decreta quæ in Conciliis Provincia-*
libus conduntur, publicari non debent inconsulto
Romano Pontifice. Adeatur Petrus de Marca
 Libro VI. de Concordia Cap. 14. num. 13.

Hinc etiam prodit caput *Qui se scit*, anti- *Caus. II.*
 quissimum sane omnium Monumentorum, ubi *Quæst.*
 celeberrimum aliud Curia Axioma occurrit, *VI. Cap.*
 quod sic habet: *Solus Papa habet plenitudinem* *12.*
potestatis: ceteri vero ab eo vocati sunt in partem
solicitudinis. Quo Fagnanus conatur evincere, *Fagnan.*
 solum Papam jurisdictionem habere immedia- *in Cap.*
 te a Christo, Episcopos vero a solo Papa. Perni-
 Unde etiam alii colligunt, *Papam esse Episco-* *ciosa, De*
pam Episcoporum, & Ordinarium Ordinariorum; *Offic. &*
 qui proinde ubique locorum Episcopalia mu- *Potest.*
 nia obire valeat, tamquam qui pro Parœcia *Jud. Ord.*
 habeat Ecclesiam universam. Notari autem
 debet, memoratam sententiam desumptam es-
 se

se ex Epistula quadam Vigilii Papæ non ad Eleutherium, (ut Romani Correctores Decreti emendavere) sed ad Profuturum Archiepiscopum Bracarensem scripta an. DXXXVIII. (ut animadvertit Baluzius) ævo adhuc nimis maxime venerando, & in quo castior adhuc disciplina vigeret. Verum in Notis ad illam Epistulam, quam & suæ Conciliorum Collectioni inseruit, observat idem Baluzius, totam illam pericopen abesse a tribus antiquissimis Codicibus manu exaratis, uno Lugdunensi, & duobus Colbertinis (a). Unde cum Baluzio scite conjectat Gibertus, talem pericopen unam ex iis additionibus esse, quas Isidorus Mercator pro legitimis fœtibus antiquorum Pontificum venditare voluerit: & quam ille forte desumpserit ex alia epistula S. Leonis Magni ad Anastasium Archiepiscopum Thessalonicensem, ubi suum illum in Illyrico Vicarium adloquens ita scribit Leo; *Vices nostras ita tuæ credidimus caritati, ut in partem sis vocatus sollicitudinis, non in plenitudinem potestatis*. Nempe is fuit Isidorus, ut ex variis centonibus hinc inde collectis octoginta & amplius Decretales consarcinaverit, quæ pro apocryphis & adulterinis hodie ab omnibus habentur. Quando ergo ita apertæ sunt Isidorianæ

Collect.
Baluz. p.
1468.

Gibertus
Tom. I.
p. 262.

(a) Candorem hic desidero in sapientissimo & religiosissimo Cardinale Aguirrio, qui in Notis ad Epistulam Vigilii a se editam Tómo III. Conciliorum Hispaniæ pag. 165. novæ editionis Romanæ: ex tribus Mss. a Baluzio visis & memoratis unum tantum sibi opponit. Nempe Cardinalis intererat dissimulare, quidquid Ultramontanis placitis posset officere. Ceterum quo sensu vere dicatur Papa *habere plenitudinem potestatis*. Episcopi vero dicantur *vocati in partem sollicitudinis*: doctè explicat Cardinalis Cusanus Lib. II. de Concord. Cathol. Cap. XIII.

næ imposturæ, & quando ita silent tres memorati Codices Mss. admodum probabile est, Isidorum ea, quæ a S. Leone ut Patriarcha quarundam Provinciarum Vicarium suum adloquente audierat, Vigilio supposuisse in ea Epistula, ubi ille tamquam Papa Episcopos omnes adloquitur. Ex quo profectum etiam fuerit, ut Formula illa loquendi, ceu Formula antiquæ Ecclesiæ, usi sint Innocentius III. & alii Pontifices.

Denique, (ne longiores simus in eo argumento, quod hodie vulgare & tritum est apud optimos quosque Scriptores) ex hoc Decreto prodiit Caput *Alius*, desumptum ex Epistulis S. Gregorii VII., quo antiqui Canonistæ omnes probatum eunt potestatem Papæ in temporalia Regum & Principum Supremorum. Tam alte vero Xisto V. infederat illa opinio, esse se Dominum universorum Regnorum Christianorum, ut (si Antonio Arnaldo fidem habemus) in Indicem damnatorum Librorum refferri jusserit Opus Bellarmini de Romano Pontifice, propterea quod ibi Papæ negaretur dominium directum, & unum indirectum concederetur (a).

XV. Tanta vis autem falsarum Decretalium & spuriorum scriptorum, quanta a sæculo IX. Conciles ad

Causa XV. Qu. VI. cap. 3.

Arnaldus in opere Gallico, Eclaircissement sur l'Autorité des Conciles Généraux. Cap. IV. p. 52.

(a) Arnaldo suffragatur Goebelius ad Conrigium in *Historia Electionis Alexandri VII.* Tom. V, pag. 615. lit. D. ubi ita scribit: *Bellarminus Lib. V. de Romano Pontifice asseruerat dominium Papæ indirectum in temporalia. Id vero minus Xisto V., nimium Gallis videbatur. Quare non modo Xistus opera ejus in Catalogum librorum prohibitorum retulit, sed etiam Galli ad rogum damnaverunt librum ejus contra Barclajum, &c.* Confer quæ narrat ipse Barclajus in *Libro De Potestate Papæ* Cap. 13. apud Goldastum Tomo III. *Monarch.* pag. 645.

ad XII. in Ecclesiam invaserat, prohibere minime potuit, quominus a multis viris sapientibus & zelo flagrantibus animadverteretur nova Disciplinae labes. Extabant enimvero adhuc incorrupta Acta & Canones antiquorum Conciliorum: extabant etiam Opera Sanctorum Patrum plurima. Itaque Episcopaliū Jurium ruinam & jacturam acerbe deflebant. Ex horum numero erant duo Episcopi Carnotenses Ivo in Epistula CX. ad Paschalem Papam II., & Joannes Sarisberienſis Libro VII. Polycratici Cap. 21. Item Arnulphus Lexoviensis in Epistula LXXI. ad Alexandrum Papam I. I. Hildebertus primum Cenomanensis Episcopus, dein Archiepiscopus Turonensis in Epistula XLVII. ad alium etiam Summum Pontificem: Robertus Lincolniensis Episcopus in Responsione ad Innocentium Papam IV., quam describit Matthæus Parisiensis in Historia Anglorum ad annum MCCLIII. Loco omnium audiatur Bernardus Claravallensis Abbas, adloquens Eugenium Papam III. Libro I. I. de Consideratione Cap. 4. *Murmur loquor & querimoniam Ecclesiarum. Truncari se clamitant ac demembrari. Vel nullæ Ecclesiæ vel paucæ admodum sunt, quæ plagam istam aut non doleant aut non timeant. Quæris quam? subtrahuntur Abbates Episcopis, Episcopi Archiepiscopis, Archiepiscopi Patriarchis sive Primatibus. Bonæ species hæc? Mirum si excusari queat vel opus. Sic facitudo probatis vos habere plenitudinem potestatis, sed justitiæ forte non ita. Honorum ac dignitatum gradus & ordines quibusque servare positi estis, non invidere. Et infra: Tunc denique licitum censeas suis Ecclesiam mutilare membris, confundere ordinem, perturbare terminos quos posuerunt Patres tui? Si justitia est jus cuique servare suum, auferre cuiquam propria justo quomodo poterit convenire? Erras si ut summam, ita* & so-

*Bernardus Tom.
I. p. 437.*

*Ibid. p.
439.*

¶ *ſolam inſtitutam a Deo veſtram Apoſtolicam poteſtatem exiſtimas . Si hoc ſentis , diſſentis ab eo qui ait : Non eſt poteſtas niſi a Deo . Denique idem ait : Omnis anima poteſtatibus ſublimioribus ſubdita ſit . Non ait ſublimiori , tamquam in uno : ſed ſublimioribus , tamquam in multis . Non ergo tua ſola poteſtas a Domino : ſunt & mediocres , ſunt & inferiores . Et mox : Monſtrum facis , ſi manu ſubmovens digitum , facis pendere de capite : ſuperiorem manui , brachio collateralem . Tale eſt ſi in Chriſti corpore membra aliter locas , quam diſpoſuit ipſe Dominus .*

Qui ita loquebatur , is plane ſignificabat in ea ſe eſſe ſententia ut crederet , iuriſdictionem Episcoporum tam eſſe immediate a Deo , quam Papæ : atque ipſa plenitudine poteſtatis non ad hoc donatum eſſe Pontificem , ut Episcopos ſpoliaret iuribus & muneribus huius ordinis propriis : ſed potius ut ipſa jura Episcopis conſervaret , niſi reus haberi vellet & illata injuriæ & uſurpatæ iuriſdictionis . Namque ut tanto poſt docuit Cardinalis Cuſanus Lib. II. de *Cuſu. p.*
Concordantia Catholica Cap. 13. *Papa non ha-* 728.
bet a Canone , quo ledere poſſit iuriſdictionem Episcoporum . Nec legitur antiquos Pontifices ſe de his intromiſiſſe .

XVI. Anno fere centefimo , cum Gratiani Decretum publici juris factum erat , novam Collectionem Decretalium emiſit Gregorius Papa IX. Harum pars maxima deſumpta eſt ex Epistulis & Reſcriptis Innocentii III. Fuit is Pontifex ſane doctiſſimus , ſed nimium tamen deditus novis Prærogativis inveniendis , quas ille ſibi perinde adſerebat , ac ſi divino jure ſibi deberentur , eſſentque Apoſtolicæ Sedi inſolubili vinculo adnexæ . Quod Matthæum Pariſienſem movit , ut Innocentium appellaret *audacem jurisperitum* . Tales ſunt quas Innocentius ipſe deſcribit in Cap. *Inter corpora-*
ralia,

valia, De Translatione Episcopi, ubi aperte affirmat, Translationem, Cessionem, & Depositionem Episcoporum esse jure divino soli Romano Pontifici reservata. Tria hæc, inquit, non tam institutione Canonica, quam institutione Divina, soli sunt Romano Pontifici reservata. Quam doctrinam Illustrissimus Marca & cum illo Gerbasius vocant inauditam ante hoc seculum, & à veterum moribus alienam.

Marca
Lib. VII.

Cap. 26.

P. II. p.

371. Ger-

bas. pag.

273.

Auxere nimium quantum Reservationes hujusmodi Bonifacius VIII. publicato Libro Sexto, Clemens V. publicato Septimo, quas Clementinas vocant; Joannes XXII. publicatis cum Extravagantibus, tum Regulis Cancellariæ: auxere & alii Pontifices innumeris Bullis ad nostra usque tempora editis, quibus vel legendis impar unius hominis vita fuerit.

His ita imminuta est antiqua Episcoporum auctoritas, ut jam illo ævo simulacra depicta eos vocaret Parisiensis Cancellarius. Lusitani dicerent, *humas sombras de Bispos*. Locus dignissimus est qui omnino heic describatur. Sic autem habet: Crescente Clericorum avaritia & Papa cupiditate, potestas & auctoritas Episcoporum quasi videtur exhausta & totaliter diruta: ita ut QUI IN PRIMITIVA ECCLESIA ÆQUALIS POTESTATIS CUM PAPA ERANT, jam in Ecclesia non videantur esse nisi simulacra depicta, & quasi frustra. Jam enim Papa Romanus reservavit omnia Beneficia, jam advocavit omnes causas ad Curiam suam, &c. (a).

Gerson

Tom. II.

pag. 174.

Hu-

(a) Superiori Gersonis testimonio adfine est illud, quod ex Commentariis Æneæ Sylvii de Gestis Concilii Basileensis laudat Gerbasius Art. III. pag. 54. Nec forsitan absortum fuerit dicere nullam unquam fuisse Synodum, quæ magis quam ista potestatem Episcoporum ampliaverit. Etenim quid hodie erant Episcopi, nisi

Hujusmodi dedecus seu potius everfionem
Episcopatus centesimo ante Gersonem anno
desseverat laudatissimus Durandus Episcopus
Mimatensis, alius ab eo quem *Speculatorem* vo-
cant, in Libro jussu Clementis Papæ V. ante
celebratam Generalem Synodum Viennensem
edito anno MCCCVII. cum hoc titulo : *De*
modo quo celebrari debet Concilium Generale. Heic
ostendit Durandus, *Quod Papa non potest nec* Durand.
debet novas leges aut nova jura condere, contra P. I. Tit.
ea quæ aperte Dominus, vel ejus Apostoli, & V. p. 34.
eos sequentes Sancti Patres sententialiter defini-
runt : quia aliter errare probaretur. Et infra :
Quod Episcopi potestatem & honorem suum rece-
perunt a Deo, a quo ordo praelationis est institu-
tus, & a quo Episcopi in loco Apostolorum con-
stituti sunt in singulis Civitatibus & Diocæsibus.
Quo ex loco ille conficit, intra Paræciam ju-
re omnia Episcopis subesse oportere : neque tot
exceptiones locis Ecclesiasticis & Religiosis per-
sonis, absque causa necessitatis vel evidentis uti-
litis, concedi a Pontifice potuisse aut debuisse.
Illud etiam in votis se habere significat, nem-
pe ut provideretur, *Quod Romana Ecclesia ul-* Ibid. P.
tra & contra prædicta non posset, absque Genera- III. Tit.
li Concilio, habenas extendere plenitudinis pote- XXVII.
statis. Item : Quod Dominus Papa non vocaretur p. 282.
universalis Ecclesiæ Pontifex, cum hoc prohibeat
Gregorius. His Durandus minime inten-
debat tollere vel imminuere auctoritatem &
potestatem Papæ : hunc enim in Ecclesia pri-
C 2 mum,

nisi umbra quædam? Quid plus eis restabat, quam bac-
culus & mitra? Numquid Pastores sine ovibus dici po-
terant, cum nihil in subditos statuere possent? Nempe
cum esset in Ecclesia primitiva Episcoporum summa
potestas, bodie ad id venerant, ut solo habitu & re-
diibus superarent Presbyteros.

num, ejusque summam & universalem auctoritatem esse, ipse toto Opere cum Catholicis omnibus plane agnoscit. Ea ergo Durandi mens erat & votum, ne universalis Pontificis nomine omnia ad se traheret Papa, jure suo Episcopis spoliatis. Quare alio in loco memorandum illud dictum jam scripserat idem Durandus: *Proverbium vulgare est: qui totum vult, totum perdit. Ecclesia Romana sibi vindicat universa: unde timendum est, ne universa perdat.*

*Ibi. P. II.
Tit. VII.
p. 69.*

Ita sensus suos scribebat & manifestabat Episcopus doctissimus & piissimus, Clementi Papæ V. in paucis carus, & qui propter egregium doctrinæ & zeli nomen, quo inclaruerat, Generalis Concilii Viennensis velut anima fuit. Extat autem hoc ejus Opus cum seorsim editum Parisiis anno MDCLXXI. in 4. tum una cum aliis in maxima Collectione Gregorii XIII. dicata sub titulo, *Tractatus Tractatum*, Tom. XIII. Parte I. fol. 154.

Loca S. Gregorii Magni de nomine *Episcopi universalis*, quæ Durandus subindicat, sunt ex Epistulis decima octava & quadragesima tertia Libri V., & ex Epistula trigesima Libri VII. In priori ita scribit magnus ille Pontifex: *Episcopus universalis vocari nullus presumpsit, qui veraciter Sanctus fuit. Nullus Apostolicæ Sedis Antistes sibi hoc temerarium nomen arripuit (a): ne si sibi in Pontificatus gradu gloriam singularitatis arriperet, hanc omnibus fratribus denegasse videretur.* In altera sic: *Nullus umquam Decessorum*

*Gregor.
Tom. II.
p. 743.
Maurine
editionis.*

*Ibid. p.
771.*

(a) Ex hoc & sequentibus Gregorii locis haud inepte colligit Launojus Libro I. Epistula 4. ad Franciscum Bonum pag. 33. numquam se *universalis seu Catholicæ Ecclesiæ Episcopum* inscripisse Leonem Magnum: adeoque mendosas esse illas inscriptiones nonnullarum ejus Epistularum, quas exhibent editio Petri

rum meorum hoc tam profano vocabulo uti consensit: quia videlicet si unus Patriarcha universalis dicitur, Patriarcharum nomen ceteris denegatur. In tertia sic: Universalem me Papam vestra sanctitas dicens, negat se hoc esse quod me fatetur universum. Sed absit hoc: recedant verba quæ vanitatem inflant, & caritatem vulnerant. Et rursus in eadem Epistula: Nec honorem esse deputo, in quo fratres meos honorem suum perdere cognosco. Meus namque honor est honor universalis Ecclesia. Meus honor est fratrum meorum solidus vigor.

Ibid. p.
919.

Erat ergo in ea sententia magnus Gregorius, vel eo solo gravi injuria a Romano Pontifice adfectum iri Episcopos, si se ipse universalem Episcopum adpellasset. Quid, si in eo statu Episcopos vidisset Gregorius, in quo post annos octingentos videbat Gerson tum, cum illos dicebat depicta simulacra? Quid, si vidisset Gerson ipse, Episcopis Lusitanis religioni esse, si Pontificiam Constitutionem quamlibet, nec ad se quidem transmissam, nec ipsorum etiam opera in Provinciis promulgatam, (quod & fieri præcipiunt antiqui Canones moreque Ecclesiæ, & in suis ferendis legibus observant ipsi Principes laici) aut ipsi non observarent, aut non curarent a suis subditis observandam: idque non alia de causa, quam quod sibi constaret vel privatim, ejusmodi Constitutionem Romæ adfixam esse valvis Apostolorum, & in Campo Floræ publicatam? Quid, si vidisset, iisdem Episcopis negotium sæpe facessere Declaratio-

C 3

nes

tri Canisii de anno MDXLVI., eamque secutæ recentiores aliæ. Nempe: *Leo Romane & universalis Ecclesiæ Episcopus, Eudociæ Augustæ salutem.* Atque ita similiter in aliis ad Martianum Imperatorem, & Maximum Antiochenum: cum nihil tale habeant vel Codices Mss. vel antiquiores editiones. Vide & Quesnelli Notas Tom. II. 483. & 497. & 501.

nes Cardinalium Concilii Interpretum, vel Decreta Congregationis Indicis; ex eo solum, quod ea apud Barbosam vel Lacroixium descripta reppererint? Quid; si vidisset, ab iisdem Episcopis efflagitari de Roma facultatem quorundam Librorum legendorum, quos non aliunde sciunt esse proscriptos, quam ex Indice huc identidem allato a librariis? Quid denique si vidisset, Romanos Theologos studio opinionum suarum, quasi totidem Catholicorum dogmatum abreptos, amarulentissimis censuris in eos omnes animadvertere, qui ab illis dissentiant, adeoque ne ipsis quidem parcere Sanctis Patribus primi subsellii (a)? Veluti cum Christianus Lupus in Notis ad Concilium Sardicense contractæ ex jejuniis iracundiæ illud tribuit, quod Basilius in Epistula CCXXXIX. scripsit de Romanis: *Quale nobis auxilium ab Occidentalium supercilio, & fastu aderit, qui veritatem neque norunt, neque discere sustinent?* Quod ita mordet Lupus: *In iram frequenti jejunio studentium more pronior Basilius clamabat, &c.*

Cusa p.
726.

Totam doctrinam hujus Principii multo sane splendidiorem illa reddet, quam infra tradituri sumus in Probationibus Quinti. Interim Cusanum Cardinalem auscultemus, Libro II. Cap. 13. ita differentem: *Scimus quod Petrus nihil plus potestatis a Christo recepit aliis Apostolis. Nihil enim dictum est ad Petrum, quod etiam aliis dictum non sit. Nonne sicut Petro dictum est, Quod-*

(a) Ante annos centum sexaginta de hoc cum Romanis Theologis exposulabat summus ille Venerabilis gentis Theologus, Paulus Sarpius, dum in *Apologetica Gersonis adversus Bellarminum* §. IV. pag. 76. ita scribebat: *Infelicità possiamo dir quella de' tempi nostri, quando non vi è Padre dell' antica Chiesa, che non sia censurato; & quando s' ardisce dire, che se fussero in questi tempi, non parlerebbono, come hanno parlato.*

Quodcumque ligaveris super terram : ita aliis , Quodcumque ligaveritis ? Et quamquam Petro dictum est , Tu es Petrus & super hanc petram : tamen per petram Christum quem confessus est intelligimus . . . Et si Petro dictum est : Pasce oves meas : tamen manifestum est , quod illa pascentia est verbo & exemplo . Ita etiam secundum Augustinum omnibus idem preceptum est . . . Nil reperitur Petro aliud dictum , quod potestatem importet aliquam . Ideo recte dicimus omnes Apostolos in potestate cum Petro aequales . . . QUARE HOC SOLUM SINGULARITATIS IN PETRO INVENIEMUS , QUOD IPSE FUIT MAJOR IN ADMINISTRATIONE .

PRINCIPIUM II.

Antequam in Ecclesia extaret Corpus aliquod Legum vel Canonum , quod veluti Jus commune quoddam capita omnia Disciplina generatim moderaretur , Episcopi sane erant , qui in suis Synodis Provincialibus constituebant impedimenta Matrimonii , alii quidem citius , alii vero serius , prout Paræciarum suarum necessitas aut utilitas postulabat .

Corpus Canonum apud Orientales : Epistula Canonica S. Basilii : Collectio Dionysii Exigui : Decretales Siricii & Innocentii I. Canones Gallici , Hispanici , Africani , in medium adferuntur .

PROBATIONES.

- I. **Q**UOD ad Orientem spectat , res certissima est & notissima ex Actis Concilii Chalcedonensis , Codicem five Collectionem legum , quæ medio sæculo quinto in usu erat Græcis Ecclesiis , non pluribus quam CLXV. Canonibus constituisse : nempe Nicænis , Ancyranis , Neocæsariensibus , Gangrensis , Antiochenis , Laodicensis , & Constantinopolitani-
C 4 nis .

nis. Atqui ex horum numero vix tres inveniuntur, qui de impedimentis agant Matrimonii. Sunt autem undecimus Provincialis Concilii Ancyran, anno CCCXIV. celebrati, ubi instituitur impedimentum *Raptus*: secundus Provincialis Concilii Neocæsariensis eodem anno CCCXIV. habiti, ubi instituitur impedimentum *Adfinitatis*, quo ejus Matrimonium dirimatur, quæ duobus fratribus successive nupsert: & decimus Provincialis Concilii Laodice- ni, anno CCCLXIV. congregati, ubi instituitur impedimentum *Disparis religionis*, ne cum hæreticis feminis contrahere possint filii Clericorum.

Hinc ergo conficitur, qui prioribus sæculis impedimenta matrimonii pro temporum necessitate constituerint, alios non fuisse, quam Episcopos in suis Synodis particularibus. Quod firmatur ex Canonibus *Apostolicis* nuncupatis, quos tertio sæculo conditos arbitratur doctissimus quisque: Canone enim XXVII. *Ordinis* impedimentum statuitur, quo a nuptiis arceantur, qui in Clero superiores essent Lectoribus & Cantoribus.

II. Revera S. Basilius Archiepiscopus Cæsariensis in Cappadocia, qui anno circiter CCCLXX. florebat; in Epistula CLX. alias CXLVII. ad Diodorum scripta, sermonem instituens de certo quodam adfinitatis impedimento plane significat, hæc aliaque id genus non aliunde viguisse, quam a lege vel consuetudine, quam in eam Provinciam invexerant Sancti Episcopi. Principio igitur, inquit, quod in ejusmodi rebus maximi momenti est, morem qui apud nos est obijcere possumus, quod is legis vim habeat, propterea quod Sanctiones istæ a Sanctis nobis sunt viris traditæ. Est autem hic mos talis: si quis affectu immundo correptus ad illicitam duarum sororum communicationem exorbitaverit, id neque conjugium esse

Basil. Tom. III.
pag. 249.
Maurine
editionis.

esse censendum, neque talem ad Ecclesiasticum catum admittendum, priusquam a se invicem dirimantur. Sic habet versio a Gerbasio descripta: quam tamen nequis temere a me allatam putet, cum Parisieusi illa Monachorum Benedictinorum contuli, & quod ad rei summam attinet, concordem inveni.

Ab eodem Basilio S. Amphilochius Iconiensis Episcopus multa quæsit de certis quibusdam Disciplinæ capitibus, quorum nonnulla ad impedimenta ipsa matrimonii pertinebant. Ex his vero Amphilochii quæsitis rursus splendescit, nullum adhuc quarto sæculo exeunte commune Jus ubique obtinuisse, unde plane agnosci possent singula hæc impedimenta: sed unamquamque Provinciam suis moribus suisque privatis canonibus constituisse.

Amphilochii quæstionibus responsurus Basilius binas ad eum litteras dedit, ubi exponit, quinam mores, quætamve leges fuerint ab antiquioribus Episcopis stabilitæ quoad illa Disciplinæ capita. *Canonicæ* vocari solent hæc litteræ propterea, quod tot præscribunt Canones, quot Amphilochii quæsitæ erant. Itaque Canone VI. a Synodis Provinciarum institutum commemorat Basilius impedimentum *Voti*: Canone XXII. impedimentum *Raptus*: Canone XXIII. impedimentum *Adfinitatis*: Canone XL. impedimentum *Qualitatis*: Canone XLII. impedimentum illud, quod nullum reddebat matrimonium filiorum familias invitis parentibus contractum: Canonibus denique LXVIII. & LXXVIII. impedimentum *consanguinitatis*.

III. Jam in Occidentem pergentibus æque nobis compertum est, in Romana Ecclesia ad initia usque quinti sæculi nullos alios Canones publicæ auctoritatis arcem conscendisse, quam Nicænos, quorum nullus tamen de matrimonio agit. Totidem id verbis adfirmat Innocen-

centius I. in Epistula ad Clerum Constantino-
 politanum , & in altera illa ad Theophilum
 Alexandrinum . Ex Ambrosii quin etiam Epi-
 stula LX. ad Paternum scripta quarto sæculo
 exeunte , meridiana luce fit clarius , nondum
 ea tempestate lege aliqua Ecclesiastica generali
 institutum esse impedimentum consanguinitatis:
 sed hæc moderari solitos esse Episcopos vel ad
 imperialium legum præscriptum , vel ad pru-
 dentia leges . Prima pars adsertionis meæ con-
 stat ex argumento illius Epistolæ , ubi Pater-
 nus ex Ambrosio sciscitatur , num liceret ne-
 ptem ex filia filio uxorem dare . Negat vero
 sanctus Doctor , idque ex duplici capite : pri-
 mum quod divina lege a nuptiis arceantur vel
 ipsi patruels sive consobrini: deinde quod ipso-
 rum consobrinorum nuptias nuper vetuerit Im-
 perator Theodosius . *Quid enim est , inquit ,*
quod dubitari queat , cum lex divina etiam pa-
truelles fratres prohibeat convenire in conjugalem co-
pulam , qui sibi quarto sociantur gradu . Hic autem
gradus tertius est . Sed si divina te prætereunt , sal-
tem Imperatorum præcepta haudquaquam præterire
te debuerunt . Nam Theodosius Imperator etiam
patruels fratres & consobrinos vetuit inter se con-
jugii convenire nomine . Quænam divina illa lex
fit ab Ambrosio intellecta , quæ consobrinorum
nuptias damnet , fatetur se nescire doctissimus
ejus editor de Benedictino Ordine : atque id ego
etiam me nescire fateor . Sufficit animadvertete-
re , Ambrosium ad nullam legem canonicam
provocare : quod signum est , nullam extitisse
adhuc sua ætate .

Ambros.
Tom. II.
p. 1018.
& 1019.

Secunda pars patet ex eadem Epistula , in
 qua adfirmat Paternus , responsum ab Ambro-
 sio se quæsisse jussu Episcopi sui , utpote qui
 se tanti Doctoris sententiæ obtemperaturum pol-
 liceretur . *Super hoc meam a sancto viro Episcopo*
vestro expectari sententiam dicis .

Post

Post medium sexti sæculi esse apud Occidentales in usu cœpit Collectio Dionysii Exigui, quæ partim ex Canonibus Orientis, partim ex variis Epistulis Pontificum Romanorum ad particulares quasdam Ecclesias datis conflata erat. Inter has Epistulas celebris est illa Siricii Papæ scripta ad Himerium Tarraconensem, qui multa ab illo quæsierat: ex qua plane confirmatur, nondum sub finem quarti sæculi publicatum aut receptum esse generatim Corpus aliquod Canonum aut Legum Ecclesiasticarum, unde impedimenta matrimonii innotescerent. Alioquin haud ignorasset Himerius, oriri ex sponsalibus impedimentum *Publicæ honestatis*: nec ignorassent item ejus Clerici, ex voto castitatis ordinibus adnexo oriri impedimentum *Voti*. Ex verbis autem Siricii colligitur, id eos ignorasse.

*Collect.
Catanfii
p. 628. &
seq.*

Idem argumentum fieri potest ex alia æque celebri Epistula ejusdem ætatis, cujus auctor fuit S. Innocentius Papa I. respondens ad consulta Victricii Rothomagensis Archiepiscopi, Capite X. & XII. Item ex Canonibus ab eodem Pontifice (ut Sirmondus & Labbæus conjecant) missis ad Episcopos Galliæ: quorum duodecimus & decimus quartus totus est in explicando impedimento *Adfinitatis*. Unde manifeste conficitur, primis sæculis non alia impedimenta valuisse, quam quæ Episcopi vel in Synodis cujusque Provinciæ instituebant, vel a Romana Ecclesia ceterarum magistra accipiebant.

*Ibid. p.
753. &
seq.*

*Ibid. p.
628. &
seq.*

IV. Equidem centum fere anni ante Siricum, hoc est, anno CCCV. stabilire Hispanici Episcopi in Eliberitana Synodo impedimenta *Voti*, *Disparis cultus*, *Ordinis*, & *Adfinitatis*: ut patet ex Canonibus XIII. XV. XVI. XVII. XXXIII. LXI. LXVI. Eadem auctoritate muniti, & id quidem ante Pontificatum Inno-

*Concil.
Tomo I.
Coletine
edit. pag.
994. &
seq.*

Ibid. Tomo II. p. 1401. Ibid. p. 1402.

Innocentii, nempe anno CCCXCVII. statuerunt Patres tertii Concilii Carthaginensis Canone XII. ne Clericorum filii vel filia matrimonium inirent cum ethnicis, hæreticis, vel schismaticis. Canone vero XIX. decreverunt, eos qui in gradu Lectorum essent, ubi ad pubertatis annos pervenissent, cogendos esse vel uxores ducere, vel cœlibatum profiteri. Anno sequenti, quo Carthaginense Concilium quartum celebrare, declararunt iidem Patres, viduarum antea castitatem professarum conjugia pro adulteriis habenda.

Inter Canones a S. Patritio Hiberniæ Primæ in Synodo stabilitos anno CCCCLVI. decimus septimus is est, quo damnatur conjugium puellarum post emissum castitatis votum desponsarum. Canone autem XXV. alterius Synodi institutum est ab eodem Patritio impedimentum *Adfinitatis*, quo cavetur, ne vir duabus sororibus, neve mulier duobus fratribus conjugio misceatur.

Tom. III. Concil. Flisp. ex nova edit. Aguirrii p. 374

V. Hæc Episcoporum auctoritas non minus elucet in Synodis Hispaniæ & Galliæ. Concilium Toletanum quartum, quo cum multis aliis convenire anno DCXXXIII. octo Episcopi Lusitani: Canone XLIV. statuit, *Clericos qui sine consultu Episcopi sui, aut viduam, vel repudiatam, vel meretricem in conjugio acceperint, separari eos a proprio Episcopo oportere.* Concilium Toletanum decimum tertium, quo itidem coiere anno DCLXXXIII. novem nostris, Canone quinto sub gravissimis pœnis novum quoddam *Qualitatis* impedimentum instituit. Nam gravissima quæque interminans decernit, *ne Rege defuncto, relictam ejus conjugem in conjugio sibi quisque audeat copulare. Non hoc sequuturis Regibus licitum, non cuicquam hominum licebit esse permissum.* Rerum apud Hispanos temporibus illis potiebantur Gothi. Canonem autem

Ibid. Tomo IV. p. 282.

autem ejusmodi ipse qui tunc imperitabat, Rex Ervigius confirmavit, ut patet ex ejus Decreto Concilii Aëtis subnexo.

Concilium Cæsaraugustanum, quod anno DCXCI. congregatum est, Canone quinto, & Toletanum de viduis Reginis Canonem instaurat, & illud insuper decernit: *Relicta Principis superiorem sententiam illibato animo pudice servans, statim arcesso ab hoc sæculo Principe, vestem secularem deponat, & alacri curiositate Religionis habitum assumat. Quam etiam & confestim in cœnobio virginum mancipandam esse censemus.*

Ibid. p. 319.

Arausicana prima Synodus anno CCCCXLI. Canone XXII. statuit, *ut deinceps non ordinentur diacones conjugati, nisi qui prius conversionis proposito professi fuerint castitatem.* Statuit & anno DXLI. Synodus Aurelianensis quarta Canone XXIV. *Quacumque mancipia sub specie conjugii ad Ecclesiæ septa confugerint, ut per hoc credant posse fieri conjugium, minime eis licentia tribuatur, nec talis conjunctio a Clericis defensetur.*

Tom. I. Concil. Gall. p. 73. edit. Sirmond.

Ibid. p. 265.

Synodus Turonensis secunda anno DLXVII. Canone XXI. incestas esse declarat, & excommunicationis poena damnat nuptias omnes confanguineorum & adfinium inter se se. Fundamenta autem quibus innititur, non sunt Canones aliqui Romanæ vel universalis Ecclesiæ, sed Lex Levitici Capite XVIII. Leges Theodosiani Codicis, & antiquiora Decreta Ecclesiæ Gallicanæ. Ut hinc discamus, nullis etiam existentibus legibus sive universalis Ecclesiæ, sive Apostolicæ Sedis, fuisse penes Episcopos facultatem horum impedimentorum statuendorum.

Ibid. p. 338.

Adhuc medio sæculo XII. quo Summus Pontifex erat Alexander III. illa apud Gallos consuetudo vigeat, ut illorum conjugium solveretur, qui ægritudinis causa coire non poterant: cum interim in Romana Ecclesia contrariam

pror-

prorsus disciplinam obtinuisse constat ex quadam Epistula ejusdem Pontificis ad Episcopum Ambianensem , quam Launojus commemorat in Opusculis de Matrimonio , Tom. IV. Parte II. pag. 142.

VI. Claudio hoc Principium animadvertens , eadem auctoritate cetera Disciplinæ capita moderari solitos fuisse Episcopos , qua impedimenta Matrimonii. Singulæ Provinciæ suis Canonibus regebantur. Si quæ vero iis carebant , externos adoptare moris erat . Hinc originem sumpsit quinto sæculo Collectio Canonum Ecclesiarum Africanarum . Sæculo sexto illa Dionysii Exigui , illa Martini Bracarensis , illa Ferrandi Carthagenensis. Sæculo nono Benedicti Levitæ & Ansegisi Abbatis , a quibus collecta sunt Capitularia Caroli Magni , Ludovici Pii , & Caroli Calvi . Nempe omnium animis infederat sententia illa Augustini : *In his rebus de quibus nihil certo statuit scriptura divina , mos populi Dei , vel instituta majorum pro lege tenenda sunt.*

P R I N C I P I U M I I I .

Per multa sacula perfitere Episcopi in ea possessione, ut leges omnes etiam Conciliorum Generalium & Romanorum Pontificum, proindeque ipsa impedimenta Matrimonii relaxarent.

Egregia testimonia S. Basilii Cæsariensis, Synesii & Ptolemaida, Fulberti Carnotensis, Concilii Carthaginensis IV. & Turonensis I.

Fagnani argumenta solvuntur. Quid de potestate dispensandi docuerit S. Bernardus, Cardinalis de Cusa, Joannes Gerson, Thomassinus, & alii. Sacularium Principum quanta auctoritas sit in impedimenta Matrimonii. Dispensationes a Theodorico & Recaredo impertita. Sententia Petri Soti.

P R O B A T I O N E S .

I. **E**Xploratum est apud optimos quosque Canonistarum & Theologorum, ubi supremus Legislator sibi speciatim non reservat potestatem dispensandi, posse Episcopum dispensare in legibus Papæ & Concilii Generalis, quoties id publica subditorum necessitas aut utilitas postularit. Ita docet Cardinalis de Cusa Libro II. *de Concordantia Catholica* Cap. 20. Silvester Prieras Sacri Palatii Magister in Summa, V. *Dispensatio*, §. 7. Vanespenius *Tractatu de Dispensationibus* Capite I. §. 7. Barthelius *Additionum ad Jus Canonicum* Libro III. Tit. 33. Febronius *de Statu Ecclesiæ* Cap. VI. §. I. num. 7. & Gibertus *Tractatu De Ecclesiæ*, Tit. VII. *de Prelatis*. Qui omnes duces sequuntur auctorem Glossæ Capituli *Nuper* 29. *de Sentent. Excommunicat.* Is enim ad illa verba Innocentii III. *sibi specialiter non retinuit*, in hunc modum scribit: *Est hic argumentum,*
Epi-

Episcopus posse dispensare, ubi specialiter dispensatio non est inhibita (a).

Ex hac potestate Episcoporum profectum esse observat cum iisdem Canonistis eximius Theologus Ludovicus Thomassinus Parte II. de *Disciplina circa Beneficia*, Libro III. Cap. 24. num. 14. & Cap. 25. num. 15. ut per multa sæcula moris fuerit Episcoporum relaxare Canonicas leges quascumque etiam Conciliorum Generalium.

Thomass.
Tom. II.
pag. 317.
322.

Audiamus Vanespenium : Cum *præcipuas in regimine Ecclesiæ partes Episcopi sustineant, consequens apparet, quod seposita omni positiva reservatione, Episcopali auctoritati cohæreat plenaria rigorem Canonum relaxandi potestas, quoties necessitas aut utilitas gregis sibi crediti relaxationem postulavit. Quæ Episcoporum in dispensando libertas inde non parum confirmatur: quod constet penes Episcopos plurimis sæculis fuisse dispensandi facultatem in omnibus illis discipline articulis, quorum hodie relaxatio privative Sedi Apostolicæ competere noscitur.*

Audiamus item Thomassinum in priori loco : *Ne ambigi quidem illud a quoquam potest, quin primi & secundi adeoque & tertii etiam sæculi Episcopi Canones Apostolicos & Decreta ejus*

ævi

(a) Horum doctrinæ patrocinantur ex ipso Purpuratorum Patrum cœtu Cajetanus & Pallavicinus. Ille in Primam Secundæ Quæst. XCVII. Art. 4. sic scribit : *Videtur autem mihi, quod seclusa consuetudine, quæ auctoritatem dispensandi inferioribus rectoribus committit & adimit; ex hoc ipso quod aliquis constitutus est rector multitudinis, commissa quoque est sibi auctoritas dispensandi in Lege superioris quoad tria: scilicet quoad levia, quoad frequentia, quoad propria, &c.* Hic in P. III. Historia Concilii Tridentini Libro XXI. Cap. 6. p. 188. *Variis in rebus, inquit, quas doct. Cajetanus enumerat, fas est inferiori relaxare sanctiones superioris.*

avi omnia relaxarint, ubi publica id jubebat necessitas, nullo Pontifice Romano, nullo interveniente Concilio Provinciali. Rursus posteriori loco, ubi agit de quinto, sexto, & septimo sæculo: Fruebantur sane eodem tempore Episcopi, maxime in Conciliis Provincialibus aggregati, eximia ipsi quoque & vastissima dispensandi facultate, ut ex his omnibus supra capitibus emicuit.

Ratio autem sive fundamentum, quo innitur hæc doctrina, illud est: quod jurisdictio & auctoritas Episcopalis (ut in primo Principio ostendimus) ex se atque ex institutione sua perfectissima est atque absolutissima; utpote quæ potestatem eam omnem complectatur, quæ ad perfectum regimen subditorum est necessaria. Ad hoc autem regimen (ut ibidem docuimus) prorsus necessaria est potestas relaxandi leges, quoties id e re subditorum visum fuerit.

II. Huic Theologorum & Canonistarum regulæ patrocinator consuetudo totius Ecclesiasticæ antiquitatis: patrocinator etiam cum ceteris Patribus magnus ille Ecclesiæ Doctor S. Basilii Archiepiscopus Cæsareæ, idemque totius Ponticæ Dioceseos Exarchus.

Lege Ecclesiastica cautum erat apud Nicænam Synodum Canone XV. apud Sardicensem Canone I. apud Antiochenam Canone XXI. (idque, ut alia monumenta deficerent, satis colligi posset tum ex eo quod scribit Hieronymus in Epistula ad Oceanum, tum ex eo quod de oppugnata mutatione Episcopatus sui testatur Gregorius Nazianzenus, tum ex eo quod Eusebius narrat Libro III. *de Vita Constantini*, Cap. 62., ubi lex hæc a Constantino dicitur *Apostolica*, hoc est, de Apostolis promulgata). Lege Ecclesiastica, inquam, generaliter in Ecclesia cautum erat, quam & Chalcedonenfis Synodus Canone V. antiquam legem esse confirmat; nequis Episcopus ab una Parœcia in

D

aliam

aliam transferretur. Nihilominus tamen, cum Nicopolitana Ecclesiæ calamitati & orbitati subveniendum esse censerent Armenii Antistites, Euphronium qui Coloniae erat Episcopus, Nicopoli præfecere. Ægre ferebat Coloniensis Clerus eripi sibi Euphronium Episcopum: ac ne is Nicopolim abduceretur, auctoritatem Magistratus interpellabat. His sedandis querimoniis duas Epistulas scribit Basilius, (quippe qui omnium illarum Provinciaarum Primas esset) unam ad Clerum, alteram ad Magistratum Coloniensem: sunt autem Benedictinis editoribus ducentesima vigesima septima, & ducentesima vigesima octava, Hic utrosque Basilius hortatur, ut decreto Episcoporum, pro concessa sibi a Deo facultate Ecclesiarum commodis inservientium acquiescant; pro certum nimium habentes, œconomia ab illis adhibitæ auctorem esse Spiritum Sanctum; ut idem propterea sit Episcopis resistere, ac Deo resistere. *Præclara œconomia erga religiosissimum fratrem nostrum Euphronium ab his, quibus Ecclesiæ commissæ sunt gubernandæ, facta est, necessaria temporis, perutilis & Ecclesiæ, ad quam translatus est. Hanc ne existimetis humanam: sed eos quibus Ecclesiarum sollicitudo incumbit, ex consuetudine & conjunctione, quam habent cum Spiritu, id fecisse persuasum habete: habentes pro certo eos, qui res a Dei electis constitutas non admittunt, Dei ordinationi resistere.* Hæc Basilius in Epistula CCXXVII. In sequenti autem ita scribit: *Igitur & temporis difficultatem considerantes, & œconomia necessitatem prudenter intelligentes, Episcopis ignoscite, qui hanc viam ad constituendum D.N.J.C. Ecclesiarum ordinem inierunt.*

Basil. Tomo III. pag. 350. Maurina edition.

Ibid. p. 351.

III. Iisdem principiis insistentes Africani Patres, Canone XXVII. Concilii Carthaginensis IV. anno CCCXCVIII. statuunt, ut si id Ecclesiis profuturum videatur, possint a Synodis Pro-

Provincialibus translationes fieri Episcoporum. Sane si utilitas Ecclesie id faciendum poposcerit, in presentia transferatur. Quamvis ergo lege Apostolica a Conciliis Generalibus confirmata alio transferri prohiberentur Episcopi, non propterea relaxandæ legis hujus facultatem sibi ereptam arbitrabantur Africani, modo relaxationem postulasset utilitas aut necessitas Ecclesiæ.

Itaque apud Synesium (Ptolemaidæ is fuit Episcopus sæculo quinto) legimus in Epistula LXVII. a Sancto Athanasio Alexandrino Ptolemaidæ Metropolitam creatum esse Siderium Palebiscæ Episcopum, quem Nicæno Canone quarto repugnante unus tantum Episcopus ordinarat. Atque hic habemus Ægyptios Episcopos duplicem generalem legem relaxantes.

Synese. p. 210. ex edit. Peta-
vii.

Nam ut ibidem Synesius observat, formidolosis temporibus summum jus pratermitti necesse est. Legimus item apud Socratem Libro VII. Cap. 37. ab Attico Constantinopolitano translatum esse de Troade ad Philipopolim Episcopum Silvanum, Cui exemplo tredecim alia ejusdem generis paullo ante præmiserat idem Socrates. Ex tot autem translationibus una tantum ab eo profertur, quæ Romani Pontificis arbitrio commissa fuerit: nempe illa Perigenis, qui a Patrensi Ecclesia transiit in Metropolim Corinthum. Verum nemo est qui ignoret, Papæ jure Patriarchico obnoxium præ reliquis Dicecesibus extitisse Illyricum. Ceteras omnes translationes jure suo statuerunt & executi sunt Provinciales Episcopi.

Socrates p. 309. Valef. edit.

Sæculo adhuc XI. in hujus possessione juris perstitisse Siculos Episcopos, ut inconsulta Sede Apostolica alio transferrentur, plane colligitur ex Cap. 4. de Electione, quod est Paschalis II. Itaque nemo mirabitur, sub finem septimi sæculi amoto Sisberto Archiepiscopo Toletano, auctores fuisse Patres Toletani Concilii

Concil. Hispan. Tom. IV. pag. 332.

lii decimi sexti, ut ad regendam Toletanam Ecclesiam transmigraret Felix Archiepiscopus Hispalensis, ad Hispalensem Faustinus Bracarenis, ad Bracarensem vero Felix Portucalensis (a).

Marca
P. II. p.
271.
Gerbas.
p. 271.

Ex his aliisque plurimis exemplis argumentatur Petrus de Marca Libro VII. Cap. 26. num. 8. & Joannes Gerbasius Libro de *Causis Majoribus* Art. X. §. I. deceptum fuisse Innocentium III. dum Capite 2. de *Translatione Episcopi* adfirmavit, translationes Episcoporum esse jure divino Papæ reservatas. Revera fundamenta, quibus usus est Innocentius, rem minime faciunt.

IV. Lege etiam Apostolica cautum erat, quam & Paulus commemorat in priori ad Timotheum Cap. 3. & deinde confirmarunt Nicænus Canon II.

(a) Quo melius innotescat, qua & quanta auctoritate hæc omnia tunc temporis perfecerint Episcopi, diligenter observanda est forma Toletani Decreti, quæ ita se habet Canone XII. *Ob id nos cum consensu Cleri & populi, prædictum venerabilem fratrem nostrum Felicem de Hispalensi Sede, quam usque hætenus rexit, in Toletanam Sedem Canonicè transfecimus, & in eadem Hispalensi Cathedra Fratrem nostrum Faustinum Bracarenis Sedis Episcopum, nec non & Felicem Portucalensis Ecclesiæ Antistitem in præfata Bracarensi Sede, similiter Pontifices subrogamus, ac perpetua sanctione unumquemque eorum in privatis Sedibus confirmamus, &c.* Quod videlicet Collegii nostri Decretum Cæstis Synodalibus sociandum decernimus, & locorum illis debitum ut obineat, definimus. Mox Canone XIII. Rex Egica: *Synodalis conventus, inquit, & numerosa adunatio Sacerdotum, eo venerabilior cunctis perpenditur, eo nihilominus terribilis cernitur, quod in medio cætus eorum præsentia individue Trinitatis adesse nequaquam ambigitur. Sancto protestante Evangelio: Ubicumque fuerint duo vel tres in nomine meo collecti, ibi sum & ego in medio eorum.*

II. Sardicenfis XIII. Laodiceus III., ejufque Siricius quoque Papa meminit in Epiftula ad Himerium Tarrocenfem : ut qui adhuc effet neophytus vel laicus, is creari non poffet Epifcopus. Atqui hanc legem fua auctoritate fæpiſſime relaxarunt Epifcopi. Relaxarunt Cappadoces in gratiam Eufebii Cæſarienfis Archiepiſcopi, ut Gregorius Nazianzenus adfirmat in Oratione XIX. Relaxarunt Thracæ in gratiam Thalaffii Cæſarienfis item Archiepiſcopi, ut auctor eſt Socrates Libro VII. Cap. 48. (a). Relaxarunt Gallie in gratiam Germani Epifcopi Antiſſiodorenfis, ut legimus apud Fulbertum Carnotenſem Epiftula XXXVIII. Atque eadem gratia uſi antea fuerant Afri in S. Cyprianum, Antiochenſes in S. Philogonium. Quin etiam Galli ſæculo undecimo ineunte adhuc ejufmodi auctoritate gaudebant. Nam Romani Pontificis nulla requiſita venia, Remenſem Archiepiſcopum ordinarunt neophytum vel laicum. Erat illorum unus S. Fulbertus ſupra memoratus, qui in eadem Epiftula XXXVIII. in qua neophyti hujus ordinationem refert Provinciam quendam Epifcopum ea de re hæſitantem, ſibi que timentem a Summo Pontifice ita monet: *Dominus Papa non habebit quod tibi merito debeat ſuccenſere, ſi te graviter collapse Sanctæ Remenſis Eccleſiæ aliquam ſpem reſurrectionis audierit providiſſe.*

Nazianzenus
Tom. I.
p. 348.
Socrates
p. 317.
Fulbertus
To. XVIII.
Bibl. PP.
p. 15.

Similiter bigamia omnibus temporibus & locis inhabiles reddebat quoscumque ad ſuſcipiendos ordines Sacros & Epifcopatum : ut conſtat ex eodem Pauli in priori ad Timotheum Cap.

D 3

III.

(a) In Luſitana editione pro Thalaffio Firmus mendose legitur. Porro neophytorum Epifcoporum plura exempla qui deſideret, legat Binghamum Tomo I. *Originum Eccleſiaſticarum* Libro II. Cap. X. §. 7. pag. 152.

III. & ex Epistula ad Titum Cap. I., eamque legem cum Apostolico Canone XVI. contentam, tum ab antiquis Patribus Conciliisque passim & ubique inculcatam, confirmarunt Romani Pontifices Siricius, Innocentius, & Leo Magnus. Nihilominus ex Epistula CX. Theodoretii Cyri Episcopi discimus, a quamplurimis eruditione & sanctitate claris Episcopis legem hanc Apostolicam sæpe numero relaxatam esse: nempe ab Alexandro Antiocheno, Acatio Beroënsi, Praylio Jerosolymitano, Proclo Constantinopolitano, & aliis: quorum exemplo idem Theodoretus se tueretur ab illorum censura, qui Irenæum digamum Metropolitanæ Ecclesiæ Tyriensi à se præfectum Episcopum nimis ægre ferebant.

In hoc genere nihil æque admirationem movet, quam quod cum Siricii Papæ decreto XI. & Innocentii XII. a Clericatu prorsus arcerentur, & a suis gradibus dejicerentur tum bigami, tum qui viduas uxores habuissent: utraque Synodus tamen, & Toletana I. Canone III. & Arausica I. Canone XXV. sic harum Legum Pontificiarum rigorem emollivit, ut Toletano Canone inter Lectores aut Subdiaconos permanere sinantur, qui viduas uxores accepissent, Canone vero Arausicano ad Subdiaconatum provehi, qui duplici matrimonio gavisi essent.

Illud etiam observat Socrates Libro V. Cap. 22. *In urbe Alexandrina Lectores & Psaltas absque ullo discrimine fieri tam catechumenos quam fideles; cum tamen omnes ubique Ecclesiæ nonnisi fideles ad hunc gradum promoveant.*

Erat etiam lex Ecclesiastica ubique instituta & recepta, ut qui ad Episcopatum esset provehendus, ante in gradu saltem Diaconatus constitutus esset. Constat ex Epistula Cypriani LV. ad Antonianum, ex oratione Gregorii Nazianzeni

*Theod.
Tom. III.
p. 980.*

*Tom. III.
Concil.
Hisp. p.
21.
Tom. I.
Concil.
Gall. p.
70.
Socrates
p. 235.*

zeni XX. ex Canone Sardicensi X. ex epistula
 sæpius memorata Siricii, necnon ex octogesima
 quarta Leonis Magni. Nihilominus Augustinus,
 quo melius subditorum commodis prospiceret,
 Fussalæ quod Hipponensis Paroeciæ Castellum
 erat, Episcopum præficiendum curavit Anto-
 nium quendam, quem idemmet Augustinus in
 Epistula CCIX. testatur non alio in Clero gra-
 du tum temporis esse potitum, quam Lectoris.

V. Canone Nicæno VIII., cuius meminit &
 Sozomenus Libro IV. Cap. 15. & Theodoretus *Sozom.*
 Libro II. Cap. 17. cautum pariter erat, ne *p. 454.*
 uni civitati duo præessent Episcopi. Attamen *Theod.*
 S. Meletius Antiochenus, vitandarum discor- *p. 96.*
 diarum & scissurarum causa, cum Paulino com-
 petitore suo pactus est, ut divisis ovibus unum
 eundemque gregem ambo pascere. Res no-
 tissima est, quam cum ceteris Historicis me-
 moriæ prodidit Theodoretus Libro V. Cap. 3. *Theod.*
 & quam suis calculis comprobarunt S. Basilii, *p. 202.*
 duoque Gregorii, Nazianzenus & Nissenus,
 cum toto fere Oriente.

Denique per totam Ecclesiam lex immobilis
 habebatur, quæ cavebat, nequis Episcopus ex-
 tra Paroeciam ordinationes celebraret. Scimus
 tamen Auctore Socrate Libro II. Cap. 24. ex *Socrates*
 tra Alexandrinam Diocesim multos a S. Atha- *p. 95.*
 nasio fuisse ordinatos. Scimus Auctore Theo- *Theod.*
 doreto Libro IV. Cap. 13. idem extra Provin- *p. 166.*
 ciam Euphratensem sæpius factitatum esse a
 S. Eusebio Samosatensi Episcopo, quo tempore
 Orientis Ecclesias impie vastabat Valens Im-
 perator. Nam cum ut Theodoretus scribit,
 multas Pastoribus viduas esse comperisset, mili-
 tarem habitum sumens, & tiara capiti imposita,
 Syriam, Phœnicem, ac Palestinam peragravit, Pres-
 byteros ordinans ac Diaconos, aliosque Ecclesiæ or-
 dines supplens. Ac si quando Episcopos eandem cum
 ipso doctrinam fidei profitentes reperiisset, eos An-

tifites Ecclesiis indigentibus praeſciebat.

Jam ut ad Dispensationes Matrimoniales ſermonem convertamus, certum eſt primo: qua auctoritate uti ſolebant Episcopi ad impedimenta conſtituenda, (maxima autem uſos eſſe ſupra oſtendimus) eadem uti eos potuiſſe ad ſolvenda. Sic enim habet vulgata Regula: *Cujus eſt ligare, ejus eſt ſolvere.* Certum eſt ſecundo: primis decem vel duodecim ſaeculis nonniſi rariffime ac difficillime factas eſſe hujusmodi relaxationes: id quod addiſcere harum rerum ſtudioſi poſſunt a Vanespenio, Parte II. Tit. XIII. Cap. 5. Certum eſt tertio: etſi admodum rara, aliqua tamen harum relaxationum ab Episcopis factarum illuſtria exempla exſtare, & quidem antiquiſſima. Nam & dudum obſervavit Baſilius Pontius Lib. VI. Cap. I. per multa ſaecula penes Episcopos fuiſſe po-teſtatem tum inſtituendorum, tum auferendorum impedimentorum.

Horum unum notiſſimum eſt Sacer Ordo Presbyterorum, Diaconorum, & Subdiaconorum: quod quidem impedimentum, prout ex antiquis Patribus & Conciliis demonſtrat Natalis Alexander Diſſertatione XIX. in Hiſtoriam quarti ſaeculi, tam antiquum eſt in Eccleſia, quam eſt ipſa Eccleſia. Quandoquidem ergo quammundiſſimos eſſe oportet, qui divinis miniſteriis ſunt addicti; rectiſſime ab Eccleſia inſtitutum eſt, ut Sacro Ordine ſuſcepto prohibeantur Clerici non ſolum uxores ducere, ſed etiam maritale commercium habere cum illis, quas ante legitime duxiſſent. Quaeſtio ſane apud Theologos eſt, an Ordo Matrimonium dirimat vi Legis Eccleſiaſticae Matrimonium in Clerico damnantis, an vi voti quod Ordini ſit adnexum. Tridentina Synodus, Theologorum quaeſtione in medium relictâ, illud unum declaravit Seſſione XXIV. Canone 9. Sa-cris

cris Ordinibus dirimi Matrimonium . Utcumque res se habet, illud negari non potest : quando tota fere Ecclesia vigeat Canon Apostolicus XXVII. quo solis Clericis inferiorum graduum permittebatur uxores ducere ; sanxisse Episcopos Galatas in Ancyrana Synodo Canone X. ut *Diaconi quicumque ordinantur ; si in ipsa ordinatione protestati sunt & dixerunt , oportere se uxores ducere , cum non possint sic manere : hi si postmodum uxores duxerint , sint in ministerio ,* EO QUOD EIS EPISCOPUS HOC CONCESSERIT . *Siqui autem tacuerint , & postea ad nuptias venerint , ii a diaconatu cessent .* Sive hoc fuerit relaxasse votum continentiae quo Clerici erant obstricti, five relaxasse Legem Ecclesiasticam , quæ continentiam imperabat : certum omnino est , dispensationem hanc fuisse vel relaxationem præcepti ubique vigentis , & cujus originem Theologi omnes , imo ipsi Sancti Patres ab Apostolis repetunt . Illud etiam meminisse debemus , Ancyranos Canones magnam partem constituisse illius Codicis , quo Orientales Ecclesiæ Sæculo quinto regebantur . Quo ergo tempore in Occidente cum Decretis Siricii & Innocentii I. tum Canonibus Africanis , Gallicis , & Hispanis , cœlibes esse sub depositionis pœna debebant majores Clerici : eodem per Ancyranos Canones licebat Diaconis in Oriente uxores ducere post ordinationem , licebat & in gradu suo permanere .

Septimo Sæculo declararunt Patres Trullanæ Synodi Constantinopoli celebratæ Canone XIII. (erant autem supra ducentos) sacros Ordines impedimento esse non debere Presbyteris , vel Diaconibus , vel Suddiaconibus , quominus uxoribus uterentur quas ante habuissent . *Hominum qui sunt in sacris legitima conjugia deinceps quoque firma & stabilia esse volumus , nequaquam eorum cum uxoribus conjunctionem dissolventes ,* vel

Collect.
Justelli
Tomo I.
p. 37.

Concil.
To. VII.
p. 1351.

vel eos mutua tempore convenienti consuetudine privantes.

VII. Canone hocce Græci hodieum reguntur, non solum schismatici, sed etiam Catholici. Illum sane nunquam admisit Occidentalis Ecclesia: sed vel inde tamen elucet, quanta Episcoporum auctoritas fuerit super impedimenta & irregularitates. Adde quod invictis argumentis demonstrari potest, in ipso Occidente etiam tum, cum Lex continentiae maxime obstringebat Clericos, (obstringebat autem maxime quarto & quinto sæculo) non defuisse alicubi Episcopos, qui Canonum rigorem aliqua ex parte emollirent, ipsisque Constitutionibus Pontificiis modum quandam imponerent: quatenus ipsis vel conniventibus vel dissimulantibus, consuescere cum uxoribus sinerentur Presbyteri & Diacones, quin propterea gradus suos in Clero amitterent.

*Jussellus
p. 192.*

*Ibid. p.
199.*

Data ad Himerium Tarraconensem Epistula universis Galliae & Hispaniae Episcopis significat Siricius Capite VII. depositionis poena multandos esse, ab omnique Ecclesiastico ministerio arcendos, si qui de Presbyteris vel Diaconibus convicti essent sese cum uxoribus commiscuisse. Id ipsum paullo post sanxerat Innocentius I. in Epistula ad Exuperium Tolosatem Capite I.

*Tom. III.
Concil.
Hist. p.
21.*

Nihilominus tamen Patres Concilii Toletani primi, quod anno CCCC. collectum est, Siricii Constitutionem ex parte mitigantes, sanxerunt Canone I. ut qui ex Presbyteris & Diaconibus incontinentiae rei forent, ii non alia poena adficerentur, quam irregularitatis ad altiores gradus. Placuit ut Diacones, si qui incontinententer cum uxoribus vixerint, Presbyterii honore non cumulentur. Si quis vero ex Presbyteris filios susceperit, de Presbyterio ad Episcopatum non admittatur. Patres vero Concilii Arausici I. anno

anno CCCCXLI. poenas ab Innocentio impositas temperantes, Canone XXIV. idem sanxerunt, quod Tolétani, citato etiam ea de re Canone Synodi Tauriensis: *De his qui prius ordinati in hoc ipsum inciderunt, Taurinatis Synodi sequendam esse sententiam, qua jubentur non ulterius promoveri.*

Tom. I.
Concil.
Gall. p.
70.

Qui anno CCCCLXI. primum Concilium Turonense celebrarunt, ubi Canone II. de hoc argumento verba faciunt, ii aperte movent, emolliri a se rigorem legum. Sic enim ajunt: *Licet a Patribus nostris emissa auctoritate id fuerit constitutum, ut quicumque Sacerdos vel Levita filiorum procreationi operam dare suisset convictus, a communione Dominica abstinere* *Ibid. p. 121.* *tes, & justam Constitutionem mollientes, id decrevimus, ut Sacerdos vel Levita conjugali concupiscentia inherens ad altiorem gradum non ascendat. Sufficiat his tantum, ut a communione non efficiantur alieni.*

Pridem jam observavit Ludovicus Dupinus in *Probationibus Declarationis Cleri Gallicani*, Canone hocce Turonensi modum quendam a Gallis Episcopis adhiberi Decretis Siricii & Innocentii de cœlibatu Presbyterorum & Diaconorum. Atque illud ipsura temperamentum præ se ferunt Canones ceteri superius descripti e Gallia & Hispania: a quibus nimirum una illa pœna multantur violati cœlibatus rei, ne ad superiores ordines provehantur. Meminisse autem nos oportet, temporibus illis in more positum esse; ut qui Presbyteri vel Diaconi ordinandi erant, prius coram Episcopo cœlibatum profiterentur. Id enim præcipiebat Arausicana prima Synodus Canone XXII. & secunda Arelatenfis Canone II. Quod & observavit Natalis Alexander in *Dissertatione supra laudata*. Attamen si qui forte de Presbyteris vel Diaconis

Concil.
Gall. To.
I. p. 73.
& 103.

nis

nis cœlibatum violassent, non eos propterea a muneribus suorum graduum obeundis prohibebant Episcopi; sive ea legis sive voti relaxatio fuerit ab Episcopis facta œconomiz ergo.

VIII. Hinc ad impedimenta *Consanguinitatis & Adfinitatis* jam progrediamur. Dudum & Christianus Lupus & Joannes Gerbafius observavit Sæculo adhuc XII. nonnisi ægre admodum ab Apostolica Sede impetrari solitas fuisse dispensationes hujusmodi. Imo testatur Thomassinus, primum extitisse Martinum V. qui supremo cuidam Comiti permiserit sibi in matrimonium copulare eam, quæ soror esset prioris uxoris. Libro tamen XV. *de Civitate Dei*, Capite 16. scribit Augustinus, quandoquidem civilibus legibus nondum consobrinorum nuptiæ vetarentur, licuisse interdum per Episcopos illa tempestate hujusmodi conjugia celebrari. *Experti sumus, inquit, in connubiis consobrinorum etiam nostris temporibus, propter gradum propinquitatis fraterno gradui proximum, quam raro per mores fiebat, quod fieri per leges licebat: quia id nec divina prohibuit, & nondum prohibuerat lex humana.*

August.
To. VII.
p. 398.

Nempe lege lata consobrinorum nuptias damnavit Imperator Theodosius I., cujus quidem Constitutio hodie nusquam extat: sed illius meminere cum S. Ambrosius in Epistula LX. ad Paternum, tum Cassiodorus Lib. VII. *Variarum*, Cap. 46. Nec aliam superiori loco intelligit S. Augustinus. Theodosio vita functo anno CCCXCV. patris legem antiquavit Arcadius, consobrinos inter se copulari permit- tens celeberrima illa Constitutione, *Celebrandis* 19. C. *de Nuptiis*. Obiit Arcadius anno Christi CCCCVIII. Augustinus autem nonnisi diu post scripsit Librum XV. *de Civitate Dei*, ut inter Criticos convenit. Atqui paullo inferius eodem ipso loco testatur Augustinus, tum
cum

cum ipse scribebat, jam per Ecclesiam non licuisse consobrinorum nuptias celebrari. *Quis dubitet honestius hoc tempore etiam consobrinorum esse prohibita conjugia?* Hinc igitur colligo, quoad Forum Ecclesiasticum jam tum Episcopis probatam non esse civilem legem Arcadii: imo vero probatam solam Theodosii: sive quod arbitrarentur legem apud Afros vigere non debere, quam Imperator solius Orientis tulisset: sive quod Sacramentorum dignitatem cuilibet civilium legum permissioni anteferrent.

IX. Duo igitur colliguntur ex memorato testimonio Augustini. Primum: antequam civilibus legibus consobrinorum nuptiæ vetarentur, permissas quoque ab Episcopis fuisse hujusmodi nuptias: secus vero contigisse, postquam Magnus Theodosius lege lata nuptias consobrinorum irritas declaravit. Neque enim Arcadii Constitutio pertinere videbatur ad Occidentales, e quorum numero erant Afri. Alterum: penes Sæculares etiam Principes auctoritatem esse constituendorum impedimentorum, quæ contractum matrimonium dirimant: id quod Ambrosius quoque innuit in Epistula ad Paternum, & Sæculo IX. agnovit Nicolaus Papa I. in Responsionibus ad Consulta Bulgarorum Capite XXXIX. Hinc est, quod sicut appositis impedimentis consanguineorum conjugia dissolvebant, ita in gratiam aliquorum ipsa impedimenta interdum auferebant iidem Principes. Neque de hac potestate ullam umquam Principibus litem movit Ecclesia.

Est in hoc genere memoranda in primis Formula illa verborum, qua sexto Sæculo usus est Theodoricus Gothorum in Italia Rex, cum subditorum cuidam gratiam facere vellent Regii juris, ut liceret ipsi uxorem ducere consobrinam. Quanta quanta est, describit Cassiodorus ejusdem Regis Consiliarius, Libro VII.

*Concil.
Tom. IX.
p. 1548.*

*Cassiod.
Tom. I.
Maurine
edit. p.
Varia- 123.*

Collect. Lindenbrog. p. 69. Francfurti anni 1613. *Variarum*, Cap. 46. Æque memoranda est Lex siue Constitutio Recaredi Gothorum in Hispania Regis septimo Sæculo, quæ extat in *Collectio- brog. p. 69. Francfurti anni 1613.* dice Legum Wisigothorum Libro III. Tit. V. Cap. I. editionis Lindenbrogianæ: ea enim utimur.

Id ipsum colligitur ex quamplurimis Legibus de hoc argumento editis in Codice Theodosiano & Justiniano. Imo ad nostram usque ætatem Galliæ moribus receptum est, ut pro irritis habeantur conjugia Principum Regii sanguinis, quibus celebrandis Regis consensus & adprobatio non accesserit. Idque an. MDCXXXV. re & verbo declaravit Rex Ludovicus XIII. cum se inconsulte Margaritam Lotharingiæ Principem sibi in matrimonium copulasset frater Gasto Dux Aurelianensis & Carnotensis. Re ad generalem Conventum Episcoporum & Theologorum eodem anno Parisiis congregatorum relata, responderunt ad unum omnes, spectata Gallici Regni antiqua Consuetudine, jus esse Ludovico contractum se invito matrimonium rescindere. Irritum ergo a Re declaratum est, irritum ab omnibus habitum conjugium Gastonis cum Margarita (a).

X. Gallicis Theologis adfentiuntur doctissimi quique aliarum nationum: utrique autem ducem sequuntur S. Thomam cum in IV. *Sententiarum*, Dist. XXXIV. Quæst. unica, art. I. tum in *Summa contra Gentiles*, Lib. IV. Cap. 78. ubi

(a) Acta hujus Conventus, quæ Launoyus & Gerbasius indicarunt, integra habes Tom. V. Gallicæ Collectionis ita inscriptæ *Memoires du Clerge de France*, a pagina 693. ad 712. ubi sententiæ illi subscribentes invenies Archiepiscopos quinque, Episcopos unum & viginti, cum innumeris fere Doctoribus Dominicanis, Franciscanis, Carmelitis, Minimis, Jesuitis, Congregationis Oratorii.

ubi Angelicus Doctor animadvertit, Matrimonium sicut quatenus Sacramentum est legibus Ecclesiæ subesse; ita quatenus civilis quidam & naturalis contractus est, legibus sæcularium Principum subiacere. Magistro subscribunt cum ceteris Dominicanis quatuor laudatissimi, qui & Tridentino Concilio interfuere; Ambrosius Catherinus postea Archiepiscopus Compfanus Dissertatione de *Clandestinis Matrimoniis* Romæ edita anno MDLII. Jacobus Naclantus Episcopus Clodiensis Tractatu XVI. qui est de *Irritandis Clandestinis Coniugiis*: Dominicus Sotus in IV. Sententiarum Dist. XL. Quæst. unica, art. 5. Petrus Sotus de *Sacramento Matrimonii* Lectione IV. Horum omnium doctrina est: Christum Dominum, quando ad Sacramenti dignitatem evexit Matrimonium, nihil prorsus innovasse circa illius materiam quæ in naturali & civili contractu consistit: ac proinde, sicut ad conservandam Sacramenti dignitatem, potest Ecclesia certa impedimenta constituere Matrimoniis contrahendis; ita ad conservandum commune bonum societatis civilis, jus esse Sæculari Principi certas condiciones apponere Matrimoniis irritandis. Egregia sane verba sunt, quibus Dissertationem suam concludit Petrus Sotus. Sic enim ait sapientissimus Thomista, idemque Caroli V. Imperatoris Confessarius, & Pii Papæ IV. apud Tridentinum Concilium Theologus: *Non debent Prælati Ecclesiæ gravate suscipere, si quod temporali paci viderint necessarium, sæculares Principes statuunt. Nec est cur illis se opponant, sed permittant potius Matrimonium legibus humanis ordinandum, cum officium humanum sit: & addant postea ipsi, si videbitur, quod ad bonum religionis pertinet: quamquam civiles leges in his omnibus ex pietate certe & voluntate Principum facile cesserint Ecclesiæ, ut jam nullum censeatur Matrimonium illegitimum, quod Eccle-*

Sotus fol.

284. vers.

Ecclesia tale non judicat . Pergamus porro , & jam e diverticulo in viam nos demus .

XI. Libro V. Historiæ Francorum , Capite 19. scribit S. Gregorius Archiepiscopus Turo-
 nenfis , anno Christi circiter DLXXVII. ani-
 tam suam sibi uxorem accepisse Merovechum
 Principem auctore Prætextato Rothomagenfi
 Archiepiscopo : atque ejus rei gratia Prætextato
 ceu Canonum violatori graviter succensuisse
 Chilpericum Regem , cujus hæc in illum
 verba fuerunt : *Quid tibi visum est , o Episco-
 pe , ut inimicum meum Merovechum cum amita
 sua , idest , cum patru sui uxore conjungeres ? An
 ignarus eras , quæ pro hac causa canonum statuta
 sanxissent ? Non ita insipiens erat Prætextatus ,
 ut Merovecho adfinitate conjunctam uxorem
 daret , si vel pro inauditis haberet nuptias hu-
 jusmodi , vel etiam existimaret , ne sibi qui-
 dem Metropolitano Episcopo jus esse editos ea
 de re Canones emollire . Quod Merovechus
 Princeps esset , & quidem Regi infensissimus ;
 id forte in causa fuit , quamobrem Prætextato
 vitio verterit Chilpericus , quod Canones ipse
 in gratiam Merovechi non tam relaxarit , quam
 violarit .*

Turon.

p. 222.

Maurine
 edition.

Concil.
 Gall. To.
 I. p. 172.

XII. Patres triginta quatuor Concilii Aga-
 thensis in Gallia e diversis Provinciis collecti
 anno DVI. Canone LXI. ita statuerunt : *De
 incestis conjunctionibus nihil prorsus venia reserva-
 mus , nisi cum adulterium separatione sanaverint .
 Incestos vero nullo conjugii nomine deputandos , hos
 esse censemus . Siquis relictam fratris , quæ pene
 prius soror extiterat , carnali conjunctione polluerit :
 siquis frater germanam uxoris acceperit : siquis no-
 vercam duxerit : siquis consobrine se sociaverit : si-
 quis relictæ vel filie avunculi misceatur : aut pa-
 trui filia , vel privignæ suæ : aut qui ex propria
 consanguinitate aliquam , aut quam consanguineus
 habuit , concubitu polluerit aut duxerit uxorem .*
Quod

Quos omnes & olim, atque sub hac Constitutione incestos esse non dubitamus, & inter catechumenos usque ad legitimam satisfactionem manere & orare præcipimus. Quod ita præsentì tempore prohibemus, ut ea quæ sunt hæcenus instituta non dissolvamus. Sane quibus conjunctio illicita interdicitur, habebunt ineundi melioris conjugii libertatem. Quibus verbis id significant Agathenses Patres: haberi quidem a se pro incestis nuptias quascumque consanguineorum & adfinium inter se: ut incestos proinde separari debere, & inter catechumenos pœnitentiam agere, quicumque in posterum his se conjunctionibus macularint. Monent nihilominus, non esse suæ intentionis dissolvere vel in irritum mittere eas nuptias, quæ præsentì tempore inter consanguineos & adfines celebratæ essent: sed licere per eos conjugatis vel priores uxores retinere, vel iis dimissis alias non propinquas ducere. Multitudo & frequentia incestarum harum conjunctionum, quæ tunc temporis laborabat Gallia, forte occasio fuit Patribus Agathensibus œconomia illa utendi; quæ egregio sane argumento est, quanta adhuc sexto sæculo jurisdictione & auctoritate pollerent Episcopi.

Patres Concilii Epaonensis itidem in Gallia celebrati anno DXVII. Canone XXX. Agathensem Constitutionem totidem fere verbis confirmant adversus eos, qui vetita a Canonibus conjugia inirent. Moti tamen misericordia erga tot incestos conjuges, quot illa tempestate in Gallia erant; iis similiter gratiam faciunt, vel in priori conjugio manendi, vel alterum denuo ineundi. Quod ut a præsentì tempore prohibemus, ita ea quæ sunt antè instituta non solvimus. Sane quibus conjunctio illicita interdicitur, habebunt ineundi melioris conjugii libertatem. Erant autem hujus Concilii Patres viginti quinque, e diversis Provinciis collecti.

*Ibid. p.
199.*

E

Pro-

Profecto verba illa Concilii Agathensis, *ut ea quæ sunt hætenus instituta non dissolvamus; & illa Concilii Epaonenſis, ita ea quæ sunt antèrius instituta non solvimus; sic intelligi debere, quemadmodum a nobis sunt intellecta: res videtur esse tam aperta, ut de ea nemini dubitare liceat. Nam collatis inter se omnibus, duplex tantum sensus e Canonibus illis elici potest. Primus: ut verba illa, quæ sunt hætenus vel antèrius instituta, intelligantur de antiquioribus Decretis vel Canonibus, quibus jam olim damnarentur consanguineorum & adfinium nuptiæ: ita ut mens sit Patrum Agathensium & Epaonenſium, nuptias hujusmodi eo pacto nunc a se interdici, ut nullo modo intendant abrogare ea, quæ de eodem hoc argumento dudum præcepissent Synodi antiquiores. At sensus hujusmodi omnino absurdus est & ineptus: tum quod paullo supra jam significarant Agathenses Patres, consanguineorum & adfinium nuptias jam ante aliis Canonibus tamquam incestas esse damnatas: (*Quos omnes ET OLIM atque sub hac Constitutione incestos esse non dubitamus*): tum quod ex eo quod hæc nuptias illi interdixissent, nemo prudenter suspicari vel arbitrari poterat, abrogatos ab illis propterea esse Canones jam ante ea de re editos. Nam meridiana luce clarius est, lege aliqua tales vel tales nuptias damnante non tolli, imo vero magis magisque firmari & stabiliri leges alias, a quibus jam ante interdictæ fuissent eadem nuptiæ. Ergo verbis Canonum Agathensis & Epaonenſis alter tantummodo sensus adtribui potest, qui non alius est ab eo quem initio adtribuimus: nempe ut verbis illis utrique Patres significant, *præsenti tempore*, vel (*ut Epaonenſes loquuntur*) *a præsenti tempore* interdici nuptias inter consanguineos & adfines: ut intentio eorum non sit eas dissolvere vel irritare, quæ tunc tem-*

temporis factæ invenirentur. Id quod plane confirmatur non tantum ex verbis *solvendi & dissolvendi*, quæ Patres usurpant, quæque de conjugiiis multo aptius intelliguntur, quam de legibus vel Canonibus; sed etiam ex illis, quibus Patres Canonem utrumque claudunt: *Sane quibus conjunctio illicita interdicitur, habebunt inveniendi melioris conjugii libertatem*. Quæ dubium non est propterea addidisse Patres, & illi quorum gratia Canones relaxabant, non sibi persuaderent, data facultate permanendi in priori conjugio sibi facultatem auferri alterum inveniendi.

Illud etiam nemini hæsitacioni fore arbitror, quod Patres horum Conciliorum dispensatione usi fuerint circa gradus a Deo interdictos Capite decimo octavo Levitici: ubi Judæis interdicta legimus conjugia cum novercis, privignis, & quæ vel sorores essent priorum uxorum, vel fratrum alteri ante nupsissent. Etenim cum aliis Theologis dudum monuit Clemens Monilianus Cardinalis, Theologus & ipse doctissimus e Sacro Minorum Ordine, cuius verba habes apud Launojum: legem hanc cum ceteris a Moyse promulgatis lege gratiæ fuisse sublatam quoad ea omnia, quæ juris naturalis non essent: sed congruum & expediens fuisse, ut eandem & Ecclesia & Sæculares Principes in usum denuo revocarent in gratiam Matrimonii, ne contrahere cum propinquis Christiani possent. Certum ergo est, Agathenses & Epaonenses Patres, cum circa gradus in Levitico interdictos dispensarunt, non magis violasse jus divinum, quam hodie violant Romani Pontifices, cum dispensant ad contrahendum cum sororibus priorum uxorum, vel cum filiabus fratrum & sororum.

Verum ut de sensu Canonum Agathensis & Epaonensis omnis tollatur dubitatio, ecce tibi decimus Canon tertii Concilii Aurelianensis

*Launoi.
Tom. I.
P. II. p.
735.*

Concil.
Gall.
Tom. I.
p. 251.

anno DXXXVIII. ab Episcopis viginti quinque celebrati: quo nullum desiderari possit illustrius monumentum Episcopalis auctoritatis. Eo in Canone Aurelianenses innovant, quidquid in consanguineorum & adfinium nuptias decreverant Agathenses & Epaonenses. Sed interim ea potestate utentes, qua a Christo decorati erant, duobus subditorum generibus permittunt manere in conjugio cum novercis, cum privignis, sororibus priorum uxorum, amitis, materteris, & consobrinis. Nempe & illis, qui recens baptizati cum propinquis matrimonium contraxissent: & illis, qui vetitas a Canonibus hujusmodi nuptias antea ignorassent. De incestis conjunctionibus ita quæ sunt statuta servantur, ut his qui aut modo ad baptismum veniunt, aut quibus patrum statuta in notitiam antea non venerunt, ita pro novitate conversionis ac fidei suæ credidimus consulendum, ut contracta hujusmodi conjugia non solvantur; sed in futurum quod de incestis conjunctionibus in anterioribus Canonibus interdictum est, observetur.

Nihil de Episcoporum auctoritate grandius, nihil magnificentius desiderari potest. Nempe illi impedimenta constituebant: illi impedimenta tollebant: idque etiam in eorum gratiam, qui novercas, vel privignas, vel sorores priorum uxorum, vel amitas, vel materteras sibi despondissent: idque cum eæ nuptiæ hujusmodi essent, ut apud civiles leges nihil æque fuerit odiosum.

XIII. Verum alia supersunt adhuc Episcopalis auctoritatis exempla. Anno enim DCCCXCV. celebratum est in Germania ab Episcopis viginti duobus Synodus Triburiensis. Canone autem XLI. ea dispensatione Patres utuntur, ut is, qui uxorem viventis fratris adulterarat, mortuo eo eandem sibi legitime copulare sinatur, modo uterque de patrato adulterio legitimam poeni-

pœnitentiam ante egissent. *Episcopus considera-* *Concil.*
Tom. XL
ta mentis eorum imbecillitate, post pœnitentiam sua
institutione peractam, si se continere non possint, p. 650.
legitimo consoletur Matrimonio.

Si Thomassino fidem habemus Parte II. Li-
bro III. Cap. 27. num. 5. & Cap. 29. num. 10.
adhuc sæculo undecimo auctoritatem eam Epi-
scopi retinebant. Certe ex Epistula XXXIV.
Hildeberti Cenomanensis Episcopi liquet, ea
tempestate scripto testatos esse Episcopos Gal-
los Provinciæ Turonensis, licere per eos Gau-
terio de Meduana filiam suam Comiti Morto-
nio despondere: quippe qui in spem venissent,
iuncto matrimonio sopitum iri in immanes di-
scordiarum flammæ, quæ domos consanguinei
utriusque diu vastabant. *Addidit præterea Gau-* *Bibl. PP.*
To. XXI.
terius, vos vestrosque Provinciales ei confirmasse
scripto, compendia pacis & quietis tolerandum p. 131.
consanguinitatis piaculum. Ceteris Episcopis ac-
cedere noluit Hildebertus, non quia non pos-
set, sed quia conservandæ disciplinæ ceteris re-
tinentior esset.

XIV. Postquam tot egregiis factis & exem-
plis demonstravimus, quanta Episcoporum au-
ctoritas sit in relaxandis Canonicis legibus qui-
buscumque sive ad Matrimonii impedimenta,
sive ad alia spectantibus, ubi auctoritas illa le-
ge aliqua vel Reservatione contraria Episcopis
ipsis ablata non fuerit: superest modo satisfacere
duobus argumentis, in quibus plurimum
fidit Prosper Fagnanus: qui ut solis Curia placitis
adsuetus erat, ita solis iis moderandam
Episcoporum potestatem arbitrabatur. Primum
desumptum est ex Capite *Dilectus 15. De Tem-*
poribus ordinationum: ubi Papa Honorius III.
suspensionis pœna in Episcopum quendam pro-
pterea animadvertit, quod ipse uno eodem-
que die ternos Ordines Sacros cuidam Canoni-
co contulisset. Ratio autem, qua motum se

fatetur Honorius ea est quæ sequitur: *Cum illi hujusmodi dispensatio a Canone minime sit permissa*. Unde Fagnanus hanc Regulam constat: non posse Episcopum relaxare Leges Superioris, nisi quando id ipsi Episcopo aperte indulgeant eadem Leges.

XV. Principio dudum Gibertus monuit, Caput *Dilectus* Honorii III. posterius esse sive recentius Capite *Innotuit* 3. *de eo qui furtive ordinem suscepit*, quod Cœlestini III. est: posterius item Capite *Litteras*, 13. *de Tempor. Ordinatus*, quod est Innocentius III. Ex quibus constat, jam a tempore Prædecessorum Honorii Sedi Apostolicæ reservatas esse dispensationes ejus generis: proindeque verba illa Honorii, *cum illi hujusmodi dispensatio a Canone minime sit permissa*, non sic esse intelligenda, ac si Canonem relaxare non possit Episcopus, nisi ubi id Episcopo Canon ipse aperte concedat. Sed ita intelligenda, ut quandoquidem rem illam Apostolicæ Sedi jam reservassent Prædecessores sui, minime jam licuisset Episcopo relaxare legem ab illis editam. Itaque perinde esse dixisse Honorium, *cum a Canone minime sit permissa*, ac dixisse, *cum a Canone sit vetita*. Deinde ineluctabilis Axiomatis vi polleat Honorii dictum, per me licet: sed polleat apud Fagnanum ipsum, qui ut merus Canonista, & quidem de Curia, solet cum Ultramontanis ceteris loca omnia Decretalium perinde adlegare & exosculari, ac si Principia quædam essent immobilia & irreformabilia. Alia autem mens est Theologis (a), qui probe norunt, ex
Decre-

(a) Quantum Canonistis præstarent Theologi, anno MCCCXXXIII. Joanni Papæ XXII. significari fecit Philippus Pulcher Gallorum Rex in illa Epistola, quam describit vetus continuator Nangii apud Da-

Decretalium testimoniis ea tantummodo esse irreformabilium Regularum loco habenda, quæ vel Divinis Scripturis, vel Patrum Traditione innitantur. Ab hoc vero dignitatis fastigio multum abest Axioma Honorii intellectum eo sensu, quo vult Fagnanus. Adde quod pridem observavit Magnus Theologus Melchior Canus, ubi quid præcipiunt Romani Pontifices, aliud esse intentionem conclusionemque Decreti, aliud rationem & causam.

Canus
de Loc.
Theol.
lib. VI.
cap. 8. p.
202. not.
viss. edit.

XVI. Alterum Fagnani argumentum majorem quidem speciem præ se fert virium: sed specie tantum validum est, non re: quamvis eo velut Achille utantur, qui a nobis dissentiant. Sic autem habet: non videri posse ab Episcopo relaxari Leges Papæ vel Concilii Generalis, nisi hoc ipso superior Papa & Concilio reddatur Episcopus: quod impium & nefarium est apud omnes Catholicos. Sed & jam monuere nostri, relaxandis Conciliorum & Pontificum legibus non superiorem Conciliorum aut Pontificum agere Episcopum, sed Interpretem agere ipsarum legum, gratia & commodò subditorum. Nam ut Divinæ Scripturæ & Sancti Patres docent, legum omnium Ecclesiasticarum basis & fundamentum est lex divina de caritate erga proximos: contra quam nulla esse potest lex justa, nulla quæ obligare homines possit: cum e contrario eidem caritatis legi famulari potius & cedere debeant humanæ leges quæcumque, sive Conciliorum, sive Papa-

E 4

rum.

Dacherium Tom. III. Spicilegii novæ editionis pag. 97. *Quarum litterarum ex parte Regis una fuit missa Pape, mandans sibi a latere quatenus sententiam Doctorum de Paris, qui melius sentiunt quid debet teneri et credi in fide, quam Juristæ aliique Clerici, qui parum aut nihil sentiunt de Theologia, approbaret: & quod sustinentes contrarium corrigere.*

rum. Id scilicet est, quod ad Timotheum scribit Apostolus: *Finis praecepti est caritas*. Id item, quod S. Augustinus ait in Libro *De Perfectione justitiae*, Cap. 5. *Generalis prohibitio est, Non concupisces: generalis jussio, Diliges*. Et S. Bernardus in Libro *De Praecepto & Dispensatione*. Cap. 2. *Si contraria caritati forte aliquando visa fuerint, his dumtaxat quibus hoc posse videre datum est, etiam providere creditum est*. Nonne justissimum esse liquet, ut quæ pro caritate inventa sunt, pro caritate quoque ubi expedire videbitur, vel omittantur, vel intermittantur, vel in aliud convenientius demutentur? Teneant ergo fixam firmamque immobilitatem, etiam apud Prælatos: sed quatenus caritati deserviunt.

Cum ergo præcepto omnium maximo, eoque generali, & prorsus inviolabili, teneamur proximis quibuscumque graviter laborantibus opem ferre: consequens inde fit, debere necessitate urgenti leges vel Constitutiones quaslibet humanas cedere supremæ legi de caritate: nec posses ipsis humanis legibus quidquam vel justitiæ vel roboris inesse, nisi sub ea conditione ferantur, ut in illis perpetuo exceptus intelligatur casus publicæ necessitatis vel utilitatis; qua necessitate vel utilitate urgenti, jure naturali & divino cessare debeat omnis obligatio & vis legum humanarum harum. Quare Alexander Papa III. in Cap. *Cum teneamur, De Præbendis*, Episcopos monet, ut si scandali periculum immineat, Rescriptis Sedis Apostolicæ exequendis supersedeant. *Si non potest ei sine scandalo provideri, equanimiter sustinemus, si pro eo mandatum nostrum non duxeris exequendum*. De quo digni sunt qui legantur Didacus Covarruvias in *Regula Peccatum*, P. I. n. 7. & Petrus de Marca Lib. III. *de Concordia*, Cap. XV. num. 8.

Verum & illud ratio persuadet, non debere humanarum legum interpretes esse singulos indisci-

discriminatim: sed eos tantummodo, quos Ecclesie suae Christus Pastores dedit. Constat autem Pastores Ecclesie legitimos esse divino jure Romanum Pontificem & Episcopos. Ad ipsos ergo jure divino spectat & subditorum necessitatem librare, & ipsorum gratia leges declarare vel relaxare. Non quod relaxatione legum superiorem se aut Generalibus Conciliis Pontifex, aut Romano Pontifice Episcopus constituat: sed quod pro rerum & temporum conditione leges ipsas uterque interpretantur: quod fieri optime potest, quin se alteruter ipsis Legumlatoribus praeferat. Nam ut Avitum Archiepiscopum Viennensem docet S. Symmachus Papa: *Quod sit praeter regulam, modo sit ex justa causa, non infringit regulam, quam sola pertinacia & antiquitatis contemptus ledit. Fit haec doctrina splendidissima, ubi Summus Pontifex exempli causa vota aliqua aut jurajuranda relaxat, quam juris divini materiam esse inficiatur nemo. Has enim relaxationes, ut uno ore adfirmant omnes Theologi & Canonistae quantivis pretii, Papa non facit tamquam superior vel Dominus juris divini: (eo enim titulo Papam alii non ornarunt, quam aliqui de antiquioribus Canonistis, quos hodie nemo prudentiorum & eruditiorum non despicit) sed tamquam interpretes ipsius divini juris, declarans illo non obstringi nos in his vel illis circumstantiis.*

XVII. Alio exemplo demonstrare possumus, non esse idem relaxare legem, ac superiorem esse legis. Decreto duorum Conciliorum Generalium nempe Constantiensis Sessione V. & Basileensis Sessione II. cui subscribunt cum tota Ecclesia Gallicana Academiae quinque, Parisiensis, Colonienfis, Erfurdiensis, Viennensis, & Cracoviensis: quinque item Cardinales, Petrus de Alliaco Gallus, Franciscus Zabarella, & Nicolaus Tudeschus Itali, Nicolaus de Cusa Ger-

Tom. III:
Spicilegii
Dacheriana
ni novae
edit. pag.
307.

Covarruvias de
Matrimonio
P. II. C.
IV. §. 9.
cum S.
Thomas,
Angelo,
Silvestro,
Catheri-
no, Ala-
maino &
Cc.

Germanus, & Hadrianus Florentius Belga: Alfonsus quoque Tostatus Episcopus Abulensis, & quamplurimi alii Doctores, quos in Principio quinto sumus descripturi: Eo, inquam, Decreto declaratum est, Summum Pontificem jure divino subesse Concilio Generali, universalem Ecclesiam repræsentanti: ipsius Concilii legibus ut subditum obligari. Nihilominus universi ipsi Doctores consentiunt & fatentur cum ipso Concilio Basileensi & Ecclesia Gallicana, posse a Papa relaxari Canones & Decreta Conciliorum Generalium ad Disciplinam spectantia, quoties id fidelium necessitas aut utilitas postulet. Non quod Papa superior sit ipsis Conciliis, (nam e contrario Conciliis Papam subjacere omnes agnoscunt) sed quod ea auctoritate Papam ornatum velint ipsa Concilia utpote Principem Ecclesiæ; & quod æquum sit pro hujusmodi relaxationibus impetrandis (quæ & necessaria in Ecclesia sunt, & a Conciliis Ecumenicis nonnisi difficillime & rarissime obtineri possunt) unum aliquem perpetuum & supremum Dispensatorem fidelibus præesse, qui & facile adiri possit, & ut Canonum interpres, ipsorum Canonum rigorem pro rerum subditorumque conditione emolliendum curet.

Patres Basileenses in Synodica Responsione anni MCCCCXXXIV. de Papa verba facientes ita ajunt: *Per Concilii autem statuta in nullo derogamus sue potestati, quin pro tempore, loco, causisque & personis, utilitate vel necessitate suadente, moderari dispensareque possit, atque uti Summi Pontificis epikeia, quæ ab eo auferri nequit.* Similiter Joannes Gerson in Tractatu de Ecclesiastica Potestate, Confid. X. Intelligitur ergo Papalis auctoritatis exceptio facta, prout occurrens necessitas vel evidens utilitas postulat, ubi pro tunc recursus ad Generale Concilium non patet. Adeatur etiam Almainus Capite XII. in Decisio-

Concil.
To. XVII.
p. 484

Gerson
Tom. II.
pag. 140.

cisione Okami: Natalis Alexander Dissertatione VIII. in Historiam Sæculi XV. & XVI. Articulo IV. num. 16. Illustrissimus Bossuetus Defensione Declarationis Cleri Gallicani Lib. XI. Cap. 16. Dupinus Opere Gallico de eodem argumento pag. 660.

Quod vero de Papa dicitur respectu Conciliorum Generalium, idem proportionem dici debet de Episcopis respectu Papæ: ut sicut Papa gravi causa interveniente relaxare potest Decreta Generalis Concilii, quin inde sequatur, Papam esse superiorem Concilio: ita etiam Episcopus eadem causa relaxare possit Decreta Papæ, quin ex eo Papa superior Episcopus demonstretur. Nam quod Papa est respectu totius Ecclesiæ, id Episcopus est respectu suæ Paroeciæ. Cardinalis de Cusa Lib. II. de Concor- Cusa
dantia Catholica Cap. 20. Nullo modo, inquit, 750.
negari potest, quin propter necessitatem aut evidentem utilitatem, Papa dispensare possit contra quodcumque statutum. Imo Archidiaconus dicit in Cap. Sanctorum 70. dist. Episcopum hoc posse. Quis inter alia dicit: quod si Canon aliquis hoc prohiberet, irrationabilis fieret. Et ponit exempla, ubi Episcopi contra Concilia tam provincialia quam universalia, ex illis causis dispensarunt. Papa autem ultra hoc propter prerogativam personæ dispensare potest, de quo per eum ibid. Et ex istis patet, quod potestas superintendentia, quæ est ad utilitatem Ecclesiæ in Papa, non est proprie supra Canones, sed ipsa declarat, Canones in occurrenti casu propter rationabiles causas locum non habere. Et sic dispensatio non est proprie juris relaxatio, sed declaratio, &c. Jam antea Capite 13. hæc scripserat idem Cardinalis: Si dicis ultra Ibid. p.
de potestate dispensativa Papæ in Canonibus, ex 729.
eo arguendo potestatem statuendi, nihil concludis. Quia etiam Episcopus dispensat in Canonibus. Nec facit dispensatio Canonibus præjudicium.

Hinc

Gibert.
Tom. II.
pag. 102.
 Hinc ita colligit Gibertus Tom. II. Tit. VII. Absurdum videtur, ut Episcopis dispensare non liceat, nisi quando a Canone sibi expresse permittitur. Quia casus dispensationis iuxta omni in lege subintelligitur exceptus: quia dispensatio ut sit iuxta, debet esse publico bono necessaria vel saltem utilis: necessitas autem vel utilitas publica in lege semper excipiuntur. S. Symmachus Papa in eadem illa Epistula ad Avitum, cujus supra meminimus: Quamvis a Patribus statuta, inquit, diligenti observatione & observanti diligentia sint custodienda: nihilominus propter aliquod bonum de rigore legis aliquid relaxatur, quod & ipsa lex cavisset, si prævideret: & saepe crudele esset insistere legi, cum observantia ejus esse præjudicabilis Ecclesiae videtur: quoniam leges ea intentione latae sunt, ut proficiant, non noceant.

XIX. Certum est leges Ecclesiasticas non alterius hodie naturæ esse, quam prioribus sæculis erant. Si autem Sozomeni Historiam evolverimus, Libro I. Capite XI. scriptum inveniemus, quarto sæculo religioni non fuisse magno illi Cypri Episcopo S. Spiridioni, hospiti cuidam tempore Quadragesimæ fuillas carnes adponere, quas & comedit ipse, & ut secum comederet hominem est hortatus: nihil enim aliud, quod adponeret, domi repertum est illa die. Nempe caritatis legem Spiridion arbitrabatur omnibus aliis legibus prævalere debuisse. Quo eodem fundamento nixus, motusque præterea piscium caritate, qua vertente hoc anno MDCCCLXVI. laboravit Gallia, subditis suis permisit Episcopus Lemovicensis tertio quoque die tempore Quadragesimæ carne vesci: id quod ex Ephemeridibus paullo post evulgatis omnibus innotuit (a).

PRIN-

(a) Ejusdem generis est Mandatum Episcopi Antissiodorensis de anno MDCCXXXIII., ubi subditis suis permittit ovis vesci tempore Quadragesimæ,

PRINCIPIUM IV.

In toto Corpore Juris Canonici, imo vel in ipso Concilio Tridentino nullus locus extat, qui Episcopis neget vel auferat facultatem moderandi impedimenta Matrimonii. Sola consuetudine vel tolerantia Episcoporum factum est, ut Dispensationes hujusmodi sensim Apostolica Sedē reservarentur.

De hac Episcoporum tolerantia pulchra testimonia Concilii Triburiensis, Fulberti Carnotensis, Hildeberti Cenomanensis, & Bernardi Claravallensis. Qua constantia Episcopalia Jura tūti fuerint Dunstanus Cantuariensis, Robertus Lincolnensis, & alter quidam Episcopus Engolismensis. Robuffi sententia super originem Reservationum.

PROBATIONES.

I. Primum hujusce Principii fidejussorem sisto Gibertum, nuperum illum quidem & celebrem Gallie Canonistam, qui in Tractatu de Ecclesia, Tit. VII. de Prælatiis in hunc modum scribit: *Factæ reservationes circa Dispensationes Matrimoniales in favorem Sedis Apostolicæ, nullæ leguntur in Corpore Juris, nec in Concilio Tridentino.* Alterum sisto Barthelium, nuperum & ipsum nec minus illustrem Canonistam e Germania, qui in Additionibus ad Jus Canonicum Libro I. Tit. XXXIII. ita scribit: *Ubi vel jus scriptum vel consuetudinarium non adimit Episcopo potestatem, illam in regula habet. Paucos habemus Canones, in quibus potestas illis adempta, ut in dispensanda ætate: in impedimenti matrimonii nullos habemus, sed ex mera Consuetudine sunt reservata. Cum enim ob tenebram conscientiam Episcopi sæculo XII. desuper sæpius referrent ad Pontificem, non quod sua potestate*

Gibert.
Tom. II.
p. 149.

Barthel.
p. 137.

Vanesp.
Tom. I.
p. 414.

Gerbas.
p. 412.

Ibid. p.
332.

state dubitarent, sed quod ejus inquirerent consilium, quia magis adhuc insistebant observantia Canonum: Consuetudine sibi hæc impedimenta Pontifex reservavit. Tertium sisto Vanespenium, nuperum alterum & doctissimum Canonistam e Belgio, qui Parte altera Juris Pontificii Titulo XV. Cap. I. hæc habet: *Quibus dispensandi auctoritas super impedimentis Matrimonii competat, nec in Canonibus, nec in Decretalibus Gregorii IX. determinatur: neque legitur aliquo decreto generali auctoritas hæc Episcopis adempta, & Pontifici reservata. At consuetudine tandem invaluit, ut si agatur de impedimentis dirimentibus, soli Pontifici dispensatio competat.* Quartum sisto Gerbasium, insignem e Sorbona Theologum: qui in Tractatu de Potestate Ecclesiæ & Principum super impedimenta Matrimonii, hæc scribit gallice, quæ ego latine exprimo fere ad verbum. Ac primum quidem illud: *Nullus locus est in Jure Canonico, qui facultatem dispensandi circa gradus vetitos ita Pontifici reserve, ut Episcopi excludantur. Et certe quæ potest esse ratio; cur Episcopis non licet dispensare in his casibus? imo cur ipsis movenda lis est ea de re, maxime ubi partes inopia laborent, vel nimia sit locorum distantia, vel graves causæ urgeant?* Tum illud inferius: *Nulla extant Ecclesiasticæ leges, quæ Dispensationes impedimentorum dirimentium soli Papæ reserve: nulla item quæ liquido designent, utri competat hæc facultas. Itaque unus necessario nobis consulendus est usus vel consuetudo, quæ in Ecclesiis obtineat.*

II. Quintum denique fideiussorem sisto Thomassinum, Presbyterum & Theologum Congregationis Oratorii Parisiensis, quo nemo opinor, per totam Galliam, imo & fortassis per totam Ecclesiam extitit, qui in Ecclesiasticæ antiquitatis adyta vel diligentius vel felicius penetrarit. Is vero Parte altera incomparabilis Ope-

Operis de *Disciplina circa Beneficia*, a Capite XXIV. Libri III. usque ad XXVIII. duo demonstranda suscipit. Primum: per decem vel undecim sæcula suam Episcopis auctoritatem constituisse, ut pro subditorum commodo omnia dispensationum genera exercerent. Nam Capite XXVI. num. 1. ubi de Dispensationibus sæculi octavi, noni, & decimi agit, sic scribit Thomassinus: *Constabit illa eadem dispensationum doctrina temporibus Caroli Magni & regnatricis ejus familie, usos videlicet esse in dispensando prisca sua potestate Episcopos, tum singulos, tum synodice congregatos*. Deinde num. 16. monet, ætate SS. Tarasii & Nicephori Constantinopolitanorum Archiepiscoporum dubitasse neminem, quin uterque omnium causarum & dispensationum matrimonialium Judex esset legitimus. Capite vero XXVII. num. 2. ubi de Dispensationibus agit ab anno millesimo usque ad millesimum ducentessimum: *Duo quædam, inquit, proposuimus, quæ nobis hic operosius illustranda sint & munienda. Primum caput est ipsa dispensandi potestas, quæ inserta & concreata quodammodo est Episcopali dignitati*. Mox num. 3. animadvertit, sæculo undecimo in ea adhuc opinione fuisse Polonos Proceres & Episcopos, ut crederent, Casimiro Principi, licet dudum apud Cluniacenses castitatem professus, ibidemque Diacono ordinato, alia ad uxorem ducendam dispensatione opus non esse, quam Præfultum Ordinariorum. Numero vero 6. Eduardum Angliæ Regem voto obstrictum adeundi Romam, a Leone Papa IX. relaxationem efflagitasse, quam obtinere ipse ab Episcopis potuisset.

Tom. II.
p. 322.

Ibid. p.
327.

Alterum illud a Thomassino demonstratum hujusmodi est: quod Sedi Apostolicæ sensim reservari cœperint hæ & aliæ dispensationes, profectum id esse a consensu Episcoporum; qui
sive

sive observantiæ ergo in Supremum Pastorem, sive quod subditis Romam adire jussis, ipsa itinerum difficultate melius vim suam Canonibus constitutam arbitrarentur; paulatim a se dimittere cœperunt auctoritatem, qua diu usi fuerant, & uni Apostolicæ Sedi credere relaxationes impedimentorum matrimonialium, votorum, & aliarum rerum. Capite XXVI. num.

Ibid. p.
222.

3. *Eo, inquit, quasi instinctu afflatuque Christiana pietatis Episcopi religiosius in dies & ambiciosius consulendum sibi existimabant Christi in terris Vicarium, Petrique Successorem: atque ita ipsimet inopini & imprudentes innovationis in Disciplina sacra auctores erant.* Capite vero XXVII. numero 3. postquam testimoniis Concilii Lemovicensis anno MXXXII. celebrati probasset, Romani Pontificis judicio difficillimas quasque absolutiones & dispensationes sua sponte commisisse Episcopos: his demum orationem concludit:

Ibid. p.
327.

Cum multis aliis rationibus & causis, tum hac potissimum defluxit in manus Romani Pontificis usus concedendarum dispensationum, quo ultro se abstinebant Episcopi. Rursus numero 5. ubi Yvonis Carnotensis narratione ostendit, a quodam Episcopo consultam fuisse Apostolicam Sedem de eo, qui consanguineam sibi in matrimonium copularat: ita scribere pergit.

Ibid. p.
228.

Es Pontificum constantia tuendi Canonum rigoris reliquos Episcopos sua sponte flexibiliores alliciebat, ut in posterum mallerent a Pontifice trutinari dispensationes, eas etiam quas ipsi hætenus concessissent. Numero autem 12. suspicatur idem Thomassinus, sæculo demum XI. invalescere cœpisse illud Axioma, non posse ab Episcopis relaxari Decreta Conciliorum Generalium, vel Romanorum Pontificum Leges.

Ibid. p.
329.

III. Quo magis magisque patefeat, ab Episcoporum consensu initium duxisse Reservationes Pontificias: legimus in Concilio Londinensi

de anno MCXLIII. Tenuit Vintoniensis Epi- Tom. I.
scopus Concilium apud Londoniam, Clericis pro Concil.
tempore necessarium. In quo sancitum est, ne ali- Angl.
quis qui Clerico violenter manus injecerit, ab ali- p. 422.

quo possit absolvi, quam ab ipso Papa, & in
presentia ipsius. Legimus in vita S. Laurentii Du-
blinensis Archiepiscopi an. circiter MCLXXIX.

Omnes tam Subdiaconos, quam Diaconos vel Pre- Apud
sbyteros, si incontinentia convicti essent, licet Baroniæ
tamquam Archiepiscopus posset, tamen nolebat ab- an. 1179.
solvere; sed ad Romanam Ecclesiam a Summo n. 14.

Pontifice absolvendos destinabat. Legimus apud

Yvonein Carnotensem Epistula CXXXV. mul-

tatum ab eo prius Canonica pœnitentia mili-

tem quendam, qui Monachum percusserat, Ro-

manam postea ire jussum, ut ipso itineris labore

& suum expiaret scelus, & absolutionem a Se-

de Apostolica promereret. Hujusmodi precibus

assensum dare nolumus, timentes ne & ipsum & suo To-
multos alios tam facili indulgentia in discrimen mo II.
adduceremus. Reservantes itaque hanc indulgen- p. 59.

tiam Apostolicæ moderationi, ad Apostolorum eum

limina direximus; quatenus & fatigatione itineris

hujus peccatum suum diluat, & apud pietatis ve-

stra viscera misericordiam quam Deus vobis inspi-

raverit, inveniat. Legimus in Concilio Rotho-

magenfi de an. MCLXXXIX. Canone XXVI. Concil.

ubi de illis agitur, qui in Ecclesiam perjuri To. xviii.

erant; Ad eorum majorem confusionem ad Sedem p. 682.

Apostolicam transmittantur. Legimus in Concilio

Westmonasteriensi in Anglia celebrato anno

MCXXXVIII. Canone VII. Clericos a non suis Concil.

Episcopis absque literis proprii Episcopi ordinatos, Angl. To.

a suspectorum officiis ordinum inhibemus, solique l. p. 415.

Romano Pontifici eorundem plenaria restitutio re-

servetur, nisi religionis susceperint habitum.

IV. Contra sæculo XIII. quo Romani Pon-

tifices sibi jam usurpare cœperant dispensatio-

nes tum irregularitatis vitio natalium contra-

etæ, tum aliarum: adfirmabant & protestabantur in suis Constitutionibus Synodalibus Episcopi Anglici, jus sibi esse dispensationum harum concedendarum. Quod Thomassinus demonstrat ex duobus Conciliis illorum temporum, ubi ita loquuntur Episcopi: *Cum talibus dispensare possumus.*

S. Dunstanus Archiepiscopus Cantuariensis, cum Papa ei præcipisset excommunicatione absolvere eum, quem ipse incesti causa ab Ecclesia prohibuerat: *Equidem, inquit, cum illum sui delicti poenitudinem agere videro, præceptis Domini Papæ libens parebo.* Simile eadem tempestate Romano Pontifici responsum dedit Episcopus quidam Engolismensis, quod in actis legitur Concilii Lemovicensis de an. MXXXII.

Vice versa quod ego postulare debueram ab Apostolico, Apostolicus postulat a me. Non credere possum hoc mandatum ab eo exortum; & hoc tibi nihil utile est. Et donec a me, vel hujus Sedis Archidiacono, me jubente, accipias poenitentiam, permane in excommunicatione. Et ejecit eum de Ecclesia.

Robertus Episcopus Lincolnienfis in Anglia, vir sanctitate & doctrina sæculo decimo tertio celeberrimus, cum ab eo Summus Pontifex Innocentius IV. Præbendam exigeret (a), Italo Clerico conferendam, arbitratus id quod erat, novo illo provisionum genere sancta Episcoporum jura violari, aperte protestatus est, nullo

(a) Non declarat Matthæus Parisiensis, Innocentii mandatum fuisse de Præbenda Italo Clerico conferenda. Declarat tamen Henricus Leycestrensis Historicus & ipse perantiquus. Libro II. de Eventibus Angliæ, Cap. 36. inter Scriptores Rogerii Twysdeni pag. 2436. ubi ita habet: *Hoc anno obiit S. Robertus Episcopus Lincolnienfis, qui ad Innocentium Papam misit Epistolam satis tonantem: pro eo quod Ecclesias* An-

nullo modo sibi licere exequi Pontificium mandatum. Propter hoc, inquit, his quæ in prædicatione Littera continentur, filialiter & obedienter non obedio, contradico, rebello. Ea vero ratione se motum adfirmabat: Breviter recolligens dico: Apostolica Sedis sanctitas non potest nisi quæ in ædificationem sunt, & non in destructionem. Hæc autem provisiones non sunt in ædificationem, sed in manifestissimam destructionem. Hæc Matthæus Parisiensis ejusdem ætatis Scriptor memoriæ prodidit in Historia Anglorum ad annum MCCLIII. Qui & illud narrat ad annum MCCXXVI. Gregorio Papæ IX. duplicem Præbendam e singulis Ecclesiis Cathedralibus efflagitanti, impigre obtitisse cunctos Galliæ Præsules in Bituricensi Conventu. Nam Legatum Pontificis obtestati sunt, nequaquam se hujusmodi Reservationibus adensum præstituros, nisi prius constitisset, iisdem ceteros quoque aliorum Regnorum Antistites acquiescere. Quo audito respondit Legatus: *Se nihil amplius super hac attemptaturum, donec per regna alia Prælati consensissent.*

Matth. de
Parisius
in Hist.
Angl. p.
871.

Ibid. p.
329. &
330.

Nemo etiam ignorat, quam strenue a tempore S. Ludovici IX. his Beneficiorum Reservationibus a Sede Apostolica intentatis restiterint ceteri Galliæ Reges; moti videlicet querimoniis Episcoporum, usurpata a Romanis Pontificibus sua jura quiritantium. Legantur Petrus de Marca Lib. IV. Cap. 9. & Franci-

F 2

scus

Anglicanas indebitis & insolitis exactionibus gravare videretur, & quia nepotulo suo Papa contulisset Canonatum cum proxima Præbenda vacatura in Ecclesia Lincolnensi, quem tamen Robertus admittere noluit, &c. De eodem Roberto in Sanctorum numerum referendo nobilis extat Epistula Cleri Londinensis ad Clementem Papam V. anno MCCCVII. Tom. II. Concil. Angliæ pag. 287.

scus Duarenus Libro V. de Sacris Ecclesiasticis Ministeriis, Cap. 8. & 11.

Rebuff.
p. 183.

V. Sextus Principii nostri fidejussor extremo loco prodeat, clarissimus apud Gallos Jurisconsultus Petrus Rebuffus, cujus hæc verba sunt in Praxi Beneficiorum, Titulo de Dispensatione ad plura, numero 32. Ignari Episcopi, nescientes quam pulchra Jus Canonicum eis tribuisset privilegia, paulatim ex consuetudine & stylo Curie Romanæ derogari illis passi sunt, & jus suum neglexerunt. Veruntamen adhuc jure possent ex præfata necessitatis causa dispensare.

Concil.
Tom. XI.
p. 644

Hic Rebuffus adscribit ignorantie Episcoporum, quod tam multis Papæ Reservationibus acquieverint. Certum nihilominus est, non omnes per ignorantiam acquievissent: sed vel per œconomiam, vel spontaneæ observantiae ergo in Apostolicam Sedem. Sunt de hoc argumento in primis illustria testimonia quatuor, quæ mox refero. Primum est Synodi Triburiensis anno DCCCXCV. ex Germanis Episcopis duobus & viginti collectæ. Canone XXX. ita ait: In memoriam B. Petri Apostoli honoremus Sanctam Romanam & Apostolicam Sedem, &c. Quare servanda est cum mansuetudine humilitas, ut licet vix ferendum ab illa Sancta Sede imponatur jugum, conseramus, & pia devotione toleremus. Alterum est S. Fulberti Episcopi Carnotensis, qui in Epistula XLVII. Turonensem Archiepiscopum adhortatur, (huic Papa sine legitima causa negabat Pallium) ut bono animo injuriam ferat, & meliora temporis expectet. Cujus dicti hanc rationem e

Bibl. PP. vestigio subdit. Continentur enim quedam reverendi nobis in Privilegiis Romanæ Ecclesiæ, quæ propter negligentiam nostram non facile inveniuntur in armariis nostris. Acuta hæc quidem & modesta ironia fuit, qua significavit Fulbertus, multa de illis Privilegiis, quibus Sedes Apostoli-

stolica gloriabatur , alio fundamento haud niti , quam conniventia & tolerantia Episcoporum . Tertium est Hildeberti Cenomanensis Episcopi , qui in Epistula XLVII. e nupera editione Patris Beaugendrii , Papam adloquens sic cum eo expostulat : *Pro obedientia vestra adversariis meis factus sum tota die in derisum , tamquam qui omnino amiserim disponendi de commissa mihi Ecclesia facultatem . Et mox : Canonicam & traditam omnibus Episcopis potestatem abstulistis .* Quartum est S. Bernardi Claravallensis , qui ad Eugenium Papam scribens sic ait Libro III. Cap. 4. *Murmur loquor & querimoniam Ecclesiarum . Truncari se clamitant ac demembrari . Subtrahuntur Abbates Episcopis , Episcopi Archiepiscopis , &c.*

PRINCIPIUM V.

Invitos Episcopos Papa spoliare non poterat potestate moderandi impedimenta Matrimonii & ceteras Leges Canonicas:

Exempla antiquarum Ecclesiarum Asia, Africa, & Gallia. Testimonia SS. Zozimi, Gelasii, Gregorii Magni, & veterum aliorum Pontificum.

Doctrina Augustini & ceterorum Patrum, ab antiquis Missalibus Romanæ Ecclesiæ confirmata: subjectum proximum & immediatum, in quo veluti fundamento tota resideat jurisdictio Ecclesiastica, Ecclesiam esse, non Papam.

Excutiuntur Decreta Generalium duorum Conciliorum, Constantiensis & Florentini: demonstraturque, Constantiensia illa Sessionis quartæ & quintæ, etiam tum cum ad implicandos Basileenses Patres tam multa esset molitus Eugenius IV. per totam Ecclesiam habita esse tamquam Regulas quasdam moderatrices totius Ecclesiasticæ jurisditionis:

Testimonia Cardinalium Zabarella, Alliaccensis, & Cusani: Alia item Joannis Gersonis, Alphonsi Toftati Episcopi Abulensis, & duorum aliorum Hispanorum Basileensis Concilii Theologorum, nempe Joannis de Segovia, & Andres Escobarii. Respondetur Bullæ, Pastor æternus, Leonis X.

PROBATIONES.

- I. **Q**uidquid virium inest huic Principio, id sequenti Syllogismo continetur. Invitos Episcopos Papa spoliare non poterat ea potestate, quæ & propria est Ordinis Episcopalis, & in cujus possessione per multa sæcula perstitere Episcopi. Atqui potestas moderandi impedimenta Matrimonii, ceterasque

Le-

Leges Canonicas, & propria est Ordinis Episcopalis, & in ejusdem possessione per multa sæcula persistere Episcopi. Ergo invitos Episcopos Papa spoliare non poterat potestate moderandi impedimenta Matrimonii ceterasque leges Canonicas.

Minor propositio demonstrata est Principiis antecedentibus; nec de illius veritate ullus, quod sciam; Theologorum dubitat. Major dura quidem & difficilis tironibus videbitur, Sed illam ego confirmare pergo constanti traditione totius Ecclesiasticæ antiquitatis; testimoniis antiquorum Conciliorum & Sanctorum Patrum, doctrinisque ipsorum Pontificum Romanorum.

II. Sub finem secundi sæculi, licet Romana Ecclesia cum Orientalibus plerisque sacrum Paschatis festum celebrare soleret illo Solis die; qui Lunam Martii decimam quartam proxime sequebatur: Ecclesiæ tamen Asiæ Diocæseos, cujus caput Ephesus erat; Pascha ipso Lunæ die celebrabant more Judæorum. Cum hanc de gravissimo Disciplinæ capite Ecclesiarum discordiam ferre non posset S. Victor Romanus Pontifex: litteris ad Asiaticos Episcopos datis imperat, ut nisi vellent a Romana communione excidere; probatum ceteris Ecclesiis ritum amplecterentur. Cui Polycrates Ephesinus respondit: se cum Pascha ipso Judæorum die celebrabat; auctore B. Joanne Apostolo celebrare, qui in Ephesinam Diocæsim consuetudinem illam invexerit, quam & religiose deinde tenuerint sancti Prædecessores sui Polycarpus, Thraseas, Papyrius, & Melito. Nullis igitur minis se ab hac consuetudine ditmotum iri. *Ego, fratres, quinque & sexaginta annos natus, nihil moveor iis, quæ nobis ad formidinem intentantur.* Ita Eusebius refert Libro V. Capite 24. Ubi & illud memoriæ prodit, quamplurimos ex iis Antistitibus, qui a Romano

*Euseb. p.
156. edit.
Vales.*

ritu erant, gravissimis ad Summum Pontificem scriptis litteris acerbis cum eo expostulasse, quod tam multas tamque nobiles Provincias fide sibi cohærentes, & in re tantum Disciplinæ discordantes, a Christianorum cœtu excindere intentaret. Horum unus S. Irenæus fuit Lugdunensis in Gallia Episcopus, qui & illud in Epistula sua ad Victorem narrat, B. Polycarpo tunc Romæ commoranti numquam S. Pontificem Anicetum persuadere potuisse, ut reversus in Asiam morem ibi amplecteretur & observaret, quem tenebant Occidentales. *Verum hæc non omnibus placebant Episcopis. Extant etiamnum eorum litteræ, quibus Victorem acerbis perstringunt. Ex quorum numero Irenæus, &c. Idem testatur Socrates Libro V. Cap. 22. ubi ita habet: Victor immodico iracundiâ succensus astu, iis qui in Asia erant, excommunicationis libellum misit. Quo facto Irenæus Victorem per Epistolam graviter perstrinxit, acriorem ejus impetum reprehendens.*

*Socrates
p. 233.
ejusdem
edit.*

Revera Decreto Romani Pontificis deterreri minime potuere Orientales Ecclesiæ bene multæ, quominus sibi cum Asianis de celebrando Paschate conveniret. Ex earum numero fuisse Syriam, Ciliciam, & Mesopotamiam, indicat S. Athanasius in Libro *de Synodis*, num. 5. Neutras vero pro schismaticis umquam habuit aliquis, donec Generali lege a Nicæna Œcumenica Synodo constitutum est, ut Romanum ritum omnes ubique Ecclesiæ amplecterentur. In ea ergo sententia erant Episcopi Asiani, Syri, Cilices, & Mesopotamienses; ut quando nullum ea de re universalis Ecclesiæ Decretum extabat, crederent Romano Pontifici nullum jus esse ad exturbandos eos antiqua consuetudine & possessione, nedum ad plectendos anathemate. Si ergo ita se res habet, ubi de particulari aliqua consuetudine agitur, eaque pri-
vata

*Athan.p.
719.edit.
Monsieur
con.*

vata hujus vel illius Provinciæ: quid, quæso, sentire debemus de generali consuetudine ubique recepta per Ecclesiam, & quæ ab universo Episcoporum Corpore usurparetur?

III. Moribus receptum erat in Africa & Cappadocia, ut qui ab hæresi ad Ecclesiæ sinum revertebantur, iterum baptizari solerent. Utrisque per litteras significavit S. Stephanus Papa, & quidem sub anathematis pœna, ut in posterum ab illa rebaptizandi consuetudine omnino abstinere. Quæstio vertebatur de Disciplinæ capite sane gravissimo, & quod summam ipsam Catholici dogmatis attingere videbatur. Ceteræ omnes Provinciæ Christianæ Afris & Cappadocibus adversabantur. Romanus Pontifex, quæ sua mens esset, ea rerum & verborum serie declaraverat, quæ supremam quandam & decretoriam auctoritatem præ se ferret. Quid S. Cyprianus Carthaginensis? quid S. Firmilianus Cæsarensis? Num Romano Decreto parere? Minime. Imo vero receptum in Ecclesiis suis morem retinere, & collectis earum Synodis statuere, Romanæ definitioni assentiendum non esse. Omnibus notæ sunt ea de re Epistolæ Cypriani ad Pompejum & Firmiliani ad Cyprianum: nempe septuagesima quarta, & septuagesima quinta inter Cyprianicas: ubi acerbè in Stephanum Papam uterque invehitur. Hic unum illud monebo: post acceptam definitionem & præceptum Papæ, Synodum octoginta Episcoporum Suffraganeorum collegisse Cyprianum: ubi singulos adhortatur, ut quid de Rebaptizatione sentirent, candide & aperte profiterentur; orationem suam his demum verbis conclusit: liquido constare apud omnes, in his quæ pertinebant ad internum regimen & privatas consuetudines singularum Parœciarum, nullum esse in Ecclesia Dei Episcopum Episcoporum: nullum qui collegas suos minis

*Cyprian.
p. 314. &
224. Fel-
lo.*

Ibid. p.
158.

minis posset adigere ad ea abjicienda, quæ ipsi a majoribus accepissent. *Neque enim* (inquit) *quisquam nostrum Episcopum se Episcoporum constituit; aut tyrannico terrore ceteros adiguit ad obsequium: quando habeat omnis Episcopus pro licentia libertatis & potestatis suæ arbitrium liberum; tamque judicari ab alio non possit, quam nec ipse potest judicare.* His non oppugnabat Cyprianus Jura Romani Primatus, quæ ipse tum in Libro de Unitate Ecclesiæ; tum in aliis Operibus egregie ex Scripturis demonstraverat. Nec inficiabatur Cyprianus; unum & potissimum ex his Juribus esse, ut ad Petri Successorem pertineret cura & administratio totius Ecclesiæ; eidemque suprema auctoritas inesset ad imperandam fidem & observationem omnium illarum rerum; cum ad dogma tum ad Disciplinam spectantium, in quas Capiti suo adhærens jam legitime & sollemniter conspirasset totum Corpus Episcoporum. Ejus autem generis Cypriano non videbatur esse tunc temporis consuetudo non rebaptizandi. Ergo tum Cyprianus ipse, tum Firmilianus, tum ceteri collegæ judicabant; pessime abuti Primatus sui auctoritate Romanum Pontificem, cum eos suarum Ecclesiarum disciplinam cogebat abjicere: ac proinde talia imperanti parendum non esse, nec Romanarum minarum ullam rationem habendam.

In Libris de Baptismo contra Donatistas hoc S. Cypriani factum centies memorat B. Augustinus. Nusquam verò hanc illius inobedientiam pro schismatica habuit; sed ubique licitam prædicavit: eo quod nondum ab ullo Concilio Generali quæstio illa profligata esset, quemadmodum postea fuit; nec Cypriano ipsi auctoritas alia objiceretur, quam consuetudo Ecclesiæ Romanæ. Ac de se ipso quidem fatetur Augustinus, non alia se, si tunc temporis vixisset,

xisset, erga Stephanum agendi ratione usurum fuisse, quam usus fuerit Cyprianus. Libro II. Cap. 4. *Neque nos tale aliquid auderemus adferre, quale Stephanus iussit, nisi Ecclesie Catholica concordissima auctoritate firmati: cui & ipse* August. Tom. IX. p. 98.
 Cyprianus sine dubio cederet, si jam illa tempore veritas eliquata & declarata per plenarium Concilium solidaretur. Capite 7. *Nondum erat diligenter illa Baptismi quaestio pertractata.* Capite 8. *Tunc non existerant, nisi qui Cypriano consuetudinem opponerent: defensiones autem ipsius consuetudinis non tales adferrent; quibus illa talis anima moveretur.* Capite 9. *Nondum universale Concilium factum erat. Cum de Cypriani ratione tam saepe verba fecerit Augustinus: nullius unquam peccati reum dixit, nisi levissimi: nempe quod in Stephanum quædam paullo commotior scripserit. Perpetuo autem agnovit & adfirmavit Augustinus, etiam tum cum Pontificis Decreto oblectabatur Cyprianus, minime illum ab unitate Catholica excidisse (a).*

IV. Legibus Disciplinæ apud Afros receptæ, quæ Canone CXXI. Africani Codicis a Justello editi continetur, non licebat Presbyteris, Dia-

(a) Quanto adcuratius lego superiora testimonia Augustini, tanto obfirmatius mihi persuadeo; de potestate & infallibilitate Romani Pontificis longe aliam mentem fuisse Augustino Cyprianoque, quam nunc est Romanis Theologis. Nempe rebaptizari qui ab hæresi venerant, sub anathematis pœna vetuerat Stephanus. Nihilominus Stephano repugnat Cyprianus: Cypriano repugnanti patrocinator Augustinus, atque ea de causa patrocinator, quod nondum a Generali Concilio decisa esset illa quaestio. Ergo in ea sententia uterque erat, Romano Pontifice superius esse Concilium Generale; nec esse de rebus fidei irreformabile iudicium Romanæ Cathedræ, nisi Ecclesie consensus accesserit. Vide Illustrissimum Bossuetum in Dissertatione Prævia §. LXX. & seqq.

*Collectio
Justel.
Tom. 1.
p. 169.*

Diaconis, ceterisque inferioris Ordinis Clericis, a Judiciis Episcoporum vel Synodorum Provincialium ad Romanum Pontificem provocare: sed omnes illorum causæ intra Provincias terminari debebant: *Presbyteri, Diaconi, vel ceteri inferiores Clerici non provocent nisi ad Africana Concilia, vel ad Primates Provinciarum suarum.* Ad Transmarina autem qui putaverit appellandum, a nullo intra Africam in communionem suscipiatur. Anno CCCCXVIII. congregatis in sexto Carthagenensi Concilio plusquam ducentis Episcopis, in quibus erant S. Aurelius Archiepiscopus & Primas Carthagenensis, S. Augustinus Hipponensis, & S. Alypius Tagastensis: certa quædam novæ Disciplinæ capita missi illuc a B. Zozimo Papa Legati proposuere, ab Africis Ecclesiis observanda, tamquam quæ essent ab Nicæna Generali Synodo constituta. Erant autem revera non Nicæni, sed Sardicenses Canones, qui Afris ipsis vel ignoti erant, vel in usu non erant. Ex his unus ille proferebatur, quo erat decretum, ut liceret deinceps Africis Clericis contra Synodos Provinciarum suarum Judicium Sedis Apostolicæ adpellare. Cum huic & aliis Disciplinæ capitibus a Zozimo propositis contraria prorsus existeret Afrorum consuetudo: (nam ne ipsis quidem Episcopis licebat ad Romanam Sedem provocare, id quod Zozimus quoque abrogatum vellet) Pontificiis Legatis mox reclamaverunt Carthagenenses Episcopi, protestantes Zozimi Canones se eatenus tantum admissuros, quatenus a Nicæna Synodo profectos constitisset. Quandoquidem vero ejusmodi Canones in Africis Exemplaribus Concilii Nicæni desiderarentur, postulare se, ut Constantinopolim & Alexandriam mitterentur, qui Nicænorum Canonum & numerum & argumentum e Græcis codicibus adferrent. Audiamus sententiam S. Alypii:

Aly.

Alypius Episcopus Ecclesiæ Tagastensis, Legatus Provinciae Numidia dixit: De hoc id nos servaturos profiteamur, quod in Nicæno Concilio constitutum est. Adhuc tamen me movet, quod cum inspiceremus Exemplaria Synodi Nicænæ, ista ibi minime invenimus. Audiamus & S. Augustini: Augustinus Episcopus Ecclesiæ Hipponensis dixit: Et hoc nos servaturos profiteamur, salva diligentiore inquisitione Concilii Nicæni.

Justell. p.
142. &
143.

Ex tota hac narratione de ipsis Actis fideliter excerpta liquido colligitur, Africanis Patribus eam mentem fuisse, ut existimarent, Disciplinæ mutationem sibi Papam imperare non posse, nisi objecta auctoritate Concilii Generalis ubique recepti. Confirmatur inde hæc doctrina, quod ubi Africani Patres intellexerunt, in authenticis Exemplaribus Concilii Nicæni e Constantinopoli & Alexandria tandem delatis minime inveniri Canones Zozimi; liberatos se hoc ipso parendi necessitate arbitantes, ad Cælestinum Romanum Pontificem (nam Zozimo & Bonifacio interea vita functis is non ita pridem successerat) nobilem illam Epistolam misere, ubi inter alia hæc monebant: Presbyterorum quoque & sequentium Clericorum improba refugia, sicut te dignum est, repellat sanctitas tua, quia & nulla Patrum definitione hoc Ecclesiæ derogatum est Africanæ: & Decreta Nicæna, sive inferioris gradus Clericos, sive ipsos Episcopos suis Metropolitanis apertissime commiserunt: prudentissime enim justissimeque viderunt, quæcumque negotia in suis locis, ubi orta sunt, finienda. Nec unicuique Provinciæ gratiam Sancti Spiritus defuturam: maxime quia unicuique concessum est, si iudicio offensus fuerit cognitorum, ad Concilia suæ Provinciæ vel etiam universale provocare. Quin & viventi adhuc Bonifacio, cum adferendos ex Oriente Codices Concilii Nicæni, Africanis suis per omnia concord-

Justell. p.
174.

des inventum iri crederent & sperarent iidem Episcopi, aliam Epistulam Papæ ipsi scripserant paullo ante, in qua ipsum ita adloquuntur: *Credimus adjuvante misericordia Dei nostri, quod tua sanctitate Romanæ Ecclesiæ præsidente, non sumus jam istum typhum passuri*. Nempe ambitionem & superbiam vocant hanc Romanorum Pontificum contentionem: id enim temporibus illis significabat vox *typhus*. Legatur Bossuetus Lib. XI. Cap. 14. & Anonymus e Sorbona Scriptor Libri *De Antiquis & Majoribus Episcoporum Causis*, Capite 43.

*Suppl.
Concil.
Gall. p.
258.*

V. Hæc Africanorum Patrum constantia adversus Zozimum Papam quinto sæculo, causa mihi est recordandi ejus, qua in Hadrianum Papam II. usi sunt Galli Episcopi sæculo nono, cum Romanis Reservationibus viam jam late munivissent spuria Decretales Isidori Mercatoris. Anno DCCCLXXI. ab Episcopis triginta Provinciæ Remensis in Concilio Duziacensi adgregatis, Canonice depositus fuerat Hincmarus Episcopus Laudunensis propterea, quod multa eaque gravissima in Canones & Civiles leges peccasse convictus esset. Cum Romanus Pontifex (cujus auctoritatem præter leges implorarat Hincmarus) & reum ipsum & causam rei ad se Romam evocare contenderet: Episcopi ad eum gravissimam atque longissimam Epistulam dedere, quamplurimis testimoniis munitam Conciliorum, Paparum, Imperatorum, atque ipsorum etiam Africanorum, quorum supra meminimus: ex quibus patebat, quæ Judiciorum forma in Ecclesiasticis Causis adhibenda esset, & quam ipsi etiam adhibuissent. Nobilis hujus antiquique Monumenti nonnisi exiguissimam partem ediderat Sirmondus in Collectione Conciliorum Galliarum: nihil enim amplius ævo Sirmondi notum erat, quam ipsum fere exordium Epistolæ. Qui Supple-

plementum Conciliorum eorundem adornavit Petrus Dellalandus, eumque secutus Joannes Gerbasius ad calcem Libri sui *de Causis Majoribus*, eam licet mancam adhuc & mutilam sexies tamen fere ampliorem dedit.

Summa hujus Epistolæ est: in deponendo Hincmaro Laudunensi eam a se agendi rationem fuisse adhibitam, quam pro Causis Episcoporum præscribunt antiqui Canones, ipsique Romani Pontifices, atque Imperatoriæ Constitutiones. Hanc autem in eo positam esse, ut Episcoporum Causæ non extra, sed intra Provincias terminentur. Quod cum tot antiquis Monumentis firmatum sit, mirari se atque obstupescere, Romano Pontifici id usque adeo non probari, ut potius tot gravissimorum criminum convicto reo patrocinetur, sententiamque in eum tam canonice & legitime pronuntiatam rescindere velit. *Veniens ad nos venerabilis frater Actardus tradidit nobis Epistolam a vestra Paternitate filiolarum nostræ directam, quam cum in conventu nostro fecimus recenseri, quadam in ea invenimus, quæ stuporem mentibus nostris non mediocriter induxerunt, feceruntque nos non modicum dubitare, utrum aliter putavemus, an illa ita esset posita, quemadmodum personabant, &c.*

Suppl.
Concil.
Gall. p.
274

VI. Sub idem tempus ac de eodem quidem argumento Epistolam aliam ad Papam scripsit Carolus Calvus Imperator, quam dictasse creditur Hincmarus Archiepiscopus Remensis, Duziacensis Concilii Præses. In qua inter alia testimonia e Conciliis Patribusque petita, quibus nullam vim habere probantur vel ipsius Apostolicæ Sedis leges, quæ receptis per totam Ecclesiam Canonibus repugnent: illustre & illud S. Leonis Magni dictum laudat e Sermone III. Anniversarii Ordinationis suæ: *Manet ergo Petri privilegium, ubi ex ipsius æquitate fertur judicium.* Atque hinc colligit sapientissimus Archi-

Suppl.
p. 273.

Archipræsul, quotiescumque aliquid agit Petri Successor, vel alius quispiam Antistes, quod receptis ubique legibus adverteretur; eo ipso deficere privilegium vel prærogativam Primatus, atque enervia prorsus reddi illius iussa. *Qua sententia constat, quia non manet Petri privilegium, ubi ex ipsius æquitate non fertur iudicium. Et quia ubicumque sine ulla exceptione non manet Petri privilegium, ubi ex ipsius æquitate non fertur iudicium: obaudiemus iussum, vel recipiemus iudicium, quod non ex Petri æquitate prolatum, ac per hoc ipsius privilegio fuerit destitutum?* Mox conversus ad Papam: Ergo, inquit, jube & judicate privilegio magni Petri juxta æquitatis ejus iudicium, quæ jubenda & judicanda sunt, ne ut dicit ejus Coapostolus, vituperetur ministerium vestrum. Epistolam Imperator, vel potius Imperatoris nomine Archiepiscopus his verbis concludit, quibus minatur Hadriano, ipsumque caverè jubet: ne usurpationibus suis eos adigat in se agere, quod in Vigilium Papam olim egissent Patres Quintæ Synodi Generalis, qui Justiniani Imperatoris jussu se a communione Vigilii sequestrarunt, ejusque nomen e Sacris Diptychis expunxerunt. Quod egregium est argumentum, supposititium Additamentum non esse, quod e Joulyi Codice Actis Quintæ Synodi ad calcem Actionis VI. inseruit Baluzius. Quod quidem Additamentum cum ævo illò ignotum esset, quo scripsit Petrus de Marca; nihil sane mirum videri debet, quod Libro IV. de Concordia Capite XII. num. 7. locum illum Caroli Calvi longe alio sensu ipse fuerit interpretatus, quam verba postulassent. *Vestram Sanctitatem ad ipsum cavere humili prece deprecemur, ne nos & nostros satis invitos ad id cogatis convertere, quod in Quinta Universalì Synodo invenitur nobis tenendum.*

Ibid. p.
274.

Nolo hic discutiendum suscipere, num Hinc-
mari

mari Laudunensis causa ejusmodi fuerit, ut ei per Canones Romani adpellare liceret: nolo item perscrutari, quis de hac re sensus sit Canonum Sardicensium, quibus nitebatur Hadrianus II. Legatur Petrus de Marca Libro VII. Capite 3. Quesnellus Differtatione V. in S. Leonem Capite 14. Joannes Gerbasius Libro *de Causis Majoribus*, Articulo VII. & Ludovicus Dupinus Tractatu Gallico *de Potestate Ecclesiastica*, pag. 645. & Latina Differtatione II. *de Forma Judiciorum*, Capite I. §. 3. Sufficiat ostendisse, Gallis Antistitibus ipsisque Regibus Christianissimis fixum ratumque fuisse sæculo IX. invitis Episcopis ea sibi jura & privilegia adrogare non posse Romanum Pontificem, quæ vel Canonum præscripto vel recepta consuetudine Episcopis ipsis competerent.

Est in hoc eodem adpellationum argumento notissima & plane incredibilis fortitudo, qua S. Hilarius Arelatensis medio sæculo quinto tutatus est Metropolica jura sua adversus S. Leonem Magnum, qui occasione provocationis a Chelidonio Vefontionensi Episcopo contra Hilarii Synodum interpositæ, jura illa minuere conabatur. Pariter nota constantia est, qua S. Ignatius Patriarcha Constantinopolitanus sæculo nono usus fuit, ne sibi Bulgaria Provincia eriperetur ab Hadriano Papa II. & Joanne VIII., quorum jussionibus & minis numquam ille a proposito dimoveri potuit. Et tamen per ejusmodi repugnantiam nihil de eximia sanctitate Hilarii & Ignatii est derogatum: imo utrumque ut sanctissimum colit ipsa Romana Ecclesia: ac de Ignatio quidem legi dignum est, quod Baronius monet ad an. DCCCLXXVIII.

VII. Ut ad Galliarum Episcopos revertamur, tam alte quidem illorum animis infederat hæc doctrina; ut si quæ forte privilegia vel exemptiones adversus Episcoporum jura, atque ipsis

Concil.
Gall. To.
III. p. 21.

invitis, concederet alicui Apostolica Sedes; ea Episcopi nec admittere, nec executioni dare solerent. Hoc sibi propositum esse & verbo protestati sunt & re ipsa confirmavere anno DCCCXLIV. Patres Concilii Vernensis, Canone XI. ubi causa discussa est Drogonis Metensis Episcopi, Caroli Magni ex concubina filii, quem Sergius Papa ex simplici Episcopo Trevirensis Ecclesiae Suffraganeo Archiepiscopum constituerat ejusdem urbis, suumque per Galliam & Germaniam Vicarium Generalem crearat. Cum nova hac dignitate Drogoni collata non parum labefactarentur jura & prerogativa Metropolitaram, decreverunt Vernenses Patres, expectandum ea de re esse & inquirendum in Generali Concilio consensum omnium Metropolitaram & ceterorum Episcoporum utriusque nationis. Cum ejusmodi consensus defuerit, honoris quoque prerogativa frustratus est Drogo, quemadmodum colligitur ex Hincmaro Remensi Epistula VI. Capite 30. ubi ita scribit: *Quod affectu ambiit, effectus non habuit, non consentientibus quibus intererat.*

Eadem Ansegisi Senonensis Metropolitae fortuna fuit, quem Pontifex Joannes VIII. Carolo Calvo Imperatore postulante, Primatem constituerat totius Galliae & Germaniae. Reclamantibus namque Patribus Concilii Pontigonensis anno DCCCLXXVI. Primatu excidit Ansegisus, saltem ad aliquod tempus. Reclamandi causas fuse describit idem Hincmarus Remensis Epistula VIII. Capite 32. Harum summa haec erat: delatum Ansegiso honorem & receptis Canonibus, & antiquae Metropolitanorum per Galliam & Germaniam consuetudini repugnare (a).

An-

(a) Ea de re digna sunt quae omnino legantur
Acta

Anno DCCCCXLVIII. duarum Provincia-
rum Episcopi coiere in Mosomum Castrum (a)
Provincia Remensis; ad sopiendam controver-
siam quæ inter Hugonem filium Comitis He-
riberti & Artaldum Monachum Abbatia S. Re-
migii orta erat, uter pro Remensi Archiepi-
scopo habendus esset. Exhibuit quidem Hugo
Concilii Patribus Apostolicas Litteras Agapiti
Papæ II., quibus sibi Remensis Archiepiscopa-
tus restitui jubebatur: Verum Mosomenes Pa-
tres, cum Pontificias litteras examinassent, eas-
que Canonibus parum conformes invenissent;
spretis illis, Artaldo Archiepiscopatum adjudi-
carunt. Audiamus Flodoardum in Chronico:
*Veniens illuc Hugo Præsul, Litteras quasdam ex
nomine Agapiti Papæ misit ad Episcopos per Cle-
ricum suum, qui eas Roma detulerat, nihil au-
toritatis Canonice continentes; hoc tantum præci-
pientes, ut Hugoni Remense redderetur Episcopium.
Quibus lectis, inveniunt Episcopi Concilium cum
Abbatibus responderunt, ut quod regulariter ex-
ceptum fuerat, Canonice pertractaretur, &c.*

*Concil.
Tom. XI.
p. 848.
edit. Co-
let.*

Anno MIV. vel MX. cum Fulco Andega-
vensium Comes in pago Turonico Basilicam
zdicasset, Hugoque Turonensis Archiepisco-
pus eam canonicis de causis consecrare abnuif-
set; missus illuc vel a Joanne XVIII. vel a
Sergio IV. Romano Pontifice Petrus Cardina-
lis, Basilicam ex delegata sibi facultate dedi-
cavit. Sed hoc Legati factum adeo exhorruere
G 2 Galli

Acta hujus Concilii Pontigonensis, quæ ex Aimoi-
ni-Historia Lib. V. Cap. 33. describit Sirmondus
Tomio III. Conciliorum Gallia pag. 434. ex Sir-
mondo Gerbasius Lib. de *Causis Majoribus* Art. VIII.
§. II. pag. 189.

(a) Non Trevirensis, quod in Lusitana editione
male exaratum erat: quamvis Concilio ipsi præfue-
rit Rotbertus Archiepiscopus Trevirensis.

Glabri Episcopi, ut eam veluti rapinam sive usurpationem rei alienæ arbitantes, acerbe de Pontifice quererentur, quod invitis Canonibus Episcopalia munia in aliorum Paræciis per suos Ministros obire non dubitasset. *Quod utique audiētes Galliarum Præsides* (verba sunt Rodulphi Glabri Monachi Cluniacensis Libro II. Capite 4.) *presumptionem sacrilegam cognoverunt ex caeca cupiditate processisse. Et mox: Licet Pontifex Romana Ecclesia ob dignitatem Sedis Apostolica ceteris in orbe constitutis Episcopis reverentior habeatur, non tamen ei licet transgredi in aliquo canonici moderaminis tenorem. Et rursus: Universi pariter detestantes, quoniam nimium indecens videbatur, ut is qui Apostolicam regebat Sedem, Apostolicam primitus ac Canonicum transgrediatur tenorem* (a).

Glaber apud Duchesnum Tom. IV. p. 15.

Anno MXXV. Concilium Ansæ in pago Lugdunensi celebratum est: ubi Gauslenus Episcopus Matisconensis gravem expostulationem habuit, de ordinatione Cluniacensium Monachorum a Burchardo Archiepiscopo Viennensi facta, vi privilegii quod Cluniacenses a Romano Pontifice se habere dicebant. Qua de re,

cum

(a) Narrationem hanc Gabri, qui anno ML. florebat, primus quod sciam falsi convincere adgressus est Ludovicus Thomassinus Lib. I. *De Antiqua Ecclesie Disciplina circa Beneficia*, Cap. VI. num. 4. Nam ante Thomassinum Gabri testimonio tamquam incorruptæ fidei usi fuerant Baronius ad annum DCCCCXCVI. Joannes Meranus in *Historia Archiepiscoporum Turonensium*, num. LXI. Claudius Robertus in *Gallia Christiana*, ubi de Archiepiscopis Turonensibus agit pag. 166. & Petrus de Marca Lib. IV. *de Concordia* Cap. 8., ubi Glabri locum veteribus tabulis illustrandum suscepit: tantum abest, ut falsi suspectum habuerit. Quare Thomassinum ea in re audiendum non esse merito affirmavit Illustrissimus Bossuetus Lib. XI. Cap. 7.

tum Chalcedonenses & aliorum Conciliorum Canones lecti essent, quibus constitutum fuerat, ut loci Episcopo per unamquamque Regionem Abbates & Monachi omnes subjacerent: Statuit Synodus, privilegium antiquis Canonibus contrarium nullius roboris habendum esse.

Relegentes Sancti Chalcedonensis Concilii & plurimorum authenticorum Conciliorum sententias, &c. decreverunt chartam non esse ratam, qua Canonibus non solum non concordaret, sed etiam contraret sententiis. Archiepiscopus ratione convictus, a Gausleno veniam petiit (a).

Tom. XI.
Concil.
p. 1157.
Coles.
edit.

VIII. Hæc porro veterum Episcoporum libertas ac repugnantia non alio principio nitebatur, quam quod demonstrandum suscepimus. Nempe Juribus & prærogativis illis, quæ vel ex legitima consuetudine, vel ex Canonibus Generalium Synodorum Episcoporum Corpori competebant; invitos se spoliari non posse a Romano Pontifice, alte ipsorum animis infixum erat. Existimabant enim, Papam non sic receptis Canonibus dominari, ut labefactare pro libitu aut immutare posset Ecclesiasticam Hierarchiam: sed potius ipsorum Canonum custodem esse, cujus proinde tota cura eo spectare deberet, ut unicuique illæsa sua jura consisterent. Decretum quippe esse a Generali Synodo Nicæna Canone VI. & postea ab Ephesina item Generali Synodo confirmatum Actio-

G 3

ne

(a) Non solum veniam a Gausleno petiit Burcardus, sed etiam multa imposita satisfacit. Nam ut in iisdem Actis legitur, *veniam petens a Gausleno, loco satisfactionis firmavit, ut unoquoque anno, quamdiu ambo viverent, sufficientiam olei de olivis, ad conficiendum chrisma, ipsi persolveret sine negligentia.* Confer omnino Marcam Lib. IV. de Concordia Cap. 8. num. 1. & Baluzium in Notis ad Concilium Narbonense anni MCX. pag. 16.

ne VII. ut singulis Ecclesiis vel Provinciis sua privilegia conserventur. Quo & illud spectabat, quod in Epistula quadam Nicolao Papæ I. dicebat celeberrimus ac doctissimus Hincmarus Archiepiscopus Remensis (a): *Privilegia Ecclesiarum Sanctorum Patrum Canonibus instituta, & venerabilis Nicænæ Synodi fixa Decretis, nulla possunt improbitate convelli, nulla levitate mutari.*

Verbo dicam: tota Antiquitas pro comperito habuit, Romanam Ecclesiam esse quidem primam, esse præcipuam, esse supremam inter omnes alias particulares Ecclesias: sed Regnam tamen non esse conflata ex omnibus Ecclesiis. Papam esse quidem Primatem singulorum Episcoporum: sed Monarcham tamen non esse Ecclesiæ universalis. Ipsam namque Reginæ qualitatem soli Ecclesiæ universali, ipsam Monarchæ qualitatem soli Concilio Œcumenico illam repræsentanti competere. Hoc sensu egregie scribit Augustinus in Psalmum XLIV. numero 23. *Ecclesiæ filia Apostolorum sunt, filia Regum sunt...* Ecce Roma, ecce Carthago: *filia Regum sunt, & ex omnibus fit una quadam Regina.* Quod pressius significarat Hieronymus, cum dixit: *Si auctoritas queritur, Orbis major est urbe.*

August.
Tom. IV.
p. 394

Apud
Gratian.

Dist.
XCIII.
Cap. Legimus.

IX. Tractavit hoc argumentum variis in locis suorum Operum venerabilis ille illuminatusque Parisiensis Academiæ Cancellarius, Joannes Gerson: ut in Tractatu de Potestate Ecclesiastica Confid. X. in Sermone pro Viagio Regis Romanorum: in alio contra Mendicantes: & in illo quem inscripsit de Statibus Ecclesiasticis. Quæ omnia extant Tomo II. Gersonianorum

Ope-

(a) Desumptum ex epistula LIV. Leonis Magni ad Martianum Imperatorem: citaturque etiam a Gratiano Causa XXV. Quæst. II. Cap. II.

Operum novissimæ editionis. Prætermisiss aliis sane egregiis, nonnulla hic tantum describam ex illius Tractatu de Modis uniendi ac reformandi Ecclesiam in Concilio: ubi aperte docet eximius Theologus, a consensu Episcoporum magna ex parte dependere reservationes Sedis Apostolicæ. Nam quæ Libro Sexto Decretalium & Clementinis continentur, eas Gerson arbitratur esse usurpationes alienæ jurisdictionis, arrogantiaque & superba artificia vocat; quibus pro sua ambitione usi fuerint Pontifices nonnulli eo fine; ut & Episcoporum Corpus enervaretur, & Romanæ Curix per omnia obnoxii redderentur ipsi Sæculares Principes. Quis fecit Libros; Sextum & Clementinas? Arrogantiam, superbiam, juris Ordinariorum usurpationem; Imperatorum Romanorum injuriosam detractionem, & eorum aliorumque potestatis periculossimam suppressionem; & alia multa in spiritualis & secularis Reipublicæ lesionem malitiose & pertinaci ambitione fabricata; in omnibus & per omnia concludentes? Et infra: Papa usurpando aliorum Episcoporum; quos fratres appellat, Jurisdictionem & honorem, præsertim ita generaliter, peccat mortaliter: Et mox: Sicut contra statuta Evangelica Christi non audet Papa se intromittere: ITA NEC VALET POTESTATEM COLLATAM A CHRISTO ALIIS EPISCOPIS SIBI APPLICARE NEC RESERVARE. Antea hæc præmiserat idem Gerson: Tantam fraudem in administratione Patris fecerunt antiqui aliqui, qui cum multis viris peritis, imo malitiosis; Deum non habentes præ oculis, multa jura sibi usurparunt; & pro se fecerunt, & meliorem partem sibi attribuerunt, & de Republica non curarunt.

X. Franciscus Zabarella, laudatissimus doctissimusque Cardinalis, patria Florentinus, in Tractatu de Schismate ita scribit: Mos inter antiquos obtinuit, quod omnia difficilia per Concilium

Gerson
Tom. II.
p. 167.

Ibid. p.
183. &
184.

Ibid. p.
166.

Zabarell. *lium terminabantur, & crebro fiebant. Postea ve-*
 pag. 559. *ro quidam Summi Pontifices, qui magis ad mo-*
 edit. Ar- *dum terrenorum Principum, quam Apostolorum,*
 gent. *Ecclesiam rexerunt, non curarunt facere Concilia:*
 1545. *ex qua omissione prodierunt multa mala. Ex hoc*

apparet, quod id quod dicitur, quod Papa habet plenitudinem potestatis, debet intelligi non solus, sed tamquam apud universitatem. Ita QUOD IPSE POTESTAS EST IN UNIVERSITATE, TAMQUAM IN FUNDAMENTO, & in Papa, tamquam in principali ministro, per quem hac potestas explicatur. Et infra: Multi assentatores voluerunt placere Pontificibus per multa retro secula, & usque ad hodierna suaserunt eis, quod omnia possent. Ex hoc infiniti secuti sunt errores, quia Papa occupavit omnia jura inferiorum Prælatorum: ita quod inferiores Prælati sunt pro nihilo, &c. Et mox: Oportebit determinare Papæ potestatem, ut non subvertantur inferiores potestates: & ut Papa possit non quod libet, sed quod licebit.

Cusa p.
767. &
768.

Nicolaus de Cusa & ipse Cardinalis natione Germanus, Brixienfisque in Italia Episcopus, postquam Libro II. de Concordantia Catholica, Capite 28. demonstrasset, Papam Canonibus subiacere Generalium Conciliorum, tenerique divina lege Episcopis sua jura inviolabiliter servare: mox Capite 32. docere pergit, vim omnem Reservationum Pontificiarum a tacito consensu Episcoporum profluere. Itaque, ubi Episcopi sua sibi jura restituta vellent, teneri Papam illa Episcopis dimittere. Per tacitum consensum totius Ecclesiæ Romani Pontifices reservationibus factis usi sunt. . . . Nunc autem exorbitantia ob varias lesiones displicere incipit, & oritur contradictio. Quare puto Papam amplius non posse generaliter reservare electiva beneficia, nisi expresse ei indulgeretur per Concilium. Papa enim in vitiis Episcopum dare non potest, &c.

XI. Patrum memoria hoc idem argumentum
 fo-

solidissime atque eruditissime, ut cetera omnia, demonstravit Illustrissimus Bossuetus toto Libro XI., ubi inter alia gravissima testimonia, quibus eadem priorum seculorum doctrina fuisse probatur, illud Zozimi Papæ laudat ad Episcopos Gallie: *Contra Statuta Patrum concedere aliquid vel mutare, ne hujus quidem Sedis potest auctoritas. Apud nos enim inconcussis radicibus vivit antiquitas, cui statuta Patrum sanxere reverentiam.* Et illud Gelasii Papæ ad Episcopos Dardaniæ: *Uniuscujusque Synodi constitutum, quod universalis Ecclesiæ probavit adensus, non aliquam magis exequi Sedem præ ceteris oportere, quam primam.* Et illud Cælestini Papæ I. ad Episcopos Illyricos: *Dominentur nobis regulæ, non regulis dominemur.* Et illud Papæ Leonis Magni: *Nimis improba sunt, nimis prava, quæ sanctissimis Canonibus probantur adversa.* Et illud Gregorii I. *Si Canones non custoditis, & majorum vultis statuta convellere, non agnosco qui estis.* Et illud Martini I. *Canones Ecclesiasticos solvere non possumus, qui defensores & custodes Canonum sumus, non transgressores.* Et illud Leonis IV. *Non potuimus præfixos Patrum terminos immutare.*

XII. Joannes Launojus cum in Epistula ad Ludovicum Cûsinum, quæ octava est Libri I., tum in Epistula ad Thomam Rullandum, quæ est tertia Libri II., quinquaginta & amplius Summorum Pontificum testimonia describit; quibus ille probat, potestatem Papæ non suo ipsius arbitrio, sed Canonibus moderandam. Refert deinde Sacramentum illud, quo se antiquitus obstringere solebant ipsi Pontifices, cum primum consecrabantur. Spondebant enim coram imagine S. Petri ad unguem se observaturos, quæcumquæ vel Canonibus Conciliorum Generalium, vel Constitutionibus Pontificum Prædecessorum suorum, vel receptis ubique Ec-

cle.

clericalia Disciplina moribus continerentur. Hujus Sacramenti forma desumpta est ex antiquo *Diurno Romanorum Pontificum*, quem Garnerius Jesuita publici juris fecit: estque eadem illa, quam ex præscripto Reformatorii Constantiensis ab Hatro descripti usurpavit Martinus V.

Hatrus
Tom. I.
p. 587.

Hinc Launojus pergit commemorare consilium de emendanda Ecclesia, quod Summo Pontifici Paulo III. anno MDXXXVIII. exhibere delecti ab eo Consultores novem: nempe quatuor Cardinales, Contarenus, Carafa, Salodetus, Polus: Fridericus Archiepiscopus Salernitanus, Hieronymus Archiepiscopus Brundisius, Joannes Matthæus Gibertus Episcopus Veronensis, Gregorius Cortesius Abbas S. Georgii Venetiarum, Frater Thomas Magister Sacri Palatii. In eo vero consilio Summum Pontificem monent memorati Consultores: fontem dehonestamentorum omnium, quæ Ecclesiam tunc temporis deturparent, illum sane fuisse; quod nonnulli ejus Prædecessores rerum novarum cupidi, studioque abrepti dilatandi imperii per fas nefasque, faciles aures adcommo-
darint palpatoribus quibusdam Theologis, quibus auctoribus Papæ liceret, quidquid collibuisse. *Principium omnium malorum inde fuit, quod nonnulli Pontifices prædecessores tui prurientes auribus, ut inquit Paulus Apostolus, coacervaverunt sibi magistros ad desideria sua, non ut ab iis discerent, quid facere deberent, sed ut eorum studio & calliditate inveniretur ratio, qua liceret id quod liberet: ita quod voluntas Pontificis, qualiscumque illa fuisset, Regula esset, quæ operationes ejus & actiones dirigerentur. Ex hoc fonte, sancte Pater, tamquam ex equo Trojano irrupere in Ecclesiam Dei tot abusus & gravissimi morbi, &c.* Hinc consequens esse ajunt, ut si officio suo strenue fungi velit Pontifex, alia omnino cogi-

gitata, alia consilia ab eo sint agitanda: ut Successores Petri credat Dispensatores esse, non Dominos: nec posse ipsos facere, nisi quod liceat: non licere autem, nisi quod Legibus vel Canonibus sit præscriptum. *Secutus doctrinam Apostolicam vis esse Dispensator, non Dominus: ac propterea decrevisti nolle, quod non liceat, nec vis posse quod non debes. Illud vero ante omnia, Beatissime Pater, putamus statuendum esse, sicut in unaquaque republica, ita & in hac Ecclesiastica gubernatione Ecclesia Dei hanc per omnibus legem habendam; ut quantum fieri potest, leges servantur, &c.* Si quis integrum Consilium horum Consultorum Pauli III. legere voluerit, Richerium adeat in *Historia Conciliorum*, Parte altera Libri IV. pag. 71. vel etiam Mansium in *Supplemento Conciliorum* Tom. V. pag. 339.

XIII. Sane quicumque aliquantulum versatus fuerit in legendis Theologis & Canonistis quibusdam, qui ante Tridentinam Synodum florere; is facile inveniet, a solo adulandi studio proficisci potuisse illam doctrinam, quam ad Caput *Quanto personam*, Libro I. Titulo 7. de *Translatione Episcopi*, tradit Auctor Glossæ sic de Papa scribens: *In his que vult, ei est pro ratione voluntas. Nec est qui ei dicat, cur ita facis? Ipse enim potest supra jus dispensare, de injustitia facere justitiam, corrigendo jura & mutando.* A solo adulandi studio proficisci potuisse, quod Libro II. de *Ecclesia*, Capite 63. ad 18. & Capite 67. ad 2. docet Cardinalis a Turrecremata: *Ex omnibus Jurisdictionibus Ecclesiasticis unam existere Pontificiam, quæ Christo immediato Auctore gloriari possit: ceteras omnes etiam ipsorum Apostolorum a Petro haustas. Ecclesiasticam Hierarchiam, (quæ ex Episcopis præsertim & Parochis constat) nulla Christi institutione necessariam esse in Ecclesia; sed prorsus esse*

esse voluntariam, ab uno Papa arbitrio dependentem, qui eam proinde mutare aut variare pro libitu possit. A solo adulandi studio proficisci potuisse, quod in Libro de Causa immediata Ecclesiastica Potestatis, Articulo V. conclus. 2. adfirmat Paludanus: *Episcopos ceterosque Prasules Papa inferiores, nihil aliud in Ecclesia esse nisi simplices quosdam Papae Procuratores. Itaque ut Procuratores a Rege, ita a Papa Episcopos pro libitu posse deponi vel immerentes (a). A solo adulandi studio proficisci potuisse absonam illam adfersionem Cardinalis Cajetani, qui in Libro de Auctoritate Papae Ecclesiam dixit (b) Servam natam Romani Pontificis. Denique a solo adulandi studio proficisci potuisse (c) titulum Dei sui, quo Papam ornavit Glossa Extravagantis Cum inter nonnullos Joannis XXII. Nam prope finem ad verbum declaramus ita habet: Crede-*

10

(a) In exponenda doctrina tum Paludani, tum Turrecrematae, sensum magis quam verba expressimus. Utriusque autem paradoxa eximie confutavit Petrus Aurelius in Apologia pro Sacra Facultate Parisiensi, Tom. I. Operum pag. 156. & seqq. ante Aurelium Richerius Lib. IV. Defensionis suae adversus Andream Duvallium, Cap. III. §. 40.

(b) In epistula ad Ludovicum Maræsium, quæ prima est Libri IV. hanc Cajetani adfersionem acriter exaggravavit Joannes Lauvois, Tom. V. Parte I. pag. 421. & seq.

(c) Novum hunc Glossæ Deum primus quod sciam irrisit Marcus Antonius de Dominis Lib. II. de Republica Eccles. Cap. VI. num. 16. Deinde Edmundus Richerius in Notis super Censuram Parisiensis Facultatis in Libros ipsos Marci Antonii de Dominis. Deinde Hermannus Conringius in Historia Electionis Alexandri VII. Tom. V. pag. 617., quo loco observationem Goebelii legere erit operæ pretium. Irripit deinde Andreas Sallus in Voto pro Pace Christiana Oxonii edito anno MDCLXXVIII. Cap. V. pag. 8.

re Dominum Deum nostrum Papam conditorem hujus Decretalis . Sic lego in duabus editionibus Lugdunensibus de anno MDLXXXIV. & MDCVI., nec non in tribus Parisiensibus de anno MDLXXXV. & MDCI. & MDCII. Vide quid de hujusmodi Papæ parasitis scripserit piissimus juxta ac doctissimus Gerson in Tractatu de Potestate Ecclesiastica, Confid. XII. & in altero de Examinatione Doctrinarum, Confid. V. ubi sibi objiciens, quod nonnulli jacere solebant: Fiet recursus ad Sedem & Curiam Summi Pontificis: ita respondet Gerson: Non negabimus hoc, si Theologia illic habuerit suos Doctores non partiales, non seductos, non fastuosos, non quastuosos, aut invidos: non potestati seculari, non spirituali plusquam veritati faventes. Alioquin tolerabilius esset nullos habere, quam tales pati.

Ante expositum Consilium novem Consultorum Romanorum, in rem suam, adeoque & in nostram descripserat Launojus celeberrimum atque ineluctabile Decretum Generalis Synodi Florentinæ. Quæ cum definisset, Romanum Pontificem Caput esse totius Ecclesiæ, Successorem B. Petri, Christi Vicarium, Patrem ac Doctorem omnium Christianorum: e vestigio illud subjungit, unde nobis credendum sit, collatam a Christo Vicario suo plenam potestatem pascendi, regendi, ac gubernandi universalem Ecclesiam; non esse potestatem legibus solutam aut Regiam, sed Canonibus moderandam. Sic enim habet: Et ipsi in B. Petro pascendi, regendi, ac gubernandi universalem Ecclesiam a Domino nostro Jesu Christo plenam potestatem traditam esse, QUEMADMODUM ET IN GESTIS ŒCUMENICORUM CONCILIORUM ET IN SACRIS CANONIBUS CONTINETUR. Tale nobis exhibent Florentinum Decretum, qui eodem illo ævo vel proxime secuto florere: in his Joannes Blondus,
Scri-

Scriba ejusdem Eugenii IV. Concilii Præsidis, Decade X. Libri III. Marchus Vigierus Cardinalis in Decachordo, Joannes Ekhus Libro II. de *Primatu Petri*, Cap. 25. Joannes Fyscherus Rossensis Episcopus & Cardinalis Articulo XXV. contra Lutherum: Albertus Pighius Libro IV. de Hierarchia Ecclesiastica, Capite ultimo. Quod confirmatur ex Græca editione ejusdem Decreti, quæ similiter est authentica: quæque, ut observavit Petrus de Marca Libro III. Capite 8. & Bossuetus Libro VI. Capite XI. latine reddita ad verbum talis est: *Secundum quod, vel Juxta eum modum, qui & in Gestis Conciliorum Œcumenicorum, & in Sacris Canonibus continetur.* Ne cogamur dicere, Papam cum Generali Synodo, ut Græcis illuderent, Latinum Decretum a Græco prorsus discordans condidisse: emendari ex Græca debet Latina editio, quæ in Collectionibus Conciliorum extat, quæque loco horum verborum; *Quemadmodum & in gestis*; ita habet, *Quemadmodum etiam in gestis*: quo sane variatur, imo vero funditus evertitur sensus dogmatici illius Decreti, quod pro Regula quadam fidei Episcopis Græcæ Ecclesiæ datum est in ipsa Florentina Synodo, quodque pro Dogmate totius Ecclesiæ Catholicæ tradiderunt Scriptores & Theologi illorum temporum:

XV. Ad extremum illud moneo, usque adeo certum & exploratum esse, absque suo ipsorum consensu spoliari a Papa suis Juribus minime potuisse Episcopos: ut nonnisi ipsis consentientibus ac decernentibus, jure cognoscendi de Judiciis Synodorum Provincialium in causis Episcoporum potiti fuerint Romani Pontifices. Cum enim in Sardicensi Concilio anno CCCXLVII. Patribus exposuisset Osus Consilii Præses: placeretne ipsis, ut immutata pristina Judiciorum forma, liceret deinceps reis Episcopis in Pro-
vin-

vinciali Synodo condemnatis, a Romano Pontifice novos Judices petere, qui causas ipsas intra Provincias denuo retractarent: responderunt Patres Canone III. placere sibi jure illo. sive Appellationis sive Revisionis ornari Successores B. Petri. *Si vobis placet, Sancti Petri memoriam honoremus, &c. Synodus respondit; Placet.*

Concil.
Tom. II.
p. 674
Colet.
edit.

Ipse S. Julius Papa I. dum in celebri Epistula ad Orientales (qua nullum in tota antiquitate illustrius monumentum extat de Prærogativis Romani Primatus.) demonstrare adgreditur, non licuisse Antiocheno Concilio Athanasium condemnare; eo potissimum fundamento nititur, quod inconsulta Sede Apostolica judicari ejusmodi causa non debuisset. Non debuisset autem ille ostendit, non ex divino Jure aliquo de Scripturis petito: sed ex una tantum consuetudine ubique locorum, atque ipsis Episcopis consentientibus, per Ecclesiam, inuenta & recepta. *Oportuit secundum Canonem, & non isto modo judicium fieri. Oportuit scribere omnibus, &c. An ignari estis hanc esse consuetudinem, ut primum nobis scribatur, &c. Legatur Marca Libro V. Capite 12. & Libro VII. Capite 4. Legatur item nobilis illa Dissertatio De Libertate Ecclesiastica, Gallo, ut opinor, Auctore Anonymo, quam publicavit Goldastus Tom. I. pag. 690.*

Ibid. p.
535.

Hic unum illud addo, Julio alios quoque Pontifices re & verbo concinere: quippe qui Episcoporum consensui & consuetudini acceptas referant plurimas Reservationes. Sic Innocentius I. in Epistula ad Joannem Constantinopolitanum: *Majores vero & difficiles quaestiones, ut Sancta Synodus statuit, & beata consuetudo exigit, ad Sedem Apostolicam referantur.* Sic item Gelasius I. in Commonitorio ad Faustum: *Nobis opponunt Canones, dum nesciunt quid*

loquantur, &c. IPSI CANONES SUNT, qui appellationes totius Ecclesie ad hujus sedis examen deferri voluerunt. Non dicit, Ipse Dominus est, vel ipse Scripturae sunt: sed ipsi Canones sunt.

XIV. Ut plenissime intelligantur, quaecumque a nobis toto hoc gravissimo Principio dicta sunt: superest modo enucleatius explicare, qui fieri possit, ut Corpore totius Ecclesie inferiores se esse fateantur ipsi Romani Pontifices, quos constat jure divino ceteris anteferri oportere. Scire ergo debemus, subjectum cui totam a se in Evangelio institutam potestatem proxime & immediate contulerit Dominus noster Jesus Christus; non proprie fuisse Petrum, vel aliquem de Successoribus ejus: sed totum Corpus Hierarchicum Ecclesie, quæ tunc temporis ex Petro ceterisque Apostolis, ac Discipulis, tamquam singularibus membris constabat: nunc autem ex Summo Pontifice, Episcopis, ceterisque Ministris Ecclesiasticam Hierarchiam constituentibus constat. Unumquodque horum membrorum, seu unusquisque Apostolus, ut membrum quoddam inferius subest quidem Petro ut præcipuo membro, seu ut ministeriali Capiti singulorum (a). Verum & ipsum

(a) Panormitanus in Cap. Significasti, de Electione, Tom. I. fol. 108. Universalis Ecclesie Caput & Sponsus est Christus. Papa autem est Vicarius Christi, ET NON VERE CAPUT ECCLESIAE, ut nostra Glossa in Clem. Ne Romani, de Elect., quæ notabiliter dicit, quod mortuo Papa Ecclesia non est sine capite. Academia Cracoviensis in Tractatu Super Auctoritate Sacrorum Conciliorum, anno MCCCCXL. apud Buzæum in Historia Univers. Paris. Tom. V. pag. 489. Non potest hoc intelligi de capite vero, ut Papa dicatur verum caput Ecclesie, cum Christus sit verum caput Ecclesie ex prima parte Conclusionis: esset namque Ecclesia biceps aut bicipalis & monstruosa, si

caput ministeriale, sive idemmet Petrus, utpote qui & ipse sit membrum, quamvis superior & dignius: ipsi communitati sive Corpori universalis Ecclesiae sic subest, quemadmodum pars universo, filius Matri, minister Dominae. Singuli quidem fideles pro schismaticis habendi erunt, si superiorem sibi non agnoscant Petri successorem. Sed & ipse Petri successor pro schismatico erit habendus, si Catholicæ Ecclesiae subesse nolit. Revera schismaticus declaratus fuit in Generali Synodo

H Pifa-

haberet duo capita æque prima. Unde sicut Papa non dicitur Episcopus universalis Ecclesiae, ut in Cap. Ecco 99., quia sic Ecclesia universalis diceretur vacare, mortuo Papa, quod dicere est ridiculum: sic etiam non dicitur verum caput Ecclesiae, quia eo decedente videretur esse Acephala. Dicitur ergo caput secundum metaphoram: ablato enim capite a corpore, desinit vita corporis: & tamen ablato Papa ab Ecclesia, non cessat vita Ecclesiae, cum Ecclesia sine Papa vivat. Solus igitur Christus est caput Ecclesiae, dans ei sensum & motum & omnem spirituales influxum. Est in eodem genere & illud præclarum, quod Lib. I. de Gestis Basileensis Concilii pag. 777. Pinsonianæ editionis scribit Aeneas Silvius. Si sic volumus agere, ut sic se caput Ecclesiasticum ad suum habeat corpus, sicut humanum ad suum: necessarium erit, ut extincto capite, corpus etiam extinguatur, sicut in humanis corporibus cernimus: sicque in absurdum venies, quod mortuo Papa, mortuam etiam Ecclesiam confiteberis; quod quantum a veritate abeat, non nos latet. Quidquid tamen dicant alii, qui, ego cum illis non sentio, qui Romanum Pontificem caput Ecclesiae dicunt, nisi forsitan ministeriale: legimus enim, Quia Christus est Caput Ecclesiae, non Papa: & illud est verum caput, inmutabile, perpetuum & æternum. Romanus autem Pontifex nihil plus est, quam veri capitis locum tenens: Ecclesia vero ipsius Christi corpus, cuius etiam ipse Papa est membrum. Cardinalis Alliacenus in Tractatu de Auctoritate Ecclesiae, Concilii Generalis, & Papæ. Parte I. Cap. I.

Tom.

Pisana Gregorius Papa XII. Declaratus pariter fuit in Constantienſi Generali Synodo ſchiſmatis fautor Joannes Papa XXIII. Hanc Papæ ſubjectionem reſpectu Eccleſiæ intelligebat Hilarius Pictaviensis, cum ita in Liberium Papam vociferabatur: *Anathema tibi, Liberi, & ſociis tuis. Iterum tibi ac tertio anathema, pravicator Liberi.* Neque aliter Firmilianus de Cappadocia, cum in Stephanum Papam ita ſcribebat: *Te ipſum excidiſti, noli te fallere.* Dum

Hilar. p.
1335. e-
dit. Cu-
tant.
Cypr. p.
326. e. lit.
Felli.

Tom. II. Gerſonis, pag. 928. *Episcopi & Presbyteri Eccleſiæ miniſtri a Chriſto immediate poteſtatem Eccleſiaſticam ſuſceperunt, tamquam ab eo, qui ſolus eſt proprie & maxime caput Eccleſiæ: tamen nihilominus Petrus & quilibet ejus Vicarius Pontifex Summus, potuit dici caput Eccleſiæ, in quantum principalis eſt inter miniſtros.* Gerſon in Libello Articulorum contra Petrum de Luna, Art. XI. Tom. II. pag. 295. *Similitudo corporis veri & myſtici, non eſt uſquequaque eadem, quoniam ſine capite naturali corpus non poteſt vivere, ſed ſine capite ſecundario corpus myſticum poteſt habere vitam: ſicut in caſu noſtro patet de Papa, quo remoto vel abſciſſo, ſtat unitas & vita in corpore myſtico Eccleſiæ, & hoc virtute capitis eſſentialis, & primi, quod eſt Chriſtus.* Joannes Major in IV. Sent. Diſt. XXIV. inter Opera Gerſonis Tom. II. pag. 1144. *Eccleſia dicitur una ab unitate capitis eſſentialis, ſcilicet Chriſti, qui non moritur, & non ab unitate capitis accidentalis: ſtat virum aliquem Papæ contradicere, & eſſe de unitate Eccleſiæ: dummodo ſtat ſub capite Chriſto eſt de unitate Eccleſiæ.* Plura ex Patribus Baſileenſibus, Cuſano Cardinale, Toſtato Abulenſi, aliisque dabit Richerius Libro IV. Deſenſionis ſux, Cap. I. num. 20. Omnibus autem & ſingulis prora & puppis eſt illud Auguſtini Serm. LXXVI. alias XIII. *de Verbis Domini*, Tom. V. pag. 415. *Respondit Petrus, Tu es Chriſtus filius Dei vivi: unus pro multis dedit reſponſum, unitas in multis. Tum ei Dominus ait: Et ego dico tibi, tamquam diceret, quia tu dixiſti mihi, Tu es Chriſtus filius Dei vivi: & ego dico tibi,*

Dum enim putas omnes te abstinere posse, solum te ab omnibus abstinuisti.

XVII. Audiamus S. Gregorium Papam Libro V. Epistula 18. ad Joannem Constantinopolitanum: Certe Petrus Apostolorum primus, membrum Sancta & universalis Ecclesia; Paulus, Andreas, Joannes, quid aliud quam singularium sunt plebium capita? & tamen sub uno capite (Christo) omnes membra sunt Ecclesia. Et infra; Nos in quibus per usum temerarium culpa committitur,

Gregor.
Tom. II.
p. 742. &
745. &
746.
Maurine
edition.

H 2 serva

tibi, Tu es Petrus. Hoc autem nomen ei, ut Petrus appellaretur a Domino impositum est, & hoc ut ea figura significaret Ecclesiam: quia enim Christus petra, Petrus populus Christianus: Petra enim principale nomen est, ideo Petrus a petra, non petra a Petro: quomodo non a Christiano Christus, sed a Christo Christianus vocatur, Tu es ergo (inquit) Petrus, & super hanc petram quam confessus es, super hanc petram quam cognovisti dicens, Tu es Christus filius Dei vivi, edificabo Ecclesiam meam: super me edificabo te, non me super te. Et rursus infra: Quia ego petra, tu Petrus: neque enim a Petro petra, sed a petra Petrus: quia non a Christiano Christus, sed a Christo Christianus. Et super hanc petram edificabo Ecclesiam meam: non supra Petrum, quod tu es, sed supra petram quam confessus es. Testatur autem Antonius de Rosellis Parte II. de Monarchia, Cap. I. apud Goldastum Tomo I. pag. 301. hanc Augustini Homiliam suo tempore legi solitam in octava SS. Apostolorum Petri & Pauli. In hodiernis tamen Breviariis nihil tale reperitur: quia Romani videntes hac doctrina Augustini stabiliri Constantiensia & Basileensia dogmata, iisque stabilitis everti penitus illorum Monarchiam: Sermonem Augustini e Breviariis abradendum curarunt. Sed audiamus, quid post illa verba habeat idemmet Augustinus. *Volentes homines (inquit) edificari super homines dicebant, Ego quidem sum Pauli, Ego autem Apollo, Ego vero Cephæ, ipse est Petrus. Et alii quidem volebant edificari super Petrum, sed super Petram. Ego autem sum Christi.*

servamus quod veritas precipit dicens : Si Ecclesiam non audierit , sit tibi tamquam ethnicus & publicanus . Et mox : Quidquid humiliter facere debui , non omisi : sed quia in mea correptione despicior , restat ut Ecclesiam adhibere debeam . His in locis Beato Gregorio res est cum memorato Episcopo , qui ejus monitis obedire volebat . Minatur vero , quando erratum ipse suum corrigere nolit , de eo se ad Ecclesiam relaturum . Ergo S. Gregorio certum atque exploratum erat , dictum illud Christi in Evangelio , Si te non audierit , dic Ecclesie ; ad Petrum non minus , quam ad ceteros Apostolos pertinere . Ex quo planissime sequitur , post Romani Pontificis Tribunal , aliud in Dei Ecclesia ex institutione Christi Tribunal esse supremum & ultimum , quo alios deferre , & quo ipse ab aliis deferri possit Romanus Pontifex (a) . Cum vero ne-
cesse

(a) Sylvester Papa II. in epistula ad Seguinum Archiepiscopum Senonensem , decimo sæculo exeunte : *Constante dico , quod si ipse Romanus Pontifex in fratrem peccaverit , sæpiusque admonitus Ecclesiam non audierit : hic , inquam , Romanus Pontifex præcepta Dei est habendus sicut ethnicus & publicanus .* Hanc epistolam frustra quis quærat cum in editione Papyrii Massoni , tum in illa Andreæ Duchesnii , tum etiam in Bibliotheca Patrum . Sed cum ex ea superius testimonium laudarint Joannes Launojus , Natalis Alexander , alique nostra & patrum memoria Critici majorum gentium : imo editam a Labbæo Tomo IX. Conciliorum col. 744. tectetur Illustrissimus Babylonæ Episcopus Dominicus Maria Varletus in *Actu Adpellationis ad futurum Concilium Amstelodami edito anno MDCCXXIV. pag. 33. , integram etiam ante Labbæum publicavit Bouchellus Lib. II. Decretorum Ecclesie Gallicane pag. 319. , nec non Richerius Libro V. adversus Duvallium cap. IV. pag. 283. , non videtur de illius auctore nobis amplius dubitandum . Scriptam autem existimo a Sylvestro II. tum cum adhuc Gerbertus vocaretur , es-*

Continued by Anacardi

esse prorsus sit, hujusmodi Tribunal ea a Christo jurisdictione donatum esse, qua possit subditos quosque coercere: pari necessitate indiget conficitur, potestatem ipsam immediatius Ecclesie datam esse, quam Papæ. Quare antiquiores Scholastici nunquam *Claves Petri* appellant, sed semper *Claves Ecclesie*. Natalis Alexander Dissertatione VIII. in Historiam sæculi XIV. & XV. numero 53. *Scholastici post Magistrum Sententiarum & S. Thomam claves Ecclesie semper appellant, non claves S. Petri: quia immediatius Ecclesie tradita sunt, quam S. Petro, illique commissa sunt, ut Ecclesie personam gerenti. Unde ligandi solvendiue potestas in Ecclesia tamquam in subjecto proximo residet, in Petro & ejus successoribus tamquam in subjecto remoto. Confirmatur mirum in modum hæc doctrina ex eo, quod postquam Christus in singulari numero dixit, Si Ecclesiam non audierit; sit tibi tamquam ethnicus & publicanus: mox in plurali universos adloquens hæc subjunxit: Amen dico vobis, quaecumque alligaveritis super terram, erunt ligata & in celo, &c. Perinde quasi significare vellet, potestatem ligandi & solvendi (quæ ipsa est clavium potestas) a se potissimum conferri Corpori Apostolorum eorumque successorum, qui ut nobiliorem Ecclesie partem constituunt, ita etiam ab iis maxime denominatur Ecclesia (a). Qua de re non possum*

H 3

(a) Rursus Cracoviensis inclyta Academia in Tractatu supra laudato apud Bulæum Tom.V. pag. 497. *Ecco dicit Judicium Ecclesie esse superius judicio Petri. Et consequenter ut ostendat, quale sit Judicium Ecclesie, & quæ sit ejus potestas, statim subnectit: Amen dico vobis, quaecumque alligaveritis super terram, erunt ligata & in cælis, &c. Ecco loquitur Apostolis collectivè & eorum successoribus, non soli Petro. Similiter Gerson Libro de Potestate Ecclesiastica, Considerat. IV.*

To-

sum hic non commemorare præclarum S. Augustini dictum in Epistula ad Glorium & Eleusium, quæ est quadragesima tertia, in editione Gallorum Benedictinorum, *Ecce putemus illos Episcopos QUI ROMÆ JUDICARUNT, non bonos judices fuisse. RESTABAT ADHUC PLENARIUM ECCLESIE UNIVERSÆ CONCILIUM, ut si male judicasse convicti essent, eorum sententiæ solverentur (a).*

Hunc

Tomo II. pag. 231. *Nec accipiendum est hic, Dic Ecclesie, id est, Papæ: quoniam Christus Petro loquebatur, qui non dixisset sibi ipsi. Item quia subjunctum est pluraliter: Quæcumque ligaveritis super terram, &c. Matth. XVIII. 18. Almainus circa Decisiones Ockami Capit. XVIII. In eodem Tomo Gersonis pag. 1068. Patet propositio. Matthæi XVIII. 18. loquebatur Dominus ad Petrum immediate: Si peccaverit in te frater tuus, &c. tandem dicit versu 17. Si Ecclesiam non audierit, sit tibi tamquam ethnicus & publicanus. Postea subiunxit in plurali, Quæcumque solveritis, &c. Ergo Christus dedit auctoritatem Ecclesie cognoscendi; per hoc quod dicit, DIC ECCLESIE: & sic, ut bene dicit Gerson, non dicit DIC ECCLESIE, id est, Prælati Ecclesie, quia loquebatur Petro, qui non potest esse accusator; testis, & iudex. Ideo ibidem capitur Ecclesia pro aggregatione Prælatorum. Consonat omnino Joannes Major Commentariis in Matthæi XVIII, eodem Tomo pag. 1122. Per illa verba, Dic Ecclesie, datur potestas toti Ecclesie, capiendæ Ecclesiam pro Prælati majoribus & minoribus, sive pro Concilio Generali totam Ecclesiam representante: quia pluraliter subjungitur, Quæcumque alligaveritis super terram, &c.*

(a) Nicolaus de Cusa Lib. II. Cap. XVII. pag. 727. *Ecce sententiam Augustini, scilicet post judicium etiam Papæ Romani, universale Concilium totius orbis supereminere approbatorium, vel absolutorium, etiam ipsos iudices. Quam sententiam multis in locis ipse Augustinus dicit. Nec habet hoc dubium, cum Christus dicat Petro: Si Ecclesiam non audierit, sit tibi sicut ethnicus.*

Hunc eundem intellectum Evangelici loci videtur nos docere voluisse Romana Ecclesia, dum per multas annorum centurias Evangelium hoc de correptione fraterna legi & cantari hoc modo jubebat in Missa Feriæ tertiæ post Dominicam tertiam Quadragesimæ. *In illo tempore, Respiciens Jesus in Discipulos suos, dixit Simoni Petro: Si peccaverit in te frater tuus, &c. Si te non audierit, dic Ecclesiæ, &c.* Quo aperte profitebatur Ecclesia Romana, illud dic Ecclesiæ, non minus ad Petrum quam ad reliquos Apostolos Dominum retulisse: atque ideo retulisse etiam ad Petrum, ut eidem significaret, post Tribunal ipsius Petri aliud adhuc extare superius, nempe Ecclesiæ Tribunal, quo & ipse met Petrus deferre deberet incorrigibiles, & quo successores Petri, si qui incorrigibiles vel scandalosi existerent, deferri deberent a subditis.

Centum & sexaginta anni sunt, cum monuit celeberrimus e Servorum B. Mariæ Ordine Scriptor Paulus Sarpinus in Apologia pro Decretis Reipublicæ Venetæ: in recentioribus Missalibus immutatam fuisse formam pristinam proponendi hujus Evangelii. Nam cum antea sic legeretur, ut supra descripsimus: *Respiciens Jesus in Discipulos suos, dixit Simoni Petro: Si peccaverit in te frater tuus, &c.* postea sic fuit immutatum: *Dixit Jesus Discipulis suis: Si peccaverit in te frater tuus &c.* Quemadmodum hodie in omnibus Missalibus Romanis legitur. Post Sarpinum idem observarunt Theologi Parisienses, qui sub finem superioris sæculi Notas edidere in Censuram Hungaricam, inter Richerii Opera extantes.

Nequis vero de fide dubitet ac veritatē horum Scriptorum, monitos lectores volo, diligenter a me quæsitæ esse antiqua Missalia, quæ in Regia publicaque Bibliotheca Congregationis Oratorii hujus urbis adservantur: inventa-

Sarpinus
p. 101.
edit. Venet.
1673.

que ibi nullo fere negotio omnino septem ante correctiones sub Clemente VIII. & Paulo V. factas typis commissa: in quibus omnibus tale Evangelium Ferie tertiæ post Dominicam tertiam Quadragesimæ invenitur, quale ex Sarpio supra descripsimus. *Respicens Jesus in Discipulos suos dixit Simoni Petro: Si peccaverit in te, &c.* Sunt autem hæc quæ sequuntur. Primum: *Missale Redomense* membranaceum, in fol. Parisiis, anno MCCCCXCII. Secundum: *Missale Trajectense*, in fol. Parisiis anno MDXV. Tertium: *Missale juxta usum Almae Bracarensis Ecclesiæ*, in fol. Lugduni, anno MDLVIII. *Sumptibus Joannis a Burgundia Bibliopole Regis Lusitanorum.* Unde & illud discimus, tempestate illa suum in Gallia Bibliopolam fuisse Regibus nostris. Quartum: *Missale Romanum summa revisum diligentia*, in fol. Venetiis apud Junctas, anno MDLXIII. Quintum: *Missale Romanum summa revisum diligentia*, in fol. Venetiis anno MDLXIV. Sextum: *Missale secundum morem Sanctæ Romanæ Ecclesiæ*, in 8. anno MCCCCXCIII., cujus tamen editionis locum invenire non potui. Septimum: *Missale insignis Ecclesiæ Leodiensis*, in 8. Parisiis an. MD. Duo hæc postrema corio Turcico cærulei coloris sunt involuta. His Missalibus Congregationis Oratorii concors est alterum Dominiciani Ordinis, quod in alia Bibliotheca Olisiponensi inveni Venetiis editum apud Junctas, an. MDXC. cum hoc titulo: *Missale secundum Ordinem Fratrum Predicatorum, juxta Decreta Capituli Generalis Sulmanticæ an. Domini MDLI. (a).*

Jam

(a) Post hæc Lusitanice primum edita, tria alia Ritualia offendi ex eadem Bibliotheca Congregationis Oratorii Olisiponensis, in quibus superius Evangelium eodem modo legitur. Nempe: *Missale perant-*

tio

Jam si quæras, quidnam illud causæ fuerit, quamobrem antiquissimam Evangelii lectionem tot sæculis usurpatam emendari jussit vel Clemens VIII. vel Paulus V.; puto emendandi causam aliam non fuisse, quam quod animadvertissent Romani Correctores, quibus Bellarminus præerat; proposito ita Evangelio, duo hæc meridiana luce clariora reddi. Primum: ex doctrina Christi Judicio Ecclesiæ subesse Pe-

tiquum de anno MCCCCLXXV. in 8. corio item Turcico ceruleo involutum, in quo priora tamen & posteriora folia desiderantur: *Missale secundum ritum & consuetudinem alme Bracarensis Ecclesiæ*, in 4. Salmanticæ, anno MDXVII., & *Breviarium Romanum a Paulo III. recens promulgatum*, in 4. Parisiis, anno MDXLII. His vero alia passim Ritualia concordare, colliges ex sequenti testimonio nuperi Episcopi Antissiodorensis, quod extat Tomo LIII. Collectionis Gallicæ ita inscriptæ: *Recueil contre la Constitution Unigenitus*, pag. 106. Sic enim ille scribit in epistula ad Episcopum Sueffionensem, loquens de eodem Evangelio, seu de illius subjecto: *Tous les Missels Latins dont on s'est servi jusqu'au Concile de Trente, & en particulier celui dont on se sert encore aujourd'hui dans l'Eglise d'Auxerre, portent expressément que c'étoit à Pierre: Respiciens Jesus in Discipulos suos dixit Simoni Petro. Colliges etiam ex Richerio Libro I. Defensionis suæ adversus Duvallium Cap. IV. pag. 137. ita observante: Sic antea nuperam Breviariorum & Missalium reformationem a Jesuitis procuratam, etiam in ipso Ordine Romano, & nunc hodie Parisiensi, aliisque Diocæsis, que Romanum Ordinem integrum non servant, extat, Quod si quis traditionis hujus antiquiora desideret monumenta, legat vetustissimum Calendarium Ecclesiæ Romanæ a Dominico Georgio Romæ editum anno MDCCCLIV. ad calcem Tomi tertii de Liturgia Romani Pontificis: (quod Calendarium ille expressit e Codice quodam Vaticanæ Bibliothecæ ante annos nongentos manu exarato) & ibi ad tertiam Feriam post Dominicam tertiam Quadragesimæ, indi-*

Petrum. Alterum : a Petri Successoribus comprobari. Decretum Constantiensis Concilii Sessione V., ubi declaratum fuit, Romanos Pontifices Conciliorum Generalium Legibus subjacere. Cum ergo prætensæ Romanorum Monarchiæ plurimum obesse hujusmodi consecraria, probe intellexissent Bellarminus & Socii : auctores illi fuere Summo Pontifici, ut loco illorum verborum, *Dixit Jesus Simoni Petro*, legi in posterum juberet in Missalibus hæc : *Dixit Jesus Discipulis suis (a)* : His enim non ita clare, neque ita manifeste subditus Ecclesiæ Tribunali monstrabatur Petrus.

Hæc

catum inveniet tale Evangelium : *In illo tempore respiciens Jesus Discipulos suos dixit Simoni Petro, &c.* In notis autem in hunc locum observat idem Dominicus Georgius, tale etiam extare in Codice alio Ottoboniano, & in alio Reginæ Christianæ : Neque aliter invenit in Calendario S. Genovefæ Parisiensis plusquam nonagensorum annorum Fronto Duczus anno MDCLI. & in Capitulario Ecclesiæ Romanæ Cardinalis Thomassius ad calcem Antiphonarii : & in Lectionario Bellovacensi Baluzius ad calcem Capitularium Regum Francorum.

(a) In vulgata quidem editione Matthæi Cap. XVIII. & Lucæ Cap. XVII. ad omnes promiscue Apostolos sermo Christi refertur. Sed quidquid ceteris Christus dixerit, sibi quoque ipsum dixisse intellexit Petrus, qui his auditis statim ita quæsit a Magistro : *Domine, quoties peccabit in me frater meus, & dimittam ei ? usque septies ?* Matth. XVIII. 21. De quo videndus omnino Abulensis Parte altera Defensorii Cap. 72. & 75. Quod si de hoc siluisset Evangelium, non propterea a Christi præcepto excludendus foret Petrus. Nam præter quam quod series ipsa verborum, quibus Christus usus est, Petrum non minus quam ceteros Apostolos comprehendit : una cum Romanæ tum aliarum Ecclesiarum traditio tam annosa, tam constans, tam in publicis ipsius Ritualibus commendata : satis esse de-

Hæc Missalium correctio me admonet alterius æque memorandæ, atque ex eadem causa factæ: quam proinde silentio premere non dedemus. Omnia Missalia & Breviaria hodierna orationem de Cathedra S. Petri talem exhibent: *Deus qui B. Petro Apostolo tuo collatis clavibus Regni Cælestis ligandi atque solvendi Pontificium tradidisti, &c.* Atqui antiqua Breviaria sic exhibebant: *Deus qui B. Petro Apostolo tuo collatis clavibus Regni Cælestis ANIMAS ligandi atque solvendi Pontificium tradidisti, &c.* Talem hanc orationem composuit (a) anno Christi circiter DCCCL. S. Leo Papa IV. talemque ego inven-

bebat, ut sic Evangelium intelligere teneremur. Neque enim minor usque ad Concilium Tridentinum Romanæ Ecclesiæ auctoritas fuit quam post illa tempora fuit. Vide Richerium de hac specie fide & solide differentem Lib. I. adversus Duvallium Cap. IV. §. 46. & 47.

(a) Hæc auctore Sarpio adfirmavi in editione Lustana. Postea tamen re-adcuratius examinata inveni, orationis hujus auctorem multo antiquiorem esse S. Leone IV. Nam illam totidem urbis exhibet Sacramentarium S. Gelasii I., quod ex Codice Reginæ Christinæ ante annos mille exarato edidit Muratorius Tomo I. Rerum Liturgicarum, pag. 652. Sacramentarium item S. Gregorii I., quod ex Codice parisi antiquitatis publicarunt Galli Benedictini e Congregatione S. Mauri, Tom. III. Part. I. pag. 29. Necnon Sacramentarium Gallicanum e Bobiensi Codice ejusdem ætatis a Mabillonio evulgatum Tomo II. *Musæi Italici* pag. 279. Sarpium profecto in errorem induxit Anastasius Bibliothecarius, qui in vita Leonis Papæ IV. Blanchinianæ editionis Tom. I. pag. 381. sic de eo scribit: *Primam orationem fecit super portam, quæ respicit ad S. Peregrinum, cujus finis & initium tale est: Deus qui Apostolo tuo Petro collatis clavibus Regni Cælestis, ligandi atque solvendi Pontificium tradidisti, &c.* De quo loco ista adnotavit Launojus in epistula ad Raymundum Tormen-

ni in Breviariis quatuor, apud eandem Regiam Bibliothecam Congregationis Oratorii examinatis. Nempe in Breviario Ecclesiæ Leodienfis Parisiis impresso anno MDIX. in 8. In alio Lugdunensi typis Joannis Crespini, anno MDXXXIX. in 8. In Parisiensi, quod ita inscribitur: *Breviarium Romanum a Paulo tertio recens promulgatum*, anno MDXLII. in 4. In illo Bracarenfi, quod anno MDCXXXIV. prælo subjiciendum curavit in eadem urbe Dominus Rodericus a Cuniâ Archiepiscopus Primas, in 8. (a). Ut autem intelligas Breviariis concordare Mistalia: scito vocem illam ANIMAS etiam inveniri in duobus Mistalibus Romanis supra laudatis ex editione Veneta: in illo item Trajectensi, & in altero Leodiensi. Inveniri præ-

mentinum, quæ est XI. Libri VII. Tomo V. P. II. pag. 515. *Non me latet, orationem hanc ab Anastasio Bibliothecario tribui: Leoni Pape IV. Sed Leo potuit illam e Sacramentorum Gregoriano Libro desumere, & desumendo suam facere, & vocem ANIMAS retinere, tametsi ea nunc apud Anastasium non compareat. Sed a scielo quodam librario potuit auferri.* Quoquo modo res se habeat de Anastasio, illud nullo modo negari potest, ante tempora Leonis IV. usu receptam esse in Romana Ecclesia orationem illam de Cathedra S. Petri, in eaque ab initio extitisse vocem ANIMAS; neque alio respexisse postea S. Petrum Damiani Cardinalem, cum in Sermone de S. Joanne Evangelista sic locutus est: *Tacet is, cui portæ inferi non prevalens, qui ligandi ANIMAS atque solvendi obinet principatum.*

(a) His recentiora alia ejusdem Bibliothecæ omnino concinunt. Ut Cluniacense de anno MDCLXXXVI. in 8., & Cisterciense de anno MDCCXXXVIII. in fol., illud Parisiis, hoc Antuerpiæ impressum. Quibus Launojus loco supra citato adjungit Diurnum Monasticum Cassinensera Venetiis editum apud Junta anno MDC.

præterea in Romano alio alterius Bibliothecæ, quod ita inscribitur: *Missale Romanum ex Decreto Sacrosancti Concilii Tridentini restitutum, Pii V. Pontificis Maximi jussu editum, Venetiis apud Gratosum Perchacinum, an. MDLXXIII. in fol.* Item in antiquo Libello Orationum Ecclesiasticarum, quem penes me habeo cum hæc titulo: *Orationes quæ in universali Ecclesia per totum muniam decantantur, nunc denuo collectæ & ad unguem castigatæ. Apud inçlytam Antiquariam. Anno MDLXXIII. in 8. (a).*

Quod si quis ex me jam percontetur, cur ex omnibus hodiernis Missalibus & Breviariis sublata fuerit vox illa ANIMAS: dico id esse apertissimum. Nam si dicas, ANIMAS ligandi atque solvendi, palam est, clavium potestatem versari circa solas animas, valereque tantum in foro conscientiæ, utpote mere spiritua-lem. Sublata vero voce ANIMAS, adhuc locus

(a) His Launojus addit a se visa Missale Romanum Parisiis cûsum apud Franciscum Reginaldum anno MDXX., & aliud item Romanum a Paulo III. reformatum, & anno MDXLIV. Lugduni typis commissum apud Guillelmum Rovillium. Cûsis autem Libris coherere manu exaratos, supra ostendi ex Sacramentariis Gelasiano, Gregoriano, & Gallicano. His nunc addo ex eadem Bibliotheca nostra Olisiponenâ, Missale membranaceum oblongum & vetustum, anno MCCCCLXXVIII. scriptum a Carthusiano quodam Gallo. Addo & Antissiodorensis Ecclesiæ antiqua Ritualia Mss., de quibus ita testatur anonymus Auctor Operis inscripti *Le Cri de la Foi*, Tom. 3. pag. 234. *Il n'est pas un seul de ces Missels, que n'ait retenu le fameux mot ANIMAS, dans l'oration de la Fête de la Chaire de S. Pierre: & ils sont conformes en ce point aux plus anciens Sacramentaires ou Collectaires Romains, publiez à Rome par I. Carus an. 1683.* Nemo autem ignorat, sub Carî nomine latere voluisse Cardinalem Thomassium.

cus datur comprehendendis sub clāvium potestate etiam corporibus ipsis, & terrenis bonis. Quæ ipsissima est indirecta, quam vocant, potestas in Temporalia Regum & Principum secularium; quam tanto conatu Romano Pontifici adtribuere volunt Bellarminus ceterique Jesuitæ.

Ars illa est Romanæ Curiæ omnibus nota, ut quidquid veterum vel recentiorum monumentorum uspiam occurrit, quod novis ejus consiliis aliqua ratione possit officere, id mox quamdiligentissime supprimatur. Ut notiora alia prætermittamus, in editionibus Concilii Tridentini suppressere Romani sententiam trium Episcoporum, qui finito Concilio pronuntiabant, minime opus esse confirmatione Pontificia. Id quod plane demonstrat Richerius, collata Romana editione anni MDLXIV. cum Parisiensi illa, quam eodem anno Tridento in patriam reversus evulgavit Gentianus Hervetus Gallus Theologus: & cum altera illa Antuerpiensi ejusdem anni ex officina Martini Nucii (a). Suppressere anno MDCLX. editum ab

(a) Tum Parisiensis, tum Antuerpiensis editio illa primæva, Moronum Cardinalem Pontificis Legatum; ante acclamationes Patrum, ita loquentem inducit: *Placuit omnibus Patribus finem huic Sacro Concilio imponi, confirmationemque a SS. Domino nostro peti, TRIBUS DUMTAXAT EXCEPTIS, QUI CONFIRMATIONEM SE NON PETERE DIXERUNT, &c.* Romana autem editio ejusdem anni ab Aldo Manutio procurata, & quæ eodem anno prodiit Compluti ex officina Andreæ de Angulo, (utramque penes me habeo e Bibliotheca Congregationis Oratorii) pericopen illam *Tribus dumtaxat exceptis, &c.* de industria omisit. Et tamen Cardinalis Pallavicinus in Historia Concilii Tridentini Lib. XXIV. Cap. 8. contendit, postulandæ confirmationi unum tantum ex Patribus intercessisse, nempe Archiepiscopum Gra-

Luca Holstenio *Librum Diurnum Romanorum Pontificum*: atque illum quidem eo conatu suppressere, ut tria etiam folia, quæ Holstenius ipse Roma Parisios miserat, per Cœlium Piccolimineum Pontificis in Gallia Oratorem ex Illustrissimo Petro de Marca auferenda curarent. Et revera ablata esse, testatur Baluzius in Notis ad Libros de *Concordia* tertiz editionis, quæ est Parisiensis de anno MDCCIV. pag. 55: Causa vero tantæ contentionis erat, quod Diurnus ille, unde per multa secula ritus suos Roma didicerat, inter alia monumenta complectebatur iusjurandum illud, quo se singuli Pontifices obstringere solebant de observandis inviolabiter Canonibus & Legibus Conciliorum Generalium. Complectebatur Honorium Papam I. ut hæreticum vel factorem Monothelitarum in Sexta Generali Synodo condemnatum. Complectebatur bene multa alia, quæ antiquitus quidem apud omnes in confesso erant: hodie tamen Romanæ Curiz non probantur. Patuere autem omnia, ubi Librum illum Diurnum ex Gallicis Mss. iterum publicavit Joannes Garnerius Jesuita Parisiis anno MDCLXXX., quam ego editionem sæpe evolvi.

XVIII. Ceterum hanc Petri subjectionem respectu Ecclesiæ, (id enim est argumentum nostrum præcipuum) nemo melius explicavit, quam S. Augustinus: qui illud passim inculcat, spiritualement potestatem totam a Christo datam esse Ecclesiæ, utpote quam ipse potissimum respiceret, cum vel Petrum vel alios Apostolos adloquebatur. Libro de *Agone Christiano*, Capite 30. *Non sine causa*, inquit, *inter omnes A-*

August.
Tom. VI.
pag. 260.

natensem; adeoque falli vehementer Sarpium, dum tres memorat. Verum ea in re credendum potius Gallo testi, quam Italo, quis non videt?

postolos hujus Ecclesie Catholica personam sustinet Petrus. Huic enim Ecclesie claves Regni Calorum datae sunt, cum Petro datae sunt: & cum ei dicitur, ad omnes dicitur, Amas me, pasce oves meas. Tractatu CXXIV. in Joannem num.

Tom. III.
pag. 822.

5. Ecclesie Petrus Apostolus propter Apostolatus sui primatum gerebat figurata generalitate personam. Quod enim ad ipsum prope pertinet, natura unus homo erat, gratia unus Christianus, abundantiore gratia unus idemque primus Apostolus. Sed quando ei dictum est, Tibi dabo claves Regni Calorum, &c. universam significabat Ecclesiam, qua fundata est super Petram, unde Petrus nomen accepit. Et infra: Ecclesia ergo qua fundatur in Christo, claves ab eo Regni Calorum accepit in Petro, id est, potestatem ligandi solvendiue peccata. Quod enim est per proprietatem in Christo Ecclesia, hoc est per significationem Petrus in Petra, qui significatione intelligitur Christus Petra, Petrus Ecclesia. Et Sermone CCXCV. qui in antiquioribus editionibus est CVIII. de

Tom. V.
p. 1195.

Diversis, num. 2. Non inter discipulos solus meruit pascere Dominicas oves. Sed quando Christus ad unum loquitur, unitas commendatur: & Petro primitus, quia in Apostolis Petrus est primus. Et rursus: Solus Petrus totius Ecclesie meruit gestare personam. Propter ipsam personam quam totius Ecclesie solus gestabat, audire meruit: Tibi dabo claves Regni Calorum. HAS ENIM CLAVES NON HOMO UNUS, SED UNITAS ACCEPIT ECCLESIAE. Et mox: Ut noveritis Ecclesiam accepisse claves Regni Calorum . . . audi quid Petro dicatur, quid omnibus Fidelibus sanctis: Si te non audierit, refer ad Ecclesiam. Amen dico vobis, quia quae ligaveritis in terra, &c. Columba ligat, columba solvit, aedificium supra Petram ligat & solvit. Sermone vero CXLIX. qui numerari solet XXIV. de Diversis, in hunc modum scribit idem Augustinus: Petrus multis lo-

Tom. V.
p. 706.

eis

cis Scripturarum apparet, quod personam gestet Ecclesia, maxime in loco, ubi dictum est, Tibi tradendo claves Regni Cælorum, &c. Numquid istas claves Petrus accepit, & Paulus non accepit? Petrus accepit, Joannes & Jacobus non accepit? Sed quoniam in significatione personam Petrus gestabat Ecclesia, quod illi uni datum est, Ecclesie datum est. Ergo Petrus figuram gestabat Ecclesie, Ecclesia corpus Christi est. His gemina tradunt S. Cyprianus, S. Hieronymus, S. Leo I., Venerabilis Beda, aliique Patres, quos describunt Joannes Launojus Libro II. Epistula 5., Simon Vigorius Libro de Monarchia paullo post initium: Ludovicus Dupinus Dissertatione VI. §. I. & Natalis Alexander Dissertatione VIII. in Historiam sæculi XIV. & XV. num. 53.

XIX. Ex hac Sanctorum Patrum doctrina probi Theologi colligunt primo: proprietatem quidem & veluti dominium jurisdictionis spiritualis, totam omnino esse penes Corpus Ecclesie; usum vero sive exercitium hujus jurisdictionis esse penes Papam & Episcopos, ut Ministros sive Executores ipsius Ecclesie. Joannes Gerson Parisiensis Cancellarius in Libro de Modis uniendi & reformandi Ecclesiam, Capite II. Ecclesia Romana, cujus caput Papa creditur, longe minoris auctoritatis videtur esse universalis Ecclesia. Et est quasi instrumentalis & operativa clavium universalis Ecclesie, & executiva potestatis ligandi & solvendi ejusdem. Paullo ante id præmiserat Gerson: Huic soli Ecclesie universali est potestas ligandi & solvendi tradita. Quia dato quod nullus Papa esset, adhuc aliquis fidelium, remedium ligandi & solvendi veniret. Idem in Libro de Potestate Ecclesiastica, Confid. XI. Potestas Ecclesiastica in sua plenitudine est in Ecclesia sicut in fide, & sicut in regulante applicationem & usum hujusmodi plenitudinis Ecclesiastica potestatis per se ipsam vel

*Launoj.
Tom. V.
P. I. p.
213.
Vigorius
p. 10.
Dupinus
p. 379.
Natalis
To. VIII.
p. 526.*

*Gerson
Tom. II.
p. 163.*

*Ibid. p.
243.*

per generale Concilium. Propterea loquitur Augustinus cum aliis quibusdam, quod claves Ecclesie datæ sunt non uni, sed unitati, & quod datæ sunt Ecclesie.

Ne quis autem existimet, solis Gallis Theologis probari hanc doctrinam; audiat Æneam Silvium Cardinalem Senensem, qui postea fuit Papa Pius II. in Commentario de Gestis Concilii Basileensis: ubi postquam retulisset, quo modo verba Christi Petro loquentis interpretatus fuerit S. Augustinus loco supra memorato Libri *de Agone Christiano*: mox ita profecutur; *Quibus ex verbis rabularum nostrorum fundamenta concutuntur ac penitus evertuntur. Quoniam si per personam Ecclesie Petrus ferebat, non Petro, sed Ecclesie vim illorum verborum debemus adscribere.*

Audiat Antonium de Rosellis, Sigismundi Imperatoris & Eugenii Papæ IV. Consiliarium, natione Italum, patria Aretinum, in Opere *De Roselle de Monarchia*, Parte III. Capite 26. Christus Ecclesiam videtur constituisse non in solo Petro, sed in omnibus Apostolis, juxta verba Psalmistæ: *Fundamenta ejus in montibus sanctis. Si igitur Ecclesia fuit constituta non in solo Petro, potius ipsam in omnibus Apostolis constituit, licet in Petro ut in uno significative & figurative, quæ tamen erat in omnibus Apostolis substantialiter, principaliter, & effective, juxta illud Augustini super Joannem; Petrus quando claves accepit, Ecclesiam sanctam significavit. Ex quo sequitur, quod substantialiter & effective potestas clavium est in Ecclesia, & in Petro significative, & substantialiter una cum aliis.*

Audiat Patres Generalis Concilii Pisani in Epistula ad Antipapam Petrum de Luna, anno MCCCCVIII. Ecclesie unitati claves a Christo concessæ sunt.

Audiat Franciscum Zabarellam Cardinalem Florentinum sub Joanne Papa XXIII. in Tra-

cta.

Statu de Schismate, paullo ante Concilium Constantiense composito. Id quod dicitur, quod *Papa* ^{Zabarella} *habet plenitudinem potestatis*, debet intelligi ^{lap. 559.} *non solus, sed tamquam apud universitatem*. Ita edit. *Ar-* ^{gent. 1609.} *quod ipsa potestas est in ipsa universitate tamquam in fundamento, & in Papa tamquam in principali ministro, per quem hæc potestas explicatur.* Et infra: *Universitas totius Ecclesiæ numquam ita potuit transferre ipsam potestatem in Papam, ut defineret esse penes ipsam: quia hoc esset contra jus divinum & contra exempla Apostolorum.*

Ibid. p. 567.

Audiat illustrem Hispanum Alphonsum Tostatatum Episcopum Abulensem sub Eugenio IV. in Quæstione XLVIII. in Caput decimumquintum Numerorum: *Claves datæ sunt a Christo toti Ecclesiæ. Quia tamen non poterat tota Ecclesia dispensare illas, cum non esset aliqua persona, sed communitas, tradidit eas Petro nomine Ecclesiæ. Et infra: Petro & aliis Apostolis non fuerunt datæ claves, TAMQUAM DETERMINATIS PERSONIS, SED TAMQUAM MINISTRIS ECCLESIAE.* Et in sequenti Quæstione: *Ecclesia suscepit claves a Christo, & Apostoli tamquam ministri Ecclesiæ: & nunc Ecclesia illas habet, & Prælati etiam: sed aliter Ecclesia quam Prælati. Nam Ecclesia illas habet secundum originem & virtutem: Prælati autem habent secundum usum earum. Exemplum hujus patet in domino rei & usufructuario.*

Abulensis Tomo V. p. 357.

Audiat Hispanum alium ejusdem ætatis, nempe Andreæ Escobarium ex Ordine Benedictino Episcopum Megarensensem, qui antequam hac dignitate ornatus esset a Nicolao Papa V. Constantiensi & Basileensi Concilio ut Theologus interfuerat: & dum Basileæ commoraretur, doctissimum ibi Tractatum elucubratus est, *Gubernaculum Conciliorum*, Juliano de Cæsarinis Cardinali Concilii Præsidi dedicatum, & sub finem superioris sæculi publicatum ab

Hartd. Hermanno Hartdio in Historia Concilii Con-
stantiensis . In prima igitur Parte hujus Tra-
tatus, Capite II. ita differit Episcopus Mega-
rensis : *Plenitudo potestatis Papalis non fuit data*
Tom. VI. *Petro , ut Petro : sed fuit data universali Eccle-*
pag. 147. *sia , quæ erat per significationem tota in Petro .*

Ibid. p.
162.

*Et infra : Quando Petrus claves accepit , hæc
potius tota Ecclesia suppositaliter accepit in ipso
Petro , sive per ipsum Petrum : & ipse Petrus
claves accepit in typo , mystice , & ministerialiter
ab ipsa Ecclesia universali . Claves enim quas Ec-
clesia non poterat per omnes exercere universaliter ,
voluit quod exequerentur per Petrum & ejus suc-
cessores particulariter . Et ista est mens Hieronymi
& Augustini , ut isti dicunt , & superius scripsi .*

Audiat totam Cracoviensem Academiam , de
hac re mentem suam aperientem jussu Ladislai
Poloniæ Regis , anno MCCCCXL. Hæc pote-
stas juxta doctrinam Apostoli I. Cor. 12. videtur
omnibus inesse membris sive toti corpori , non autem
V. p. 494. uni membro tantum . Dicit enim Apostolus , Cor-
pus non est unum membrum , sed multa . Ap-
paret igitur quod potestas Ecclesiæ se ipsam con-
servandi , regendi , & tuendi , insit corpori , sive
omnibus membris simul , non autem quod ex uni-

Ibid. p.
502.

co membro dependeat in totum . Et infra : Eccle-
sia est corpus Christi mysticum organicum fide Chri-
sti animatum . Cum ergo Papa non sit corpus hoc
quod est Ecclesia , sed unum ex membris ipsius ,
juxta doctrinam Apostoli : sequitur quod Papa est
pars istius corporis , & ipsa Ecclesia est quoddam
totum . Communis autem animi conceptio est : Omne
totum est majus sua parte . Ergo Ecclesia quæ est
quoddam totum , major est & excellentior ipso
Papa .

Audiat Nicolaum de Cusâ Cardinalem e Ger-
mania , Brixensemque in Italia Episcopum ,
qui anno MCCCCL. florebat , in Libro II. de
Concordantia Catholica , Capite 18. Potestas li-
gandi

Cusa p.
738.

gandi & solvendi, & infallibilitas & indeviabilitas propter Christi assistentiam, est in ipsa Catholica vera Ecclesia. Cum autem Romanus Pontifex sit membrum illius Ecclesie quæ corpus Christi est: & infallibilitas NON CUILIBET MEMBRO, SED TOTI ECCLESIE PROMISSA EST: tunc non est dubium, quod potestas indeviabilis totius Ecclesie est supra potestatem Romani Pontificis: quamquam ab eodem principio potestas tam Ecclesie quam Papæ fluat.

Audiat denique Patres Generalis Concilii Basileensis fere tercentos, in Responsione Synodali Legatis Papæ Eugenii IV. data anno MCCCCXXXII. Et si Papa major sit in Ecclesia, non tamen major est tota Ecclesia. Uni autem quare dictum est, Tibi dabo claves regni Cælorum, Sancti Doctores exponunt, ut unitatem designaret Ecclesia: & ideo exordium ab unitate proficiscitur, ut Ecclesia Christi una esse demonstraretur: & Petrus quando claves accepit, ut dicit Augustinus, Ecclesiam significavit, IPSA ENIM ECCLESIA UNUS EST PRINCEPS, ET UNITATI FIDELIUM, NON SINGULIS, HÆC JURISDICTIO A DOMINO CONCEDITUR: & ideo ab uno incipere voluit, ut unitatem atque unanimi-
tatem designaret. Observandum porro est, doctrinam hanc a Basileensibus Patribus evulgatam esse statim post Sessionem II. cum adhuc Eugenio IV. adhærerent, Præsidente Juliano de Cæsarinis Cardinale ab ipso Eugenio desinato. Unde vel ipse Bellarminus fatetur Lib. III. de Ecclesia, Cap. 16. ante Sessionem XXVII. an. MCCCCXXXVII. habitam, (in qua Patres ipsi sese ab obedientia Eugenii retraxere) nec illegitimum nec schismaticum fuisse Concilium Basileense. Atque idipsum prior jam declararat idem Eugenius IV. in Bulla Salvatoris, & in Bulla *Exposcit debitum*: quæ Latinis Actis Concilii Florentini solent præfigi.

To. XVII.
Concil. p.
459.

Concil.
Tom. X.
p. 851.
& 912.

XX. Colligunt secundo iidem Theologi: Papatum quidem & Episcopatum esse juris divini: nihilominus tamen penes Ecclesiam potestatem esse moderandi & circumscribendi, (quemadmodum reipsa moderata est, & circumscripsit per suos Canones) usum & exercitium potestatis spiritualis suorum Ministrorum, nempe Papæ & Episcoporum: præcipiendi item, (quemadmodum reipsa præcipit) nequis præscriptos sibi limites transgrediatur, neve alter in alterius jura invadat. Hanc enim Ecclesiam, quæ in congregatione consistit omnium fidelium (a), & quam Christus potissimum respexit, quando Petro ceterisque Apostolis claves tradidit spiritualis potestatis: hanc Ecclesiam, inquam, ipsi

(a) Cum audis Ecclesiam, quæ in fidelium universitate consistit, dominam esse clavium spiritualis potestatis: cave horum Theologorum doctrinam confundas cum doctrina Quesnellianæ Propositionis XC. ubi in consortium jurisdictionis a Christo institutæ Matthæi XVIII. ipsis Pastoribus conjunguntur & laici. Nam toto celo distat a doctrina Quesnello attributa doctrina sacræ Facultatis Parisiensis, totiusque Ecclesiæ Gallicanæ, quam hic tuemur. Quesnellus enim ejusque discipuli illud *Dic Ecclesiæ* sic de tota fidelium universitate intelligere dicuntur, ut velint ad excommunicationem ferendam opus esse consensu saltem tacito ipsius multitudinis, quasi ipsa jurisdictio, ejusque exercitium pro foro exteriori non minus spectet ad laicos, quam ad Episcopos & Sacerdotes. Contra Parisienses Augustinum totamque antiquitatem secuti docent, Ecclesiæ quidem ex omnibus fidelibus constanter datas esse a Christo claves: sed ita pro omnibus & in omnes datas, ut jus ipsius potestatis, & exercitium illius formaliter non resideat nisi penes Corpus Pastorum, quos inter eminent Romanus Pontifex, sicut inter Apostolos eminebat Petrus. Hoc sensu dixit Cyprianus in epistula LXXIII. edit. Baluz. pag. 132. *Ecclesia una est, quæ tenet & possidet omnem Sponsi sui & Domini*

ipsi docent esse veluti dominam istarum clauvium: Papam vero ceterosque Episcopos esse veluti Ministros & Executores earundem: Joannes Gerson in eodem loco supra indicato: *Papa, inquit, de recta conscientia non majorem habet, nec habere potest auctoritatem & executionem potestatis, quam sibi ab universali Ecclesia conceditur: Et in Sermone Sabbati Palmarum: Ecclesia vel Generale Concilium, quamvis non possit tollere plenitudinem potestatis Papalis a Christo supernaturaliter collata: POTEST TAMEN USUM EJUS LIMITARE SUB CERTIS REGULIS AC LEGIBUS in adificationem Ecclesie, propter quam Papalis auctoritas & altera hominis collata est: & in hoc est totius Ecclesiasticae reformationis stabile fundamentum.*

Gerson
Tom. II.
p. 164

Ibid. p.
205.

Petrus de Alliaco Cardinalis & Episcopus

I 4

Ca-

mini potestatem. In hac praesidemus. Eodem spectat praeclarum illud Augustini dictum Serm. CCXCV. alias Sermone XIII. de Diversis Tom. V. pag. 1199. Eja fratres, aliquod pro tempore volo dicere: Quod Petro commendatum est, quod Petro mandatum est; NON PETRUS SOLUS, SED ETIAM ALII APOSTOLI AUDIERUNT; TENUERUNT; SERVAVERUNT: maxime ipse consors sanguinis & dei Apostolus Paulus. Audierunt ista, & ad nos audienda transmiserunt: PASCIMUS VOS; PASCIMUR VOBISCUM. Rursus ad calcem ejusdem Sermonis: Ergo commendavit nobis Dominus oves suas; QUIA PETRO COMMENDAVIT. Commendavit nobis oves Dominus: OVES IPSIUS ESTIS; VOBISCUM OVES SUMUS; jam diximus; PASCIMUS ET PASCIMUR: Lege omnino Richerium de Ecclesiastica & Politica Potestate Demonstratione Capitis I. & Capitis II. Natalem Alexandrum Dissertatione VIII. in Historiam saeculi XV. Art. III. & Benedictinum Anonymum, qui Explicationes plurimorum Textuum Difficilium Sacrae Scripturae Gallice edidit Parisiis anno MDCCXXX. Explicatione 199. usque Matthaei XVIII, §. XIV. & seqq.

Alliac. in-ter Opera. Cameracensis in Libro de Auctoritate Ecclesie, Concilii Generalis, & Papæ, Parte III. Cap. I. Gerson. Plenitudo potestatis est in Papa tamquam in sub-
Tom. II. p. 950. jecto ipsam recipiente & ministerialiter exercente: est in Ecclesia universali, tamquam in objecto ipsam causaliter & finaliter continente: est in Generali Concilio, TAMQUAM IN EXEMPLO IPSAM REPRESENTANTE ET REGULARITER DIRIGENTE. Quia si Papa uteretur hac potestate ad destructionem Ecclesie, Generale Concilium est exemplum vel speculum dictam universam Ecclesiam representans, & ejus vice & nomine abusus hujusmodi potestatis coercens, regulans, & dirigens. Et
Ibid. p. 959. Cap. IV. Tam de jure humano quam divino concedendum est, Papam posse ab universali Ecclesia vel a Generali Concilio in multis casibus judicari & condemnari, & ab eo ad Concilium multis in casibus posse appellari.

Thomas de Corcellis, Caroli VII. Gallorum Regis apud Basileensem Synodum Theologus, quem Aeneas Silvius Virum adpellat doctrina juxta mirabilem & amabilem: in gravissima illa Oratione de hoc argumento habita in Bituricensi Conventu anno MCCCCXL. quam describit Pithæus inter Probationes Libertatum Ecclesie Gallicanæ Capite XII. num. 4. Totum Collegium Apostolorum beatorum ita practicavit, quoniam post declarationem habitam in suo Concilio Jerosolymitano, non dicebant sic in conclusione, Visum est Petro, sed Visum est Spiritui Sancto & nobis: nec dicebant ita, Placet Petro, sed Placuit Apostolis & Senioribus cum omni Ecclesia: attribuentes Spiritui Sancto & toti Concilio auctoritatem ejus, quod ibidem decretum erat.

Pithæus p. 47.
Cusa p. 772. Cardinalis de Cusa, Lib. II. de Concordantia Catholica, Capite 34. Non fuit Petrus ex illo Primatu Ecclesia major: quoniam ipse ab Ecclesia & propter eam nominatur, secundum Augusti-

stinum & alios Doctores. QUARE ILLA MAJORITAS NON FUIT MAJORITAS SUPRA, SED INFRA ECCLESIAM. Unde licet os sive caput esset Apostolorum & Ecclesiæ, & ejus nomine proponeret & responderet: tamen nihilo minus tamquam membrum subsuit. Quare in medio fidelium surgens in reverentiam Ecclesiæ locutus est, & passus est se mitti in Samariam ab ipsa, Act. VIII. Et mox Si propter Ecclesiam Petrus a Petra dictus est, & Ecclesia non est nisi unio fidelium: recte propter unionem fidelium & ob tollendum schisma presidentia est, quare unitas fidelium est illa, ad cujus servitium & observantiam presidentia est super singulos. Hinc unitas fidelium, quam nos Ecclesiam dicimus, sive universale Concilium Catholica Ecclesiæ illam representans, EST SUPRA SUUM MINISTRUM AC SINGULAREM PRÆSIDEM. Jam a Capite 17. ejusdem Libri hæc præmiserat idem Cardinalis: Quis dubitare potest sanæ mentis uni-

Ibid. p:
736.

versale Concilium absque diminutione vere potestatis & privilegii Sedis Apostolicæ, tam in abusum, quam in abutentem potestatem habere pro sui ipsius conservatione? Quare universaliter dici potest, universale Concilium habere potestatem immediate a Christo, & esse omni respectu tam supra Papam, quam supra Sedem Apostolicam. Et hanc sententiam probant plura gesta & Canones & rationes. Alphonsus Tostatus Episcopus Abulensis Parte altera Defensorii, Capite 69. Manifestum est auctoritatem Ecclesiæ esse majorem auctoritate Pa-

Abulens.
To. XXV.
p. 138. et
139.

pæ: cum illa non possit errare nec in fide nec in moribus: iste autem in utraque errare potest, & saepe repertum est, quod Summi Pontifices in utraque erraverint. Ob hoc autem CHRISTUS CONSTITUIT SUPREMUM TRIBUNAL IN ECCLESIA IN SACRO CONCILIO ETIAM SUPRA PAPAM.

Hærd.
Tom. VI.
p. 266.

Andreas Escobarius Episcopus Megarensis Parte Sexta memorati Tractatus, quod Gubernaculum Conciliorum inscribitur, Capite III. Concilium

cilium non subicitur Juri positivo, cum habeat plenitudinem potestatis, & sit a Jure divino immediate, ut dictum est. Quæ potestas ligandi & solvendi est in ipsa universitate universalis Ecclesiæ. Quæ Ecclesiæ superiorem non habet nisi Deum, nec subicitur legi positivæ. Quæ Ecclesiæ etiam non potuit transferre suam potestatem in ipsum Papam totam, in tantum quod desineret esse penes eam. Quia hoc esset contra jus divinum, & contra exempla Apostolorum. Et Parte IX. Cap. I.

Ibid. p. 301. Ex quibus sequitur, quod simpliciter & sine additione debet teneri & credi, quod potestas Ecclesiæ in omnibus est major, quam potestas Papæ, in auctoritate, in jurisdictione, & in executione.

Dionysius Carthusianus Scriptor e Belgio ejusdem sæculi XV., quo Tostatus floruit, in Tractatu De Auctoritate Papæ & Concilii, Art. XXVII.

Cartbus. Tom. X. fol. 340. vers. edit. Colon. 1532. In his quæ proprie ac directe spectant ad forum Generalis Concilii, Concilium videtur esse super Papam, ita quod Concilium dando voces suas seu vota, est liberum, nec Papæ potestatem coercitivam habet super illud in hujusmodi causis, magisque standum determinationi Concilii Generalis

Ibid. fol. 541. vers. quam Papæ. Rursus Art. XXXI. Porro hæc causæ sunt extirpatio hereticæ pravitatis ac schismatis, declaratio fidei, atque editio symboli ejus, universalis reformatio Ecclesiæ in capite & in membris ejus. Itaque in expeditione istorum major dicitur potestas Concilii Generalis quam Papæ. Quoniam Christus promisit Ecclesiæ seu Concilio ipsam representanti infallibilem directionem & gloriosam assistentiam incessantem. Unde & Papa in talibus tenetur stare determinationi Ecclesiæ seu statuti Concilii, tamquam ordinationi ac sententiæ Spiritus Sancti. CUMQUE PAPA POSSIT ERRARE IN FIDE ET MORIBUS, AC CETERIS QUÆ SUNT DE NECESSITATE SALUTIS, EJUS JUDICIO NON VIDETUR ULTIMATE AC CERTITUDINALITER STANDUM IN ISTIS; CUM NON SIT INFALLI-

BILIS REGULA, NEQUE INDEVIABILE FUNDAMENTUM. Ita judicabat & scribebat vir ille, quem ut virtutibus & miraculis clarum, publico cultu prosequitur totus Ordo Carthusianus: quemque propterea Sanctorum albo adscripsere Bollandiani Patres *Actis Sanctorum*, die XII. Martii.

XXI. Colligunt tertio nostri Theologi: quandoquidem tota vis & auctoritas Ecclesie universalis insit Generali Concilio, utpote totam Ecclesiam Catholicam repræsentanti: ubi ab ipso Concilio Generali præscripti ac designati fuerint limites tam Papatus, quam Episcopatus: præscripta item cetera Disciplinæ & Reformationis Ecclesiasticæ capita: non posse Papam, nec posse Episcopos ultra hos limites excurrere: quemadmodum nec Papa nec Episcopi adversari iis possunt, quæ de Fide & moribus definita fuerint a Generali Concilio legitime coacto & celebrato. Confectarium hoc differtissime definitum est a Generali Concilio Constantiensi Decreto illo Sessionis V., quod ita habet: *Primo declarat hac Sancta Synodus Constantiensis, quod ipsa in Spiritu Sancto legitime congregata, Generale Concilium faciens, & Ecclesiam Catholicam repræsentans, potestatem a Christo immediate habet, cui quilibet cujuscumque status vel dignitatis, etiamsi Papalis existat, obedire tenetur in his, quæ pertinet ad fidem, & extirpationem schismatis, ac generalem reformationem Ecclesie Dei in capite & in membris. Item declarat, quod quicumque cujuscumque conditionis, status, vel dignitatis, etiamsi Papalis existat, quæ mandatis, statutis, seu ordinationibus, & præceptis hujus Sanctæ Synodi, & cujuscumque alterius Concilii Generalis super præmissis, seu ad ea pertinentibus obedire contumaciter contempserit: nisi resipuerit, condigna pœnitentia subjiciatur, & debite puniatur, &c.*

*Har dius
in Hist.
Concil.
Constant.
Tom. IV.
p. 98.*

XXII. Concilium hocce ejusque Definitiones confirmavit Papa Martinus V. Bulla *Inter cunctas*, Sessione XLII. edita: ubi eos qui ab hæresi ad Ecclesiam venerint, hoc modo interrogari jubet: *Utrum credat quod quodcumque Concilium Generale, & etiam Constantiense, universalem Ecclesiam representet?* (Quod unum erat ex capitibus definitis Sessione V.) Item quod illud quod Sacrum Concilium Constantiense universalem Ecclesiam representans, approbavit & approbat in favorem fidei & ad salutem animarum: quod hoc est ab universis Christi fidelibus approbandum & tenendum. Non videtur autem dubitandum, ad Fidem & bonos mores pertinere quidquid Sessione V. definitum fuit,

Quod vero tale Decretum agat non de solo schismatis tempore, sed etiam de quocumque alio tempore, manifeste conficitur ex illis verbis Concilii: *Hujus Sanctæ Synodi & cujusque alterius Concilii Generalis.*

Confirmatione autem Martini V. comprehendendi non solum illa Concilii Decreta, quæ post electionem ejus facta sunt; sed etiam illa, quæ electionem præcessere, certo argumento est Bulla *Cupientes*, Sessione XLIV. edita ab eodem Martino V. In ea enim obstrictum se ille agnoscit Decreto *Frequens* ejusdem Concilii, Sessione XXXIX. stabilito ante Martini electionem. En verba ipsius Papæ: *Cupientes ac volentes Decreto hujus Generalis Concilii satisfacere, inter alia disponenti, quod, &c. Rursus in alia Bulla Nuper ita ait: Cupientes Generale Concilium juxta deliberationem & ordinationem Sanctæ Synodi Constantiensis celebrari. Tertiò in Bulla Dum onus ita loquitur: Dum Sacrum Generale Constantiense Concilium statuit & decrevit, &c. Quod argumento quoque est, valere Constantiensia Decreta etiam tum, cum nullum existit schisma.*

Ea-

Harld.
Tom. IV.
p. 1527.
& 1558.

To. XVI.
Concil.
p. 724.

To. XVII.
p. 222.

Ib. p. 225.

Eadem vero confirmatione pariter comprehendendi non solum Decreta edita post unionem trium obedientiarum, verum etiam edita ante unionem: æque certum redditur ex eadem Bulla *Inter cunctas*: ubi Martinus V. conversos ab hæresi credere & profiteri jubet, sententias in Wiclefum latas Sessione VIII. latas item in Joannem Husium Sessione XV. legitimas fuisse & justas sententias Concilii Generalis. *Utrum credat quod dictæ condemnationes per Sacrum Generale Concilium rite & juste factæ sunt*. Porro ex ipsis actis liquet, obedientiam Gregorii XII. nonnisi Sessione XII. obedientiam vero Benedicti XIII. nonnisi Sessione XXII. Concilio se adjunxisse.

XXIII. Quod si de aliis jam loquamur Pontificibus: nullus quidem invenietur, qui Bulla aliqua dogmatica vel solemnî Definitione, in irritum miserit vel proscripserit Decreta hæc Constantiensia Sessiois V. Quinimo Eugenius IV. in ipsa Bulla *Moyses*, ubi Basileensis Concilii postrema Acta condemnat: (nempe quæ ab anno MCCCCXXXVII. post translatum Ferrariam Concilium decreta sunt) Ipsi Basileensibus opposuit auctoritatem Concilii Constantiensis, tamquam auctoritatem cujusdam Concilii Generalis & ineluctabilis. *Præsum ipso- rum Basileensium sensum, quem facta demonstrant, velut Sacrosanctæ Scripturæ, & Sanctorum Patrum, ET IPSIUS ETIAM CONSTANTIENSIS CONCILII sensui contrarium damnamus, &c.*

Tomo
XVIII.
p. 1206.

XXIV. Ut autem legentibus patefiat, quam immerito auctoritatem hujus Bullæ *Moyses* nobis objiciant Bellarminus, Duvalius, Justinianus, alique Romanæ Curie parasiti, perinde quasi ea Constitutione rite proscripta ab Eugenio fuerint Constantiensia Decreta: animadvertendum est, diu post, nempe anno
MCCCCXLVIII.

MCCCCXLVIII. (tum cum Nicolao V. jam Pontifice post Eugenium legitime designato, de componenda pace inter Nicolaum ipsum & ejus competitorem Felicem V. solliciti erant Christiani Principes, Duce Carolo VII. Gallorum Rege) illud inter alia capita Instructionis suæ postulasse Germanici Imperii Electores: *Instabit Dominus Rex Francorum, quod S. D. Nicolaus Papa V. Concilium Constantiense, Decretum Frequens, & alia ejus Decreta, sicut cetera Concilia Catholicam Ecclesiam representantia, ipsorum potestatem, honorem, & eminentiam, SICUT ET CETERI ANTECESSORES SUI, suscipiet, amplectetur, & venerabitur.* Abdicavit se Pontificatu Felix, protestatus in Litteris Cessionis a Raynaldo descriptis, Definitionem Constantiæ factam Sessione V. Definitionem quandam esse nulla umquam oblivione delendam. Protestati quoque sunt Patres Synodi Lausanenſis, qui Felicem V. secuti antehac fuerant; se pro vero & unico Pontifice amplecti Nicolaum V. *fida relatione intelligentes, ipsum eandem credere & tenere veritatem pro conservanda auctoritate Sacrorum Conciliorum IN SACROSANCTA SYNODO CONSTANTIENſI DEFINITAM ET DECLARATAM, in Sacro Basileensi Concilio renovatam, nec non a Prælatiſ, Regibus & Principibus, Universitatiſque Orbis susceptam, &c.* His conditionibus redintegrata pax est: his in Cardinalium Collegium admissus a Nicolao V. competitor ejus Felix. Quin etiam his non contentus Nicolaus, irritavit præterea edita Bulla *Tanto nos, quidquid Sententiarum & Processuum in Basileensi ediderat Eugenius IV. Tantum ergo abest, ut proscripta a Romanis Pontificibus fuerit quinta Sessio Constantiensis, ut potius ab iisdem probata censerī debeat.* Quapropter pergamus jam ostendere falsitatem aliorum argu-

To. XIX.
Concil.
p. 57.

Raynal.
ad ann.
1449.
num. 3.
& 4.

To. XIX.
p. 72.

gumentorum, quibus Constantiensis Decreti auctoritatem elevare conati sunt quatuor Cardinales, Joannes a Turrecremata, Thomas Cajetanus, Robertus Bellarminus, & Josephus Augustinus Orsius.

XXV. Omnes vero eo argumento tamquam insolubili in nos utuntur: nempe cum Constantiæ V. Sessio celebrata est, Concilio non interfuisse nisi Cardinales & Episcopos unius obedientiæ Joannis XXIII., qui, si Scriptores illos audimus, non amplius quam *tertiam partem* Ecclesiæ repræsentabant: aberant enim quotquot e Cardinalibus & Episcopis adhuc sequebantur alterutrum Antipapam, Gregorium XII. vel Benedictum XIII. Observandum autem est, præter Cardinales quamplurimos, fuisse tunc temporis Constantiæ Episcopos circiter ducentos e Germania, Anglia, Polonia, Suecia, Novergia, Dania, Hungaria, Bohemia, Gallia, Belgio, & maxima parte Italiæ: Antistites præterea Benedictinorum, Carthusianorum, Præmonstratensium, Cisterciensium, Dominicanorum, & Franciscanorum: Procuratores item innumerofque Doctores Academiarum Parisiensis, Bononiensis, Viennensis, Cracoviensis, Oxoniensis, & Pragensis: ad hæc Sigismundum Cæsarem cum Oratoribus omnium fere Regnorum supra commemoratorum. Atque horum omnium cœtum *tertiam* Ecclesiæ partem vocat Bellarminus: cum tamen Benedicto XIII. soli tunc obedirent Castellani, Aragonenses, & Navarri (num Lusitani nostri a Joanne XXIII. erant): Gregorio vero XII. soli parerent Scoti, Appuli, aliique minores Populi. Quintus autem annus jam erat, cum & Benedictum & Gregorium Pseudo-Papas declararat Generalis Synodus Pisana, qua convenerant cum Antistitibus omnium nationum supra descriptarum, Cardinales trium obedientia-

tiarum (a). Fateor equidem, post sententiam Concilii Pisani pugnasse adhuc Hispanos pro Benedicto, Scotos vero & Appulos pro Gregorio. Verum enim vero, præterquamquod utrique ad celebrandum Constantiæ Concilium invitati fuerant, & quidem invitati a vero Pontifice, qualis extitit Joannes XXIII. utrique paullo post ipsi Concilio sese adjungere: nempe qui a Gregorio erant, Sessione XII., qui vero Benedictum sequebantur, Sessionibus XXII. XXVI. & XXXV. Neutros vero præcedentium Sessionum Decretis vel tantillum repugnasse constat (b).

Sed

(a) Convenisse etiam e Lusitania cum Oratoribus Regis nostri Joannis I. Archiepiscopum Olisiponensem, Episcopum Lamecensem, & Moderatores cum Augustinianorum tum Franciscanorum, testantur Acta a Raynaldo producta in Annalibus ad annum MCCCCIX. num. 45.

(b) Hoc eodem argumento Constantiensia Decreta tuiti postea sunt a cavillis Eugenii IV. Basileenses Patres in Responsione Synodali an. MCCCCXXXIX. *Quod contradicere vult, inquit, de aliis obedientiis? Reclamavitne aliqua contra hujus veritatis declarationem?* (Conciliorum Tomo XVII. pag. 548.) Imo ex Actis Sessionis XL. aperte discimus, Decreto Sessionis V. non solum non restitisse, sed etiam re & verbo subscripsisse constatam dudum ex omnibus obedientiis totam Synodum Constantiensem. Nam in illa Sessione octodecim futuræ Reformationis capita ediderunt Patres, quorum unum illud erat: *Propter quæ & quomodo Papa possit corrigi vel deponi.* (Hardtius Tomo IV. pag. 1453.) Hujus autem capituli fundamentum esse Decretum Sessionis V. nemo non videt. Vidit certe Thomas de Corcellis in aurea illa oratione, quam describit Pithæus Cap. XII. num. 4. Vidit & Antonius Arnaldus in Libro Gallice inscripto: *Eclaircissement sur l'Autorité des Conciles Generaux & des Papes*, Cap. XIX. Probatione XI. Itaque hic adversus Bellarminum locum habet, quod

Sed ponamus neutros Concilio accessisse: ponamus utrosque Decretis prioribus repugnasse. Illud tamen recta ratio postulabat, ne tanta vis inesse crederetur quinque vel sex Christianitatis frustis (quorum omnium collectio quintam partem non æquabat eorum, qui ab initio Constantiæ fuerant; quinimo solus Deus scit, qua conscientia a Concilio abfuerint, qui eo proficisci invitati erant); Postulabat, inquam, recta ratio, ne tanta vis inesse crederetur paucis his Christianitatis frustis; ut sua absentia vel potius contumacia vigorem & auctoritatem eliderent vel elidere possent eorum Decretorum, quæ in publica Sessione constituta & promulgata fuerant ab Episcopis decem Catholicarum Regionum latissimarum, ex quibus una Germania totam Hispaniam & Scotiam superabat. Alioquin fateri debet Bellarminus, sub eo rerum statu Ecclesiam suam deseruisse Christum, eique abstulisse vel denegasse vires, quibus illa omnino indigebat ad tot hæreses & schismata e sinu suo propulsanda. Fateri debet, Ecumenicum non fuisse Concilium Ephesinum, a quo nimirum plusquam quadraginta Episcopi Antiochenæ Diœceseos abfuerint & dissenserint. Fateri debet, Ecumenicum quoque non fuisse Concilium Florentinum: in eo enim desiderati sunt, quotquot interim Basileæ remanserant, etiam post editam ab Eugenio celeberrimam illam Constitutionem *Moyse*. Sed reponunt quatuor Cardinales: cum quinta Sessio celebrata est, aberat jam a Concilio Romanus Pontifex, qui e Constantia furtim in Schafusam Austriæ oppidum

K

se

quod ipse adversus Cajetanum argumentatur Lib. II. de Romano Pontifice, Cap. 30. *Si Ecclesia invitata Papam deponit, certe Ecclesia est supra Papam.*

se receperat. Verissimum illud est sane . Sed nihilominus iudicavit & definivit tota Synodus, repræsentari in ipso Constantiensi Concilio Universalem Ecclesiam: hancque ejus Definitionem postea confirmavit Martinus V. Bulla *Inter cunctas* . Nihilominus tota Synodus eo perrexit, ut profugo Papæ diem dixerit: in ejus delicta inquisierit, ut scandalosum, incorrigibilem, & fuga ipsa schismati patrocinantem, Pontificatu privarit . Nihilominus in potestate se Synodi esse professus est exauctoratus Pontifex: atque in ejus locum substitutus est Martinus V., quem verum ac legitimum Pontificem fuisse nemo dubitat . Nihilominus multo ante Martini electionem errores Joannis Wiclefii Sessione VIII., errores vero Joannis Husii Sessione XV. condemnavit tota Synodus . Sessione autem XLII. eadem Bulla definivit Martinus V. condemnationes illas rite & juste factas esse, ac pro talibus habendas . *Quod dictæ condemnationes per Sacrum Generale Concilium rite & juste factæ sunt* . Ubi notatum velim, vocari a Papa *Generale Concilium* illud, quod Sessionibus VIII. & XV. celebratum est: quamvis ipse optime sciret, abfuisse jam tum Joannem XXIII. nondumque Concilio se conjunxisse Benedicti assecclas . Quo posito, utri, quæso, fidem habituri sumus? Concilio, an Bellarmino? Papæ, an Cardinali?

XXVI. Sed reclamant adhuc Bellarminus & Orsius . Fuerunt quidem, inquit, ordine & rite facta in Concilio, quæcumque in Wiclefum & Husium decreta sunt . Non ita vero se habuere Decreta Sessionis V. utpote non ante librata & discussa, sed temere promulgata . Hem, quam transversos a recte sentiendo homines agant præjudicatæ opiniones! Hac ratione facile erit hæreticis Definitiones quasque Generalium Conciliorum eludere, eo nem-

pe prætextu, quod temere, & nullo præcedente examine factæ fuerint. Quo admissio, nullus Canon, nullum Decretum valebit: sed nutabunt omnia & vacillabunt. Quid? quod nullo pacto ostendere adversarii nostri possunt, id quod Sessione V. decretum est, non fuisse antea probe discussum & examinatum? imo contrarium nobis persuadet cum ipsius rei gravitas, tum sapientia & prudentia Episcoporum ducentorum, nec non innumerabilium Theologorum & Jureconsultorum, qui Concilio interfuere, ibique sententias dixerunt. Adde quod eorum unus, isque omnium maximus, sapientissimus, & piissimus, nempe Joannes Gerson, in Tractatu de Potestate Ecclesiastica, secundo post anno elucubrato, Consideratione XII. plane adfirmat, Definitionem Sessionis V. veritatem esse *ex Theologia principis luce clariorem*. Non sic autem loqueretur Gerson, nisi principia illa jam ante a Theologis patefacta & discussa agnosceret. Atque illa quidem jam cum aliis discusserat anno MCCCLXXXI. clarissimus e Germania Doctor Henricus de Hassia in suo Concilio Pacis, Capite XIII. (a). Dis-

Gerson
Tomo II.
pag. 247.

Henricus
de Hassia
inter O-
pera Ger-
sonis To-
mo II.
pag. 824.

K 2

cusse-

(a) Henrici verba sunt, Tomo altero Gersonianorum operum pag. 824. *Universalis Ecclesia, cujus Concilium Generale est representativum, est superior Collegio Cardinalium, & omni alia particulari Congregatione fidelium, & omni cujuscunque dignitatis & presidentie persona, etiam Domino Papa, in casibus inferiorum exprimendis. Itaque potissimum ad tale Concilium, tamquam ad supremam auctoritatem, in presenti casu tangente totam Ecclesiam recurrendum est. Consequentia est notoria. Antecedens declaratur. Quia Ecclesia universalis non potest errare, nec mortali peccato esse obnoxia: itaque est superior Collegio Cardinalium cum Papa, qui hanc prerogativam non habet: quia de eo non est dictum? Et portæ inferiorum non prævalebunt adversus eam, Matth. XVI. 18., sed de Eccle-*

Plaollus cufferat item anno MCCCCIX. Sorbonicus
apud alter Petrus Plaollus in Oratione de eo argu-
Hardtii mento habita in Concilio Pisano Sessione XIII.
Tom. II. ex editione Hardtii (a). In
pag. 29.

*Ecclesia universali. Unde Anastasius Papa II. incidit in haeresim, & Marcellinus Papa in idolatriam, &c. ut legitur in Decretis & Gestis Summorum Pontificum. Confirmatur hoc: quia Collegium Papae cum Cardinalibus non videtur magis confirmatum, quam Collegium Beati Petri & ceterorum Apostolorum. Et tamen Petrus negavit Christum, & omnes Apostoli fugerunt ab ipso, & in fide vacillaverunt. Quid igitur dicere audebit, Collegium Papae & Cardinalium impeccabile esse, cum etiam a Christo institutum non inveniatur. Item quod etiam in Judiciis errare possit, & quod Concilio Generali subdit, probat Augustinus in epistula ad Eleusium, Felicem Grammaticum, & reliquos Donatistas: ubi loquens de Collegio Papae & Cardinalium dicit, quibus verbis eis adhuc dici possit & iustissime dici: Ecce putemus illos Episcopos, qui Romae judicaverunt, non bonos Judices fuisse. Restabat adhuc plenarium Ecclesiae universae Concilium, ubi etiam cum ipsis Iudicibus causa posset agitari, ut si male judicasse convicti essent, eorum sententiae resolverentur. Est igitur auctoritas Generalis Concilii major auctoritate Papae & Collegii Cardinalium. Quod etiam insinuat beatus Hieronymus ad Evandrum. Si auctoritas, inquit, quaeritur, Orbis major est urbe. . . . Item 19. *Distinct. super Capitulum Anastasius, glossa dicit*: Videtur ergo quod Papa tenetur requirere Concilium, alias Concilium Episcoporum: quod verum est, ubi de Fide agitur. Et nunc Synodus major est Papa. Item 15. *Distinct. in Capitulo Sicut Sancti, in fine, Archidiaconus jam dictam glossam approbans dicit*, quod Nimis periculosum est Fidem nostram committere arbitrio unius hominis. Haec ibi: lege & reliqua quae inibi sequuntur: sunt enim pleraque magni momenti. Hoc autem Henrici de Hafia opusculum ante Dupinum publici juris fecerat Hardtius Tomo II. Parte I.*

(a) Verba Actorum Pisanorum Sessione XIII. sic habent in editione Hardtii Tom. II. P. I. pag. 122.

Dis

In Sermone itidem Constantiæ habito in Fes-
to S. Antonii Abbatis, Concilio ipso audien-
te, testatur idem Gerson, hanc esse *decisionem* Gerson
clarissimam solidissimamque, fundatam supra pe- Tom. II.
tram Sacra Scriptura, ubi Christus Petro dixit: pag. 355.
Si Ecclesiam non audierit, sit tibi tamquam
ethnicus & publicanus.

Hanc ipsam doctrinam quamplurimis iisque
gravissimis testimoniis e Scriptura & Traditio-
ne petitis comprobat & illustrat idem Ger-
son, ante habitam Constantiæ Sessionem V. vi-
delicet anno MCCCCVIII. in Oratione ad O-
ratores Academiae Oxoniensis, quæ incipit: *Con-* Ibid. p.
gratulatur vestrae devotioni. Anno MCCCCXIV. 123.
in Tractatu de Modis uniendi & reformandi uni- Ibid. p.
versalem Ecclesiam, in Concilio, cujus initium est: 161.
Dolentes quarebamus te. Anno MCCCCXV. in
Sermone ad Patres Concilii, statim post fugam
Papæ habito, qui ita incipit: *Ambulate dum* Ibid. p.
lucem habetis. 201.

Quin etiam in sermone alio Constantiæ item
habito Sessione XVII. *Pro Viagio Regis Roma-*
norum, testatur idem Cancellarius Parisiensis,
multa de eodem hoc argumento, antequam
celebrata esset quinta Sessio, scripsisse Præce-

K 3

pto-

Die Mercurii XXIX. dicti mensis Masi adveniente,
servatis solemnitatibus & ceremoniis, ut supra, quidam
valentissimus Magister in Theologia, nuncupatus Petrus
Placul, ascendit pulpitum, & proposuit verbum Dei,
videlicet: Congregabuntur filii Juda & filii Israel
pariter, & ponent sibi met caput unum. Hof. I. in
sine. Et deduxit pulchre, exaltando Ecclesiam, & asse-
rens, eam esse supra Papam. Quod deduxit plurimis
rationibus &c. Et paullo post: Ipso autem descendente
de Cathedra, ascendit quidam Episcopus Italicus. Qui
opinionem centum & trium Magistrorum in Theologia,
& plurimum Licentiatorum, & Baccalaureorum forma-
torum, ac Universitatis Bononiensis, in quadam schedu-
la publicavit, quæ est conformis opinioni Universitatis
Parisiensis.

Ibid. p.
276.

ptorem suum Cardinalem Alliaccensem, qui unus e Constantiensibus Patribus erat. *Scripte super hoc errore vel scandalo Reverendissimus Pater Dominus Cardinalis Cameracensis, Præceptor meus inclytus, DUDUM ET NUPER, ANTEQUAM FIERET HÆC CONSTITUTIO.*

Postremo Theodoricus Niemus (a), qui vitam scripsit ipsius Joannis XXIII. & Constantiæ in Concilio fuit, ubi & mortuus est: postquam Libro II. Capite 8. enarrasset dictum quorundam Cardinalium, qui absentia & recessu Papæ dissolutum Concilium existimabant: e vestigio subjungit, quæ sequuntur. *Et eis responsum fuit acriter per plures de Concilio, viros magnæ auctoritatis & scientificos: scilicet, QUOD PAPA NON ESSET SUPRA CONCILIUM, SED ESSET SUB CONCILIO (b).* Et quidem ex ipsis Actis constat, quæstionem de auctoritate Concilii

(a) Protonotarius Apostolicus, idemque Episcopus Verdenſis, & postea Cameracensis, natione Germanus, multis editis Scriptis sæculo decimoquinto ineunte clarissimus.

(b) In horum sententiam pedibus se ivisse, plane ostendit idem Theodoricus in opere alio, quod *de Schismate universalis* scripsit, cujus Excerpta debemus Goldasto Tomo altero *de Monarchia S. R. I.* Parte II. pag. 1476. Sic enim habet Lib. III. Cap. XI. *Oportet esse Episcopum sine crimine, quasi Dispensatorem Dei, sed multo magis Papam, qui omnibus præest. Nec credo illud obſtare, quod Canonistæ dicunt, quod Papa nisi a fide sit devius, dejici non possit; & quod nemo judicat primam Sedem, quodque nullus potest auferre auctoritatem vel potestatem, quam conferre non potest. Quæ licet teneantur, tamen in putativo & contendente de Papatu in schismate variantur nec subsistunt: nec etiam intelliguntur rationabiliter in uno & indubitato Papa, malefico, & Ecclesiam scandalizante; quia ille revera dici non potest Christi Vicarius, quia Christi opera & mandata non sequitur, nec observat, in detrimentum maximum Christianorum, &c.*

cilii supra Papam antea sæpius agitatam & discussam fuisse inter Patres & Theologos, quorum principes semper habiti sunt Parisienses cum Constantiæ, tum etiam alibi.

Quæ hucusque observavimus, satis erant cum ad revincendas tergiversationes Bellarmini & Orsii; tum ad manifestandam prudentiam ac solerriam, qua in efformando & publicando Decreto Sessionis quintæ usi sunt Constantienses Patres. Verum hæc nos in ea urbe, in eoque Regno scribimus, ubi alte nostrorum animis infixæ sunt Ultramontana placita: idque non alia de causa, quam quod veritatem illi e libris melioribus discere hæcenus neglexere. Oportet ergo immorari nos paullo diutius in demonstrando, quanti ab omnibus faciendum sit Decretum tam illustis Concilii, quam fuit Constantiense.

XXVII. Hoc ergo Decretum toto sæculo XV. quo celebratum est Constantiense Concilium, a Catholicis Episcopis & Theologis receptum esse, tamquam Decretum quoddam dogmaticum, seu fundamentalem Regulam totius jurisdictionis spiritualis Ecclesiæ respectu omnium quorumcumque Pontificum, ac pro omnibus & quibuscumque temporibus & casibus: factum quidem est, quod planissime demonstratur ex iis Scriptoris, qui vel Concilio ipsi interfuere, vel paullo post inclaruere. Inter eos qui Concilio interfuere principem locum obtinet Petrus de Alliaco Cardinalis & Episcopus Cameracensis, qui in Tractatu de Auctoritate Ecclesiæ, Concilii Generalis, & Romani Pontificis, Constantiæ composito anno uno cum dimidio post celebratam Sessionem V. ita scribit Parte III. Capite II. *Hæc conclusio* (nempe quod Papa subjiciatur iudicio Concilii Generalis etiam extra casum hæresis) *in condemnatione & depositione Joannis Papæ XXIII. præ-*

At calcem Tomi II. Gerson Oper. p. 951.

Elicata est per hoc Sacrum Concilium Generale, cujus determinationi contradicere non licet. Mox Capite III. erroneam vocat contrariam doctrinam ex eo, quod Constantiensibus Decretis ad- versetur. Præmissam opinionem erroneam esse, satis patet ex actis in hoc Sacro Concilio.

Ibid. p. 956.

*Gerson
Tom. II.
pag. 231.
& 275.
& 303.
& 355.*

Secundo loco est Parisiensis Cancellarius Jo- annes Gerson, qui in suis Operibus Constan- tiense Decretum identidem laudat & describit ad verbum, tamquam Regulam quandam Ca- tholicæ Fidei. Nempe in Tractatu de Potesta- te Ecclesiastica, Consideratione IV. (qui Ses- sione XXVI. publice lectus fuit:) in Sermo- ne pro Viagio Regis Romanorum, in eodem Con- cilio habito, secundo mense post publicatum Decretum Sessione V. in Sermone S. Antonii Abbatis, habito item Constantiæ coram Con- cilio anno secundo post celebratam eandem Ses- sionem V. & in Tractatu, *An liceat in causis Fidei a Summo Pontifice appellare?* Qui tertio anno post habitam eandem Sessionem scriptus fuit.

Tertius nobis occurrit clarus ille ex Hispa- nia Theologus Benedictini Ordinis, Andreas Escobarius, Episcopus Megarensis: qui in Gu- bernaculo Conciliorum adfirmat primo, se Con- stantiæ fuisse in Concilio, cum Decretum quin- tæ Sessionis publicatum est die sexta Aprilis, anno MCCCCXV., atque eadem ipsa die con- cionatum se esse coram Patribus. *Me qui hæc scribo, eadem die coram Concilio sermocinante.* Adfirmat præterea, Decretum hoc definitum ac promulgatum esse in Concilio de consensu, beneplacito, & mandato Patrum omnium. *Præ- sentibus omnibus Cardinalibus S. R. E. & multis Archiepiscopis, Patriarchis, Episcopis & Prælati- bus, ac diversorum Principum Ambassiatoribus, & Illu- strissimo Principe Domino Sigismundo Romanorum Rege, de consensu omnium, beneplacito & mandato,*

*Hartdus
Tom. VI.
p. 153.
& 154.*

Sacro-

Sacroſanctum Concilium Conſtantiense promulgavit & promulgari fecit & definivit hoc perpetuum ſtatutum in quinta Sessione, &c. Adfirmat item, Decretum hoc Conſtantiense prædicari, ſcribi, promulgarique debere, tamquam unum ex capitibus Catholicæ Fidei. Et quamvis in eo tres tantum caſus exprimantur, in quibus Generalia Concilia Romano Pontifice ſuperiora ſint: nempe caſus Fidei, ſchiſmatis, & reformationis Eccleſiaſticae in capite, & in membris: non propterea tamen fuiſſe mentem Concilii, ſuam in Papam auctoritatem aliquo pacto coarctare: ſed tribus illis indicatis ostendere, in omnibus ipſo Pontifice ſuperiora eſſe Concilia Generalia: omnia enim ſub tribus illis a Conſtantiensi Decreto indicatis comprehendendi. *Hoc Decretum, inquit, de Po-teſtate Conciliorum affirmatum & decretatum in Sacris Conciliis Conſtantiensi & Baſileenſi, debet ita per Sacra Concilia ſæpius prædicari, ſcribi perpetuo & promulgari, quod præcipiatur cunctis fidelibus Chriſtianiſ aq-ue firmiſſime & ſine dubitatione credi, ſicut creditur aliquis articulus fidei, &c.* Et ruruſ: *Ex quibus ſequitur, quod ſimpliciter & ſine additione debet teneri & credi, quod po-teſtas Eccleſiæ in omnibus eſt major quam po-teſtas Pa-pæ, in auctoritate, in ju-riſdictione, & in executione.* Et infra de ipſa verborum generalitate agens: *Duobus Decretis, inquit, Concilii Conſtantiensis comprehenditur quidquid eſt corrigendum, quidquid eſt reſormandum, quidquid eſt emendandum in Clero, in Populo Chriſtiano, & in Pontifice Romano. Quia ponuntur in eis tres gradus, in quibus Papa ſubjicitur Concilio & eſt inferior eo. Primo quod ſubjicitur in his quæ ſunt fidei & reformationis cujuſcumque. Secundo ſubjicitur in his omnibus quæ pertinent ad fidem & reſormationem. Tertio ſubjicitur in pertinentibus ad*

Ibid. p. 300.

Ibid. p. 316.

per-

pertinentia ad fidem & reformationem . Et hic gradus est tantæ extensionis , quod vix excogitari potest , quod non sub ipso comprehendatur .

XXVIII. Maximi fane momenti est in rem nostram superius testimonium . Auctorem enim habet Theologum gravissimum , qui & Concilio interfuit , & natione Hispanus erat : ut uno ictu proinde Andreas Escobarius omnes machinationes dejiciat , quibus Constantiensia Decreta evertere conati sunt Cajetanus , Bellarminus , & Orsius . Inde enim constat , licet Sessione V. a Concilio adhuc abfuerint Hispani : tamen post exauctoratum in Concilio Antipapam Benedictum XIII. , cui antehac adhæsisset , consensisse mox cum ceteris nationibus Hispanos ipsos in recipienda Decreta , recipiendasque Definitiones quascumque a Concilio prius factas & promulgatas . Constat Decretum Sessionis V. non pro eo tantum tempore intelligendum esse , quo divisa Ecclesia sit , vel dubius Pontifex : sed pro omnibus temporibus , ac de uno etiam atque indubitato Pontifice , qui quovis tempore Ecclesiæ Dei præsit . Constat verba illa Decreti , *in his quæ pertinent ad fidem , & extirpationem schismatis , & reformationem universalis Ecclesiæ in capite & in membris* : non restrictionis , sed exempli gratia posita esse : illisque proinde contineri casus quoscumque , ubi e re Ecclesiæ visum fuerit , sua in Papam auctoritate uti Concilium Generale . Constat denique , Decretum promulgatum esse , coram omnibus Cardinalibus , deque unanimi consensu , approbatione , & mandato omnium Patrum : proindeque unum ex illis Decretis esse , quæ Martinus V. approbavit tum , cum Sessione XLIV. in publico Consistorio protestatus est , probari sibi rataque haberi quæcumque a Concilio promulgata essent

Con-

Conciliariter: hoc est, in publica Sessione, atque toto Concilio consentiente (a).

XXIX. Ad extremum moneo, testimonio hocce Episcopi Megarensis usum dubio procul fuisse Illustrissimum Bossuetum, si ad annum jam tunc habuisset: est enim gravissimum & luculentissimum. Sed cum *Defensionem Declarationis Cleri Gallicani* sub finem superioris sæculi scribebat laudatissimus Præsul, eruditorum plerosque adhuc latebat Escobarii Opusculum. Sub illud enim tempus *Gubernaculum Conciliorum* ex arcanis Helmitadiensis Bibliothecæ Codicibus Mss. primus edidit Hermannus Vonder-

(a) Postulabant summa contentione a Martino V. Poloniæ Regis Legati Sessione XLIV. ut fœdalem Librum Joannis a Falkemberga, jam rite damnatum per Deputatos in causa Fidei, ac etiam per omnes Nationes Concilii, in Sessione publica per Sacrum Concilium damnetur, seu publice damnationi pronuntiaretur. (Hardtius Tomo IV. pag. 1550.) Negavit ea damnatione opus esse Pontifex: sive quod Concilium diutius prorogatum nollet, sive quod existimaret, doctrina Joannis Parvi damnata Sess. XV. damnatum consequenter esse hunc libellum, sive qualibet alia de causa. Itaque imposito omnibus silentio, dixit, quod omnia & singula determinata & conclusa & decreta in materiis fidei per præsens Sacrum Concilium Generale Constantiense CONCILIARITER, tenere & inviolabiliter observare volebat, & nunquam contravenire quoque modo. Ipseque sic CONCILIARITER facta approbat & ratificat, &c. (Hardtius ibid., pag. 1557.) Atqui pertinere ad fidem ea, quæ pertinent ad interpretationem divini juris, & ad traditam immediate a Christo sive Petri Successoribus, sive Episcopis in Concilio Generali sedentibus potestatem; quis, quæso, inficias ire possit? Ergo Decreta Sessione V. adprobabat & rata declarabat Martinus V. cum probari sibi & rata haberi protestabatur, quæcumque in materiis fidei Conciliariter determinata & conclusa & decreta Constantiæ fuerant.

der-Hardtius. Jam diu tamen monuerat in *Bibliotheca Antiqua Hispanie* Nicolaus Antonius, reperiri etiam hoc Opusculum in Mss. Vaticanis: optandumque esse, ut illud Collectioni Conciliorum a se adornatæ inseruisset Labbæus. Quin & illud ego ab eodem Nicolao Antonio didici, cognomen laudatissimo huic Hispano fuisse *Escobarium*: neque adpellandum *Andream Episcopum Magorensem*, ut ab Hardtio Hardtiumque secuto Febronio ubique adpellatur: sed *Andream Episcopum Megarensem*, quæ Achajæ urbs est inter Athenas & Corinthum sita, cujus ille Titularis, opinor, fuit Episcopus (a).

XXX. Quarto loco pro aperiendo sensu Constantiensium Decretorum nobis adsunt multi o Basileensibus Patribus, qui & ipsi Constantiensi Concilio interfuerant: in his tres Archiepiscopi: Bituricensis, Lugdunensis, & Arelatensis (b), qui fuit Beatus Ludovicus Allemandus, a Martino V. factus Cardinalis, idemque postea sanctorum albo adscriptus a Clemente Papa VII. Etenim Sessione II. anno MCCCCXXXII. habita (quam dubitare nemo potest fuisse legitimam & Œcumenicam, ac pro tali habitam ab Eugenio IV. in Bulla
Du-

(a) *Gubernaculum Conciliorum* Andreas scribebat post annum MCCCCXXXII. Eundem tamen post novissimas turbas Basileenses ad Eugenii partes transvolasse, colligo ex Actis Concilii Florentini, ubi Decreto unionis subscriptus invenitur *Andreas Episcopus Megarensis*. (Concil. Tomo XVIII. pag. 529.)

(b) Pro quo male in Lusitana editione scriptus fuit *Cameracensis*. Quod si anonymum Scriptorem audimus, qui *Analyfin seu Ideam Generalem Conciliorum* Gallice edidit. Coloniae anno MDCCVI. *La plupart des Peres qui s'etoient trouvez à Constance, se rendirent encore à Bâle.*

Dudum Sacrum), Constantiensia Decreta (a) *Concil.*
adlegavere Basileenses, ut fundamenta quædam *T. XVII.*
totius Reformationis Ecclesiasticæ : idque eo *p. 236.*
tempore, quo idem Eugenius unus atque in- *& 287.*
dubitatus Papa habebatur : Concilioque præsi-
debat delegatus ab Eugenio ipso Julianus Car-
dinalis, qui & Constantiæ fuerat. Cum autem
statim ab initio Concilium dissolvere, aliud-
que Bononiæ celebrare conaretur Eugenius :
hæc molienti impigre obstitere Basileenses, pro-
testati sæpius in Responsionibus Synodalibus :
salva auctoritate Constantiensium Decretorum
(ut salvam esse oportebat), in potestate Eu-
genii non esse Concilium dissolvere suo arbi-
tratu : imo se Concilii Decretis submittere de-
bere ipsum Eugenium. Uno in loco ita disse-
rebant. *Quis jam de potestate Concilii super omnes* *Ibid. p.*
alias potestates ambigere poterit, tot irrefragabili- *458.*
bus testimoniis comprobata? Ex quibus manifeste
constat, auctoritates quas de summi potestate Pon-
tificis allegastis, non probare quominus ipse Pon-
tifex mandatis universalis Ecclesiæ & Concilii Ge-
neralis obedire teneatur. Sed id dumtaxat probant,
quod omnes singulares homines particularesque Ec-
clesiæ, ipsi Pontifici obedire debent, nisi in iis
quæ huic Sacræ Synodo & cuilibet alteri legitime
congregatæ præjudicium generarent. Nam etsi sit
caput ministeriale Ecclesiæ, non tamen est major
tota Ecclesia : alioquin errante Pontifice, sicut sæ-
pe contigit & contingere potest, tota erraret Ec-
clesia, quod esse non potest. In alio ita : Hoc *Ibid. p.*
quod dixit Christus, Si peccaverit in te frater *459.*
tuus,

(a) Non adlegavere tantum, sed describere etiam ad verbum: idque non solum Sessione II., sed rursus etiam Sessione XVIII., cum se jam Concilio iterum adjuunxisset Eugenius edita Bulla *Dudum Sacrum*, quæ Actis Sessionis XVI. inserta est. ●

tuus, dic Ecclesiæ; omnes homines comprehendit. Et quod Petrus & ejus Successores illa auctoritate comprehendantur, ostendit Paulus, qui in faciem restitit Cephæ coram omnibus. Ecclesiæ enim dixisse videtur, qui coram omnibus dixit. Probe quidem agnoscimus, septimo post anno, hoc est, anno MCCCCXXXIX. Bulla Moyse damnata ab Eugenio esse Acta Basileensia: sed quænam, quæso, Acta damnata? ipsa Bulla testante, non alia sane, quam quæ translationem Concilii in Ferrariam subsecuta sunt anno MCCCCXXXVII.

Cusa p.
738.

XXXI. Ex his qui Constantiæ quidem non fuere, sed paucis tamen post annis de hoc argumento scripsere; habemus Cardinalem de Cusa & Canonicis Regularibus S. Augustini Episcopum Brixensem, qui Libro II. de Concordantia Catholica, ad calcem Capitis 17. hæc habet: Manifestum est ex his, universale Concilium simpliciter supra Papam esse, nec amplius de hoc opus est exempla producere, quum habeamus varia Decreta Sacri Basileensis Concilii, & etiam Constantiensis, quomodo Papa dicatur subesse Conciliis. Et licet Constantiense tantum in tribus casibus loquatur, clarum est, quod omnes Canones facti, aut amplius factibiles, ad ipsos reducuntur. Et Capite 20. In his tribus jam definitio precessit in Constantiensi Concilio amplius indisputabilis & immutabilis. Habemus clarissi-

Ibid. p.
748.

Carthus.
Tom. X.
fol. 370.
vers.

mos ejusdem ævi Carthusianos duos, Dionysium Rickelium Belgam, & Jacobum de Paradiso Germanum, qui id ipsum pariter adfirmant. Ille in Tractatu de Auctoritate Papæ & Concilii Generalis, supra a nobis jam laudato, Articulo XIX. hic vero in Tractatu de Septem Statibus Ecclesiæ, a Goldasto recusso. Observandum autem est, a Jacobo non laudari solum Constantiense Decretum, ut Regulam quandam fundamentalem & dogmaticam; sed etiam

Goldastus
Tomo II.
p. 1571.

etiam receptum ab omnibus generaliter per totam Ecclesiam ipsum Dēcretum dici . Nam de Romanis verba faciens ita scribit : *Totaliter nituntur suffocare auctoritatem Conciliorum , contra decretationem ab omnibus acceptam , in Constantiensi & Basileensi Generalibus Conciliis publice promulgatam .*

Habemus præterea inclytas Academias quatuor : Coloniensem , Erturdiensem , Viennensem , & Cracoviensem : quæ mentem suam de auctoritate Conciliorum aperire jussæ anno MCCCCXL. omnes Constantiense Decretum pro fundamentali Ecclesiæ Lege habendum judicavere . Qui illarum sententias legere volet , adeat Bulæum in *Historia Universitatis Parisiensis* , Tomo V. Habemus denique ejusdem ætatis tres alios Scriptores longe gravissimos , unum quidem Hispanum , duos vero Italos .

XXXII. Hispanus est clarissimus Joannes de Segovia , Archidiaconus Ovetensis , & postea Archiepiscopus Cæsariensis , qui in Basileensi Concilio Theologum egit cum Salmaticensis Academiæ , tum Joannis II. Castellæ Regis anno MCCCCXXXII. Heic magnus ille vir spiritum Opus de *Ecclesiastica Potestate* elucubravit , quod quidem dolendum est nondum per typographos cum litterario Orbe communicasse quemquam . Unum illud e suis Mss. hujus Operis Fragmentum nobis dedit novitius e Germania Scriptor Hardtius , quod ita habet : *Constat in Generalibus Conciliis factos fuisse plurimos Canones ad regulandas actiones Summorum Pontificum . Ex quo docemur , quod Ecclesia se habet ad Papam ut formalis causa . Potestas enim Papæ est informabilis & dirigibilis per regulas Ecclesiæ . Unde manifeste patet , quod illud verbum : Nemo potest dicere Papæ , Cur ita facis , vel simile , non comprehendit Generale Concilium . Et licet de his hætenus fortasse fuerit dubium apud ali-*

Bulæus
Tom. V.
p. 460.
& 462.
& 471.
& 479.

Hardt.
Tom. VI.
pag. 7.

aliquos: jam tamen ut nemini liceat dubitare, super hac materia facta fuit per Ecclesiam declaratio in Concilio Constantiensi Moguntinensis Provincia, die VI. Aprilis Anno Domini MCCCCXV. sub hoc tenore, &c.

*Hardt.
ibid. p.
16.*

XXXIII. Duorum Itatorum primus est Nicolaus de Tudeschis, Cardinalis & Archiepiscopus Panormitanus, unde & nomen accepit: qui in eodem Basileensi Concilio vastum quoque Librum composuit de *Auctoritate Concilii supra Papam*, unde sequens Fragmentum descripsit memoratus Hardtius. *Hodie cessent disputationes, glossæ, & opiniones Magistrorum, per declarationem veritatis factam in illa magna Synodo Constantiensi: ubi fuit declaratum, quod in his quæ pertinent ad fidem, & ad extirpationem schismatis, & ad reformationem Ecclesiæ universalis in capite & in membris, Concilium est super Papam.* Doctrinæ hujus a Panormitano traditæ meminit illustris Martinus Navarrus in Commentariis ad Caput Novit, *De Judicis*, quos ille Conimbricæ dictavit an. MDXLVIII. Panormitanus, inquit, quem frequentius nostri sequuntur. Unde & illud habemus, communio hanc esse opinionem Canonistarum. Anno vero MDLXXVIII. Olisipone typis commissa est *Defensio Tridentinæ Fidei*, Auctore magno illo Sebastiani Regis apud Tridentinam Synodum Theologo, Didaco Paiva Antradio. Qui Libro I. fol. 19. Decreta Constantiensia e Sessione IV. & V. laudat, tamquam Decreta Catholicæ Fidei, saltem qua parte definiunt, Concilium Generale repræsentare Ecclesiam universalem, habereque immediate a Christo suam auctoritatem. Folio 30. ostendit & propugnat, confirmatione Pontificia minime opus esse, ut Definitionibus Concilii Generalis sua vis constet & infallibilitas. Folio 36. docet ex Turcremata, dissidentibus inter se Concilio & Papa,

Papa, standum esse potius iudicio Concilii quam Papæ. Audin' quam a Majorum placitis aliena dogmata in Lusitaniam invexerit magisterium Jesuiticum!

XXXIV. Panormitanum excipit Æneas Silvius, qui antequam sub nomine Pii II. Romanus Pontifex esset, Concilii Basileensis a Secretis fuerat: & Libro I. de Gestis ejusdem Concilii hæc scribit: *Illud in primis cupio notum, quia Romanum Papam omnes qui aliquo numero sunt, Concilio subjiciunt. Et infra: Sufficere nobis Constantiense Concilium posset, cujus non minor auctoritas fuit, quam illorum quatuor, quæ illustris Doctor Gregorius ut quatuor Evangelia venerari se dicit. Paulo ante monuerat idem Scriptor, contrariæ doctrinæ tantummodo patrocinari eos, qui vel adsequendis honoribus vel captandæ gloriæ inhiabant. Sive avidi gloriæ, sive quod adulando præmia expectant (a).*

Silvius
p. 773. &
774. edit.
Pinson.

Ibid. p.
772.

L

Quod

(a) Unus de horum numero fuit Nicolaus de Cusa, qui cum diu Basileensi Synodo summa cum laude interfuisset & adhæsisset, idemque sub priori dissolutione ab Eugenio tentata tres Libros de Concordantia Catholica conscripserat pro sacrorum Conciliorum auctoritate: (opus sane elaboratissimum & optimæ frugis) tandem ab ipso Eugenio spe honorum amplissimorum delinitus, Basileensium partes deseruit, factusque est postea Cardinalis & Episcopus Brixienfis. De eo enim hæc memoriæ prodidit idem Æneas Silvius initio prioris Libri de Gestis Concilii Basileensis pag. 764. *Ex his quamplures Moguntiam perrexerunt, Eugenium siqua parte quirent defensuri. Hercules autem omnium Nicolaus Cusanus existimatus est, homo & priscarum litterarum eruditus, & multarum rerum usu perdoctus: cujusque dolendum sit tam nobile ingenium ad illa schismatis studia diverfisse, ut legatione ad Græcos vigore falsi Decreti fungeretur. Sed Cusani exemplum aliquot post annos secutus est idem Æneas: nam sive avidus gloriæ, sive adulando*

Ad cal-
cem To-
mi II.
Gerson.
p. 1144.
Hardui-
nus Con-
cil. Tom.
IX. p.
1450.

Quod ipsum octogesimo anno post admonuit & Joannes Major Theologus Parisiensis, in Commentariis ad Caput XVIII. Matthæi his verbis: Concilium raro congregatur, nec dat Dignitates Ecclesiasticas: Papa dat eas: hinc homines ei blandiuntur, dicentes quod solus potest omnia: quadrare rotunda, & rotundare quadrata, tam in spiritualibus, quam in temporalibus. Illud magis admirationem movet: quod Æneas ipse jam Pontifex factus Pius II. eadem Bulla *In minoribus* ab Harduino descripta, ubi Basileensis Concilii Acta posteriora damnat; Constantiense Concilium nihilominus pro Ecumenico, sancto, & legitimo Concilio veneratur: ejusque Definitiones de potestate Ecclesiastica adprobare & amplecti se dicit. Cum his & Generalis Concilii auctoritatem & potestatem complectimur, quemadmodum & ævo nostro Constantiæ, dum ibi fuit Synodus universalis, declaratum definitumque est. Veneramur enim Constantiense Concilium, &c. (a).

XXXV. Ex tota hac Dissertatione nostra facile

do præmia expectans, & Basileensium doctrinam ejuravit, & omnia a se pro Basileensibus scripta revocavit.

(a) Est & illud memorabile, quod in eadem Bulla *In minoribus* adfirmat Pius II. pag. 1453. *Ade- rant* (Basileæ) *Legati Parisiensis Scholæ*, cujus est fama percelebris: *adsuerunt* & aliquando *vestri* & *aliorum studiorum Germanicæ nationis oratores*: & uno cum *Ei ore Concilii Generalis auctoritatem ad cælum efferebant*. Et infra de Juliano Cardinale jam ad Eugenii partes converso loquens: *Turbamus antiquam sententiam, ille novam defendebat. Extollebamus Concilii Generalis auctoritatem: ille Apostolicæ Sedis potestatem magnopere collaudabat*. Adeo vel in ipsa Bulla, in qua Constantiensia Decreta oblique impetelât, diffiteri ausus non est Pius II. antiquam esse, & celeberrimis quibusque Academiis unice probatam eam doctrinam, quæ Concilium Pontifici præferebat.

cile jam intelliget unusquisque lector, cur Sancti Patres atque ipsi etiam Romani Pontifices, & Generalium Conciliorum Canonibus. & receptis ubique per Ecclesiam moribus, accepta retulerint multa de privilegiis & decoribus Romani Primatus. Veluti cum ad Orientales ita scribebat Julius Papa: *An ignoratis, Canonem esse Ecclesiasticum, ut prius nobis scribatur, &c.* Patres item Chalcedonensis Concilii Canone XXVIII. *Sedi senioris Romæ, eo quod urbs illa imperaret, jure Patres privilegia tribuerunt.* Similiter Afri Episcopi in Synodica ad Theodorum Papam, ubi de Romano Pontifice sermo est: *Cui etiam in honorem Beatissimi Petri Patrum Decreta peculiarem quandam sanxere reverentiam.*

Intelliget, cur Nicæni Patres, ubi Canone VI. majorum Diœcesium fines descriptos designatosque voluere: non ad Constitutionem aliquam provocarint Romani Pontificis, sed ad solam consuetudinem ubique invalescentem in Ecclesia a temporibus Apostolorum. *Antiqua consuetudo servetur per Ægyptum, Pentapolim & Libyam: ut Alexandrinus Episcopus horum omnium administrationem habeat. Similiter & apud Antiochiam &c.* Illi etiam qui secundo Generali Concilio interfuere, Canone II. *Juxta Canones, inquit, Alexandrinus Episcopus quæ in Ægypto sunt regat solummodo: & Orientis Episcopi Orientem tantum gubernent, &c.* Ex quo sequitur, divisionem Diœcesium non esse a divino jure, sed ab humano Ecclesiastico: id quod post S. Hieronymum a Gratiano laudatum in Capite Olim, Dist. 93. observavit Cardinalis Cusanus Libro II. *de Concordantia Catholica*, Cap. 13. Ad hæc divisionem ipsam non unius Papæ auctoritati adscribi debere, sed auctoritati potius totius Corporis Ecclesiæ in id conspirantis, sive lege sive consuetudine: prout docent Gerson in

Lib. *de Potestate Ecclesiastica*, Confid. IX. Cardinalis Cusanus Lib. II. Capite 32. Illustrissimus Petrus de Marca Lib. VI. *de Concordia*, Capite I. Illustrissimus Bossuetus Lib. VIII. Capite 15. novæ editionis : Ludovicus Dupinus Dissertatione I. quæ est de *Forma & Distributione Ecclesiarum*, §. 7. & Dissertatione IV. quæ est de *Primatu Romani Pontificis*, Capite II. §. 3. Edmundus Richerius Libro I. *Historiæ Conciliorum Generalium*, Capite II. numero 14. & Capite III. numero 17. quo quidem nullus Theologorum melius pertractavit hoc argumentum.

XXXVI. Intelligit etiam, cur Pontificibus jus non sit abrogandi vel labefactandi Canones Conciliorum Generalium : neque spoliandi Episcopos prærogativis illis, quas eorum Ordini a primis sæculis adnexas voluit Ecclesia. Intelliget, Pontifices ipsos non Dominos, sed Executores esse Ecclesiasticorum Canonum : atque Canonibus ipsis potius, quam suamet auctoritate innixos, obviam ivisse olim ipsos Pontifices conatibus cum Eusebianorum, tum Meletii & Flaviani Antiochenis, tum Theophili Alexandrini, tum etiam Anatolii & Acacii Constantinopolitanorum, tum aliorum denique Autocephalorum Episcoporum. Id quod plane adfirmat S. Gelasius in Epistula IV. ubi de Prædecessore suo Felice III. verba faciens ita scribit : *Executorem fuisse veteris instituti, non novæ constitutionis auctorem. Quod non solum Præsuli Apostolico facere licet, sed & cuicumque Pontifici* (a).

In-

(a) Huc spectat illud Liberii Papæ in epistula ad Constantium Imperatorem : *Nunquam mea statuta, sed Apostolica, ut essent semper firmata & custodita perfecti. Secutus morem ordinemque majorum, nihil addidi Episcopatu urbis Romæ, nihil minui passus sum.*

Et

Intelliget, Papam quidem in Ecclesia esse supremum Principem; sed non ita tamen supremum, ut Legibus totius Corporis minime subjaceat. Formam item regiminis a Christo instituti & ab Apostolis exerciti; formam quidem esse regiminis Monarchici, sed Aristocratico tamen & Democratico temperati: quemadmodum diserte docuit apud Constantiensem Synodum Cardinalis de Alliaco in *Tractatu de Auctoritate Concilii Generalis & Romani Pontificis*, Parte II. & Gerson in suis Operibus passim, consentientibus ceteris, quos hucusque laudavimus & secuti sumus (a).

L 3

In-

Et illud Innocentii I. ad Victriculum Rothomagensen: *Non quo nova precepta aliqua imperentur, sed ea quæ per desidiam aliquorum neglecta sunt, ab omnibus observari cupimus, quæ tamen Apostolica & Patrum traditione sunt constituta.* Et illud Bonifacii I. ad Hilarium Narbonensem: *Quod nequaquam possumus ferre patienter, quia convenit nos paternarum sanctionum diligentes esse custodes.* Et illud Leonis Magni ad Martianum Imperatorem, ubi de observandis Nicænis Canonibus agit: *In quo opere auxiliante Christo fideliter exequendo, necesse est perseverantem me exhibere famulatum: quoniam dispensatio mihi credita est, & ad meum tendit reatum, si paternarum regulæ Sanctionum, quæ Spiritu Dei inspirante sunt conditæ, me connivente violentur.*

(a) Gerson de Potestate Ecclesiastica Confid. IV. pag. 231. de loco illo agens Matthæi XVIII. 15. *Si te non audierit, dic Ecclesie, hoc modo differit: Fundatur absque omni calumnia possibili in hoc textu plenitudo potestatis gladii spiritualis, & executio ejus in Ecclesia, super quemlibet Christianum, qui est frater noster, etiamsi Papa fuerit.* Rursus Confid. VIII. pag. 227. *Teneatur ergo suum judicium, & maneat Ecclesiastica Politia optimo regimine, quale fuit sub Moyse gubernata, quoniam mixta fuit ex triplici Politia. Regali in Moyse: Aristocratica in LXXII. Senioribus: & Timocratica dum de populo & singulis tribubus sub*
Moyse

Intelliget denique, titulos illos *Capitis & Pastoris Ecclesie universalis, Patris & Magistri omnium Christianorum*, quos Eugenius IV. in Concil. Bulla *Letentur Celi* apud Concilium Florentinum edita anno MCCCCXXXIX. adferit jure divino competere Romano Pontifici: singulos eo in sensu accipiendos esse, quem declararat Martinus V. Eugenii Prædecessor in Bulla *Inter cunctas*, apud Constantiense Concilium promulgata an. MCCCCXVIII. Articulus Joannis Wiclefi XLI. talis erat: *Non est de necessitate salutis credere, Romanam Ecclesiam esse supremam inter alias Ecclesias.* Hunc Sancta Synodus primum, deinde Martinus V. hac censura confixit: *Error, si per Romanam Ecclesiam intelligat universalem Ecclesiam aut Concilium Generale, aut pro quanto negaret Primatum Summi*

Hartd.
Tom. IV.
p. 1525.

Pen-

Moyse rectores sumebantur. Idem Confid. XIII. pag. 254. postquam ex Aristotele explicasset triplicem Politiam civilem; nempe Monarchiam, Aristocratiam, & Timocratiam: e vestigio dicere pergit in hunc modum: *Omnis Politia Ecclesiastica, siue dominetur unus, siue pauci, siue plures boni, dicitur proprie divina: quia secundum leges supernaturales debet quilibet regulationem accipere. Et ita perspicuum est, quod tres istæ Politie uniuntur in Ecclesia, aliter quam in civili Politia, propter divine legis unitatem. Et paullo infra: Possumus conformiter ad prædictam Philosophi Politiam tripliciter distinctam, in naturali regimine Politiam Ecclesiasticam dividere: quod alia est Papalis, alia Collegialis, alia Synodalis, seu Concilii Generalis. Papalis imitatur Regalem: Collegialis Dominorum Cardinalium imitatur Aristocraticam: Synodalis Generalis imitatur Timocratiam, vel potius est perfecta Politia, quæ resultat ex omnibus. Idem in Sermone super Processionibus pro viagio Regis Romanorum, Parte III. Direct. II. pag. 279. Esset omnium optima & saluberrima Politia, quæ triplicem hanc bonam complecteretur, Regalem, Aristocratiam, & Timocratiam. Est autem Generale Concilium Politia talis*

com-

Pontificis super alias Ecclesias particulares. Unde colligitur, Summum Pontificem esse quidem Caput, & Magistrum, & Pastorem universalis Ecclesiæ; sed Ecclesiæ quidem universalis distributive sumptæ (ut ajunt Philosophi), hoc est, spectatæ in singulis Ecclesiis particularibus; non vero collective sumptæ, hoc est, spectatæ ut universalis, & acceptæ pro toto Corpore, vel pro Concilio Generali illud representante. Namque secundo hoc sensu non est Papa Caput Ecclesiæ nec Concilii Generalis, sed Christus tantummodo. Imo huic Ecclesiæ sic generatim & pro toto Corpore sumptæ Papa ipse est subditus, ut membrum & filius ejusdem Ecclesiæ, licet nobilius & superius singulis aliis membris.

XXXVII. Scilicet id erat, quod dicebant

L 4

Pa-

composita, &c. Denique ut alia omittamus, idem in Tractatu de Statu Summi Pontificis, Confid. II. pag. 530. *Papatus has Politiarum species (nempe Aristocratiam & Democratiam) non excludit, sed assumit: quemadmodum de Sacro Dominorum Cardinalium Collegio, & de Generali Concilio videre est.* Quod igitur Gerson cum in Libro de Auferibilitate Papæ, Confid. VIII., tum aliis in locis Papam Monarcham vocat, ac pro Monarcha habendum decernit: id eo sensu intelligendum est, quatenus respectu singulorum Christianorum singularumque Ecclesiarum supremus in Ecclesia Catholica Princeps, supremusque Canonum Executor & Vindex est Romanus Pontifex: vel quatenus ipse, certis quibusdam casibus exceptis, quorum cognitio ac decisio ad Concilium Generale spectat: cetera omnia summo jure summoque imperio moderatur. Consule sis Nicolaum Cusanum Libro II. de Concordantia Catholica Cap. 20., Edmundum Richerium de Ecclesiastica & Politica Potestate Cap. III. & seqq., Illustrissimum Bossuetum Lib. I. Appendicis Cap. III., & Ludovicum Maiburgum de Ecclesia Romana Cap. XXV.

Patres Concilii Basileensis: *Papam esse superiorem in Ecclesia, sed non Ecclesia superiorem*. Id erat, quod prædicabat Gerson in Sermonem S. Antonii Abbatis: *Dandam esse supremam & plenam Summo Pontifici potestatem Ecclesiasticam, sed in comparatione ad fideles singulos & ad particulares Ecclesias*. Addebat hoc sensu intelligenda esse; quæcumque de suprema Papæ potestate tradidisset uterque Sanctus Doctor, Thomas & Bonaventura. Atque in eandem doctrinam consentiunt Theologi ceteri, quos supra citavimus: e Cardinalibus Zabarella, Alliacensis, & Cusanus: ex Episcopis Abulensis, Megarensis, & Cæsariensis: Panormitanus item, Aeneas Silvius, & ipsæ Academiæ Parisiensis, Coloniensis, Viennensis, Erfurdiensis, & Cracoviensis. Audiatur pro omnibus una Coloniensis, quæ ab Archiepiscopo suo sententiam rogata ita respondit an. MCCCCXL. *Ecclesia Synodaliter congregata habet supremam jurisdictionem in terris, cui omne membrum Ecclesiæ, cuiuscumque dignitatis fuerit, etiam Papalis, obedire tenetur*. Et paullo inferius: *Omnes obedire tenentur Christo suæque Sponsæ Ecclesiæ, in qua prima præsentia est Sedis Apostolica, SUPER OMNES ALIAS ECCLESIAS PARTICULARES ET SEDES INFERIORES, non super totam universalem prælatæ*.

Tom. V.
Hist. Uni-
vers. Pa-
ris. pag.
460.

XXXVIII. Confirmet superiora omnia celebris Glossa Capituli *A recta ergo*, Decreti Parte II. Causa XXIV. 9. *Quæro de qua Ecclesia intelligas, quod hic dicitur, quod Ecclesia errare non potest? Si de ipso Papa, qui Ecclesia dicitur? Sed certum est quod Papa errare potest (a).*

Re-

(a) Si Papa, etiam quatenus Ecclesia dicitur, errare potest: errare utique potest ut Papa. Atqui Glossæ Auctori, nempe Bartholomæo Brixienti, qui

12

Responde: ipsa Congregatio fidelium hic dicitur Ecclesia, & talis Ecclesia non potest non esse, nam Dominus orat pro Ecclesia: Ego pro te rogavi, ut non deficiat fides tua: & voluntate laborum suorum non fraudabitur. Confirmet Glossam Innocentius Papa III. qui ad Philippum Augustum Galliarum Regem scribens ita inquit Lib. XV. Epist. 106. *Si super hoc ABSQUE GENERALIS DELIBERATIONE CONCILII determinare aliquid tentaremus, præter divinam offensam & mundanam infamiam, forsitan ordinis & officii nobis periculum immineret.*

Innocentius Tomo II. p. 639. edit. Baluz.

XXXIX. Superest pro finienda longissima hac Dis-

faculo XIII. florebat sub Gregorio IX., hac etiam in parte præverat ipse Decreti Auctor Gratianus in Caput *Ita Dominus*, Dist. XIX. 7. ipso fatente Melchior Cano Libro VI. *de Locis Theologicis*, Cap. 1. Manavitque hæc eadem doctrina ad posteros etiam ante Concilium Constantiense: ut ex egregio loco Jacobi Furnierii Cardinalis S. Priscæ, postea Benedicti Papæ XII. ab Aimerico ejusdem ævi scriptore memorato in Directorio Inquisitorum, Part. I. Quæst. XVII. observavit Illustriss. Bossuetus in Dissertatione Prævia, §. XLVIII. & Dupinus in Probationibus Quartæ Propositionis Cleri Gallicani, pag. 732. Est & illud memorandum, quod eadem Glossa habet in Caput *Legimus*, Dist. XCIII. ad illud Hieronymi. *Si auctoritas queritur, orbis major est urbe.* Sic enim scribit: *Est hic argumentum, quod statuta Concilii præjudicant statuto Papæ, si contradicant.* Et rursus in Caput *Nemo*, Causa IX. Quæst. III. *Cum Papa peccat, potest ejus peccatum etiam Ecclesie denuntiari, secundum admonitionem Evangelii.* Et in Caput *Si Papa*, Dist. XL. *Certe credo, quod si notorium est crimen Papæ, quandocumque inde scandalizatur Ecclesia, & incorrigibilis est, quod inde possit accusari: nam contumacia dicitur hæresis dist. 81. Can. Si qui Presbyteri.* Adeo certum erat vel ipsis Canonistis apte Basileenses turbas, Papam Generali Concilio Ecclesiam representanti subiacere, etiam extra casum hæresis.

Differtatione satisfacere postremo argumento, quo Decreta Constantiensia oppugnant Theologi de Curia. Desumptum autem est ex Bulla *Pastor aternus*, a Leone X. in Lateranensi Quinto Concilio edita: ubi Pontifex ille adferit, *Romanum Pontificem supra omnia Concilia potestatem habere*. Mirum vero, quam exultent hoc Leonis testimonio memorati Theologi, præsertim Bellarminus Lib. II. *de Conciliis*, Capite 13. & Andreas Duvallius Parisiensis Doctor, qui a Perronio Cardinale subornatus, initio superioris sæculi inter alia elucubravit Tractatum *De Suprema Romanorum Pontificum Potestate*, ubi majorum doctrinæ nuntium remittens, acerrimum se præbuit Ultramontanorum placitorum defensorem. Uterque tamen Theologus, cum negare non auderet, Bullam haud præferre notas dogmaticæ Definitionis; fassus tandem est, nihil ex illa concludi posse, quo terrendi essent suffragatores contrariæ doctrinæ. Nam Parte IV. Libri sui, Quæstione VII. id profitetur Duvallius: *Non tantum neutram harum opinionum hæreticam esse, sed & neutram esse erroneam & temerariam*. Causa vero illa est: quoniam ex una parte, ipso fatente Bellarmino & Duvallio, certum non est, Lateranense Quintum Concilium fuisse Ecumenicum. Nam ex Episcopis & Cardinalibus vix interfuere octoginta, atque horum quidem plerique ex Italia collecti: exteros enim a Romano itinere prohibebant bella, quibus tunc temporis flagrabat Italia, dissidentibus inter se, deque Mediolanensi Ducatu acriter contendentibus Gallis & Germanis, quibus utrinque fœderati alii se adjunxerant. Ex alia parte memorata Leonis verba Bullæ inserta inveniuntur non per modum definitionis, sed per modum narrationis vel ratiocinationis Theologice. Dudum vero admonuit magnus Canus Libro

Duvallius
Tom. III. Bibl.
Pontif. p.
564

bro VI. Capite 8. in Constitutionibus Pontificiis aliud esse intentionem conclusionemque Decreti, aliud rationem & causam (a). Intentio ergo Bullæ una erat, abrogare Pragmaticam Sanctionem Caroli VII. Gallorum Regis. Hinc pro re nata varia argumenta concessit Leo X. pro suprema auctoritate Pontificum Romanorum.

Canus p.
202. no-
væ edit.

XL. Hæc autem argumenta adeo infirma sunt, ut si quis contendat pro dogmatico Decreto habendum id esse, quod loco illo docet Bulla Leonis; nã is pro Catholicæ Fidei Dogmate nobis obtrudat id, quod ad fidem pertinere nullo modo evincitur ex testimoniis adlatis ab ipso Papa, vel a Theologo quopiam artifice Bullæ. Ex Sacris Scripturis unum illud pro Suprema Romani Pontificis auctoritate in ipso mox Bullæ initio urget Leo. *Petri Successoribus, ex Libri Regum testimonio ita obedire necesse est, ut qui non obedierit, morte moriatur.* Nolo scribæ oscitationem coarguere, Libris Regum adscribentis testimonium illud, quod (ut in vetustis aliquibus Lateranensis hujus Concilii exemplaribus ad oram adnotatum est) in uno Deuteronomii Libro reperitur, nempe Capite XVII. versu 12. Non debet tamen silentio a nobis premi, non solum in hac Bulla *Pastor aternus* Leonis X. sed etiam in

Ca-

(a) Hocce Cani principio innixus, sumptum e Lateranensi Concilio argumentum egregie diluit Lanojus, quem vide in Epistula ad Ludovicum Maræsum, quæ est XI. Libri I. pag. 114. & seqq. ubi & illud invenies adnotatum. In Lateranensi Concilio adfuerunt tantum Cardinales, Episcopi, Presbyteri, & Diaconi, XVI. Patriarchæ & Assistentes Papæ & Oratores XI. Archiepiscopi & Episcopi LIII. Abbates & Ordinum Generales V. omnes octoginta quinque: magnam partem ex Italis constans Synodus.

Capite *Per venerabilem*, 13. *Qui filii sint legitimi*, Innocentii III. mutilum vel corruptum laudari hujusmodi testimonium. Laudatur mutilus in Bulla *Pastor aternus*: quia ita laudatur, quasi sic in Sacra Scriptura legeretur: *Qui non obedierit Sacerdotis imperio, morte moriatur*. Laudatur corruptus in Capite *Per venerabilem*: ac si talis esset in Apographo: *Qui non obedierit Sacerdotis imperio, decreto judicis moriatur*. Atqui sincerus locus, qualem vulgata Editio repræsentat, alium plane sensum exhibet. Sic enim habet: *Qui non obedierit Sacerdotis imperio & decreto judicis, morte moriatur*. Nempe ut crimen capitale esset, debebat reus duobus non obedire, non autem soli Sacerdoti. Adde, quod ex sensu allegorico (qualis a Leone X. & Innocentio III. adhibetur) exploratum est apud Theologos, non bene probari dogma Catholicum. Quin etiam monuit jampridem nos Illustrissimus Petrus de Marca Libro II. Capite 5. e Politia Synagogæ male ad Ecclesiæ Politiam argumentum trahi. *Non bene merentur*, inquit, *de Romano Pontifice, nec de Regibus Christianis, qui auctoritatem harum dignitatum in Ecclesia Christiana ex institutis Judaicis metiuntur*.

Marca P.
I. p. 70.

XLI. Traditionis Monumenta a Leone producta hæc sunt quæ sequuntur. Primum: Epistula Synodi Alexandrinæ ad Felicem Papam sub S. Athanasio: quam cum reliquis ab Isidoro Mercatore evulgatis, ut spuriam & supposititiam rejiciunt hodie nostri critici ad unum omnes: idque Baronio duce ad annum CCCLVII. Accedit, quod etiam si hanc Epistolam ut genuinam admitteremus, nihil illa faveret Leoni. Alterum: unius Leonis Magni auctoritate translata esse Chalcedonem Secundam Synodum Ephesinam. Id vero cum ipsa Historiæ veritate pugnat: ex qua constat, Synodum Chalcedonensem celebratam fuisse anno uno post

post conclusam & solutam Ephesinam. Imo ex Actis liquet, primum auctorem convocandæ Synodi fuisse Martianum Imperatorem, approbante licet & consentiente S. Leone Papa. Legatur Natalis Alexander Dissertatione XI. in Historiam Quinti Sæculi. Tertium: nullo Episcoporum adsensu expectato, translatam pariter esse Basileam a Martino V. Synodum Senensem. Ego vero in Bulla ejusdem Pontificis, quæ incipit, *Dum onus*, invenio de communi consensu Papæ & Episcoporum decretam esse hujusmodi translationem. In Concilio, inquit, *Senensi per nostros & Apostolicæ Sedis Nuncios tum in dicto Concilio præsidentes, eodem, approbante Concilio Civitas Basileensis deputata extitit*. Atque ita translationem fieri oportebat ex Decreto *Frequens* Constantiæ edito, quod idem Martinus adlegat.

Concil.
To. XVIII.
p. 226.

Cetera exempla laudata a Leone X. nihil aliud sunt, quam communes quidam loci tantum generatim probantes maximam illam observantiam, qua Romanos Pontifices semper prosecutæ sunt & prosequi debent ipsæ Synodi Œcumenicæ. Legatur Epistula Launoji ad Ludovicum Maræsum, quæ est XI. Libri I.

XLII. Quod si quis præterea verba pensitarit Theologorum quorundam gravissimorum, qui diu post celebratam Lateranensem Quintam Synodum etiam extra Galliam hoc idem argumentum de auctoritate Conciliorum versavere: exinde rursus ipse conficiet non immerito, Bullam Leonis X. non esse dogmaticam; nihilque auctoritatis per illam detractum esse de Constantiensibus Decretis. Joannes Driedo Lovaniensis Doctor apud Belgas, Lib. IV. de *Ecclésiasticis Dogmatibus* Capite 4. (quod Opus Lovaniæ primum editum est an. MDXXXIII.) quæstiones illas agitans, de quibus loquimur: *Utrum Successor Apostoli Petri sit prælatus omnibus*

bus aliorum Episcoporum Ecclesiis? Utrum universalis Ecclesie auctoritas sit major auctoritate seu potestate Papæ, an e contrario? hæc e vestigio subiungit: Videntur has quaestiones solvere doctrina Christi & determinatio Constantiensis Concilii. Doctrina quidem Christi in Evangelio docentis: Si peccaverit in te frater tuus, dic Ecclesie, &c. Cum ergo Papa sit frater & membrum in corpore Christi, consequens videtur, quod ipse aut a fide devians aut scandalose vivens, sit subiectus iudicio Ecclesie, cui in toto Apostolorum Collegio designate Christus ibidem inquit: Quaecumque alligaveritis super terram, &c. Item & definitio Concilii Constantiensis Sessione V. declaravit & confirmavit, quod illa Synodus, &c.

Antonius a Corduba Hispanus Theologus Ordinis Minorum, isque doctissimus, & qui Tridentino Concilio interfuit, Lib. IV. Quaestionum Theologicarum, Quaestione IV. Utrum Concilium sit super Papam, vel e converso? Opinio prima est, quod Concilium est supra Papam indistincte, quam sequitur innumerabilis turba Doctorum utriusque Juris, & Universitas Parisiensis, & quaedam alie Universitates amplexæ sunt, &c. Toleti primum editum est huiusmodi Opus an. MDLXXVIII. teste Bibliotheca Franciscana.

Dominicus Sotus & ipse Hispanus ex Prædicatorum Ordine, idemque unus de primariis Theologis Tridentinis, in IV. Sententiarum, Distinctione XX. Quaestione I. articulo 4. Non aliter Concilium habet auctoritatem a Summo Pontifice, quam quod Episcopi creantur ab ipso: & e contrario, si aliqua ratione Concilium est supra Papam, non est quod ipse a Concilio recipiat auctoritatem; sed quia omne membrum, etiam caput, est pars totius, & ideo tenetur stare decreto & sententiae totius.

Franciscus de Victoria, Hispanus & ipse Theologus ex eodem Ordine; cujus eximie lit-

Driedo
p. 566.
Lovan.
1533.

Sotus p.
555. Lo-
van. 1573.

litteraturæ, quando alia deessent, illud nobile argumentum foret, quod apud Salmaticenses Primarium Theologiæ Professore egerit, ibique discipulum habuerit magnum illum Canariensem Episcopum Melchiorem Canum. Is Franciscus de Victoria in Relektione *de Potestate Papæ & Concilii* cum aliis cusa Salmanticæ anno MDLXV. in hunc modum scribit: *De comparatione potestatis Papæ est duplex sententia: altera S. Thomæ & sequacium multorum & aliorum Doctorum tam in Theologia quam in Jure Canonico, quod Papa est supra Concilium: altera est communis sententia Parisiensium, & multorum aliorum Doctorum in Theologia & Canonibus, ut Panormitani & aliorum: quod Concilium est supra Papam.*

XLIII. Optandum sane esset, ut Theologi de Curia, ubi de Parisiensibus placitis verba faciunt, tam viderentur a partium studiis alieni, quam ante ducentos annos, ac diu post celebrata Concilia Florentinum & Lateranense erant primarii Theologi de Hispania; nondum scilicet illorum mentes præoccupantibus Libris Bellarmini, Aguirrii, Rocabertii; & Orsii. Ut autem intelligas, eadem omnino cum Hispanis sensisse tunc temporis Lusitanos; jam in superioribus exposuimus, quid de illismet questionibus scripserit & senserit apud Coniurbricenses laudatissimus Doctor Navarrus, cum anno MDXLVIII. Caput *Novit, De Judiciis*, suis commentariis illustraret. Nunc autem postremo loco ostendemus, quænam temporibus illis sententia fuerit magni Didaci Payvæ Andradii, Sebastiani Regis apud Tridentinam Synodum Theologi; tum cum a iugo & servitute, quibus postea a Jesuitis Magistris oppressæ sunt, liberæ adhuc erant Lusitanæ Scholæ.

Ejus incomparabile Opus, quod inscribitur
De-

PARS I. PRIN

nesarium etiam ab illis scelus ad-
 fasticarum legum severitatem dispe-
 meritate relaxent, & levitate magis quam
 fitate ad dispensandum inducantur. Id cum con-
 firmasset Payva illis Gelasii I. & Leonis IV.
 testimoniis, quæ nos ipsi, antequam apud Pay-
 vam legissemus, alio jam in loco laudavimus:
 orationem suam his ille verbis tandem con-
 cludit: *Quod fortasse Concilium Constantiense per-* *Ibid. fol.*
movit, ut quævis suprema etiam in Ecclesia au- *49.*
toritate fulgentem, Concilii sanctionibus subjectum
esse dixerit: quippe quia horrenda sint in eos sup-
plicia a Deo constituta, qui leges sanctissimas fran-
gunt, aut de earum severitate quidquam nullis
legitimis de causis remittunt.

Qui de Constantiensi Concilio ita loquitur,
 is sane neque illud contemnit, neque repro-
 batum judicat. Illud porro scite observat Jo-
 annes Launojus Libro III. Epistula 3. nume-
 ro 82. ex eo quod graviter peccant Romani
 Pontifices abrogando vel immutando nulla de
 causa leges Conciliorum Generalium, (pecca-
 re autem fatentur omnes Theologi) recte col-
 ligi, legibus ipsis Pontifices subjacere. Nemo
 enim peccat in legem, cui ipse non subest.

Pastores autem sola facit cura ovium : quibus illi providere debent , quidquid ad spiritualem earum conservationem & vitam opus fuerit . Namque propter solas oves curandas & pascendas Pastores Christus instituit , qui sunt Episcopi . Augustinus Libro II. *contra Cresconium*, Capite XI. *Neque enim Episcopi propter nos sumus , sed propter alios sumus .* Nemo autem inficiari potest , uno illo maxime indigere oves Christi seu fideles ejus populos , ut aliquo sive morbo sive periculo laborantibus misericorditer & paterne quis subveniat , remittens illarum gratia severitatem Canonum & Legum Ecclesiasticarum . Neque enim summo jure in omnibus , vel rigore nobis utendum : ut præclare omnino cum Tridentinis Patribus Sessione XXV. Capite 18. docent Paschalis Papa II. in Epistula XLII. ad Anselmum Cantuariensem , & Ivo Carnotensis in Proœmio Decreti sui . Cum ergo hinc potestas relaxandi Canones accessorium quoddam sit , quod divelli ab Episcopatu non potest : hinc exercitio hujusmodi potestatis summopere indigeat Ecclesia : maximo sano damno adficeretur ipsa Ecclesia , vergeretque in destructionem potius , quam in ædificationem instituta a Christo potestas ; si clauso Romano itinere non possent Episcopi illa in subditos œconomia uti , qua per Canones uti licet .

Hinc colligebat magnus Gerson , nullam ex certis quibusdam Reservationibus Pontificiis , quantavis antiquitate pollentem , præscribere aut valere quidquam posse adversus publicam utilitatem Ecclesiarum & Dioecesium : jusque proinde esse Episcopis eas contemnere , ubi aliter ovium suarum perniciēs vitari non posset . *Exurgant Prælati Ecclesiæ offerentes Deo sacrificium justitiæ , & has rapinas , furta , & latrocinia Romani Curie (his ille nominibus Refer-*

Tom. IX.
p. 415.

Gerson
Tom. II.
pag. 184.

vationes donat) dignentur penitus amovere: quia non possunt in detrimentum universalis Ecclesiæ stare aut præscribi, cum sint contra naturam propriam corporis mystici, & contra omnem ordinem justitiæ, &c.

II. Huic argumento vires addunt testimonia gravissimorum illorum Theologorum, & Canonistarum, quæ Parte altera hujus Dissertationis sum descripturus: omnes enim consentiunt, in illo rerum statu devolvi rursus ad Episcopos jurisdictionem pristinam, quæ in illis quidem existimari non debet delegata, sed ordinariæ.

Vires quoque addit cum consuetudo, tum communis persuasio, quæ Episcopis semper insedit ut crederent; impedito ad Apostolicam Sedem accessu vel causa bellorum, vel occasione alicujus longi schismatis, vel prohibitione Principum Supremorum: posse Episcopos dispensationes & absolutiones elargiri in omnibus casibus Papæ reservatis, quoties ex mora in grave salutis suæ discrimen adducuntur subditi. Ita judicarunt & reipsa fecerunt, Avenionensi schismate per annos quadraginta conflante, cum Episcopi Hispani anno Christi MCCCXCIX. sub Rege Henrico III. tum Galli anno MCCCCVIII. sub Rege Carolo VI. Ita judicarunt & reipsa fecerunt, dissidentibus inter se Ludovico XII. & Julio II. iidem Gallicæ Episcopi: dissidentibus vero Philippo II. & Paulo IV. iidem Episcopi Hispaniæ. Quæ omnia aliaque ejus generis Documenta etiam in Secunda Parte Dissertationis hujus describam.

III. Ut penitus intelligatur penitusque illustretur Sextum hoc Principium, opus est meminisse Theologiæ cujusdam, quæ licet apud omnes Sanctos Patres vulgaris sit & explorata; erunt fortasse ex lectoribus meis nonnulli, qui ignorent. Scilicet ut Grex Christi unus est
in

in multos divisus (unde & ipsa Ecclesia una dicitur, licet in plures divisa sit), ita cura ipsius gregis communis est omnibus Pastoribus, nempe Episcopis: ut aliis deficientibus, adcurrant alii ad oves Christi pascendas (a). S. Cyprianus Epistula LXVIII. *Et si pastores multi sumus, unum tamen gregem pascimus; & oves universas, quas Christus sanguine suo & passione quasivit, colligere & fovere debemus. Et rursus alio loco: A Christo una Ecclesia per totum mundum in multa membra divisa. Item Episcopatus unus, Episcoporum multorum concordia numerositate diffusus. S. Augustinus Libro I. contra duas Epistulas Pelagianorum, Capite 1. Communis est*
M 3 nobis,

Cyprianus pag. 293.

August. Tom. X. p. 412.

(a) Tractat hoc argumentum egregie Natalis Alexander Scholio III. in Dissertationem IV. Sæculi I. Tomo III. editionis Parisiensis pag. 117., ubi hanc propositionem tuetur. *Episcopos universalis Ecclesie curam suslinere ratione caritatis, qua prosequi Ecclesiam, eique subsidium ferre debent: non ratione auctoritatis; qua universali Ecclesie præsent: vel ratione auctoritatis in tota Ecclesia, non quidem semper exercendæ, sed in Ecclesie necessitatibus & periculis. Quo illud sane spectat Epiphani in epistula ad Joannem Jerosolymitanum Tomo II. pag. 312. Ob Dei timorem hoc sumus facere compulsi: maxime cum nulla sit diversitas in Sacerdotio Dei, & ubi utilitati Ecclesie providetur. Nam etsi singuli Episcopi habent sub se Ecclesias, quibus curam videntur impendere; & nemo super alienam mensuram expenditur; tamen præponitur omnibus caritas Christi, in qua nulla simulatio est. Nec considerandum quid factum sit, sed quo tempore, & quomodo, & in quibus, & quare factum sit. Item illud Pauli Papæ II. in epistula scripta ad Archiepiscopum Colocensem anno MCCCCLX. Quia unum corpus & unus spiritus omnes sumus, qui unum Deum, unam fidem prædicamus & colimus. Unde & unitatem firmiter tenere & vindicare debemus omnes Episcopi, ut Episcopatum quoque, ut B. Cyprianus inquit, unum & indivisum comprobemus.*

nobis, qui fungimur Episcopatus officio, specula pastoralis. Facio quod possum pro mei particula muneris, quantum mihi Dominus dare dignatur. S. Cælestinus Papa I. Epistula ad Synodum Ephesinam: Hereditario in hanc sollicitudinem jure constringimur, quicumque per diversa terrarum loca Apostolorum vice nomen Domini prædicamus. S. Joannes Chrysostomus Oratione de laudibus Eustathii Antiocheni: Edoctus probatus fuerat a spiritus gratia, Ecclesie Antistitem non de illa solum, quæ ipsi ab spiritu sit commissæ, curam debere gerere: verum etiam de universa, quæ per orbem terrarum degit, &c.

*Concil.
Tom. III.
p. 1143.*

IV. Hinc porro sequitur, deficiente vel impedito Supremo Pastore, qui est Romanus Pontifex; posse ac debere Episcopos spiritualiter providere necessitatibus omnibus suorum subditorum. Nam sola hac ratione vere dici potest, numquam Christi gregi deesse pastores. Sola hac impositum sibi munus strenue exequuntur Episcopi, quibus dixit Paulus Apostolus: *Attendite vobis & universo gregi, in quo vos Spiritus Sanctus posuit Episcopos regere Ecclesiam Dei.* Sola hac facient Episcopi, ne cum eis Deus ita exoptulet, quemadmodum apud Ezechielem legimus: *Quod infirmatum est, non confortastis: & quod male habuit, non corroborastis: & quod tribulatum est, non consolidastis (a).* Sola hac imitatores se gerent S. Athanasii quem eo nomine celebrat S. Gregorius Nazianzenus Oratione XXI. quod cum Alexandrinæ Ecclesiæ præsideret, ea tamen sollicitudine eoque zelo ceteris consulebat, ut universalis Ecclesiæ

(a) Cum hæc primum describebam, mihi erat ob oculos Cyprianus, qui Ezechielis locum e Græco expressit pene ad verbum. Vide Sabatierii Notas in Ezechielis XXXIV. 4.

siæ Episcopus videretur. Quod ipsum de illo
 adfirmavit S. Basilius Cæsariensis Epistula LXIX. *Basil.*
 alias LII. *Tantam geris omnium Ecclesiarum cu-* *Tom. III.*
ram, quantam ejus quæ tibi peculiariter a Deo *pag. 161.*
concredita est. Sola hac exemplum sequentur
 S. Eusebii Episcopi Samosatensis, qui, ut Theo- *Theodor.*
 doretus memorat Libro IV. Capite 13. cum *pag. 166.*
 sub Valentis persecutione multas Ecclesias pa-
 storibus viduatas invenisset in Syria, Phœni-
 ce, & Palæstina, quas & ipse extorris factus
 peragrabat: multos ibi ordinavit Episcopos, li-
 cet ipse simplex quidam Suffraganeus esset ab
 Euphratesia. Denique sola hac ejus se Theo-
 logiæ sectatores profitebuntur, quam re & ver-
 bo docuere Galli Episcopi, cum in Encyclica
 Epistula 10. Januarii, anno MDCXXXI. ita
 scribebant: *Limites habet Jurisdictio Episcopo-* *Operibus*
rum, non habet caritas. Omnes illud Apostoli *Petri An-*
usurpare & possumus & debemus: Instantia mea *relii præ-*
quotidiana, sollicitudo omnium Ecclesiarum. *fixa extat.*
 Itaque veteri atque Apostolico instituto, si qua in
 nostris Paræciis schismata oriuntur aut hæreses,
 auctoritate compescimus: si alibi, medemur amo-
 re; qui tum demum Christo dignus est animarum
 nostrarum Episcopo, cum omnes complectitur, si-
 cut pro omnibus ille mortuus est. Hæc cum di-
 cimus, non est illud nobis propositum, ut E-
 piscopis auctores simus invadendi in alienas
 Paræcias: sed ut omnes intelligant, in eo re-
 rum statu, in quo Supremus Pastor impeditus
 sit providere necessitatibus Christiani gregis;
 posse ac debere Episcopos vicem ejus supplere,
 singulos in singulis Paræciis.

PRINCIPIUM VII.

Quando a Regibus & Supremis Principibus prohibentur subditi Romam adire, nihil ad Episcopos pertinet investigare, recte, an secus prohibeantur: sed obedire ipsis debent, subditisque interim providere, quidquid ad eorum spirituale bonum opus fuerit.

Doctrina Apostolorum de obedientia Supremis Principibus exhibenda.

Testimonia SS. Athanasii, Augustini, & aliorum Patrum de eodem argumento.

PROBATIONES.

I. **E**Thices Evangelicæ Principium est: ubi Princeps suo jure utatur, ipsaque præcepti materia neque divino jure, neque naturali legi repugnet (tunc enim obedire oportet Deo magis quam hominibus, ut inquit Apostolus): debere nos dicto audientes esse Principi. Audiamus Apostolorum Summum Pontificem, in sua priori Epistula, Capite II. *Subjecti estote omni humanae creature propter Deum: sive Regi quasi præcellenti, sive Ducibus tamquam ab eo missis. Et mox: Servi subditi estote in omni timore dominis, non solum bonis & modestis, sed etiam dyscolis (Græce: sed etiam asperis & pravis). Hæc est enim gratia, si propter Dei conscientiam sustinet quis tristitias patiens injuste. Hac doctrina Christianos imbuebat S. Petrus, jubens obedire eos non invite Principibus legitimis, etiamsi tam essent injusti & improbi, quam ipse Nero, quo imperante hæc scribebat Apostolus (a). Ut ejusdem Scholæ disci-*

(a) Estius in epistolam Petri pag. 1130. *Quo tempore scripta fuit hæc epistula, princeps imperii Romani*
erao

scipulus, tradit eandem doctrinam S. Paulus in Epistula ad Romanos Capite XIII. ubi ita scribit: *Qui resistit potestati, Dei ordinationi resistit. Ideo necessitate subditi estote, non solum propter iram, sed etiam propter conscientiam (a).*

II. Sic a Christo & Apostolis instituti passim docent antiqui Patres, Principi quantumvis injuste, suo tamen jure suaeque auctoritate utenti, parendum esse in omnibus: nisi forte ea imperet, quæ vel cum divina vel cum naturali lege pugnent. Is Tertulliani sensus erat cum ita scribebat: *In omni obsequio subditos nos esse debere potestatibus intra limites disciplinæ.* Is Augustini erat, cum ita dicebat: *Sive potestas veritati favens aliquem corrigit, laudem habet ex illa qui fuerit emendatus: sive inimica veritati in aliquem sæviat, laudem habet ex illa qui fuerit coronatus.* Et rursus: *Ita a plebibus Principes & a servis Domini ferendi sunt, ut sub expectatione tolerantia sustineantur temporalia, & sperentur æterna.* Quid iniquius imperari potest, quam pelli in exilium fidei causa Christianum? Et tamen in Epistula XIII. ad Rogatianum affirmat S. Cyprianus, Christianum eum, qui injussu Imperatoris vel Proconsulis ethnici ab

exi-

erat Domitius Nero, Christianorum gravissimus persecutor, sub quo Petrus ipse qui hæc scribit, & Paulus martyrium subierunt. Liqueat ergo ex doctrina Apostolica, Principibus etiam infidelibus & valde malis obediendum esse.

(a) Estius hic pag. 156. Non solum propter iram, id est, propter poenam evadendam, quam leges minantur: sed etiam & maxime propter conscientiam, id est, quia animus noster lege naturali & divina informatus hoc nobis dicit & loquitur, principibus obediendum esse tamquam Dei ministris & vicariis: ac proinde nos in Deum peccare, si minus illorum dictis, & imperatis aquiescentes fuerimus.

- exilio revertitur, non jam ut Christi amicum, sed ut Cæsaris inimicum pœnas dare. *Alius in patriam, unde extorris factus est, regreditur, ut deprehensus non jam quasi Christianus, sed quasi nocens pereat.* Sanctus quidem Eusebius Episcopus Samosatensis, cum eum sua plebs prohibere vellet, ne in exilium profisceretur, contra ac jusserat Valens, teste Theodoro Lib.
- Cypr. p. 190.*
- Theod. p. 167.* IV. Capite IV. *Legem Apostolicam recitavit, qua diserte praecepit obediendum esse Magistratibus ac Potestatibus: hortatusque ut pro Apostolica doctrina fortiter propugnarent, ad Istrum perrexerit.* Similiter duo alii Catholici Episcopi, Eleusys Cyzici, & Sylvanus Tarfi: cum ipsis depositionem ab Episcopatu impius Constantius minaretur, nisi in Ariana dogmata consentirent: eodem Theodoro referente Libro II. Capite 27. *dixerunt Imperatori, penes illum jus esse statuendi de supplicio: penes ipsos vero de pietate atque impietate.* Et S. Athanasius in Apologia ad eundem Constantium, numero 26. *diserte protestatur, non ingressurum se in Alexandriam, unde ipsius jussu erat extorris factus, nisi sibi ingrediendi facultatem daret Imperator.* Pietatis tuae mandato minime repugnari: *neque Alexandriam ingredi conabor, donec humanitati tuae id placuerit.* Et paullo ante professus fuerat idem Athanasius, pariturum se esse Quæstori urbis perinde, ac ipsi Imperatori. *Non tanti quippe sum, ut obsistam vel Quæstori urbis, nedum tanto Imperatori (a).*
- Theod. p. 123.*
- Atban. p. 511.*
- Ibid. p. 507.*
- Probe agnoscebant sancti isti Episcopi, jussa Imperatoris esse injusta, esse iniqua, esse tyrannica. Verum enim vero cum hinc viderent,

(a) Plura ejus generis testimonia SS. Patrum inquirentibus dabunt Theses nostræ de Suprema Regum etiam in Clericos Potestate, Propositione X.

rent, præceptorum materiam non adversari legi divinæ; hinc vero intelligerent, jure suo Imperatorem uti: dicto audientes erant non inviti, atque illud etiam protestabantur, sic obediendo legem se illam exequi, quam Christianis omnibus præscripsissent Christus & Apostoli.

III. Si ergo etiam tum, cum Princeps sua potestate sic abutitur, quemadmodum Constantius aut Julianus, jussa ejus impigre exequabantur Athanasii, Meletii, Cyrilli, Eusebii: si etiam tum docebant & protestabantur sancti Episcopi, Principibus obediendum esse: quis, quæso, Lusitanos Antistites liberabit ab obligatione exequendi præceptum illud adeo justum, quale piissimus sapientissimusque Rex noster imposuit, cum edicto vetuit, nequis subditorum ullum cum Romanis haberet commercium, Romamve adiret?

Est ab hoc præcepto non solum innata illa & notissima pietas, quæ velut hereditaria quædam virtus omnibus Regis ac Domini nostri factis inesse solet: verum etiam consuetudo omnium Catholicorum Regum, quibus mos est edicti hujusmodi læsam Majestatem suam a Romanorum injuriis vindicare, idque nullo religionis dispendio. Ad hæc minime ad subditos spectat explorare vel librare, juste ne, an injuste hæc a Regibus imperentur. Neque Rex item tenetur præcepti causas docere subditos. Est enim in confesso apud omnes, ubi præcepti materia Regiæ potestatis limites non transgreditur, sed in illa potius continetur: debere semper a Rege esse præsumptionem justitiæ. Atqui æque exploratum est, id quod a Rege nostro est imperatum, cum Lusitanos omnes prohibuit a commercio cum Romanis: materiam propriam esse Regiæ potestatis, cujus solius est decernere, expediatne subditos regno
exce-

excedere, an non excedere? commercium item cum his vel illis exteris nationibus habere, an non habere? Ergo vel tum, cum Regii Decreti æquitas non ita pateret, quemadmodum ex tot Regiis Instrumentis Olisipone evulgatis patuit: id leges sane tum caritatis in proximum, tum pietatis in Principem postulabant, ut habere pro iustissimo Decretum ipsum deberemus.

IV. Sed ponamus alicui (quod absit) Decretum iniquum videri. At iniquius profecto non est illo Constantii aut Valentis, cum Athanasium & Eusebium excedere Alexandria & Samosata jubebant, quos ibi gregi suo Deus præfecerat. Et tamen, ubi eos inde excedere jubet Imperator, uterque excedit, uterque excedendum sibi esse protestatur. Iniquius non est altero illo ejusdem Constantii, quo per multos menses Arimini consistere jussi sunt Episcopi fere sexcenti, non minori corporum, quam animarum damno: hyems enim maxime sæviebat, erantque interim Pastoribus orbatæ per Occidentem sexcentæ Ecclesiæ. Et tamen tota hæc frequentissima Synodus, etiam tum cum legitima erat (Orthodoxa enim semper fuit), Imperatorem supplex obtestabatur, daret sibi veniam redeundi in suas Provincias, quandoquidem injussu ejus non liceret abire.

Apud A-
thanas. p.
724.

Tuam clementiam iterum obtestamur, Imperator Augustissime, ut ante hyemis asperitatem, modo tuæ pietati visum fuerit, nobis ad nostras Ecclesias reverti facias potestatem. Iniquius non est illo Mauriti, quo a Monastica professione milites arcebantur. Et tamen S. Gregorius Magnus, legem ipsam ab Imperatore promulgare jussus, promulgare non abnuvit: professus se Imperatoris subditum, vel cum discordantia a divina lege præcipiebat. *Ego quidem jussioni subjectus eandem legem per diversas terrarum partes*

Gregor.
Tom. II.
p. 677.

tes

tes transmitti feci : & quia lex Omnipotenti Deo minime concordat , ecce Serenissimis Dominis nuntiavi . Denique iniquius non est eo , de quo loquitur Innocentius Papa III. cum in Epistula ad quendam Angliæ Episcopum data , unde desumptum est Caput *Pastoralis* , Libro I. Titulo XXIX. *De Officio & Potestate Judicis Delegati* , hæc docet : *Quia vero sæpe contingit , quod executio sententiarum Ordinario demandatur : quævisisti , an si ipsam injustam esse cognoverit , debeat eam executioni mandare ? an sit ei potius subsistendum ? Respondemus , quod cum Ordinarius teneatur obsequi Delegato , etsi sciat sententiam illam injustam , exequi nihilominus tenetur eandem , nisi apud eum efficere possit , ut ab hoc onere ipsum absolvat .*

V. Ad extremum quæcumque natura sit & ratio Decreti Regii , certum est , prohiberi illo nos reipsa ab omni commercio cum Romanis . Certum est , illius vi arceri reipsa Lusitanos omnes ab adeunda Sede Apostolica , idque sub gravissimis pœnis . Certum est , non esse in potestate vel Episcoporum vel aliorum subditorum Decretum impedire , Romanumque aditum patefacere . In eo ergo rerum statu constituti sumus , ut vere dici queat , non posse a nobis adiri Romam : impossibile nobis esse accessum ad Apostolicam Sedem , idque nulla culpa eorum , quibus accessus ille opus est . Eam ergo agendi rationem adhibere in hoc rerum statu debent Episcopi , quam tunc adhibitori essent , cum Romanum accessum occluderet vel bellum , vel pestilentia , vel schisma aliquod pertinax , ubi incerti essemus , quis esset verus Papa . Neque enim tunc anxie querendum erat , justumne , an injustum fieret bellum : justene , an injuste præciperet Rex neutri Pontifici obedire . Hac ratione usi sunt tempore belli & schismatis Episcopi Galli Hispanique :

August.
To. VIII.
p. 405.

nique: hac uti sub hodierna scissura debent Episcopi Lusitani, recordantes præstantissimum illud dictamen, quod Libro XXI. contra Faustum Capite 75. scribit S. Augustinus, quodque ex S. Augustino refert Gratianus in Capite. *Quid culpatur*, Parte II. Causa XXIII. Quæst. I. *Vir justus*, si forte sub Rege homine etiam sacrilego militet, recte potest illo jubente bellare, si quod sibi jubetur vel non esse contra Dei præceptum certum est; vel utrum sit, certum non est: ita ut fortasse reum faciat Regem iniquitas impetrandi, innocentem autem militem ostendat ordo serviendi.

PRINCIPUM VIII.

Ubi dispensandi justa causa non adest, tam non licet dispensare Summis Pontificibus, quam Episcopis. Utrisque enim una & sola dispensandi norma est necessitas aut utilitas subditorum. Loca S. Bernardi, Gersonis, Consultorum Pauli III. & nostri Didaci Payæ Andradii.

PROBATIONES.

Dubin.
p. 662.

Gibert.
Tom. II.
p. 105.

I. **H**anc regulam sibi metipsis præscribunt Romani Pontifices Capitibus XIII. & XIX. & XXX. & XXXVIII. de Electione: Capitibus item XIX. de Sententia & Re Judicata, & III. de Translatione Episcopi: ut alia omitamus a Dupino indicata in Tractatu Gallico de Potestate Ecclesiastica, ubi agit de probanda tertia Propositione Cleri Gallicani: indicata item a Giberto Tomo II. Titulo VII. de Prælati, ubi ita lectores monet: *Canones qui docent sine justa causa dispensare non licere, desumuntur ex Epistulis Pontificum, in quibus de se ipsis dicunt, se non posse dispensare, nisi justa subsit causa. Unde patet veritati contrarium esse, quod*

quod Canonistæ nonnulli ponunt discrimen inter Papam & Episcopum, in eoque situm, quod Papa sine causa dispensare possit, Episcopus vero non valeat.

II. Illustrissimus Petrus de Marca Archiepiscopus Parisiensis Libro III. de Concordia Capite XV. numero I. testatur, hanc doctrinam Theologis & Canonistis vulgo probari. *Ple-
risque Theologis & Juris Canonici Interpretibus* *Marca*
placuit, nec Summum Pontificem nec Reges ipsos *P. 1. p.*
licite a legibus suis posse absolvere subditos sine *184.*
justa causa. Mox numero II. adfirmat, esse in eadem sententia S. Bernardum, Goffridum Abbatem, Joannem Saresberiensem, Gersonem cum ceteris Parisiensibus, Gabrielem Vasquezium & plerosque juris cum Pontificii cum Cæsarei Professores: qui & in illud conspirant, non solum injustas, sed etiam invalidas esse in foro conscientię dispensationes sine causa.

III. Illustrissimus Bossuetus Lib. XI. a Capite XVI. ad XX. multus est in demonstrando eodem argumento testimoniis S. Symmachi Papæ in Epistula XII. ad Avitum Viennensem: Concilii Basileensis in quinta Synodica quæ incipit, *Hodie in nostra*: S. Bernardi, Gersonis, & novem illorum Consultorum, qui ea de re longissime doctissimeque disseruere apud Papam Paulum III. anno MDXXXVIII. ut jam alio in loco adnotavimus.

IV. Subscribit eidem sententiæ Ludovicus Thomassinus Parte altera *De Disciplina circa* *Thomaf.*
Beneficia, Lib. III. Capite XXVIII. & XXIX. *Tom. II.*
ubi illam plurimis firmat testimoniis SS. Pa- *P. II. **
trum, Conciliorum, Pontificum Romanorum, *pag. 330.*
& Doctorum Scholasticorum: ex quibus citat *ad 340.*
S. Thomam Libro *Contra Impugnatores Religio-
num* Capite 4. & Secunda Secundæ, Quæstio-
ne LXXXVIII. articulo XII. Thomam Can-
tipratensem Libro I. Capite XIX. numero 9.

& Li.

& Libro II. Capite III. numero 6. Henricum Gandavensem, Alexandrum Alensem, Joannem Gersonem, & Prosperum Fagnanum.

Vanespen.
Tom. II.
p. 235. V. Bernardus Vanespenius in Tractatu *De Dispensationibus*, Capite II. idem argumentum late prosequitur & demonstrat ex Patribus, Conciliis, Pontificibus, unanimique consensu omnium Theologorum Ducem sequentium S. Thomam non in illis solum locis a Thomasio laudatis, sed in Prima etiam Secundæ, Quæstione LXXIX. articulo 4. in Corpore: e primariis item Juris Canonici Interpretibus, utputa Panormitano, Hostiensi, Joanne Andrea, Covarruvia, & Fagnano: qui de eo argumento sapienter disserit Commentariis in Caput *Ex parte*, *De Clerico non residente*; & in Caput *Nimis*, *De Filiis Presbyterorum*.

Bernard.
Tom. I.
p. 433. VI. Ego ex tot suffragiis quatuor tantum hic describam. Primum S. Bernardi Libro III. *de Consideratione ad Eugenium Papam*, Capite IV. numero 18. *Ubi necessitas urget; excusabilis dispensatio est: ubi utilitas provocat, laudabilis dispensatio est. Utilitas, dico, communis non propria: nam cum nihil horum est, non plane fidelis dispensatio est, sed crudelis dissipatio est.* Alterum Gersonis Sermone ad Alexandrum Papam

Gerson
Tom. II.
p. 140. V. *Leges recte latas, quantalibet importunitate potentium satigeris, numquam dispensabis; nisi aut necessitas urgeat, aut communis provocet utilitas. Alioquin fuerit potius crudelis dissipatio, quam justa dispensatio.* Tertium novem Con-

Apud Ri-
cherium
Lib. IV.
Histor.
Concil.
P. II. p.
73. sultorum Pauli Papæ III. quorum sententia talis fuit: *Nec putemus nobis licere dispensare in legibus, nisi urgenti de causa & necessaria. Nulla, namque, perniciosior consuetudo in quavis Republica induci potest, quam hæc legum inobservantia, quas sanctas majores nostri esse voluerunt, eorumque potestatem venerandam & divinam appellaverunt.* Quartum nostri Didaci Payvæ Andradii,

dradii, Sebastiani Regis apud Concilium Tridentinum Theologi, qui Libro I. Defensionis ejusdem Concilii ita scribit: *Constans extat Paiva Theologorum sententia, nefarium etiam ab ipsis fol. 48. Romanis Pontificibus scelus admitti, si Ecclesiasticarum legum severitatem dispensationum temeritate relaxent, & levitate magis quam necessitate ad dispensandum inducantur.*

P R I N C I P I U M IX.

Nunc apud Lusitanos dispensandi in impedimentis Matrimonii causa existit non solum sufficiens, sed etiam necessaria & valdeurgens, eaque publica.

P R O B A T I O N E S.

I. Sive de plebeis loquamur, sive de Patriiis, constat extare nunc eandem causam, ac cum Romæ aditus patebat. Cum ergo obligatio non dispensandi sine causa tam obstringat Papam, quam Episcopos: consequens est, ut si Papæ causa adest ad dispensandum (adesse autem inficiatur nemo), eadem quoque adsit Episcopis.

Quinimo in præsentia major adest causa. Nam defectu vel mora dispensationum gravissimum damnum spirituale & etiam temporale faciunt innumeri de plebe homines: qui spe dispensationum obtinendarum (quas de Roma postularunt multi, & propediem interim expectabant), sponsalia contraxere cum propinquis, eoque titulo magna inter se conjunctione & familiaritate utuntur, non sine discriminatione animarum. Multoque adhuc gravius damnum faciunt plebei alii, quos constat diu futuris sponsis perinde uti, ac si uxores jam essent legitimæ.

N

Quan-

Quandoquidem vero tum ubi de dispensationibus agitur, tum in aliis quibusque rebus, maxima semper Optimatum habenda est ratio: istorum gratia paullo diutius immorabor in amplificando hoc argumento, quod proportionem quadam etiam militat pro multitudine.

II. Nemo igitur nescit, in concedendis dispensationibus generis nobilitati plurimum semper tribuisse Ecclesiam. Concilium Generale Lateranense IV. cum Canone XXIX. vetuisset, nequis duplici Beneficio potiretur, cui animarum cura esset injuncta; mox ita decernit: *Circa sublimes tamen personas, quæ majoribus sunt Beneficiis honoranda, cum ratio postulaverit, per Sedem Apostolicam poterit dispensari.* Generale Concilium Tridentinum Sessione XXIV. Capite V. monet, inter magnos Principes dispensari in secundo gradu posse ob publicam causam. Cum vero de gratiis agatur, Conciliumque non inter supremos Principes, sed inter magnos Principes dixerit: nihil sane est, quo cogamur magnos Principes intelligere solos supremos. Itaque magnorum Principum nomine considerare possumus & hujus Regni Proceres sive Optimates: qui pro Regio avorum sanguine quo multi gloriantur, & pro splendido loco quo apud Regem sunt omnes, magni quidem Principes vocari & haberi possunt quam aptissime. Utcumque res se habeat, constat Apostolicam Sedem summa semper liberalitate Proceribus nostris indulgisse dispensationes secundi gradus: quod argumento est, vel pro magnis Principibus haberi eos a Papa, ad mentem Concilii Tridentini; vel judicio illius debere jam hodiernis temporibus hujusmodi dispensationes concedi facilius, quam tempore Concilii. Est ergo ad dispensandum inter Lusitanos Optimates causa sufficiens, eaque publica: non solum propter splendorem hominum, sed

sed etiam propter ingens emolumentum quod ex dispensationibus redundat in totum Regnum: cui quidem ad conservandum splendorem, gloriam, & tranquillitatem, tantum confert primaria nobilitas, quantum dispensationum largitio.

I. I. Atque hic jam elucet, causam esse non solum sufficientem & publicam, sed etiam necessariam & maxime urgentem. Norunt quippe omnes, matrimoniis Procerum & nobilitari Regnum, & publicam ali pacem. Norunt etiam omnes, neque hunc Regni splendorem, neque publicam hanc pacem posse consistere, nisi cum & uterque conjux natalium claritate splendet, & ipsæ familiæ inter se amico fœdere copulantur. At illud æque constat, Patritias Familias in Lusitania haud esse multo plures, quam sexaginta: constat item, omnes vel fere omnes arctissimo sese propinquitatis vinculo invicem contingere. Dispensationibus ergo negatis vel dilatis, eo adducuntur Lusitani Proceres, ut vel uxores desponsuri sint disparis generis (id quod jure Rex vetaret), vel in discrimen venturi sint faciendi jacturam generis, Titulorum, & Primogeniturarum: cum tamen in conservatione horum trium omnino consistat totum Regnorum decus, totaque Familiarum gloria. Est ergo necessaria, est valdeurgens, est & publica causa ad dispensandum.

Neque dicas, deficientibus Primogenitis posse succedere minores natu fratres. Nam primogenitarum Domorum unus tantum est masculus heres. Deinde quibus periculis obnoxia est Primogenitorum vita, iisdem obnoxii sunt minores fratres. Adde quod gravissimum damnum mortales omnes ducunt, successores ac heredes habere non suos, sed fratrum filios. Denique tam multæ virgines nobilissimæ tot jam annos desponsæ, nisi jam matrimonium intendant, ma-

gis in dies magisque inhabiles redduntur liberis procreandis : nisi vero aliquando ineant sponſalibus celebratis , acceptis etiam ultro citroque mutui amoris pignoribus , ad hæc tot annos ſponſorum crebro conſpectu crebrisque obſequiis adamatæ : his proſecto incommodis & doloribus ſubjacebunt , quæ mente quidem concipi poſſunt , ſed verbis explicari non decet.

IV. His alia accedit ratio , quæ ſemper in Eccleſia magni momenti habita fuit ad diſpenſationes non ægre elargiendas. Eſt autem animarum diſcrimen moraliter certum , quo adducuntur tot Proceres & Patritii ætate juvenes , nobilitate & opibus florentes , utpoſe clariffimarum opulentiffimarumque Domorum heredes : quibus diſpenſationum difficultas vel mora occaſio forte eſt quærendi extra matrimonium , quod non liceat : vel abutendi etiam ea conſuetudine & familiaritate , quam & moribus noſtris & jure ſponſalium habere illi ſolent , & ſeptimum jam annum habent cum virginibus ſibi deſponſis .

Jam ſi ſcandala contemplemur , quæ ex dilatis diſpenſationibus oriri poſſunt , & fortasſe jam orta fuere : multo adhuc vehementior exſurgit ratio , qua moti Epifcopi diſpenſare debeant . Nam diſpenſationibus negatis vel dilatis quærimoniæ ſubnaſcuntur & murmura adverſus Principem , qui Romanum aditum intercluſit : ſubnaſcuntur temeraria judicia de æquitate ejusdem Principis : ſubnaſcuntur diffidia inter oves & Paſtores . Si enim hi dicant , poſſe ſe quidem diſpenſare , ſed nolle ; in eos neceſſario male animati erunt ſubditi . Si vero dicant , velle ſe quidem diſpenſare , ſed non poſſe ; eam illi quidem in ſubditorum animis opinionem inſigunt & alunt , qua credant , Papam omnia pro libitu poſſe , Papæque meros Vicarios eſſe Epifcopos , qui nihil aliud poſſint ,

sint, nisi quod Papa velit eos posse: perniciosam quidem opinionem, quam monstruosam & horrendam vocat magnus Gerson Parte prima Sermonis *Pro Viagio Regis Romanorum*: & quæ, Contareno Cardinale iudice in Epistula quadam ad Paulum III. idololatricam sapit. Unde conficimus, ab exequendis optatis dispensationibus pendere publicam tranquillitatem, pendere obedientiam & pietatem Regi debitam, pendere existimationem & honorem Ordinis Episcopalis, pendere caritatem erga tot proximos. In eo rerum statu quis inficias ire poterit, causam valde urgentem publicæque utilitatis Episcopis adesse ad dispensandum? Certe negari non potest, eandem illam causam adesse, quæ omnibus temporibus Summum Pontificem ipsum moveret elargiri dispensationes non solis Regni Optimatibus, sed vel hominibus ipsis de trivio.

Gerson
Tom. II.
p. 275.
Contareno
Tom. XIII.
Bibl.
Pontif.
pag. 182.

PRINCIPIUM X.

Vereri non debent Lusitani Episcopi, ne Summus Pontifex iniquo animo ferat vel improbet dispensationes matrimoniales ab ipsis concessas. Est enim indoles Apostolica Sedis & totius Ecclesie (quacum debet Supremus Pastor concordare), adfentiri dispensationibus hujusmodi, quando illas ab Episcopis extorquent tam urgentes causæ, quam quæ nunc in Lusitania existunt.

Admiranda loca SS. Symmachi Papæ, Augustini, Columbani, Bernardi, Hincmari Remensis, aliorumque Patrum de hoc eodem argumento.

Axioma veterum Theologorum & Canonistarum: Papa omnia potest, clave non errante.

PROBATIONES.

I. **P**robe agnoscit Apostolica Sedes, quam late se extendat potestas Episcopalis, præsertim si ejus institutio ususque priorum sæculorum spectetur. Agnoscit, ideo ab Apostolorum Principe *animarum nostrarum Episcopum* vocatum esse Christum, ut inde intelligeremus, totam jurisdictionem spiritualem quam idem Christus Ecclesie suæ reliquit, in Episcopatu concludi & contineri. Agnoscit per multa sæcula in ea possessione fuisse Episcopos, ut summo imperio Paræcias suas ipsi regerent & administrarent, tamquam supremi & absoluti quidam Dispensatores omnium Sacramentorum & donorum a Christo institutorum. Agnoscit pari auctoritate usos illos fuisse in relaxandis legibus quibuscumque etiam generalibus, quoties id subditorum necessitas aut utilitas postulasset. Agnoscit, si diligenter in id incumbere debent Episcopi, ut suus Disciplinæ nervo vigor non desit: pari quidem, imo majori

jori studio curare id debere Romanum Pontificem. Agnoscit, si Ecclesiasticorum Canonum magnæ vires sunt, ne sine urgente necessitate laxentur: majores quidem esse caritatis vires, ut se Pastores omnes vel temporum iniquitati, vel subditorum necessitati adcommo-
dare debeant.

II. Agnoscit, ad Eugenium Papam hæc scripsisse S. Bernardum Libro III. de *Consideratione* Bernard.
Capite 7. *Consideres Romanam Ecclesiam aliarum Tom. I.
Ecclesiarum Matrem esse, non Dominam: te vero p. 450.
non Dominum Episcoporum, sed unum ex ipsis.*

Agnoscit Capite quarto ejusdem Libri III. hæc præmisisse eundem Bernardum: *Quid tam in- Ibid. p.
dignum tibi, quam ut totum tenens non sis con- 438.
tensus toto, nisi minutias quasdam & exiguas por-
tiones tibi credita Universitatis satagas facere tuas?*

III. Agnoscit, Nicænis Canonibus cautum esse, ne duo Episcopi uni civitati præsiderent. Nihilominus, quo inter se & Paulinum ortæ discordiæ radicitus tollerentur, pactum esse cum eo magnum Meletium, ut ambo in commune unum eundemque Antiochenum gregem pascerent sub hac conditione, ut alterutro e vivis excedente, alter solidam Dioccesim gubernaret. Agnoscit hujusmodi pacti-
onem toti fuisse O-
rienti probatam: ac tum etiam, cum Roma-
nus Pontifex S. Damasus Meletium pro Epi-
scopo habere abnuebat, habitum illum pro ve-
ro ac legitimo Episcopo a Basilio Cæsariensi,
& ab utroque Gregorio, Nazianzeno & Nyf-
seno, quibuscum tandem concordavit idem Da-
masus, postquam experientia didicit, Meletium
virum esse & integerrima fide & moribus pro-
batissimis, talique proinde Episcopo maxime
indigere Orientis Ecclesias (a).

N 4

Agno-

(a) Meletii Episcopatum fuisse Damaso Pontifici tandem aliquando probatum & acceptum, disertè de-

*Basil. c-
pist. 227.
novæ e-
dition.*

Agnoscit, Canonibus aliis vetitum esse, ne Episcopus ab una Parœcia in aliam transferretur, neve unus duabus præficeretur. Nihilominus Armeniæ Episcopis placuisse, ut quando id Nicopolitanæ Ecclesiæ maxime intererat, in hanc Metropolim sic transmigraret Euphonius Colonienſis Episcopus, ut simul Colonienſem regeret. Quam œconomiam S. Basilius totius Ponticæ Diœceseos Exarcus non solum confirmavit: sed etiam scripto docuit fuisse a Deo inspiratam; omnibusque proinde pacis amatoribus gratam esse oportere.

IV. Agnoscit, lege alia ab ipsis Apostolis promulgata, & ubique per Ecclesiam recepta constitutum esse, ne neophyti Episcopi ordinarerentur. Nihilominus Patres Concilii Constantinopolitani I. (in quibus erant S. Amphilo-chius Iconienſis, S. Gregorius Nyſſenus, S. Cyrillus Jerosolymitanus, S. Acholius Theſſaloni-cenſis) Thracicarum Ecclesiarum utilitati consulentes, Constantinopolitanum Archiepiscopum ordinasse Nectarium adhuc neophytum, & patria Tarsensem. Quo facto duos illi Canones relaxarunt: nempe & eum qui neophytos, & eum qui externos Episcopos fieri vetabat. Et tamen Nicolaus Papa I. in Epistula VI. ubi Phocii neophyti ordinationem tamquam non legitimam damnat: antiquam illam Nectarii legitimam fuisse adfirmat, quippe quam non alia ratione tunc perfecerint Patres Constantinopolitani Concilii, nisi quod difficillimis temporibus non alius facile inveniretur, qui Con-
stan-

docent Acta Orientalis Synodi sub Damaso & Meletio, quæ describit Holstenius in *Collectione Romana Bipartita* pag. 176. Quod argumentum fuse & erudite profecutus postea fuit Franciscus Antonius de Simoneonibus *De Judiciaria Romani Pontificis Potestate* Capite VI. §. VI. Tomo I. pag. 148. & seqq.

stantinopolitanam Ecclesiam melius regeret quam Nectarius. *Nectarium Sancta Secunda Synodus non ob aliud ad Sacerdotalem eligere de laicali ordine voluit dignitatem, nisi quia magnæ necessitatis contritione anxiebat. Atque hæc eadem proculdubio causa fuit, cur S. Damasus Papa Nectarii electioni adensus est, ut constat ex Epistula XV. Bonifacii I. ad Episcopos Macedoniæ.*

Tom. IX.
Concil.
p. 1304

Tom. V.
Concil.
p. 852.

V. Agnoscit, anno CCCC. litteras dedisse ad Episcopos Africæ Anastasium Papam I., in quibus ex præscripto Concilii Capuani præcipiebat, ita Donatistarum improbitatem & insolentiam comprimendam ab illis esse, ut ne eos quidem, qui a Donati factione ad Ecclesiæ unitatem transissent, fungi gradus sui honoribus paterentur. Patres tamen Africanos anno sequenti CCCCL. Carthagine congregatos Præsidente S. Aurelio Archiepiscopo, cum animadvertissent, lenitate magis quam severitate multos a schismate revocari posse: unanimi consensu decrevisse, ut litteræ mitterentur ad Anastasium Papam ceterosque Italiæ Episcopos, quibus utrique monerentur: *Habere Africam*

Tom. II.
Concil.
p. 1489.

magnam necessitatem, propter Ecclesiæ pacem & utilitatem: ut ex ipsis Donatistis quicumque Clerici correcto consilio ad Catholicam unitatem transire voluerint, secundum uniuscujusque Episcopi Catholici voluntatem atque consilium, qui in eodem loco gubernat Ecclesiam, si hoc paci Catholica prodesse visum fuerit, in suis honoribus susciperentur, sicut prioribus ejusdem divisionis temporibus factum erat. Quid de eo negotio Africanis Episcopis Papa responderit, nescire se fateretur Schelstratius Dissertatione III. de Ecclesia Africana, Cap. X. num. 3. Constat tamen ex Augustini Epistula CLXXXV. & Lib. II. contra Cresconium, Cap. XI. hanc dispensationem executos diu esse Africanos Antistites, atque in his Augusti-

Codex
Canonum
Eccles.
Afric.
Can. 68.
ex edit.
Justelli
Tomo I.
p. 136.

gustinum ipsum, qui unus fuerat ex Patribus Concilii Carthaginensis.

VI. Agnoscit, Cresconio hanc Ecclesiæ æconomiam erga suos culpanti, præclare illud respondisse eundem Augustinum Lib. II. Cap. XI. quod Catholicis Antistitibus omnibus norma debet esse regendi. Nempe Episcopos non propter se esse, sed propter subditos: adeoque pro subditorum necessitate meriti debere Episcopos usum potestatis suæ. *Neque enim Episcopi propter nos sumus, sed propter eos quibus verbum & Sacramentum dominicum ministramus: ac per hoc ut eorum sine scandalo gubernandorum sese necessitas tulerit, ita vel esse vel non esse debemus, quod non propter nos, sed propter alios sumus (a):*

August.

Tom. IX.

pag. 415.

Ibid. p.

44

Tom. IV.

Concil.

p. 1914.

Agnoscit, eodem Augustino iudice Lib. II. contra Parmenianum Cap. 13. ea vi, eoque privilegio necessitatem gaudere; ut quod nulla existente necessitate reprehensibilis usurpatio est, necessitate existente vel nullum vel veniale sit peccatum. *Nulla urgente necessitate si fiat, alieni muneris usurpatio est: si autem necessitas urgeat, aut nullum aut veniale delictum est. Cui concinit Regula Juris: Quod non est licitum in lege, necessitas licitum facit. V. De Regulis Juris, Capite IV. Concinit & id, quod ad Leonem Augustum Imperatorem scripsere Episcopi Ponticæ Dioceseos: nempe difficillimis temporibus debere Ecclesiam Canonibus uti non Aristotelice sed Piscatorie.*

VII. Agnoscit pariter Sedes Apostolica, quo tem-

(a) Hunc Augustini locum sane egregium anno MCCCXCVIII. laudavit Carolus VI. Rex Francorum in celeberrimo illo Decreto, quod publici juris fecit Petrus Pithæus Cap. XX. num. I. *Cum pro pace Christi Ecclesiæ Episcopi esse debeant vel non esse, eumque non propter eos Episcopi sint, sed propter populum cui Sacramenta ministrant, &c.*

tempore Vigilii Papa & famosa tria Capitula Nestoriana damnare, & Quintæ Synodo Generali pro illorum condemnatione collectæ interesse abnuebat, nihil hac Pontificis repugnantia fuisse deterritos Patres centum sexaginta & amplius, qui eo convenerant, quominus Concilium celebrarent, in eoque damnaverent tria Capitula cum suis Defensoribus: existimabant enim, vel invito Pontifice, utpote præter rationem invito, consulere se debere publicæ Ecclesiarum necessitati. Atque iisdemmet rationibus convictum, Patrum Definitioni tandem acquievisse ipsum Vigilium: qui in Decretali Epistula ad S. Eutychium Constantinopolitanum Patriarcham Concilii Præsidentem, & ad totam præjacentem Sanctam Synodum data, & errorem suum agnovit, & agendi rationem a Patribus adhibitam comprobavit, anno DLII.

*Concil.
Tom. VI.
p. 38. &
239.*

Agnoscit, S. Martinum Papam I. cum ad se relatæ essent certæ quædam dispensationes circa electiones & ordinationes Episcoporum in Oriente peractæ, Orientalibus iisdem hoc documentum dedisse Epistula V. quando Ecclesiasticorum Canonum relaxationem non contemptus Canonum ipsorum, sed temporum extorqueret iniquitas; non debere Sedem Apostolicam relaxationis usum improbare, sed permittere. *Novit Canon afflictorum temporum persecutionibus veniam tribuere, in quibus contemptus non præcessit, prævaricationem arguens: sed angustia magis & penuria, quæ propter necessitatem & misericordiam cogit multam diligentiam prætermittere.*

*Concil.
To. VII.
pag. 26.*

VIII. Agnoscit, S. Symmachum Papam in Epistula ad Avitum Viennensem, hanc ei regulam præscripsisse pro dispensationibus librandis: *Quod sit præter regulam, modo sit ex justa causa, non infringit regulam, quam sola perverticia & antiquitatis contemptus laxis. Nam quavis a Patribus statuta diligenti observatione & ob-*

*Spicile-
gii Da-
cheriani
To. III.
pag. 207.
novæ edi-
tionis.*

ser-

servanti diligentia sint custodienda: nihilominus propter aliquod bonum de rigore legis aliquid relaxatur: quod & ipsa lex cavisset, si previdisset. Et sæpe crudele esset insistere legi, cum observantia ejus esse præjudicabilis Ecclesiæ videtur.

Agnoscit, S. Fulbertum Episcopum Carnotensem, cum Episcopus alter Provinciæ Remensis sibi timeret a Romano Pontifice, si ad sensu suo comprobaret electionem & ordinationem hominis ceteroquin Episcopatu digni, sed laici, quem Remensi Metropoli præficere Comprovinciales Episcopi volebant, ei hunc scrupulum exemisse his verbis, quæ habetur in Epistula XXXVIII. Dominus Papa, cujus animadversionem te revereri significasti, non habebit quod tibi merito debeat succensere, si te graviter collapsæ Ecclesiæ aliquam spem resurrectionis audierit providisse.

*Bibl. PP.
T. XVIII.
pag. 15.*

IX. Agnoscit, Paschalem Papam II. B. Anselmo Cantuariensi Archiepiscopo postulanti, non solum concessisse amplissimam nullisque limitibus circumscriptam facultatem dispensandi circa varios casus; sed etiam testimonio B. Cyrilli Alexandrini ostendisse, usum dispensationum difficillimis temporibus esse Ecclesiastici spiritus maxime proprium. Dispensationis modus, sicut & B. Cyrillus in Epistula Ephesinæ Synodi loquitur, nulli umquam sapientum displicuit. Novimus enim Sanctos Patres nostros & ipsos Apostolos, pro temporum articulis & qualitatibus personarum, dispensationibus usos, &c.

*Concil.
To. XII.
p. 1008.*

Agnoscit, Sanctos Pontifices Gregorium I. & Gregorium II. publicæ necessitati consulentes Provinciarum Anglicanarum & Germanicarum, prudentiæ & judicio Augustini Angliæ & Bonifacii Germaniæ Primatis credidisse dispensationes matrimoniales circa certos quosdam propinquitatis gradus elargiendas: quod Augustino quidem Gregorius I. anno DCI. Bonifa-

*Tom. I.
Concil.
Angl. p.
20.
Tom. I.
Concil.
Gall. p.
519.*

nifacio autem Gregorius II. commisit anno DCCXXVII.

X. Agnoscit denique Apostolica Sedes, Avenionensi schismate perdurante, id auctoribus Episcopis & Academiis constitutum esse in Gallia, Hispania, aliisque Regnis: ut quando aliud tanto incendio extinguendo remedium non supererat, neutri de Pontificatu contentium pareretur. Atque sub eo rerum statu fixum ratumque apud omnes fuisse, nullo ad Apostolicam Sedem patente aditu jus esse penes Episcopos ea omnia moderari, quæ lege vel consuetudine Summo Pontifici ceteroquin reservata erant, quoties id subditorum necessitas postulasset. Judicarunt enim definieruntque, in his aliisque id genus eventibus ad Ordinarios devolvi eam potestatem, quæ ipsis tamquam Episcopis antea competebat. Postea vero Pisis Generali Synodo celebrata an. MCCCCIX. *Concil. To. XV. p. 1146.* legitimas validasque declaratas esse a vero Summo Pontifice Alexandro V. omnes dispensationes, provisiones, & absolutiones ab Episcopis impertitas: quemadmodum constat ex ejusdem Concilii Sessione XXII.

Tot rationibus in medium adductis minime vereri debent Domini Episcopi, ne si in præsentia dispensationes concedant, stomachum moveant Summo Pontifici. Aliter enim se habet Spiritus Ecclesiæ, cui adcommodare se debet Supremus Pastor: quippe qui (ut in Caput *Quando, De Jurejurando* scribit Innocentius IV.) ita potestatis clave uti perpetuo solet ac debet, ut prius adhibeat clavem discretionis. Unde Axioma illud profectum est, quod in Caput *Sua nobis, De Confirm. utili vel inutili* (a), cum ceteris Pontificii Juris Interpret-

(a) Pro eo male in Lusitanam editionem irrepsit Caput *Venerabilem, De Electione*. Sic autem se habet

pretibus usurpat Panormitanus : *Papa omnia potest, sed CLAVE NON ERRANTE, & sine injuria alterius (a).*

XI.

bet locus Panormitani Tomo V. fol. 143. *Manet potestas seu sententia Petri, dum vere judicat, & clavus non errat, ut Cap. Manet, XXIII. Quest. I.*

(a) S. Gelasius Papa apud Gratianum Causa XI. Quest. III. *Cui est illata sententia, deponat errorem, & vacua est. Sed si injusta est, tanto eam curare non debet, quanto apud Deum & Ecclesiam neminem potest iniqua gravare sententia. Ita ergo ea se non absolvi desideret, qua se nullatenus prospicit obligatum. S. Gregorius Magnus eodem in loco Gratiani: Sæpe in ligandis ac solvendis subditis Pastor sue voluntatis motus, non autem causarum merita sequitur. Unde fit; ut ipse hac ligandi & solvendi potestate se privet, qui hanc pro suis voluntatibus exercet. Unde recte per Prophetam Ezechielem dicitur: Mortificabant animas quæ non moriuntur, & vivificabant animas quæ non vivunt. Non morientem quippe mortificat, qui justum damnat: & non victurum vivificare nititur, qui reum a supplicio absolvere nititur. S. Nilo in epistula ad Endistum, quæ extat ad calcem Nomocanonis Phocii: Scias autem Pater, quod divine scripture cum divinis canonibus definiunt, quod injusta quæ imponuntur punitiones, apud Deum non ligant, etiamsi Pontifex eas imposuerit, quanto magis inferior, dicit S. Dionysius. Qui itaque inconsiderata sententia & intemperanti animo aliquem a fidelibus separavit, eum non solum non attingit, sed in ejus etiam caput recurrit, sicut Sanctæ Synodi pronuntiant. S. Anselmus Cantuariensis in Caput Matthæi XVI. Claves Regni Cælorum ipsam discernendi scientiam & potentiam nominat. . . Et ideo quod sequitur ita exponendum est: Quodcumque ligaveris, subaudi his clavibus, idest, ex potentia & discretione super terram, erit ligatum & in cælis. S. Thomas Libro IV. contra Gentiles Cap. 72. Hæc duo dicuntur due claves Ecclesiæ, scientia discernendi & potentia ligandi & solvendi, quas Dominus Petro commisit juxta illud Matthæi XVI. Augustinus de Ancona in Summa Quest. XX. art. IV. Iste tres actus ponuntur in defini-*

XI. Sed ponamus, Sanctissimum Patrem Clementem XIII. vel quemvis alium de ejus successoribus, reprobare atque irritas declarare matri-

initione clavis, quæ ponitur IV. Sent. dist. XVIII., ubi dicitur, quod clavis Ecclesiæ est potestas ligandi ex scientia, qua dignos debet recipere, & indignos excludere a Regno Ecclesiæ. Alvarus Pelagius Libro I. de Planctu Ecclesiæ, art. 63. Claves sunt discernendi scientia & potentia: quia dignos recipere, & indignos debet excludere a Regno. Joannes Tabiena in Summa, verbo Clavis, cum hanc quæstionem posuisset. Qualiter Sacerdotes dicuntur solvere ac ligare, sic respondet: Respondeo secundum Raymundum, quod illa auctoritas, Quodcumque ligaveritis vel solveritis super terram, &c. non est simpliciter intelligenda, sed tunc de jure tantum, cum Sacerdos jure ligat & solvit. Joannes de Parisiis in Libro de Potestate Regia & Papali, Capite XV. ex Richardo de S. Victore: Non dicit Dominus, quodcumque volueris solvere & ligare, sed quodcumque ligaveris & solveris: ligat autem & absolvit Sacerdos sententia justa, non injusta. Unde vulgaris formula; CLAVE NON ERRANTE. Joannes Gerson Tractatu super materiam excommunicationum & irregularitatum, Confid. VII. Contemptus clavium debet investigari ex potestate legitima & usu legitimo potestatis illius, qui præcipiendo excommunicat vel irregularitatem comminatur: alioquin Prælati possent inducere quicquidque vellent super illos servitutem, si suis sententiis iniquis & erroneis semper esset obediendum: & ita patet, quod hoc commune dictum, Sententia Prælati vel Judicis etiam injusta timenda est, indiget glossa: alioquin non est generaliter verum, si timenda dicatur, quia est sustinenda: imo in casu pati illam, esset asinina patientia & timor leporinus. Hæc nos partim e Launojo Libro VII. Epistula XI., partem e Richerio ad calcem Defensionis suæ adversus Duvallium, hoc est, Libro V. Capite XII. Quibus nunc addo ex Francisco Zabarella in Libro de Schismate locum illum, quem anno MDCVI. pro se adlegarunt Veneti apud Thuanum Libro CXXXVII. Cap. VII. Tomo VI. pag. 397. Plenitudo potestatis in universita-

pretibus usurpat Panormitanus : *Papa omnia potest, sed CLAVE NON ERRANTE, & sine injuria alterius (a).*

XI.

bet locus Panormitani Tomo V. fol. 143. *Manet potestatis seu sententia Petri, dum vere judicat, & clavis non errat, ut Cap. Manet, XXIII. Quæst. I.*

(a) S. Gelasius Papa apud Gratianum *Causa XI. Quæst. III.* Cui est illata sententia, deponat errorem, & vacua est. Sed si injusta est, tanto eam curare non debet, quanto apud Deum & Ecclesiam neminem potest iniqua gravare sententia. Ita ergo ea se non absolvi desideret, qua se nullatenus prospicit obligatum. S. Gregorius Magnus eodem in loco Gratiani: *Sæpe in ligandis ac solvendis subditis Pastor sue voluntatis motus, non autem causarum merita sequitur. Unde fit; ut ipse hac ligandi & solvendi potestate se privet, qui hanc pro suis voluntatibus exercet. Unde recte per Prophetam Ezechielem dicitur: Mortificabant animas quæ non moriuntur, & vivificabant animas quæ non vivunt. Non morientem quippe mortificat, qui justum damnat: & non victurum vivificare nititur, qui reum a supplicio absolvere nititur.* S. Nilo in epistula ad Endistium, quæ extat ad calcem Nomocanonis Phocii: *Scias autem Pater, quod divine scripturæ cum divinis canonibus definiunt, quod injusta quæ imponuntur punitiones, apud Deum non ligant, etiamsi Pontifex eas imposuerit, quanto magis inferior, dicit S. Dionysius. Qui itaque inconsiderata sententia & intemperanti animo aliquem a fidelibus separavit, eum non solum non attingit, sed in ejus etiam caput recurrit, sicut Sanctæ Synodi pronuntiant.* S. Anselmus Cantuariensis in *Caput Matthæi XVI.* *Claves Regni Cælorum ipsam discernendi scientiam & potentiam nominat. . . Et ideo quod sequatur ita exponendum est: Quodcumque ligaveris, subaudi his clavibus, id est, per potentia & discretionem super terram, erit ligatus & in cælis.* S. Thomas *Libro IV. contra Gentiles Cap. 72.* *Hæc duo dicuntur due claves Ecclesiæ, scientia discernendi & potentia ligandi & solvendi, quas Dominus Petro commisit juxta illud Matthæi XVI.* Augustinus de Ancona in *Summa Quæst. XX. art. IV.* *Isti tres actus ponuntur in de-*
fini-

XI. Sed ponamus, Sanctissimum Patrem Clementem XIII. vel quemvis alium de ejus successoribus, reprobare atque irritas declarare matri-

initione clavis, quæ ponitur IV. Sent. dist. XVIII., ubi dicitur, quod clavis Ecclesiæ est potestas ligandi ex scientia, qua dignos debet recipere, & indignos excludere a Regno Ecclesiæ. Alvarus Pelagius Libro I. de Planctu Ecclesiæ, art. 63. Claves sunt discernendi scientia & potentia: quia dignos recipere, & indignos debet excludere a Regno. Joannes Tabiena in Summa, verbo Clavis, cum hanc quæstionem posuisset. Qualiter Sacerdotes dicuntur solvere ac ligare, sic respondet: Respondeo secundum Raymundum, quod illa auctoritas, Quodcumque ligaveritis vel solveritis super terram, &c. non est simpliciter intelligenda, sed tunc de jure tantum, cum Sacerdos justo ligat & solvit. Joannes de Parisiis in Libro de Potestate Regia & Papali, Capite XV. ex Richardo de S. Victore: Non dicit Dominus, quodcumque volueris solvere & ligare, sed quodcumque ligaveris & solveris: ligat autem & absolvit Sacerdos sententia justa, non injusta. Unde vulgaris formula, CLAVE NON ERRANTE. Joannes Gerson Tractatu super materiam excommunicationum & irregularitatum, Confid. VII. Contemptus clavium debet investigari ex potestate legitima & usu legitimo potestatis illius, qui præcipiendo excommunicat vel irregularitatem committitur: alioquin Prælati possent inducere qualemcumque vellent super illos servitutem, si suis sententiis iniquis & erroneis semper esset obediendum: & ita patet, quod hoc commune dictum, Sententia Prælati vel Judicis etiam injusta timenda est, indiget glossa: alioquin non est generaliter verum, si timenda dicatur, quia est sustinenda: imo in casu pati illam, esset assequens patientia & timor leporinus. Hæc nos partim e Launojo Libro VII. Epistula XI., partem e Richerio ad calcem Defensionis suæ adversus Duvallium, hoc est, Libro V. Capite XII. Quibus nunc addo ex Francisco Zabarella in Libro de Schismate locum illum, quem anno MDCVI. pro se adlegarunt Veneti apud Thuanum Libro CXXXVII. Cap. VII. Tomo VI. pag. 297. Plenitudo potestatis in universa

matrimoniales dispensationes, quas tempore scissuræ nostræ concessissent Episcopi Lusitani. Revera enim Clemens XI. Brevi suo ad Hispaniæ Episcopos dato, anno MDCCIX. irritasse fertur dispensationes & provisiones ab ipsis factas tum, cum Rex Philippus V. subditis suis interdixisset commercium cum Romanis quoad temporalia. Ex quo nullum in Lusitaniam potest argumentum duci: non solum quod in re versamur meræ Disciplinæ ubi pro diverso rerum situ, diversoque Legistratorum animo & intentione, valere potest respectu unius Regni, quod respectu alterius non valet: non solum etiam quod in negotio Hispanorum interdictum ponitur commercium cum Romana Curia non quoad spiritualia, sed quoad temporalia: sed potissimum propter rationes illas, quas hucusque ponderavimus & stabilivimus; quasque ad extremum in summam redigemus pro plena solutione omnium dubiorum. Ponamus ergo, ut aiebam, Summum Pontificem Clementem XIII. qui nunc Ecclesiæ præest, vel alium quemvis de ejus Successoribus, reprobare atque irritas declarare matrimoniales dispensatio-

te est tamquam in fundamento, hoc est, in Ecclesia: in Papa tamquam in principali ministro, sed non solo, per quem potestas illa explicetur: & ita juxta Innocentium IV. ut discretionis clavis præcedat, & CLAVE NON ERRANTE potestas exerceatur. Item ex Bochello Libro IV. Decretorum Ecclesiæ Gallicanæ, Tit. XXII. Cap. II. pag. 683. formam protestationis, qua anno MCCCCVIII. usi sunt Galli Episcopi in Parisiensi Conventu: Hæc omnia deliberata sunt, salva debita Sanctæ Sedi Apostolicæ reverentia, & Domino Pape futuro legitimo, CLAVE NON ERRANTE. Paulus Sarpus ad calcem Considerationum suarum pag. 203. Dicono la Canonisti che la potestà di ligare & sciogliere s'intende CHIAVE NON ERRANTE.

sationes, quas Romano commercio occluso concessissent nostri Episcopi. Nixus Principiis illis sane invictis, quæ in superioribus stabilivi, ajo Pontificium Breve pro nullo & obreptitio habendum esse, quasi præter mentem Supremi Pastoris, eoque non plene instructo emissum.

XII. Fundamentum meæ adsertionis est: quod ubi ab Apostolica Sede Rescriptum aliquod proficiscitur, quo alterius jura lædantur; unanimi consensu tradunt Doctores omnes, hujusmodi Rescriptum reputari debere obreptitium; proindeque nullius vigoris nulliusque effectus. Hac de causa S. Cyprianus Epistula LXVII. ad Hispanos data, pro nullo atque obreptitio habet Decretum S. Stephani Papæ, a duobus Episcopis Basilide Legionensi & Martiale Asturicensi impetratum pro recuperando Episcopatu, unde secundum Canones judicio Provincialis Synodi uterque exciderat, utpote de idolatria convictus. Cum enim a S. Cornelio Papa totoque Episcoporum Corpore statutum esset, ut qui immolassent idolis, omni sacerdotali munere exuerentur; hinc Cyprianus concludebat, salva Disciplina salvisque Episcoporum Juribus, non posse Stephanum restituere reos, adeoque obreptitium nullumque habendum Pontificium Breve. Eodem nixi Principio Decretis Zozimi, Bonifacii, & Cælestini, in causa Appellationum reclamarunt Afri Episcopi: reclamarunt Rescriptis Leonis Magni & Joannis VIII. S. Hilarius Archiepiscopus Arelatensis & S. Ignatius Constantinopolitanus, nequaquam Pontificiis minis dirisque deterriti. Reclamarunt Galli Episcopi Hadriano II. in causa Hincmari Laudunensis: Gregorio item IX. in causa Præbendarum, quas ille sibi reservare conabatur.

*Cyprianus
pag. 219.*

XIII. Atqui ex Principiis superius stabilitis

O

mani-

manifestum est, Litteris illis, de quibus hypothesis nostra loquitur, læsum iri a Summo Pontifice jus cum Episcoporum, tum subditorum. Nam cum, ut jam ostendimus, legitima & ordinaria esset jurisdictio, qua Episcopi in dispensando uterentur: (ad eos enim, cum Romanus Pontifex adiri non potest, primæva auctoritas tota redit; idque non ex gratia Papæ, sed ex institutione Ecclesiæ, & veluti ex ipsa rei natura) utrosque sane injuria adficeret Pontifex, si nullas declarasset dispensationes ab illis impertitas, quibus jus & auctoritas erat impertiendi; nullumque etiam Matrimonium declarasset eo dispensante contractum, qui legitime poterat dispensare. Quemadmodum & Pœnitenti & Confessario injurius esset Papa, si in irritum mittere conaretur absolutionem, quam subdito suo impertitus fuisset verus Parochus.

Verbo dicam: ubi Dominis Episcopis fixum ratumque sit, (quemadmodum esse debet) aliud esse moderata constantia sua jura tueri, aliud esse schismaticum: non pugnare cum eximia quadam sanctitate, (qualis illa fuit SS. Hilarii Arelatenfis & Ignatii Constantinopolitani) si quis Apostolicæ Sedis conatibus legitime obluetur (a): Episcopatus unum auctorem

(a) Veneti in Epistula ad Paulum V. apud Thuanum Libro CXXXVII. Cap. VII. *Stat simul resistere præcepto Pontificis omnia turbantis, & non deserere communionem Ecclesiæ Romanæ & Religionem Catholicam. Ignatius Patriarcha Constantinopolitanus, qui anathemate injusto a Joanne VIII. vulneratus non paruit, post mortem nihilominus miraculis inclauit, & in Sanctorum numerum relatus est. Joannes Major Commentariis in Matthæi XVIII. ad calcem Tomi II. Gersonianorum Operum pag. 1144. Stat aliquem Papæ contradicere, & esse de unitate Ecclesiæ. Adde etiam quod æqui-*
tas

rem esse Christum : jurisdictionem ejus non a Papa , sed ab Spiritu Sancto immediate proficisci : potestatem a Christo adnexam Ordini Episcopali ex se esse absolutam & nullis limitibus circumscriptam respectu singularum Paroeciarum . Hac potestate a Papa spoliari non potuisse invitos Episcopos . Quando Reservationibus Apostolicis acquievere Episcopi , sub ea omnino conditione acquievisse eos ; ut ubi quicumque de causa , & nulla ipsorum Episcoporum culpa impediretur influxus Sedis Apostolicæ ; ad se continuo rediret veluti reviviscens primæva auctoritas , utpote ordinaria & sui ordinis propria . Ubi denique ipsis ratum fixumque fuerit verissimum illud ineluctabileque venerandi doctissimique Gersonis Axioma , quod ita habet : *Omnes Constitutiones Apostolicæ , sive Leges factæ in favorem Papæ , intelliguntur & intelligi debent , ubi Respublica Ecclesiastica directe vel indirecte , in parte vel in toto , detrimento non videtur subesse .* Ubi , inquam , Principia hæc a me in superioribus stabilita , & a Sanctis Pa-

Gerson.
Tomo II.
pag. 166.

O 2

tri-

tas naturalis est pro hoc modo , & contra omnem rationem est , dicere quod si Papa male agat , non potest argui . Paulus Petrum arguebat post Pontificatum Summum . Et si sit incorrigibilis est deponendus , imo sine culpa sua , licet non sine causa est deponendus : utpote si sit captivus apud infideles , & nulla est spes liberationis ejus : vel si duo contendant , & aliter pax procurari non potest : vel si sit demens & inutilis . Huc referenda etiam est censura Sacre Facultatis Parisiensis anno MCCCCLXXXII. lata adversus hanc Propositionem Joannis Angeli Minoritæ : *Quicumque contradicit voluntati Papæ paganizat , & sententiam excommunicationis incurrit ipso facto : & in nulla Papa reprehendi potest , nisi in materia hæresis .* Quam hac censura confixit Academia Parisiensis . Hæc propositio est falsa , scandalosa , & sapiens hæresim manifestam . (Bulæus Hist. Univers. Paris. Tomo V. pag. 754.) .

tribus re & verbo confirmata, Episcoporum animis alte infederint: mox sua sponte fit consequens, Romano accessu septimum jam annum occluso, devolvi ad eosdem Dominos Episcopos potestatem, qua ipsi antiquitus fruebantur, & per multa secula usi sunt; ut possint ac debeant providere, absolvere, ac dispensare in omnibus, quæ antehac Apostolicæ Sedi privative erant reservata: idque non jure præsumptionis, sive arbitrariæ cujusdam epicheiæ, nec ad modum jurisdictionis delegatæ: sed ex sensu illo, qui apud Ecclesiam semper viguit de jurisdictione Episcoporum, quam pro hujusmodi casibus ipsa Ecclesia semper agnovit esse jurisdictionem ordinariam, licet pro eo tantum tempore exercendam, quo scissura existat. Nam conciliata inter nos & Romanos pace, ad Supremum Pastorem eadem illa jurisdictione redire potest, quemadmodum ex superioribus Principiis nostris conficitur.

XIV. Firmabitur autem hæc doctrina magis magisque, si in memoriam revocaverimus alteram illam, quam Principio V. ex Hincmaro Remensi audivimus. Cum enim mentis aciem intendisset Hinemarus in celeberrimum illud S. Leonis Magni Documentum: *Manet Petri privilegium, ubi ex ipsius aequitate fertur judicium*: hinc ille colligit, carere omni robore firmitatis, quidquid non ex Petri æquitate protulerint Successores Petri (a). *Qua sententia constat, quia non manet Petri privilegium, ubi ex ipsius aequitate non fertur judicium*. Constat

Suppl.
Concil.
Gall. p.
273.

(a) Idem argumentum ex Leonis verbis desumptum dextre urget Paulus Sarpius, cum ad calcem *Considerationum*, tum in *Apologia Gersonis*, §. V. pag. 91. Quod etiam de illo observavit Thuanus Libro CXXXVII. Cap. VII.

stat autem, mandatum Papæ usum dispensationum interdicentis Lusitanis Episcopis, illis nempe Episcopis, qui divino jure legitimi Pastores sunt hujus Regni; idque eo tempore, quo dispensationes ipsæ sunt omnino justæ & necessariae: mandatum quoddam esse omni exitum æquitate, & ex quo gravissima scandala oritura essent. Rebus autem sic se habentibus, jam ex Alexandro Papa tertio audivimus, quid agendum foret. Nam in Capite *Cum teneamur, De Præbendis*, hanc ille tradit Regulam: *Si non potest sine scandalo provideri, æquanimiter sustinemus, si mandatum nostrum non duxeris exequendum.* In quo Summi Pontifices probare videntur illam doctrinam, quam paullo ante exposuimus, & cui antiqui Canonistæ Theologique omnes subscribunt. Illam autem celeberrimus ex Italia Doctor sub Eugenio IV. Jordanus Britius sic describit in quodam Tractatu, quem Miscellaneis suis inseruit Baluzius. *Ad id quod dicitur. Quodcumque ligaveris, respondeatur quod verum est, si juste faciat, & mediante justitia, clave non errante. Idem tenet Archid. expresse: idem Guillelmus in Speculo: idem Magister Nicolaus de Lyra in dicto cap. 16. Matth. Quodcumque ligaveris: Scilicet supposite in terra debito usu clavis, Deus approbat in calis, aliter non. Verba sunt Nicolai de Lyra. Omnibus antiquior eandem doctrinam tradiderat S. Columbanus Abbas in Epistula ad Bonifacium Papam. Tamdiu potestas apud vos erit, quamdiu recta ratio permanserit. Ille enim certus Regni Celorum clavicularius est, qui dignis per veram sententiam aperit, & indignis claudit (a).*

Baluz.
To. III.
pag. 333.

Bibl. PP.
To. XII.
pag. 30.

O 3

CON-

(a) Baluzius in Notis ad Cypriani Epistolam LXXIII. pag. 501. relata Columbanii sententia: *Hæc, inquit, insinuanda sunt Romanis. Multi enim Romani* *Poma*

CONCLUSIO HORUM PRINCIPIORUM.

Respondetur argumentis, quæ adversus doctrinam nostram fieri possint ex prima Propositione damnata ab Innocentio XI. ex Declaratione Sacre Congregationis Concilii a Rigantio descripta: ex Jurejurando quo se obstringunt Episcopi in sua Ordinatione: ex Formula qua ipsi utuntur, cum se inscribunt Episcopos Sanctæ Apostolicæ Sedis gratia.

Quæ Gallorum Theologorum doctrina fuerit sub memorabili illo diffidio, quod Regem nostrum Joannem IV. Romanumque Pontificem Innocentium X. diu exercuit.

I. EX Principiis decem hucusque stabilitis, quibus sane refragari solus poterit, qui vel nimio adulandi studio sit abreptus, vel summa ignorantia laboret: illud tandem consequens fit & concluditur, quando tot per annos nobis inaccessa est Apostolica Sedes, posse ac debere Episcopos primæva sua auctoritate resumpta, dispensare circa publica impedimenta consanguinitatis & affinitatis: id enim exigunt eadem prorsus, imo vero graviores causæ,

Pontifices ab hac regula discesserunt. Confer Marcum Libro IV. de Concordia Sacerdotii & Imperii Cap. VI. Matthæus Parisiensis in Historia Anglorum ad annum MCCXLVII. de Innocentio Papa IV. auctoritate Primatus sui abutente in Gallos, hæc scribit pag. 719. Videbant enim omnes & singuli & videntes sentiebant, ipsum dominum Papam pecuniæ & pecuniarum rapinis in multorum damnum & depauperationem insatiabiliter inhiare. NEC CREDEBANT JAM MULTI, ipsum potestatem B. Petro concessam calitus, videlicet ligandi & solvendi obtinere, QUI PENITUS B. PETRO DISSIMILIS PROBABATUR.

ſæ , quam quibus Summus Pontifex procul dubio moveretur ad diſpenſationes elargiendas , maxime Proceribus & Patritiis Luſitanis .

II. Nec obſtat , quod Innocentius XI. anno MDCLXXIX. ſequentem Propositionem cum aliis damnaverit : *Non eſt illicitum in conferendis Sacramentis ſequi opinionem probabilem de valore Sacramenti , relicta tutiore* . Reſpondeo enim primo : cenſuram Pontificiam intelligendam eſſe de illis tantum Sacramentis , quorum materiæ & formæ Eccleſiæ iuriſdictioni non ſubſunt : qualia ſunt Baptiſmus , Ordo , ceteraque omnia præter Matrimonium . Ratio vero discriminis eſt : quoniam in aliis Sacramentis nequit Eccleſia ſupplere id , quod de materiis & formis deerit : eorum quippe ſingulæ ab una Chriſti inſtitutione dependent . In Matrimonio autem , cum ejus materia a ſolo extrinſeco Eccleſiæ impedimento reddatur inepta ; ubi per diſpenſationem removetur impedimentum , mox conſecrando Sacramento apta efficitur eadem materia . Atque hæc etiam cauſa eſt , cur Theologi omnes , qui de damnatis Propositionibus ſcripſere , cum Patre Viva ſtatuunt , hac Propositione de qua loquimur , minime comprehendendi opiniones illas , quæ verſantur circa iuriſdictionem Miniſtri . Cum enim hanc iuriſdictionem ſupplere poſſit Eccleſia , jam Sacramentum nullitatis periculo non exponitur : quod unum Papa reſpexit & cavere voluit , quando in adminiſtratione Sacramentorum damnavit uſum opinionis probabilis , relicta tutiore . Itaque docent illi Theologi , Pontificiæ cenſuræ non adverſari Sacerdotem , qui ſola nixus opinione probabili de ſua iuriſdictione pœnitentem abſolvit . Ergo & ille Pontificis Definitionem minime violat , qui ſe legitima diſpenſatione probabiliter munitum exiſtimans , Matrimonium contrahit cum propinqua , Cenſura enim

enim casum illum tantummodo comprehendit, ubi Ecclesia supplere non potest, quod ad Sacramenti validitatem essentialiter requiritur.

III. Respondeo secundo: censuram Pontificiam solum loqui, cum agitur *de valore Sacramenti*. Multi autem sunt casus, ubi Matrimonium licite celebrari possit etiam a Christianis, quin sit Sacramentum. Non est Sacramentum iudice subtili Doctore illustrique ejus Schola, quoties Matrimonium nuptibus celebratur, ut mutis accidit. Non est Sacramentum, iudicibus e Dominicano Ordine tribus maximis Theologis, Durando Episcopo Meldensi, Cajetano Cardinale, & Melchiore Cano Canariensi Episcopo designato: quoties inter absentes per litteras procuratoresque contrahitur: (quæ quidem doctrina quam gravibus fundamentis innixa sit, discere quilibet ab ipso Cano poterit, Libro VIII. *de Locis Theologicis*, Capite V.). Non est Sacramentum de sententia Guillelmi Parisiensis Episcopi, Toleti Cardinalis, Guillelmi Estii Duacensis Cancellarii, doctissimorumque Thomistarum Petri Paludani, Melchioris Cani, Vincentii Contensonii, Natalis Alexandri, aliorumque plurium cum hujus, tum aliarum Scholarum, quos laudat novitius e Sorbona Doctor Hyacinthus Serrius Dominicanus, in Vindiciis supra memorati Cani, Capite VII. quoties Matrimonii Minister Parochus non est, vel alius Sacerdos, qui ejus vices agat: quemadmodum ante celebratam Tridentinam Synodum ubique contigebat in Matrimoniis clandestinis, & post celebratam eandem Synodum adhuc contingit in Gallia, aliisque in Provinciis, ubi quoad hanc partem recepta non sunt ejus Decreta. Non est Sacramentum de sententia Basilii Pontii & Rebelli, (uterque autem *probabiliorem communioemque* vocat) quoties a contrahentibus

Canus p.
242. nov.
edit.

bus abest necessaria faciendi Sacramenti intentio: quo casu valere quidem dicunt Matrimonium *in ratione contractus*, non autem *in ratione Sacramenti*: quod & Launojus observat in *Opere de Regia in Matrimonium Potestate*, Parte I. Articulo II. Capite VIII. Falsa ergo est, vel saltem minime certa doctrina Bellarmini, dum Libro I. *de Matrimonio*, Capite III. adfirmat, ex institutione Christi esse, ut inter Christianos nullum Matrimonium contrahatur quod non sit Sacramentum. Est & illud consequens, multos esse casus, ubi Christianis liceat Matrimonium contrahere, quod Sacramentum non sit. Cum autem Definitio Innocentii XI. de eo tantum casu loquatur, in quo agatur de validitate Sacramenti: consequitur, sine ullo Pontificiæ censuræ contrahendæ periculo, posse in multis locum habere doctrinam nostram: fieri enim subinde potest, ut licite contrahatur Matrimonium, quin Sacramentum celebretur.

IV. Respondeo tertio ex sententia omnium Theologorum: quando Innocentius XI. definivit, licitum non esse in administratione Sacramentorum uti opinione probabili de valore eorumdem, relicta tutiore: non opponi a Papa opinionem tutiorem ei, quæ sit moraliter certa, quamvis minus tuta; sed opponi ei, quæ speculativa tantum, non practica probabilitate gaudet. Quare omnes consentiunt, censura hacce minime comprehendi opinionem eorum, qui docent, pro materia proxima Sacramenti Pœnitentiæ satis esse contritionem imperfectam, quæ in attritione consistit: quamvis tutior sit eorum sententia, qui perfectam contritionem requirunt. Nam sufficere attritionem, inquit, vel caritatem initialem, doctrina est moraliter certa: Papa autem hujusmodi doctrinarum usum non damnat: aliter enim gravissimum nobis & intolerandum onus

Launojus
Tomo I.
p.694.

sub-

fubeundum foret, si in omnibus sequi deberemus quod esset tutius, nec satis esset iudicium moraliter certum. Atqui negari non potest, doctrinam nostram de potestate Episcoporum tempore scissuræ tot tamque gravibus fundamentis inniti: ut nullus Theologus, qui libero a præjudiciis animo ea fundamenta librarit, possit illam non judicare valde probabilem in praxi, imo etiam moraliter certam: proindeque minime illam involvi damnatione Innocentii XI., quæ de illis tantum doctrinis loquitur, quæ præterquamquod minus tutæ sunt, simplicis opinionis limites non excedunt.

V. Addo quarto & postremo loco: multas harum Propositionum ea solum de causa proscriptas esse, quod nimis generaliter loquerentur. Sub hac autem rerum specie, nec Ecclesiæ nec Summi Pontificis mens est censura suæ comprehendere casus raros & urgentis necessitatis, qualis ille est in quo versamur. Itaque passim videmus, in administratione Baptismi & Pœnitentiæ, vi necessitatis multas opiniones usurpari, quæ certe non sunt de tutioribus: neque tamen propterea generalitati illius censure Pontificiæ quam tractamus, adversarii censentur, qui talia agunt. Revera Martinus Esparza Jesuita, qui unus fuit e Consultoribus Innocentii XI. in quadam Epistula Romæ data VI. Aprilis, MDCLXXX. testatur: causam damnandæ hujus Propositionis fuisse generalitatem verborum, quibus concepta erat. *Prima illa propositio fuit reprobata propter suam illimitatam amplitudinem & generalitatem, &c.* Cujus Epistolæ inter alios meminit Pater Concina.

VI. Non obstat etiam Declaratio Sacræ Congregationis Concilii descripta a Rigantio in Notis ad Regulam Cancellariæ XLIX. ubi ille commemorat, Archiepiscopo Syracusano anno MDCLX. per Cardinalem Prodaturum sequen-

tem

tem quæstionem proponenti : *An Episcopus in casu urgentissimæ necessitatis possit ante contractum Matrimonium in impedimento publico dispensare?* *Rigantius Tom. IV. pag. 6.*
Sacram Congregationem respondisse negative. Addit in alia Congregatione paullo post coacta, falsam & temerariam judicatam esse sententiam agentem.

Dico primo : ubi de doctrina agitur, Magistrum vel Superiorem alium non agnosci nec agnosci debere ab Episcopis, quam Concilium Generale, vel Papam, solemniter definientem aut imperantem. Adde quod optimorum Theologorum & Canonistarum etiam Hispanorum sententia est. Responsa a Sacra Congregatione edita limites non excedere Judiciorum quorundam doctrinalium ; quorum proinde non major sit auctoritas, quam qua pollent privata suffragia ceterorum Theologorum ac Doctorum. Ita censet et Canonici Juris Interpretibus laudatissimus Gonzales in Apparatu ad Commentarios Decretalium, numero LVII. et Theologis magnus ille Tapia Dominicanus Archiepiscopus Hispalensis Libro IV. *Catene Moralis*, Quæstione VIII. articulo VIII., ut missum faciamus Bonacinam Disputatione I. *de Legibus*, Quæstione I. Puncto I. & Sancium Libro VIII. *de Matrimonio*, Disputatione II. numero X.

Secundo : qualiscumque hujus Congregationis auctoritas sit, nullius roboris apud Episcopos esse debet hæc illius declaratio. Non enim promulgata fuit per Provincias Christianas, nec ad Episcopos solemniter transmissa : quod tamen fieri omnino oportebat in re adeo gravi, adeo generali, & in qua tantum de Episcopalibus Juribus detrahebatur. Legatur Petrus de Marcâ Libro II. Capite XV. ubi hanc doctrinam ostendit eandem esse, quam tuentur & validissimis rationibus fulciunt *Panormitanus,*

Omnes fere Galli, Germani, & Hispani, imo & Cajetanus unus e purpuratis Patribus. Legatur & Vanespenius Tractatu de Promulgatione Legum Ecclesiasticarum, Capite II. Gibertus Dissertatione Circa necessitatem publicationis Canonum, quæ extat initio Tomi I. & Natalis Alexander Theologia Moralis Libro IV. Regula XXV. Tomo II. pag. 551.

Tertio: Si Sacra Congregatio Concilii anno MDCLX. edocuit, non posse Episcopos vel in casu urgentissimæ necessitatis dispensare circa publica impedimenta Matrimonii, ut Rigantius memoriæ prodidit: eadem anno MDCLXXIII. judicavit id posse Episcopos, teste Joanne Gerbasio Doctore Sorbonico laudatissimo, qui hoc scribebat Parisiis anno MDCLXXIX. in *Præctica Impedimentorum Matrimonii*, quæ extat ad calcem Operis sui Gallici *De Potestate Ecclesiæ & Principum circa Impedimenta Matrimonii*, pag. 412.

VII. Ad extremum si quis Quæstionem & Declarationem a Rigantio descriptas paullo accuratius pensitarit, is facile invenisset, nihil ipsis fere commune esse cum illa quæstione, quæ nunc in Lusitania agitatur. Quærere enim, an Episcopi in casu urgentissimæ necessitatis possint dispensare circa impedimenta publica: non est quærere, an penitus clauso & intercepto accessu ad Romanam Curiam, devolvatur ad Episcopos facultas providendi in his & aliis negotiis. Respondere autem Sacram Congregationem, urgentissimam necessitatem satis non esse, ut Episcopi in hoc casu dispensare valeant: non est decernere, dispensare eos non posse tum, cum nullo modo adiri potest Sedes Apostolica. Verbo dicam: casus Rigantii Episcopis conferebat jurisdictionem titulo necessitatis: ponebat enim, dispensare ideo posse Episcopos quoniam necessitas dispensandi erat.

erat. In nostro autem Systemate aliter se res habet. In eo enim (id quod summi momenti est summaque consideratione dignum) prior in Episcopis jurisdictio esse monstratur, quam necessitas in subditis : ipsaque dispensandi potestas Episcopis inesse monstratur, non ex eo quod necessitas adest, non ex præsumptione, non ex epicheia ; sed quod ordinaria illis potestas competat ad dispensandum, ubicumque dispensationem requirat necessitas. Rem enim a suismet Principiis repetentes ostendimus, nonnisi de Episcoporum consensu potuisse Papam sibi reservare dispensationes matrimoniales : Episcopos vero non aliter consensisse, nec aliter consentire potuisse ; nisi sub ea omnino conditione, ut quacumque de causa interceptus foret aditus & influxus Apostolicæ Sedis, idque nulla ipsorum Episcoporum culpa interveniente, ad ipsos rediret antiquum jus dispensandi, utpote jus proprium & ordinarium Ordinis Episcopalis. Unde ad extremum conficitur, reversionem juris hujus non oriri ab interpretativa Papæ voluntate ; sed a tacito illo & necessario pacto, quod cum Sede Apostolica iniere Episcopi, quando in reservationes consensere. Quo quidem pacto cedere illi non possunt : tenentur enim jure divino ovibus providere illasque pascere, ubicumque necessitas ingruat, in illasque influere non valeat Pastor supremus.

VIII. Atque hinc etiam satisfit tertio argumento, quod in doctrinam nostram fieri posset, quodque inde desumitur ; quod singuli Episcopi, cum ordinantur, Sacramento se obstringunt tuendi Apostolicæ Sedis Jura omnia, standique singulis ejus Dispositionibus, Provisionibus, & Reservationibus. Hoc enim jusjurandum, ut patet, semper exceptionem illam involvit, ut pro illo casu non valeat, in quo

ver-

versamur, neque etiam pro similibus aliis: ubi scilicet Papa, nulla Episcoporum interveniente culpa, diuturno aliquo impedimento constringitur, quominus publicis urgentibusque alicujus Regni vel Provinciæ calamitatibus provideat: vel etiam ubi calamitatibus ipsis providere non vult Papa, cum possit.

Hoc fundamento nixi Galli Theologi, anno MDCL. summo consensu statuere: posse designatos a Rege Episcopos in Lusitania consecrari, nulla præcedente confirmatione Pontificis. Quod enim Papæ reservata esset confirmatio Episcoporum, id illi contendebant minime valere posse, ubi & maxima Episcoporum penuria laborabat universum Regnum, & huic malo sane gravissimo mederi abnuebat Pontifex. Politicis enim quibusdam rationibus captus, omnem nobis confirmandorum de more Episcoporum spem ademerat Innocentius X. Hinc itaque argumentabantur illi Theologi: *Episcopos in Ecclesia esse Jus divinum imperat, Jus naturale jubet. Reservatio illa facta est de jure humano, quod non obligat in necessitate, non extrema tantum, sed ne in gravissima quidem. Igitur cum modo Recursus non detur, possunt Episcopi sine confirmatione Pontificis considerato præfenti statu consecrari (a).*

Balatus
Ovium
p. 225. &
226.

Ita

(a) Hoc eodem argumento & exemplo a nostris petito usus est anno MDCCXXIV. Theologus Belgæ, qui pro Theodoro Archiepiscopo Ultrajectensi eruditam Dissertationem composuit *De Misero Ecclesiæ Ultrajectinæ statu*, ubi & illud queritur: *An liceat ad Ecclesiæ confirmationem procedere, sine confirmatione Pontificis, si Pontifex rogatus eam sine causa denegat*: Id vero licere cum multis probasset auctor, tandem petito e Lusitania exemplo doctrinam suam confirmat his verbis: *Pontifices Romani Urbanus VIII. & Innocentius X. jam & duodecim annis Episcopos a Rege*

Ita sub Joanne Rege IV. argumentabantur nostri exterique Theologi: ut constat ex Libro cui titulus est, *Balatus Ovium*, Parisiis cuso anno MDCLIII. Ubi valde notandum est, quæstionem hanc superiori sæculo excitatam de Episcopis consecrandis, multo sane graviolem esse, quam quæ hodie agitur de usu dispensationum matrimonialium. Erat enim tanto gravior, quanto a validitate Ordinis plus dependet Ecclesia & fidelium æterna salus, quam a validitate Matrimonii. Nam si Ordo validus non sit, nullum verum sacrificium fieri nullæque veræ absolutiones dari possunt. Contra Matrimonium, dummodo bona fide contrahatur, prodesse illud quidem Reipublicæ potest, absque ullo contrahentium formali peccato. Nihilominus tamen consentiebant supra laudati Theologi, tute consecrari posse Episcopos, etiamsi illis deesset confirmatio Pontificia: atque eapropter consentiebant, quoniam pro comperto habebant, in re plane juris humani (qualis erat necessitas confirmationis Pontificiæ) frustra & præter rationem invitum esse Pontificem, si illo confirmationem negante, sese invicem ipsi Episcopi confirmassent, ut antiquitus fiebat. Erant ergo & nostri & Galli Theologi in ea sententia, ut crederent: quando Pa-

pa

Rege Portugallia propositos, ob rationes politicas confirmare recusaverant. Et jam eo redigebatur Portugallia, ut ex tredecim Episcopis unus tantum superesset. Rex in ea necessitate exterarum universitates consulabat, ut qua ratione succurrere posset, suggererent. Inter cetera autem consilia, hoc etiam a Doctoribus asseriebatur; posse scilicet Episcopos sine confirmatione Pontificis, considerato presenti statu, consecrari. Idque sic probabant: Episcopos in Ecclesia esse Jus divinum imperat, &c. Hæc nos ex Libro Hagæ Comitum impresso anno MDCCXXXVII. cui titulus est: Acta quædam Ecclesie Ultrajectine, &c. pag. 26.

pa consentientibus ipsis Episcopis sibi reservavit confirmationem Episcoporum, huic reservationi eatenus adsensum præbuisse illos, quatenus Papa non potente vel nolente confirmationem dare (idque sine iusta causa), ad eosdem Episcopos devolveretur auctoritas confirmandi, quæ ipsis per antiquos Canones competebat.

Nixus eodem fundamento docebat Petrus de Alliaco Episcopus Cameracensis, an. MCCCCIX. & cum Alliaceno idem tunc temporis sentiebant, quotquot e Theologis pacis amatores erant: Avenionensi schismate perdurante, convocari celebrarique posse Concilium Generale, etiamsi certus Papa nullus esset. Arbitrabantur enim, Positiva Jura omnia, quæ soli Papæ hanc auctoritatem reservabant, omnino cessare pro eo casu, ubi nullus in Ecclesia Papa erat, propter schisma quo ipsa opprimebatur. Videatur Alliaceni Dissertatio apud Martinum Tomo II. *Anecdotorum* pag. 1409.

IX. Quod si quis nobis opponat, tempore Domini Regis Joannis IV. fuisse Papam, qui Episcopos confirmare nollit: nunc autem Regem esse, qui nolit a Roma dispensationes peti: adeoque mirum non esse, quod nunc de sua potestate ad dispensandum dubitent illi ipsi, qui ubi de confirmationibus agitur, potestatem illam penes se esse fatentur. Si quis, inquam, hoc nobis opponat: dico parum interesse nostræ, Papa an Rex sit, qui Curia accessum occludit; quando nulla Episcoporum, nulla subditorum culpa occludit. Sicut enim Theologi, quos consuluit Dominus Rex Joannes IV. uni illi fundamento insistebant, quod ipse ab Lusitanis Statibus renuntiatus Rex esset, jureque Successionis capeffisset Regnum, utpote Serenissimæ Domus Brigantinæ heres legitimus; nullamque interim rationem habebant eorum, quibus motus Pontifex legitimum eum Regem dubi-

dubitabat agnoscere, designatisque proinde ab eo Episcopis confirmationem denegabat: ita & nos nihil de eo debemus esse solliciti, uter jure injuriave pacem abruperit. In utroque enim casu sive Papa, sive Rex fuerit, qui aditum Curiae clausit: res facti est, clausum esse re ipsa Curiae aditum, nulla subditorum culpa; totique Regno gravissimum malum esse, dispensatore carere: juris vero est, ad Episcopos nihil aliud spectare, quam Principibus suis dicto audientes esse, ut subditos, gregisque sibi crediti spiritualibus calamitatibus subvenire, ut Pastores. Sicut ergo sub Domino Rege Joanne IV. id unum respiciebant Theologi, esse eum Regem suum legitimum, ac pro Rege haberi a suis: ita nunc unum illud attendere debent Theologi & Episcopi, cavisse decreto suo Dominum nostrum Regem, nequis cum Romanis commercium ullum haberet; Regeque ita decernente, debere omnes ab hujusmodi se commercio abstinere, justamque ejus jussionem existimare: ex eo autem quod ita Rex præceperit, consequens esse, ut magno cum animarum damno dispensationum penuria laboret Lusitania, quin in subditorum potestate sit Regium Decretum impedire vel vitare. Nam ut supra jam ostendimus, in his quæ intrinsecus mala non sunt, minime spectat ad subditos præcepti causa excutere, sed tantum præcipienti obtemperare: ita ut nihil umquam, nisi quod optimum sit, imperari ab illis credant, qui Dei in terris vices agunt, cujusmodi sunt Reges & Principes Supremi: ipsisque etiam religioni sit, vel cogitando culpæ facta & iussa illorum, quorum Personas divinæ humanæque Leges Sacrosanctas vocant. Qua in re perpetuo meminisse debent admirandæ illius sententiæ S. Cyrilli in Psalmum L. *Impius est qui Regi dicit, Impie agis.*

P

X. Ne

X. Nequa difficultas sit, quam non explane-
mus: quarto & postremo loco argumentum aliud
adversus systema nostrum proponemus, cujus so-
lutione penitus illustrata & confirmata manebit
universa doctrina superiorum Principiorum.
Est autem argumentum tale. Omnibus Catho-
licæ Ecclesiæ Episcopis persuasum est, quid-
quid potestatis in se residet, totum id sibi a
Papa immediate proficisci: nihilque aliud se
posse, nisi quod ipsos posse velit Papa. Omnes
enim se hujus vel illius urbis inscribunt Epi-
scopos, *Dei & Sanctæ Sedis Apostolicæ gra-
tia* (a). Ex quo illud efficaciter concludi vi-
detur,

(a) Andreas Duvallius, magni nominis apud Ro-
manos Theologus Gallus, in Libro de *Suprema Po-
testate Papæ*, Parte III. Quæstione VI. (quem ille
ut Romanæ Curix gratificaretur, suasu Cardinalis
Perronii composuit initio superioris sæculi) adfirma-
re non dubitavit, formulam hanc, quæ se inscribere
solent Episcopi hodierni, *una cum nascente Ecclesia
ortum habuisse*. Id quod Edmundus Richerius meri-
to irrisit & confutavit Libro I. *Historiæ Conciliorum*,
Capite X. num. XI. pag. 297. Constat enim formu-
lam illam esse novitiam, & decem prioribus sæculis
prorsus ignotam: quæ ab uno aliove Episcopo pri-
mum usurpata, sensum deinde, nec tamen ubique aut
uno eodemque simul tempore a ceteris recepta fuit
post sæculum XII. Eam certè formulam ignorabat
sæculo undecimo exeunte Ivo Carnotensis in Gallia
Episcopus, qui Epistolam CLXVIII. sic auspicaba-
tur: *Daimberto DEI GRATIA Senonensium Archiepi-
scopo, Ivo EADEM DEI GRATIA Ecclesiæ Carnoten-
sis Minister, salutem & servitium*. Epistolam autem
CLXIX. hoc modo: *Ivo DEI GRATIA Carnotensis
Ecclesiæ Minister, Galloni EADEM GRATIA Parisio-
rum Episcopo salutem*. Ignorabat post medium sæcu-
lum duodecimum Guillelmus Episcopus Aptensis in
eadem Gallia, dum anno MCLX. ita scribebat: *Ego
Guillelmus SOLIUS DEI GRATIA Aptensis Episcopus
&c.* quod Instrumentum habet apud Galliam Chri-
stia-

detur, si cum a Regibus prohibentur subditi Apostolicam Sedem adire, concedi ab Episcopis matrimoniales dispensationes nolit Pontifex; non posse illas ab Episcopis licite nedum valide concedi. Speciosum fane argumentum, quod a me dissimulari non debuit: quippe qui probe agnoscerem plurimum illo fidere e nostris, quotquot a teneris (quod ajunt) ungiculis, non aliis quam Romanis placitis adfuevere: cum tamen nihil eo moveri debeant, qui in Principia a nobis stabilita, atque in ea etiam quæ docere jam pergitur funditus penetrarint.

Dico igitur primo: privatos sensus horum vel illorum Episcoporum obesse non debere Juribus & Privilegiis illis, quæ in Episcopali Ordine semper agnovit Ecclesia, mota sane tum magnifica illa forma verborum, quibus Christus Episcopatum instituit, tum etiam estimatione ea, quam de Episcopatu nobis re-

P 2 lique-

ftianam, in Instrumentis Tomi I. pag. 78. Ignorabat anno MCCCXXXVIII. Willelmus Archiepiscopus Eboracensis in Anglia, dum epistolam quamdam sic ordiebatur: (Tomo II. Concil. Angl. pag. 624.) *Willelmus PERMISSIONE DIVINA Archiepiscopus Eborum, Anglie Primus, venerabili fratri nostro J. DEI GRATIA Carliolensi Episcopo salutem.* In Germania quidem, si Meibornium audimus a Contrigio citatum in Dissertatione *De Constitutione Episcoporum Germanie*, numero LXXV. Tomo II. pag. 642. ex Hildesiensibus Episcopis primus fuit Henricus, qui circa annum Christi MCCCL. formula illa usus fuerit: *Henricus Dei & Apostolicæ Sedis gratia Episcopus Hildesienfis*. In Hispania vero, etiam post Concilium Tridentinum, modo unam, modo alteram formulam usurpasse Episcopos docent Acta Concilii Compostellani de anno MDLAV. Præside Gaspare de Zuniga Avellaneda, Conciliorum Hispaniæ Tomo V. pag. 445.

liquere priora sæcula. Jam ex Sanctis Patri-
bus Sacrisque Conciliis demonstravimus, unum-
quemque Episcopum habitum a majoribus esse
pro supremo quodam Pastore supremoque Ad-
ministratore suæ Parœciæ. Cum habeat in Ec-
clesiæ administratione voluntatis suæ arbitrium liber-
um unusquisque Præpositus, agebat S. Cyprianus in
Epistula LXXII. Demonstravimus, tantam po-
testatem tantamque jurisdictionem in ipsos non
aliunde, quam a Christo immediate emanare:
in eaque sententia perstitisse Ecclesiam per duo-
decim sæcula. Nam medio sæculo IX. prote-
stabantur Patres octavi Concilii Generalis, de-
poni a se & anathematizari Phocium, PER
DATAM NOBIS POTESTATEM IN SPIRITU SAN-
CTO A PRIMO ET MAGNO PONTIFICE NOSTRO,
LIBERATORE AC SALVATORE CUNCTORUM. Et
adhuc medio XII. ad Eugenium Papam Ter-
tium hæc scribebat S. Bernardus: *Erras, si ut
summam, ita solam a Deo tuam existimas potesta-
tem (a).* Et adhuc ineunte XIV. illud tam-
quam ubique receptum tradebat Durandus E-
piscopus Mimatenus: *Quod Episcopi potestatem
& honorem receperunt a Deo, a quo Episcopi lo-
co Apostolorum constituti sunt (b).*

Exor-

(a) Sententiam hanc Bernardi suam fecere Galli-
cani Præsules in epistula Synodica ex Parisiensi Ge-
nerali Conventu data, XIV. Kalendas Aprilis, anno
MDCLXXXII. In Romano Pontifice, Petri Successore,
*summam, licet non solam, cum Sancto Bernardo a Deo
institutam Apostolicam potestatem veneramus.*

(b) Centum fere & viginti post Durandum an-
nis, pulcherrimum hoc luculentissimumque testimo-
nium de Sacerdotii divina origine divinaque aucto-
ritate nobis reliquit Nicolaus de Cusa Cardinalis,
Libro III. de Concordantia Catholica Capite XLI.
pag. 823. *Consideret Romanus Pontifex, si Sacerdotium
est ut anima una, que est tota in toto, & tota in qua-
libet.*

Exorti postea sunt famosi Dominicani tres, Petrus de Palude, Joannes a Turrecremata, & Thomas de Vio Cajetanus: illustres illi quidem cum Professione, tum Litteratura, tum Dignitatibus. Horum prior in Libro de Causa immediata Ecclesiasticæ Potestatis docuit: *Esse Episcopos meros quosdam Papæ Procuratores, quos ille proinde a suis officiis pro libitu removere possit, vel eorum potestatem restringere etiam tum, cum nulla in ipsis est culpa.* Docuit alter in Libro de Ecclesia: *Ex omnibus Jurisdictionibus quæ sunt in Ecclesia, solam Pontificiam a Christo esse immediate: ita ut ipsa Apostolorum jurisdictione non a Christo immediate, sed a Petro profecta fuerit.* Quæ doctrina vel ipsi Bellarmino absurda visa est & cum Evangelio pugnans: ipsamque proinde hæreticam declaravit Sacra Facultas Parisiensis, teste Joanne Majore (a).

P 3

Do-

libet ejus parte; quod tunc executiones potestatum quoad decretam provinciam secundum plus & minus, cum ab extrinseco dependant, non diminuant spirituales potestatem in se. Unde sicut anima ipsa in pede hominis non est major nec minor, propter vitam quam pedi præstat ipsamet anima quæ in capite vel in corde residet: sic ipse Papatus se habet ut anima in capite: & Patriarchatus ut anima in auribus vel oculis: & Archiepiscopalis dignitas ut anima in brachiis: & Episcopalis ut in digitis, & sic de singulis usque ad pedes, qui in Republica plurales designant: unde anima eis vitam præstans, Curatos recte significat. UNA ERGO EST A DEO OMNIUM LIGANDI, SOLVENDI, AC VIVIFICANDI POTESTAS, LICET ILLA EX PARTE MEMBRORUM ALIA ATQUE ALIA, MAJOR ET MINOR VIDEATUR.

(a) Locus Majoris his verbis concipitur in IV. Sentent. Disp. XXIV. Tom. II. Gersonianorum Operum pag. 1130. Tam Episcopi, quam Curati, sunt de jure divino, quemadmodum Romanus Pontifex: nec aliquis purus homo potest illud Jus, & illas Potestates tollerare.

Docuit tertius in Libro de Comparatione Patris & Concilii Generalis: Ecclesiam servam natam esse Romani Pontificis. Quæ adsertio horrorem incutit iis omnibus, qui harum rerum gustum aliquem ex antiquitate hausere.

His aliisque id genus novitatibus perpetuum bellum indixere Theologi Academiae Parisiensis (a). Indixere etiam apud Tridentinam Synodum, coita cum Gallis societate, Episcopi & Theologi Hispani, e quorum numero erant Dominus Archiepiscopus & Primas Bracarensis Frater Bartholomæus a Martyribus, Doctorque Di-

lere ab Ecclesia, plusquam Summum Pontificatum: licet Petrus Paludanus & de Turrecremata teneant oppositum. Sed quod ipsi tenent, censuit in Fide hæresim. Facultas nostra, & hoc idem aliis rationibus munimus: Jacobus vero Almainus in Quæstione de Dominio Naturali, Civili, & Ecclesiastico, Conclus. II. ibidem pag. 968. Petrus de Palude, inquit, Tractatu suo de Ecclesiastica Potestate, Art. 5. & 6. dicit unum quod est mirandum; quod Rex non potest deponere vasallum ut alterum instituat, imo si deponat, non tantum peccat, sed etiam nihil facit. Papa autem, si destituat magis bonum sine causa, & loco ejus ponat minus bonum, licet peccet, tamen institutio tenet. Si tamen minus bonum destituat, ut ponat magis bonum, tenet institutio & non peccat. QUÆ PROFACTO SENTENTIA EST IGNE DIGNA, cum constet Prælatos & Titulares verum Jus habere, quo nullus invitus sine causa rationabili privari potest.

(a) Acta Sacræ Facultatis pro divina institutione divinaque auctoritate Episcoporum adversus Joannem Sarrazinum anno MCCCCXXIX. adversus Nicolannum Quadrigarium anno MCCCCXXXII. adversus Joannem Munerii anno MCCCCLXX. adversus Joannem Angeli anno MCCCCLXXXII. adversus Cajetanum Cardinalem anno MDXII. diligenter collegit Illustrissimus Bossuetus in *Defensione Declarationis Cleri Gallicani* Libro VI. Cap. XXI. & XXII. Tomo I. pag. 512. & seqq.

Didacus Payva Andradius, Sebastiani Regis Theologus (a). Sed cum ex una parte cœperit Romana Curia infestam se ostendere omnibus illis doctrinis, quæ absolutæ illius Monarchiæ adversabantur: ex altera vero Scholis fere omnibus Magistri præfecti fuerint Jesuitæ: factum inde, ut unius Galliæ finibus concluderetur, maneretque Sorbonæ propria antiqua doctrina, quæ tot sæculis apud Ecclesiam sola viguerat.

XI. Quid igitur judicare debemus? errarene hodiernos Episcopos omnes, cum se inscribunt Episcopos *gratia Sanctæ Sedis Apostolicæ*? minime: neque illud a nobis dici pateretur Christiana pietas. Dico ergo secundo: quod Episcopi se Episcopos inscribunt Apostolicæ Sedis *gratia*, id non esse idem, ac fateri Episcopos, jurisdictionem suam non immediate a Christo esse, sed ab Apostolica Sede. Namque eodem

P 4

modo

(a) Cum in adferendo divino jure Episcoporum egregiam operam posuerint apud Tridentinam Synodum omnes Antislites Hispani, ceteris tamen in eo negotio palmam præripuisse constat Bartholomæum de Martyribus Archiepiscopum Bracarensem, Petrum Guerrerium Archiepiscopum Granatensem, Martinum Perezium de Ajala Episcopum Segoviensem, Didacum Covarruviam Episcopum Civitatensem, Melchiorem Avosmedianum Episcopum Gaditanum, Joannem Suarium Episcopum Conimbricensem, & Gasparem Casalium Episcopum Leiriensem. Inter Theologos autem primas tulit Petrus Sotus Dominicanus. Consule Historiam Concilii apud Sarpium toto Libro VII. apud Pallavicinum Libro XIX. Capite 5. 6. & 7. Actaque ab Odorico Raynaldo producta ad annum MDLXIII. Quod autem Pallavicinus in postremo de citatis Capitibus adserit, doctrinam illam a Petro de Victoriâ ebibisse Hispanos Antislites: putida cavillatio est hominis Itali, quam commemorasse confutasse est.

Gregor.
Tom. II.
pag. 526.

modo se inscribebant Episcopi tempore Concilii Tridentini: & ibi tamen, testibus Pallavicino & Sarpio, summa contentione ostenderunt Galli & Hispani, potestatem Episcoporum immediate proficisci a Christo. Præterea S. Gregorius Magnus Libro I. Epistula XXXVI. ad Petrum Subdiaconum, scribit Episcopos ex liberalitate S. Petri habere, quod sint Pastores. *Ex Petri largitate* (inquit) *Pastores sunt Episcopi*. Et tamen idem Summus Pontifex Libro VIII. Epistula XXX. Eulogium Alexandrinum eo nomine carpit, quod eum in suis litteris titulo *Universalis Episcopi* decorasset. Id vero sibi ea propter displicere docet Gregorius, quod vocari *universalis Episcopus* Papa non possit, nisi aliorum Episcoporum Juribus violatis: quippe qui titulo illo ostendat, omnem potestatem in se uno residere: cum e contrario ostendere ille in omnibus debeat, unum eundemque Christum fuisse, qui & Petrum creavit Primatem Ecclesiæ & Apostolos Episcopos constituerit: unum eundemque fuisse, qui eosdem Apostolos & inter se fratres & unius ejusdemque confortes fecerit potestatis, licet aliter a Petro, aliter a ceteris exercendæ. Quare Eulogium monet Gregorius, ut in posterum caveat, ne sibi *universalis Episcopi* titulum adscribat; esse enim titulum illum superbum, & Episcopis injurium, qui fratrum loco a se habeantur & haberi debeant. *Superba appellationis verbum, universalem me Papam dicentes, imprimere curastis. Quod peto dulcissima mihi sanctitas vestra ultra non faciat. QUIA VOBIS SUBTRAHITUR, QUOD ALTERI PLUSQUAM RATIO EXIGIT PRÆBETUR. Et mox: Scio qui sum, qui estis: loco enim mihi fratres estis, moribus patres: Nec honorem esse deputo, in quo fratres meos honorem suum perdere cognosco.*

Ibid. p.
919.

XII. Hinc etiam est, quod cum Eugenius Pa-

Papa IV. in Florentino Generali Concilio definierit, quæ prærogativæ essent Primatui Romani Pontificis a Christo adnexæ : atque id quidem ea verborum forma definierit, qua nihil majus, nihil honorificentius post hominum memoriam fuerat auditum : (sic enim habet : *Romanum Pontificem Successorem esse Beati Petri & verum Christi Vicarium, totiusque Ecclesiæ Caput, & omnium Christianorum Patrem ac Doctorem existere; eique pascendi, regendi, ac gubernandi universalem Ecclesiam a Domino nostro Jesu Christo plenam potestatem traditam esse*) nequis propterea arbitraretur, penes unum & solum Papam residere, quidquid jurisdictionis a Christo est institutum ; Decretum suum his verbis conclusit Eugenius, *Salvis Privilegiis Patriarcharum & Juribus eorum*. Optime igitur cum Juribus Episcoporum consistere potest Primatus Papæ : potest jure divini Papæ inesse plenissima potestas, potest & Episcopi competere sua portio, ab uno eodemque Christo in ipsos derivata. Qui enim Petro dixit : *Quodcumque solveris &c. Pasce oves meas*, &c. idem & ceteris Apostolis dixit : *Quodcumque alligaveritis, &c. Ite ... docete ... Sicut misit me Pater, & ego mitto vos*.

XIII. Unum illud explicandum superest, quo sensu Episcopi, salvis juribus suis, inscribere se possint (ut laudabiliter quidem inscribunt) Episcopos *gratia Apostolicæ Sedis*. Dico ergo tertio : multis ex capitibus posse Episcopos auctoritatem suam adscribere Apostolicæ Sedi, quin propterea inficientur, potestatem suam tam immediate esse a Christo, quam potestatem Papæ. Primum ex eo, quod Apostolica Sedes centrum sit Catholicæ unitatis, secundum illud magni Cypriani in epistula ad Cornelium : *Navigare audent ad Ecclesiam principalem, UNDE UNITAS SACERDOTALIS EXORTA EST.*
Dein-

Deinde ex eo, quod ut Sancti Patres constanter docent, in Beato Petro initium habuit Episcopatus, qui in tota Ecclesia unus est in multos divisus: non quod solus Petrus Episcopus fuerit, sed quod primus fuerit, cui Christus potestatem Episcopalem dedit, & qui totius Ecclesiae nomine illam accepit. Audiamus pro omnibus unum Augustinum Tractatu CXVIII. in Joannem, num. IV. *Cum omnes essent interrogati, solus Petrus respondit, TU ES CHRISTUS. Et ei dicitur, TIBI DABO, &c. tamquam ligandi ac solvendi solus acceperit potestatem: cum & illud unus pro omnibus dixerit, & hoc cum omnibus, tamquam personam gerens ipsius unitatis acceperit: ideo unus pro omnibus, quia unitas est omnibus (a). Tertio ex eo, quod ut*
mo-

August.
To. III.
pag. 800.

(a) Eodem spectat illud ejusdem Augustini Tractatu L. in Joannem num. 12. Tomo III. p. II. p. 633. *Si in Petro non esset Ecclesiae Sacramentum, non ei diceret Dominus: Tibi dabo claves Regni Caelorum, quaecumque solveris in terra, soluta erunt & in Caelo, &c. Si hoc Petro tantum dictum est, non facit hoc Ecclesia: si autem & in Ecclesia fit, ut quae in terra ligantur, in Caelo ligentur, & quae solvantur in terra, solvantur in Caelo: quia cum excommunicatur Ecclesia, in Caelo ligatur excommunicatus; cum reconciliatur ab Ecclesia, in Caelo solvitur reconciliatus. Si hoc ergo in Ecclesia fit, PETRUS QUANDO CLAVES ACCEPIT, ECCLESIAM SANCTAM SIGNIFICAVIT. Et illud in Sermone CXLVII. de Verbis Evangelii Joannis, num. 2. Tomo V. pag. 702. *Per singula dicebat Dominus Jesus, Petro dicenti, Arde te, Pasce agnos meos, pasce oviculas meas. In uno Petro figurabatur unitas omnium Pastorum, sed bonorum, qui sciant oves Christi pascere Christo, non sibi. Item illud in Psalmum CVIII. num. 1. Tomo IV. pag. 1215. *Quaedam dicuntur, quae ad Apostolum Petrum proprie pertinere videantur; nec tamen habent illustrem intellectum, nisi cum referuntur ad Ecclesiam, cujus ille agnoscitur in figura gessisse personam, propter Primatum quem in di-*
sci-**

monuit Innocentius I. in Epistula ad Decen- *Innocen-*
tium Episcopum Eugubinum, ab Ecclesia Ro- *tius ex*
mana cum ipsa fidei luce primos Episcopos ha- *editione*
buere Occidentales Ecclesiæ. Unde sequitur, *Quesnel-*
hodiernos Episcopos omnes Latinæ Ecclesiæ fi- *li Tomo*
lios *II. Oper.*
S. Leonis
p. 50.

scipulis habuit. Sicuti est, Tibi dabo claves Regni
Cælorum, & si qua hujusmodi. Hæc aliaque id genus
Augustini testimonia, quibus mirifice illustratur do-
ctrina a nobis tradita Principe V. de immediato
subiecto spiritualis potestatis, quam Ecclesiam esse
diximus, live corpus Pastorum, cujus Ecclesiæ figu-
ram gerebat Petrus. Hæc, inquam, Augustini testi-
monia ea ratione eludere se posse judicavit Cardi-
nalis Cajetanus, quam in Tractatu de Auctoritate Ec-
clesiæ & Concilii Generalis, Capite VII. explicat &
merito confutat Jacobus Almainus Parisiensis Doctor,
Tomo II. Gersonianorum Operum, pag. 990. his
verbis: Contulit Dominus claves Petro Summo Pontifi-
ci, ut signo & figuræ Ecclesiæ. Ergo per amplius &
magis contulit Ecclesiæ. Probatur antecedens per Augu-
stinum super Joannem, & ponitur 24. Q. 1. Can. Quod-
cumque. Petrus quando claves accepit, Ecclesiam
sanctam significavit. Nec valet dicere, sicut dicit Tho-
mas de Vio, quod hoc est intelligendum ad istum sen-
sus, quod non solum personæ Petri, sed & officio suo
in æternum duraturo collatæ sunt claves: & quia offi-
cium Petri est officium capitis, quod habet influere in
corpus reliquum; ideo officio capitali data, toti corpori
data dicuntur & sunt. Probo enim quod non ad illum
sensum dicit Augustinus claves datas esse Ecclesiæ: quia
hoc modo claves esse datas Ecclesiæ; esset eas datas esse
propter Ecclesiam finaliter, & non ei datas esse formu-
liter: quod manifeste est contra Augustinum dicentem in
eodem Cap. Si hoc tantum Petro dictum est, puta,
Quodcumque ligaveris, &c. non hoc facit Ecclesia:
ubi pro inconvenienti infert istud consequens, quod Ec-
clesia non ligat, & quod Ecclesia non solvit. Conferat
ur Edmündus Richerius de Ecclesiastica & Politica
Potestate, in demonstratione Capitis II. num. 5. & 7.
pag. 12. & 16. & Anonymus Benedictinus in Gallicis
Explicationibus Textuum Difficilium Novi Testamenti,
ad Caput Marthæ XVIII. §. XXIV. pag. 574. & seqq.

lios esse illorum antiquorum Episcoporum, quos Romani Pontifices initio dedere Afris, Gallis, Hispanis, Italis, & Germanis (a).

XIV. Siquis tamen nos urgeat dicens, titulo saltem confirmationis esse hodiernos Episcopos Papæ immediate subjectos, adeoque a solo Papa immediate haurire eos, quidquid in ipsis est potestatis: repono primo, hanc ipsam confirmationem unam esse de Reservationibus illis, quas ex solo Episcoporum consensu exercet Papa. Quamvis enim Papa, præter qualitatem Supremi Primatis totius Ecclesiæ, Patriarchali etiam dignitate fruatur in Occidente: nihilominus confirmatio ipsa Episcoporum, ante Reservationes invec̃tas, ad Metropolitanum vel ad Provincialem Synodum omnino pertinuit: quemadmodum constat ex Canonibus Nicænis, Antiochenis, Laodiceis, Carthaginensibus, Arelatensibus, aliisque a Dupino laudatis Dissertatione I. §. XII. Et adhuc jure novo Decretalium Gregorii IX. Metropolitanum competebat confirmatio Suffraganeorum, ut initio hujus Operis jam ostendimus. Atque id ipsum confirmat Illustrissimus Dominus Rodericus a Cunia, dum in Historia Ecclesiæ Bracareñsis Tom. II. Cap. IX. diffidium commemorat Mauriti Archiepiscopi Bracareñsis cum Bernardo Archiepiscopo Toletano, ex eo ortum anno MCXIV. quod Bernardus sibi ad-

Dupinus
p. 63.

ro-

(a) Veteris quidem instituti est, specialem reverentiam Matricibus sive Metropolibus Ecclesiis exhiberi ab iis, qui inde fidei & pietatis originem ducunt. Sic enim de Cæsarea Cappadociæ Metropoli ad Basilium scribebat Gregorius Nazianzenus: *Igitur cujuslibet quidem Ecclesiæ tamquam Corporis Christi habenda est ratio: maxime vero nostræ, quæ prope mater est omnium Ecclesiarum, & fuit ab initio, & nunc quoque est & nominatur; quam Christiana Respublica, velut centrum suum circulus undique observat.*

rogaret confirmationem Episcoporum Lucen-
sium, quæ ad Archiepiscopum Mauritium jure Tom. II.
spectabat, ut qui illius Civitatis Metropolitanus p. 35. &
esset. Et rursus Cap. XII. narrat idem Histo- 50.
ricus, anno MCXXIV. electionem Episcopi Co-
nimbricensis, utpote Suffraganei sui, confirmasse
Pelagium Archiepiscopum Bracarensem.

Repono secundo: ex eo quod Summus Pon-
tifex confirmat Episcopos, minime sequi nec
argumentari licere, potestatem Episcoporum
non a Christo, sed a Papa immediate profici-
sci. Admissa quippe electione, (id enim signi-
ficat confirmatio) eodem modo ratiocinari de-
bemus de Episcopis receptis a Papa, ac de Pa-
pa ab Ecclesia recepto. Illum Ecclesia recipit
pro Papa, quem Cardinalis eligunt: positaque
hujusmodi receptione, omnes fatentur fateri-
que omnino debent, sic electum Primatem to-
tius Ecclesiæ divino jure constitui, a Christo-
que immediate accipere plenitudinem potesta-
tis Papalis. Ita similiter admissa a Papa ele-
ctione Episcoporum, statuere debemus a Chri-
sto in Episcopos, non verò a Papa, totam
ipsorum potestatem emanare.

Ratio hujus doctrinæ est: quod tam in Pa-
pa, quam in Episcopis, aliud est jurisdictio
ipsorum officio adnexa, aliud designatio homi-
nis illius, qui officium illud obiturus est. De-
signatio Episcopi a Papa quidem est, ut con-
ditio quædam extrinseca: jurisdictio vero im-
mediate a Christo confertur, ut qualitas quæ-
dam intrinseca Ordini Episcopali. Quemadmo-
dum designatio Papæ ab Ecclesiæ quidem ele-
ctione est: jurisdictio vero, ut omnes fatentur,
a Christo immediate descendit, tamquam uno
& solo Primatus auctore (a). Alioquin pronun-
tiant-

(a) Richerius Historiæ Conciliorum Libro I. Ca-
pite

tiandum nobis esset, quando a Metropolitano confirmabantur Suffraganei, eique Suffraganei obedientiam spondebant; non a Christo, sed a Metropolitano jurisdictionem conferri Suffraganeis ipsis: quod quidem totius antiquitatis sensui penitus adversatur, ut jam ostendimus.

TEN-

pite X. num. XI. pag. 297. *Profecto, quamquam Episcopus Parisiensis in suis Litteris formula illa hodie utatur: N. Dei & Sanctæ Sedis Apostolicæ gratia Episcopus: nihilominus æque suam auctoritatem & jurisdictionem immediate a Deo derivat, quam Papa: & dum aliquem a peccatis absolvit, aut leges condit, id gratia & auctoritate divina immediate facit, sicut & Paulus V. Pontifex Maximus. Ratio est: quoniam utriusque, nimirum & Henrico Gondio & Paulo V. Christi & Ecclesiæ auctoritate potestas immediate una cum Ordinis Episcopatus & tituli collatione confertur: licet hæc fiant & administrantur hominum ministerio. Eo sensu Cajetanus apud eundem Richerium Libro II. adversus Duvallium Capite VII. num. XXIV. pag. 269. Cum Papa eligitur, nec secum adfert claves, neque ab Ecclesia illas accipit, sed a Christo, non nova traditione, sed antiqua; illamque, qua tradidit Petro. Ecclesia si quidem ministerio electionis personam deputat, quæ Petro succedat. Christus autem in B. Petro cuilibet Successori claves tradidit.*

TENTAMINIS THEOLOGICI PARS SECUNDA.

Documenta & Exempla illa complectens, quæ nobis diversis temporibus dedere Theologi, Episcopi, & Academia Catholica: ut inde intelligeremus, quando inaccessa Roma est sive causa schismatum, sive causa bellorum & pestilentiarum, sive Decreto Supremorum Principum; devolvi ad Episcopos facultatem & potestatem providendi & dispensandi circa casus omnes Papales, ubicumque id subditorum necessitas aut utilitas efflagitarit,

DOCUMENTUM I.

Guillelmus Ockamus ex Minorum Ordine Nominalium Princeps, Libro II. Dialogorum suorum de Potestate Papæ & Cleri, Capite XXVIII. Alius casus esset, si Catholici per bella intestina vel per infideles aut schismaticos, aut aliter taliter premerentur, quod ad Apostolicum verum non possent habere Recursum. Et tunc diversæ Provinciæ possent convenire ad præficiendum sibi unum caput. Tunc enim liceret quibuscumque Provinciis (quæ possent & vellent) sibi constituere unum Primatem. Et ita possent aliquæ Provinciæ in una parte mundi unum, & aliæ in alia parte mundi alium sibi constituere Primatem. Mox sibi opponens generales Canones in speciem repugnantes, hoc modo respondet: Respondetur quod quando potest haberi Recursus ad Papam, non est nova dignitas constituenda absque licentia Papæ: in quo casu loquuntur Canones sacri. Sed quando non potest haberi Recursus ad Papam Catholicum, tunc pro utilitate

*Ex edit.
Goldasti
Tom. II.
P.I. pag.
817.*

litate communi licet novam constituere dignitatem, duraturam saltem usquequo possit haberi ad Papam Recursus (a).

DOCUMENTUM II.

Gerson
Tom. II.
p. 6. & 7.

Joannes Gerson Cancellarius Academiae Parisiensis, Tractatu De Modo se habendi tempore

(a). Pro Ockamo ejusque doctrina satis eruditam Apologiam Ludovico XI. Gallorum Regi obtulere ejus discipuli anno MCCCCLXXXIII. quam ex Codice manu exarato Colbertinae Bibliothecae edidit Baluzius Miscellaneorum Tomo IV. pag. 531. ex Baluzio Argentraeus in *Collectione Judiciorum de novis erroribus*, Tertia Parte Tomi I. pag. 286., quam proinde in alterutro legere erit operae pretium. Scio enim, quanta infamia (apud Italos praesertim Scriptores) laboret Ockami nomen, quem tamquam haereticum & schismaticum passim traducere solent propterea, quod Ludovici Bavarum Imperatoris iura ab injuriis Joannis Papae XXII. impie vindicavit, eoque nomine anathematis fulmine percussus fuerit ab eodem Papa. Melior profecto Ockami fortuna fuisset, si nostro vel superiori vixisset saeculo, quo doctrina de veris limitibus Imperii & Sacerdotii tot egregiis monumentis enucleata & illustrata est a Paulo Sarpio, utroque Barclajo, Jacobo Benigno Bosueto, Ludovico Elia Dupino, aliisque summis Theologis: ut si Romanos excipias, nullus hodie in tota fere Ecclesia sit, qui Gregorii VII. in Henricum IV. Bonifacii VIII. in Philippum Pulchrum, Joannis XXII. in Ludovicum Bavarum, facta dictaque non incuset, non carpat, non detestetur. De eodem Ockamo praeclarum illud testimonium dedit Jacobus Augustus Thuanus in epistula quadam ad Melchiorrem Goldastum: Porro ex omnibus auctoribus; qui de Potestate Papae scripsere, nullus extat, ex quo plura & salubriora documenta hauriri queant ad legitimam potestatem Romani Pontificis cognoscendam, & regendam, quam ex Magistro Ockamo.

re schismatis, prope finem: Tertium documentum est de casibus reservatis Papæ, de Dispensationibus, & aliis in foro conscientie vel publico. Neutrales videntur habere sufficientem Recursum ad Ordinarios, apud quos secundum eorum opinionem communiter loquendo est potestas devoluta.

DOCUMENTUM III.

Illustrissimus Bossuetus Episcopus Meldensis in Defensione Declarationis Cleri Gallicani, Libro V. Capite VIII. *Subtracta semel obedientia, quid aliud fieret, quam ut Episcopali regimine tantisper componeretur Ecclesia, donec Summus Pontifex crearetur?* Bossuetus
Tomo I.
p. 399.
Amstelod.
174.

DOCUMENTUM IV.

Ludovicus Thomassinus Congregationis Oratorii Gallicani Presbyter, Secunda Parte Operis de Disciplina circa Beneficia, Libro III. Capite XXVIII. numero X. *Avenionensi schismate conflagrante, cum se regna quadam tamquam in interregno sacro ab omni subtraxerint Summorum Pontificum obedientia, eam sibi visi sunt recuperasse Episcopi potestatem dispensandi amplissimam, qua quondam potiebantur: atque in Pisano Concilio anno 1409. ratum habuit Alexander V. Papa, quidquid ab illis interim fuisset dispensatum.* Thomass.
Tom. II.
p. II. p.
334. Paris.
1691.

DOCUMENTUM V.

Petrus de Marca Archiepiscopus Parisiensis Libro III. de Concordia Sacerdotii & Imperii, Capite VI. numero VI. *Sane dissimulandum non est, eam qua Jure divino Episcopis quesita est Ecclesie administrationem, nullis Decretalibus ablatam fuisse, quamvis potestatis illius exercenda* Marca
P. I. pag.
147. Paris.
1669.

Q

mo-

modus variis Constitutionibus varie pro temporum ratione præscriptus fuerit. Itaque si ea tempora incidant, ut regenda Ecclesiæ necessitas Episcopos a regulis recentioribus discedere cogat; nihil vetat, quominus jus naturale & divinum, omissis formulis quæ jure novo præscriptæ sunt, locum habeat. Exempli causa: si Sedis Romanæ vacatio per multos annos protraheretur, si hostium armis obsessæ tenerentur itinera, ita ut secure Romanus Pontifex adiri non posset: aut si qui alii similes aut graviores casus inciderent: Jure divino aut antiquo illo Jure Ecclesiastico administranda esset Ecclesia.

DOCUMENTUM VI.

Barthelius nuperrimus e Germania Pontificii Juris Interpres, idemque Wiceburgensis Academiæ Cancellarius, additione ad Jus Canonicum Libro I. Titulo XXXIII. Impedimenta matrimonii ex mera consuetudine sunt reservata. Quia tamen in remotis partibus nimis dein sumptuosum & difficile erat recurrere Romam, ceperunt Episcopi iterum uti sua potestate, si nempe Recursus vel nimis difficilis, vel nimis sumptuosus fieret, vel esset periculum in mora. Et hoc casu Doctores dicunt, ex casu Papali fieri Episcopalem. De quo observandum, in praxi non oportere quemquam esse scrupulosum ex Papali facere casum Episcopalem, si causa Canonica subsit, cum redeat primigenia facultas Episcoporum, quam consuetudine tantum sibi Pontifex reservavit.

Apud Fe-
bronium
de Statu
Ecclesiæ
Cap. VI.
§. 6. pag.
430.
Bullionii
1763.

DOCUMENTUM VII.

Joannes Gerbafius insignis ex Academia Parisiensi Doctor, qui sub finem superioris sæculi clarebat, in Praxi Impedimentorum Matrimonii quæ Gallico ejus Tractatui de Auctoritate Ecclesiæ & Principum circa Matrimonii im-

pe-

pedimenta subjuncta extat: de publicis impedimentis dispensationibusque ad contrahendum cum propinquis verba faciens, in hunc modum ratiocinatur; Nullus locus est in Jure Canonico, qui facultatem dispensandi circa gradus vetitos Pontifici ita reservet, ut excludantur Episcopi, Et certe quæ potest esse ratio, cur Episcopis non liceat in his casibus dispensare? imo cur ipsis movenda lis est ea de re, maxime ubi partes inopia laborant, vel nimia sit locorum distantia, vel graves causæ urgeant? Addit, consultam de eo Sacram Congregationem Concilii, anno MDCLXXIII. respondisse, valere in propositis casibus dispensationes ab Episcopis datas. Mox sibi illud opponit: cum Episcopi in possessione non sint dispensandi circa publica impedimenta pro contrahendo, usurpationem videri, quod aliquis hujusmodi dispensationes elargiri tentet. Illud autem presse dissolvit Gerbasius dicens, adversus jurisdictionem, quæ ordinaria est, præscribi non posse per non usum. Ad extremum concludit, quamvis generalis consuetudo Ecclesiæ has dispensationes Summo Pontifici reservarit, sitque proinde melius pro impetrandis illis Apostolicam Sedem adiri: se tamen adfirmare non audere, dispensationes ab Episcopis concessas in casibus supra commemoratis esse absolute nullas. Qui ita ratiocinatur pro tempore, quo Romanus aditus patet; nullus profecto dubitaret, quin pro validis habendæ forent dispensationes ab Episcopis datæ tum, cum aditus ad Romanam Curiam omnino clausus est, ut nunc revera est.

Gerbasius
pag. 412.
Paris.
1679.

DOCUMENTUM VIII.

Edmundus Richerius Syndicus & Doctor Academiæ Parisiensis in Historia Conciliorum Libro IV. Parte II. Capite V. num. VII. Quando igitur Episcopi suam immediate derivant

Richerius auctoritatem a Deo, sicut ipse Papa: isque supra
ad calcem illos nihil divinitus præter primum gradum Sacer-
To. II. p. dotii & potestatis ministerialis obtinet: certe Epi-
94. Colon. scopi jure humano ea potestate quam divinitus ha-
1681. bent a Deo, privari nequeunt. Et si quando huic
 privationi per vim & errorem assensum præbue-
 runt, hoc non valet, juxta Regulam: Qui errat,
 non consentit. Adde res sacras & cælitus con-
 stitutas diuturnitate temporis non præscribi ab u-
 surpatoribus, sicut temporalia. ITAQUE EPISCOPI
 QUOTIESCUMQUE VOLUERINT, POSSUNT IN IN-
 TEGRUM RESTITUI, SI AD JURIS QUÆSTIONEM
 ATTENDAMUS; de vi autem & facto non disputa-
 mus.

DOCUMENTUM IX.

*Praxis Ecclesiæ Gallicanæ Avenionensi immani schis-
 mate durante, anno Christi MCCCXCVIII.*

ANNO MCCCXCVIII. regnante in Gallia
 Carolo VI. ejusdem Regis jussu Parisios
 convenere Antistites Doctoresque Ecclesiæ Gal-
 licanæ, deliberaturi in commune, qua ratione
 decenter efficaciterque extingui posset schisma,
 quo per annos jam viginti oppressus tenebatur
 Christianus Orbis. Aduere Archiepiscopi XII.
 Episcopi LX. Abbates LXX. cum Rectoribus,
 Theologis, & Canonistis Academiæ Pari-
 siensis, Tolosanæ, Aurelianensis, Andegaven-
 sis, & Magalonensis. Tercenti numero omnes:
 Veterum ex quibus ducenti quadraginta septem in eam
 sententiam pedibus iere, nulla ratione melius
 extingui posse ferale schisma, quam si obedi-
 entia utriusque de Pontificatu contenditis, Be-
 nedicti nimirum & Bonifacii, sese Galli sub-
 traherent. Interea vero dum certus Pontifex
 crearetur, curanda ab Episcopis administranda-
 que esse, quæcumque spirituali subditorum sa-
 luti

Martenius
in Prefa-
tione To.
VII. Col-
lectionis
Veterum
Monu-
mentorū
pag. LIV.
Parif.
1733.

luti necessaria viderentur : collationes Beneficiorum, electiones, absolutiones, dispensationes, ceteraque omnia Apostolica Sedi antehac reservata. *In his casibus qui Domino Pontifici reservati sunt, Absolutionem peti posse ab Episcopo Diocesano. Circa dispensationes ad Matrimonia in gradibus prohibitis contrahenda, si gravis necessitas urgeat, has ab Ordinario concedi posse.* Id ipsum Gallorum exemplo decrevere Regna Hungariæ, Bohemiæ, Augliæ, Siciliæ, Ierosolymæ, Castellæ, Navarræ : Dux item Baviaræ, Respublica Genuensis, Provinciæ Belgicæ, Sacrumque Collegium Cardinalium, qui octodecim numero erant.

Dupius
in Gerfo-
nians p.
XIV. An-
tuerp.
1702.

Postquam hæc in publico conventu constituta sunt, Gallis Antistitibus rursus in Regium Palatium collectis, per Maximum Cancellarium significari Rex iussit; *intentionem suam esse, ut interim Ecclesia Gallicana omnibus antiquis suis libertatibus gauderet, Episcopis vices Papæ agentibus.*

Probat.
Libert.
Eccles.
Gall. p.
705.

Acta hujus Concilii seu Conventus Parisiensis extant Tomo XV. Venetæ editionis Conciliorum a Coletto procuratæ, pag. 1003., eaque etiam describit Jacobus Lensantus in Historia Concilii Pisani Tomo I. pag. III. Regium vero Decretum de subtrahenda obedientia Pithæus exhibet in *Probationibus Libertatum Ecclesiæ Gallicanæ*, Capite XX. pag. 691. editionis Parisiensis MDCLII., nec non Bulæus in Historia hujus Academiæ Tomo IV. pag. 853. Parisiensis editionis MDCLXVIII.

Revera ipso die VIII. Augusti ejusdem anni MCCCXCVIII. quo Antistites coiere, Instrumentum actorum omnium juridice est confectum, quod Pithæus ipse describit pag. 707. In eo autem sequentia legimus : *Attenta denegatione totius obedientiæ nuper facta per prædictum Do-*

minum nostrum Regem Dominosque Prælatos & alios supradictos, & ut Ecclesiæ seu Monasteria dicti Regni Pastoribus suis destituta, propter diuturnam vacationem non patiantur dispendia seu jacturas: declaratum fuit ac etiam ordinatum, ut sequitur: videlicet quod auctoritate præsentis Concilii universalem Ecclesiam dicti Regni representantis; electiones quorumcumque Monasteriorum tantæ exemptorum quam non exemptorum, dum vacationes eorundem evenerint, per Dominos Episcopos locorum Diocesanos confirmabuntur, &c. Die vero XII. ejusdem mensis, vacante Abbatiâ S. Dionysii, novum Abbatem Philippum de Villeta confirmavit Parisiensis Episcopus: atque in Instrumento confirmationis hujus a Pithæo itidem descripto pag. 706. hæc legimus: *Quia rite peractâ Summus Pontifex propter subtractionem obedientiæ non poterat confirmare: de peritorum in jure divino & canonico consilio decretum est, ut hoc Diocesani auctoritate fieret, sicut & per Prælatos Ecclesiæ Gallicanæ provisum fuerat, &c.*

DOCUMENTUM X.

Continuatio ejusdem Praxis in Regno Gallie anno Christi MCCCCVII. una cum Capitibus deliberatis & conclusis in Nationali Concilio jussu ejusdem Regis Caroli VI. Parisiis celebrato XX. Octobris.

Describuntur a Martenio To. II. *Anecdotorum* pag. 1398. Parisiens. editionis MDCCXVII. eorundemque partem aliquam etiam exhibet Dacherius Tomo I. *Spicilegii* pag. 800. editionis Parisiensis in folio MDCCXXIII., item Coletus Tomo XV. memoratæ editionis Venetæ novissimæ, MDCCXXXI. pag. 1079. Integra autem multo prior ediderat Pithæus in
Pro-

Probationibus Libertatum Gallicanarum ; pag. 743. (a) :

Avisamenta super modo regiminis Ecclesiæ Gallicanæ durante neutralitate deliberata & conclusa per Concilium dictæ Ecclesiæ ; XXII. Octobris , anno 1408.

De sententiis a Jure latis .

ET primo quantum ad peccata , & sententias a jure latis ; quorum , aut avarum absolutio est Sedi Apostolicæ reservata ; absolvere potest Pœnitentiarius Sedis Apostolicæ in foro conscientia , tam exemptos ; quam non exemptos .

Item si absolvendus nunc , vel in posterum habeat impedimentum perpetuum , aut temporale , vel forte superveniret causa , propter quam non deberet ad dictum Pœnitentiarium haberi recursus : talis si fuerit non exemptus , per proprium Episcopum poterit absolvi , &c. Si autem fuerit exemptus ; qui habeat superiorem in eum potestatem Episcopalem exercentem , per illum : si autem non habuerit , per Episcopum ordinarium absolvi poterit :

Item si fuerit sententia excommunicationis a Papa lata ; sive exemptus ; sive non exemptus , hoc tempore durante ; per loci Ordinarium absolvi poterit in foro conscientia , &c. In foro vero contentioso fiet absolutio per Ordinarium quoad non exemptos , &c.

Q 4

De

(a) Ante ipsum vero Pithœum Aſta eadem tota publici juris fecerat Bochartus Libro IV. *De rectorum Ecclesiæ Gallicanæ* Tit. XXII. pag. 677. Paris. MDCIX. Eorundem meminit & Thuanus Libro CXVI. Cap. 18. Tomo V. pag. 623.

De dispensationibus fiendis.

Item super defectu ætatis quoad ordines sacros citra Episcopatum, & quoad dignitates, & beneficia curata, citra tamen majores dignitates in Cathedralibus: dispensent Episcopi cum graduatis & nobilibus de duobus annis tantummodo, &c.

Item super defectu natalium quoad ordines sacros, dignitates, & beneficia curata, &c. satis tolerandum videtur, quod Episcopi pro utilitate Ecclesiæ cum nobilibus, & graduatis dispensare valeant, &c.

Item super irregularitate propter violationem censure Ecclesiasticæ, dum tamen non fuerit ex contemptu, dispensent Episcopi, &c.

Item quoad impedimenta matrimonii usque ad quartum gradum consanguinitatis, vel affinitatis; si magna Reipublicæ utilitas exegerit forte cum aliquo Rege, vel Principe dispensandum super hoc: tunc causæ cognitione præmissa, Concilium Provinciale citra tamen casus divina lege prohibitos, valeat dispensare, & etiam de quarto gradu cum illis, quibus viderit dispensandum, &c.

Item circa impedimenta matrimonii provenientia propter cognationem spiritualem, videtur satis tolerabile hoc tempore durante, quod Concilium Provinciale cum magnis nobilibus inter susceptum & filium suscipientis valeat dispensare, &c.

Item de impedimento proveniente propter publicæ honestatis justitiam, satis tolerandum videtur, quod Concilium Provinciale valeat dispensare in tertio & quarto gradu.

Item electiones Episcoporum per suos Archiepiscopos possunt de jure confirmari: sic electiones Archiepiscoporum per suum Primate, si habeant: alias si non habeant, per suffraganeos Provincia congregatos poterunt confirmari, &c.

Cetera Capita a Pithæo vel Martenio peti pos-

possunt. Ego illud unum hic moneo, auctoritate hujus Conventus cœpisse a Metropolitanis Galliæ confirmari electiones Episcoporum Provincialium: ut a Philippo Turejo factum est, qui tamquam Galliæ Primas Ludovicum de Harcuria Archiepiscopum Rothomagensem confirmasse legitur Tomo IV. *Gallia Christianæ*, pag. 174. (a). Testaturque Dominus Thuanus, praxim hanc ordinariam esse apud Gallos tempore scissuræ: *Legitimum remedium in scissura a majoribus nostris usurpari solitum* (b).

DOCUMENTUM XI.

Praxis Ecclesiæ Hispanica eodem schismate eademque neutralitate durante, anno Christi MCCCXCVIII.

Extracta ex Historia Urbium & Ecclesiarum Cathedralium Hispaniæ, Auctore Ægidio Gonsalvio Davila, ubi Domini Didaci de Anaja Episcopi Salmanticensis mentionem facit, Libro III. Capite XIV. pag. 105. editionis Salmanticensis MDCXVIII.

POr los años 1398. se celebrò en Alcalá de Henares una señalada Junta, donde se hallaron todos los Prelados de los Reynos fugeados al Rey Henrique III. y el mismo Henrique con ellos. Y en esta Junta quitaron la obediencia al Papa Benedicto XIII. acordando de camino lo que se havia de guardar en estos Reynos, mientras no huviesse

(a) Permutationem etiam Parœciarum, quam inter se facere volebant Episcopus Tarbensis & Episcopus Tricorlensis, iidem Gallicani Patres in eodemmet Parisiensi conventu confirmasse leguntur apud Pitheœum pag. 750. apud Bocchellum pag. 683.

(b) Thuanus Libro CXVI. Capite 18. Tomo V. pag. 623.

viessse verdadero Pontifice en la Iglesia.

Primeramente fue ordenado; que todos los beneficios que vacan ò vacaren de aqui adelante, reservados ò devolutos, ò en qualquiera manera que vaguen, que proveyan dellos los Arçobispos e Obispos, segun que Dios les diere mejor a entender.

Otro si que qualesquier descomulgados por derecho, ò por qualesquier juezes, la absolucion de los quales pertence à la Sede Apostolica, que los absuelvan sus Diocesanos, &c.

Otro si que los pleytos pendientes por appellacion, ò en otra manera; que toque à los Diocesanos; e si el pleyto fuere contra los Obispos, ò contra cosas suyas, que vayan à los Arçobispos: e si atannere à los Arçobispos; que sean sechas delegaciones a personas no sospechosas; hasta que sean dadas tres sentencias uniformes: entonces no aya mas querella ni question.

Archiepiscopus Toletanus.

Doct̃or Joannes Alfonso.

Cetera Capita apud memoratum Historicum leguntur.

DOCUMENTUM XII.

Decretum Henrici III. Castellanorum & Legionensium Regis; factum XII. Decemb. MCCCXCVIII. presentibus Infante Domino Ferdinando; & Cardinale de Hispania dicto; & Archiepiscopo Toletano; & Ordinis S. Jacobi Maximo Magistro, presentibusque quamplurimis aliis Regni Proceribus.

PArtem ejus describit Odoricus Raynaldus in continuatione Annalium Baronianorum ad annum supra memoratum: integrum vero exhi-

exhibet illustris Benedictinus Edmundus Martenius Tomo VII. *Collectionis Veterum Monumentorum* pag.613. Parisiensis edit. MDCCXXXIII.

In hoc Decreto, postquam exposuisset Rex causas, quibus ad denegandam Benedicto XIII. obedientiam movebatur; postquam item præcepisset, (idque suaforibus Antistitibus & Doctoribus Regni) ne quis subditorum suorum pro quocumque negotio, sive spirituali sive temporalis Pontificem adiret: tandem orationem his verbis concludit, quibus significat, interea temporis loco Summorum Pontificum Supremo- rumque Pastorum a suis subditis agnoscendos esse Episcopos & Archiepiscopos. *Iubemus insuper, quod omnes & singuli nostri Regnicolæ plenarie pareant suis Archiepiscopis; Episcopis, ceterisque Prælati, HABENTES EOS IN SUOS VEROS PONTIFICES ET PASTORES:*

DOCUMENTUM XIII.

In Generali Synodo Pisana anno MCCCCIX. celebrata, ratas habuit legitimasque declaravit verus Summus Pontifex Alexander V. quascumque dispensationes, absolutiones, & provisiones Episcopi dedissent tempore neutralitatis: declaravit etiam, sue intentionis non esse, aliquid derogare de capitibus in Parisiensi Conventu Cleri Gallicani conclusis anno superiori MCCCCVIII.

Concil.T.
XV. edit.
Colet. p.
1146.
Martenius
To. VII.
p.1110.

OMnia constant ex Actis Concilii Sessione XII. quæ legi possunt in quacumque Collectione, vel Binii, vel Labbæi, vel Harduini, vel Coleti. Ea etiam publicavit Martenius Tomo VII. suæ *Collectionis Veterum Monumentorum*, pag.1110. quamvis ille Sessione XXI. adscribat, quod ceteri Sessione XXII. Hæc autem sunt ipsissima verba Papæ: *Per præmissa seu aliquot præmissorum non intendimus derogare ordi-*

ordinationibus circa præmissos articulos factis in ultima Congregatione Prælatorum, & aliorum virorum Ecclesiasticorum, facta Parisiis, &c. (a).

DO-

(a) Quam agendi rationem Avenionensi schismate durante adhibuerunt Galli & Hispani, eandem durante Basileensi schismate adhibuere Germani. Sic enim de illis scribit Augustinus Patritius in *Historia Concilii Basileensis & Florentini*, Capite LXXXIII. (Conciliorum Tomo XVIII. pag. 1236.) Convenerunt Francfordiæ Electores imperii post mortem Sigismundi Cesaris ad novum Cesarem subrogandum: qui cum varia in dies edicta Romani Pontificis & Basileensium cerne-
rent, communi consensu XV. Kalendas Aprilis ejusdem anni MCCCCXXXVIII. statunt, se provincialesque omnia decreta alterius partis contra alteram partem non suscipere, venerarique & Eugenium Pontificem & Concilium Basileense, velleque usque ad sextum mensem deliberare, cujus parti sit adhaerendum. Interea tamen protestari se non discedere ab obedientia & reverentia Apostolicæ Sedis. PRÆLatos AUTEM ECCLESiarUM POPULOS SIBI COMMISSOS JURE ORDINARIO GUBERNATUROS. Hoc principium fuit neutralitatis Germanicæ, quæ supra sex annos perduravit. Quemadmodum vero Alexander Papa V. anno MCCCCIX. ratam habuit, quæcumque Episcopi Gallicani neutralitatis tempore egerant: ita Eugenius Papa IV. anno MCCCCXVI. comprobavit, quæcumque egerant Germani: id quod ex ipsius Diplomate, Inter cetera, quod publici juris fecit Hardtius in *Historia Concilii Constantiensis* Tom. I. P. IV. pag. 174. plane constat.

DOCUMENTUM XIV.

Paſtum ſeu Fœdus (a) Franciſci I. Gallorum Regis cum Henrico VIII. Anglorum, (cum is adhuc Religionem Catholico-Romanam proſtiteretur) percuſſum anno MDXXVII. ubi conſtitutum eſt, ut quamdiu in Italia exardeſceret bellum a Carolo Quinto Imperatore, captuſque detineretur Clemens Papa VII. ab utriuſque Regni Antiſtitibus plene adminiſtrarentur Eccleſiaſtica omnia.

D Eſcribitur a Pithœo in Probationibus, Capite XX. pag. 778. (b).

DOCUMENTUM XV.

Italicis bellis Romanum iter claudentibus, deſectum Apoſtolicarum Litterarum pro confirmando Abbate Septem Fontium Ordinis Pramonſtratenſis, auctoritate ordinaria ſupplet Cardinalis de Givry Epicoſpus Lingonenſis, Septembris die XXII. anno MDLI.

V ERBA Inſtrumenti a Pithœo allati pag. 788. hæc ſunt : *Sed quia nec commode, nec ita mature, ſicut rei neceſſitas poſtulabat, tuarum Bul- larum expeditionem curare, ab ipſaque Romana Curia arceſſere, propter temporum difficultatem, viarumque impedimenta, tibi non liceret : Nos tibi quantum nobis per jus licet, & noſtra Epico- palis auctoritatis intereſt, curam & adminiſtra- tionem præſati Monafterii præſentium tenore com- mittimus, &c.*

DO-

(a) In editione Luſitana loco Franciſci I. mi- randa ſane oſcitatione poſitus fuit Ludovicus XII.

(b) Item a Dumontio in *Corporè Diplomatico Ju- ris Gentium*, Tomo IV. pagina 494. Amſtelodami MDCCXXVI.

DOCUMENTUM XVI.

Piræus
p. 789.

DIE XXVII. Julii, anno MDXC. Decreto Parisiensis Curia constitutum est, ut quando Roma facile adiri non poterat, Piétavien- sisque Episcopus Ordinarius loci abnuebat; ejus vices suppleret Archiepiscopus Turonensis, Petroque Jordino Litteras Provisionis (quam *Visam* adpellant Galli) pro collatione cujusdam Beneficii antea a Romana Curia obtenti *In forma dignum*, de more expediret,

DOCUMENTUM XVII.

Ibid. p.
792.

DEcretum Curia Provincialis, Octobris die XXX. anno MDXCI. ut Capitulum Cathedralis Ecclesie Sistaricensis Vicarium quendam Generalem de more eligat & constituat, qui spiritualia & temporalia omnia illius Parœciæ administret, quamdiu ab illius administratione prohibitus fuerit Antonius Copesius Episcopus, perduellionis reus antea declaratus.

DOCUMENTUM XVIII.

Ibid. p.
794.

DIE V. Decembris, anno MDXCII. quo diffidium Gallorum cum Romanis adhuc vige- bat, sub Rege Henrico IV. & Clemente Papa VI. decrevit Parisiensis Curia; ut locotrium Episcoporum Senonensis, Meldensis, & Sueslionensis, qui Regi perduelles erant; collationes Beneficiorum omnium illarum Parœciarum administraret Guillelmus Tajus, Decanus Ecclesie Trecentis.

DOCUMENTUM XIX.

ARnoldus Lubecensis Libro III. Historiæ Slavorum Capite XVII. *Fridericus I.* (anno Christi MCLXXXVI. vel circiter) *videns Urbani III. obstinatum erga se animum, clausit omnes*

omnes vias Alpium, & omnium circumquaque regionum, ut nemo pro quolibet negotio adire posset Sedem Apostolicam. Deinde convocavit Philippum Coloniensem, cui Papa Legationem Romana Ecclesia dederat, & Primatum, ut ipse vice Apostolici singulorum causas discerneret, nec propterea magis ab Ecclesia Dei iustitia deficeret.

DOCUMENTUM XX.

In Generali totius Galliae Concilio Turonensi, anno MDX. celebrato, jussu Ludovici XII. Capita octo ab Episcopis & Theologis decisa sunt, quorum summa hæc erat: quando Julius Papa II. se Regis hostem declararat, licere Regi Rennoque ad tempus se subtrahere obedientiae communionique Romanorum: atque interea ab Episcopis administranda spiritualia quæque, SECUNDUM JUS COMMUNE ET PRAGMATICAM SANCTIONEM REGNI,

EXTANT in universis Collectionibus Conciliorum: atque etiam describuntur a Goldasto Tomo II. Parte II. pag. 1651. Meminere & hujus Concilii Petrus de Marca Libro VI. de Concordia, Capite XXXV., & Montfauconius Tomo IV. Monumentorum Galliae, pag. 117. Nullus vero Pontifex ad hæc usque tempora fuit, qui hujusmodi Conventum Conciliabulum declararet, quamvis id summa contentione efflagitarit in Lateranensi Concilio V. Maximilianus Cæsar æmulus Ludovici XII. (a).
Acta

(a) Richerius Historiæ Conciliorum Libro IV. Parte I. Cap. II. pag. 83. *Qui hæc acta Turonensis Synodi ad normam Legis divinæ & naturalis expenderit: non dubium est quin Severinum Binium novum Collectorem Conciliorum demiretur, quod hanc Synodum Turon-*

Concil. Acta ergo illustris hujus Conventus sic se ha-
To. XIX. bent: Concilium hoc habitum est jussu Regis Lu-
edit. Co- dovici XII. dicti Patris patriæ, occasione bellorum
let. pag. Italicorum inter Julium & Alphonsum Ferrarie
 557. Ducem, a quo Ducatum amovere volebat, licet
 protegeretur a Rege Ludovico ejusque exercitu pro-
 pter affinitatem. Cum enim Julius diris devovisset
 prædictum Ducem, omnesque ei adhaerentes &
 faventes, & specialiter omnes militantes in exer-
 citu Gallico; ut suis Rex prospiceret contra Pon-
 tificem male erga se affectum, tum ut suos mili-
 tes confirmaret, tum etiam ne e Gallia Romam
 pecunia transportarentur, quibus ipsa Gallia im-
 pugnaretur, hunc conventum Ecclesiæ Gallicanæ &
 doctissimorum quorumcumque virorum fieri manda-
 vit, in quo proposuit Patribus octo quæstiones ma-
 gni momenti per eos discutiendas & dissolvendas.
 Sunt autem hæc sequentes, quæ ad temporis nego-
 tia difficilima spectabant.

An liceat Papæ bellum inferre Principibus tem-
 poralibus, in terris quæ non sunt de patrimonio
 Ecclesiæ, &c. Conclusum fuit unanimiter per
 Concilium, Papam nec posse, nec debere. Quod
 forsân intelligendum de Papa in propria persona,
 ut faciebat Julius, dicens se uti gladio Divi
 Pauli, cum prædecessores satis usi fuissent clavi-
 bus Divi Petri.

An liceat Principi defendenti se, suæque, non
 solum propulsare armis ejusmodi injuriam, sed et-
 iam invadere terras Ecclesiæ possessas a Papa no-
 torio hoste suo: non tamen ea intentione ut illas
 re-

ronensem nomine Conciliabuli contaminare audeat. An
 quisquam est qui probare possit, justam sui defensionem
 non esse juris divini & naturalis! Atque Papam despo-
 ticum habere imperium in Christianos! Et Dominum vo-
 luisse Ecclesiam suam esse Rempublicam servorum, ita
 ut Pontifici quæpiam & maxime Regem opprimenti mi-
 nime liceat resistere.

retineat, sed tantum ut impediatur, ne per eas Papa ille fortior & potentior sit ad offendendum dictum Principem & suos. Conclusum est per Concilium, Principem hoc posse sub conditionibus & qualitatibus in articulo propositis.

An ob tale odium notorium & aggressionem injustam, liceat tali Principi se subtrahere ab obedientia hujusmodi Pontificis, attento etiam quod Pontifex concitavit alios quosdam Principes & Communitates, imo & tentavit cogere ad invadendas terras & dominia ejusdem Principis, qui potius benevolentia Sedis Apostolicæ dignus fuit. Conclusum per Concilium, Principem ab obedientia Papæ se subducere ac subtrahere: non tamen in totum & indistincte, sed pro tuitione tantum ac defensione jurium suorum temporalium.

Tali subtractione licite facta, quid agendum sit tum Principi ipsi ac subditis ejus, tum etiam Prelatis & Ecclesiasticis personis Regni sui in rebus, de quibus ad Sedem Apostolicam antea requiri solebat. Conclusum est per Concilium, SERVANDUM ESSE JUS COMMUNE ANTIQVUM ET PRAGMATICAM SANCTIONEM REGNI, EX DECRETIS SACROSANCTI CONCILII BASILEENSIS DESUMPTAM.

An liceat hujusmodi Principi Christiano armis tueri ac defendere alium Principem sibi confederatum, & cujus protectionem legitime suscepit, &c. Conclusum fuit per Concilium, licere.

Si quod jus Pontifex ad se pertinere contendat, ut patrimonii Sanctæ Ecclesiæ Romanæ partem; contra Princeps Imperii juris sui esse dicat, & de ea controversia paratus sit & offerat stare arbitrio, vel judicio bonorum virorum per compromissum prout de jure: an eo casu liceat Pontifici absque alia causa cognitione bellum inferre dicto Principi: & si fecerit, an liceat Principi armis resistere, & aliis etiam Principibus in hujusmodi

R

diffi-

assidio ei adesse, eumque defendere: maxime illis qui ei cognatione vel affinitate conjuncti sunt, cum etiam per centum annos proximos Ecclesia Romana in ejus juris controversi possessione non fuerit. Conclufum est per Concilium, licere Principi hoc casu resistere de facto, & aliis ei adesse in jure suo tuendo.

Quid si Papa nolit acceptare quod Princeps juridice & honeste offert, sed contra non observato juris ordine, contra talem Principem pronunciat sententiam aliquam, an ei obtemperandum sit, maxime cum non est integrum ac tutum tali Principi ad Sedem Romanam ire, vel mittere, & jus suum via juris civilis, & rationibus defendere. Conclufum per Concilium, non teneri talem Principem parere tali sententiæ.

Si Pontifex injuste, ordine juris non servato, procedens de facto, & manu armata, pronunciet ac publicet aliquas censuras contra Principes sibi resistentes eorumque subditos & confederatos, an ei parendum sit, & quod remedium adhibendum. Conclufum est unanimiter per Concilium, talem sententiam nullam esse, nec de jure vel alio quocumque modo ligare.

DOCUMENTUM XXI.

EDidit illud Imperator Carolus V. a Theologis suis proculdubio edoctus, cum anno Christi MDXXVI. bellum induxit Clementi Papæ VII. quemadmodum a Domino Thuano describitur Libro I. Historiæ sui temporis, Capite VI. pag. 33. novissimæ editionis: *Caesar Carolus, ut injuriam sibi a Clemente VII. illatam ulcisceretur, nominis Pontificii auctoritatem per omnem Hispaniam abolet: exemplo ab Hispanis posteritati relicto, posse Ecclesiasticam Disciplinam citra nominis Pontificii auctoritatem ad tempus conservari.*

DOCUMENTUM XXII.

Suffragia sunt Academiarum Hispanicarum & Belgicarum, a quibus cum Philippus Secundus quæsisset, qua ratione licite propulsari posset furiosa audaxque Politica Pauli Papæ IV. adversus Hispanicum Regnum: Regi illi auctores fuere, ut cum Papa pacem abrumperet, Hispanos omnes Romam excedere jubens: interim vero Ecclesiastica omnia administrarent Episcopi, EA ETIAM, QUÆ JURE PONTIFICI RESERVATA ESSENT. Commemorantur a Domino Ludovico Cabrera in vita ejusdem Regis Libro II. Capite VI. atque ex Cabrera illorum etiam meminit, nec tamen improbat Leitonius noster in *Tractatu Analytico*, Propositione V. Demonstratione IV. pag. 953. Sic autem se habet Cabrera narratio.

Mostrabase quanto mas podia enemigo el Pontifice del Rey Catolico, segundo significò a la Princesa doña Juana Gobernadora de los Reynos de España por carta fecha en Bruselas a diez de Julio assi: Despues de lo que escrivi del proceder del Pontefice i del aviso que se tenia de Roma, se à entendido de nuevo, quiere excomulgar al Enperador mi Señor i a mi, i poner entredicho i cessacion a divinis en nuestros Reynos i Estados. Aviendo comunicado el caso con hombres doctos i graves, pareciò seria no solo fuerça, i no tener fundamento, i estar ran justificado por nuestra parte, i proceder su Santidad en nuestras cosas con notoria passion i rancor; pero que no seriamos obligados a guardar lo que cerca desto proveyese, por el gran escandalo que seria hazernos culpados no lo siendo, i pecariamos gravemente. Por esto queda determinado, que no me devo abstener de lo que los excomulgados suelen, aunque

*Cabrera
Tom. I.
p. 68. @
seqq.*

vengan las censuras o alguna dellas, como no dudo vendran segun la intencion de su Santidad. Pues aviendo apartado deste Reyno las sectas, i reduzidole a la obediencia de la Iglesia, i aviendo ido sienpre en acrecentamiento con el castigo de los Ereges tan sin contradicciones como se haze ex Inglaterra: lo a querido i quiere notoriamente destruir i alterar, sin tener ningun respeto de lo que deve a su dignidad. I soi cierto saldrà con su pertension, si se lo consentiesemos, porque revocò ya todas las legacias que el Cardenal Polo tenia en este Reyno, de que se a seguido tanto fruto. I por todas estas causas i otras mui suficientes que ai, i por prevenir con tiempo, i para mayor cautela i satisfacion de las gentes, se a hecho en nombre de su Magestad i mia una recusacion, protestacion i suplicacion mui en forma, cuya copia quisiere enbiar con este correo; i por ser en la escritura larga, i partir por Francia, no se a podido hazer; mas el correo que ira brevemente por el mar la llevará. Entonces escrevire a los Prelados, Grandes, Ciudades, Universidades i Cabeças de las Ordenes de esos Reynos, para que esten informados de lo que pasa: i les mandareis que no guarden entredicho, ni cesacion, ni otras censuras, porque todas son i seran di ningun valor, nulas, injustas, sin fundamento, pues tengo tomados pareceres de lo que puedo i devo hazer. Si por ventura entretanto viniese de Roma algo que tocasse a esto, conviene proveer que no se guarde ni cumpla, ni se de lugar a ello. I para no venir a esto, mandar conforme a lo que tenemos escrito, aya gran cuenta i recato en los puertos de mar i tierra, para que no se pueda intimar, que para en lo de aqui se haze la misma diligencia: i que se haga grande i exemplar castigo en las per-

personas que las truxeren , que ya no es tiempo de mas disimular . Si no se acertase a tomar (como podria ser) i ubiese alguno que quisiere usar de las dichas censuras , provease que no se guarden , pues yo quedo en esta determinacion i con tan gran razon i justificacion , i tambien en los Reynos de Aragon ; sobre lo qual entonces se les escribirá en esta conformidad . Despues se a sabido que en la Bulla que se publica en el Iueves de la Cena , pulieron que descomulgava el Pontifice a todos los que ubiesen tomado i tuviesen tierras de la Iglesia , aunque fuesen Revs o Enpeñadores , aunque no declara mas desto . I que en el Viernes santo mandò que dexasen la oracion en que ruegan alli por su Magestad , aunque las demas de alli adelante son por los Judios , Moros , Ereges , i Cismaticos . De manera que cada dia se puede esperar mayor mal ; i assi tanto mas se deve hazer lo que arriba se dize sobre estas cosas , i tambien desto se darà razon a su Magestad Cesarea .

Escribio assi mismo al padre Frai Melchior Cano Dominicano de singular religion i letras ; de quien como de oraculo consultado tomaba su consejo i respuestas . Comunicadas las diferencias con Paulo IV. en diversos Claustros respondio : Se ofendian no remediando estos daños i riesgos de los Reynos , que por la reverencia del juramento del nonbre de Dios devia defender (pues estan debaxo de su gobièrno i tutela) de quien los quisiere ofender , como tutor de pupilos por leys i fidelidad de tutoria , aunque fuese contra su padre natural , pues el temor de inconvenientes i escandalos cesa por la defensa justa . Convenia mucho viese el Mundo en tiempo de tantos Ereges avia fuerças i esfuèrço para la proteccion , guarda de sus Rèynos , autoridad , hazer su oficio ; pues lo que dexase

de hazer, no dirian fue por Christandad i piedad, sino poquedad. Si se entendiese, su flaqueza de animo i poder en Roma, se desvergonçarian los Ereges i Catolicos con agravios mas exorbitantes: i assi inportaba a la Iglesia la defensa i rimedio de los males, pues dexandola estaba el bien dudoso, mui cierto el increible mal. I porque no se à da esperar a que tire flechas quien pone laços, bastava que hiziese gente el Pontifice, con que amenazaba, para ser justa causa de tomar las armas el acometido injustamente. El principio i rompimiento de una guerra se juzgaba por la razon i justicia que el de una violencia particular, en que podia el ofendido sienpre acometer al que insiste en hazer la fuerza, sin ser obligado a esperar mas, entrando contra el agresor dentro de los limites de la defensa inculpada: no por esto se dizia serlo de la fuerza aunque fuese de la pelea, pues justamente podia mover las armas defendiendo a si i a sus cosas. I el combatir o guerrear no se avia de referir a la culpa del acometimiento (que no le avia) mas a la justicia de la necesidad de la defensa porque acometia. Si era justicia el acometer al enemigo para alcançar la paz fin de la guerra, acto de fortaleza i valentia era, no odioso por razon i ley divina i antigua, donde confortaba Dios a su Pueblo i daba reglas para pelear justamente, i le amonestaba diese la batalla. Por esto el acometimiento i agresion contra el enemigo era necesaria, justa, i aun podia ser santa, como era licito por Derecho Civil i Publico, i por el Canonico, que muestra que en todos los casos se le puede ofender i acometer como a enemigo; porque fa el hazer la guerra e sustentarla por necesidad se atribuia la virtud i merito de la fortaleza, el pelear i acometer era acto della. Estando

en

en el palenque dos cavalleros para combatir por desafío, el desafiado podia por necesidad de su defensa acometer i comenzar la lid sin esperar a que el provocador ofenda. Tambien siendo en continua ofensa enemigo, en campo abierto, en celada, en todo tiempo de guerra, podia ofender, prender, matar al enemigo; i si puede asaltarle por asechanças, mejor llamarle a la batalla, i acometerse como mejor pudiere. La vengança de la injuria i fuerza hecha con buena intencion era licita, i en el Principe por causa publica tenia nonbre de caridad; i entonces era ministro de Dios i vengador en la ira contra quien haze mal. Pusiese ya su Magestad los medios consultando soldados, no letrados, para castigar la injusticia que se le hazia con las armas, cobrando del Pontifice i de sus vasallos todos los gastos. Mas advirtiese era el castigado nuestro padre i superior, Vicario de Dios, que representa la persona de Jesu Christo, i maltratado abria puerto al vituperio de la Fè Catholica, i desprecio de la autoridad Ecclesiastica. Los sabios Reyes convirtieron esto castigo en sacar para sus Iglesias i Reynos algunas cosas convenientes, justas, santas, con que no quedase descatado, sino escarmentado i curado. Tal seria el sacar por concierto de la paz, que todos los beneficios de España fuesen patrimoniales; uviese tribunal de su Santidad en ella para concluir las causas ordinarias sin ir a Roma: donde solamente avian de ir (si razón i Evangelio se guardasen) las muy graves e importantes a la Iglesia, como lo confesò Innocencio Pontifice en el capitulo *Majores de Baptismo*, i lo confiesan otros Pontifices i Concilios: los espolios i frutos de sedevacantes de los Obispos no llevase en estos Reynos, como antiguamente, i aun la luctuosa. I assi el Rey

don Alfonso el Sabio que ganó a Almería en la Era de mil i dozientos i novienta i tres, concedio a la Iglesia de Obiedo el spolio de sus Obispos difuntos: i el Rey don Alfonso VII. i Constança su muger avian antes hecho donacion dellos, i entonces gozaban de los diezmos. Que el Noncio despache de gracia, como en Francia, o alomenos con Asefor señalado por el Rey, con tasacion moderada, que no ecediese de comoda sustentacion para el. Mandáse salir de Roma los Prelados i negociantes destes Reynos. ROMPIMIENDOSE LA GUERRA, ESTABA EN EL DERECHO CANONICO ESTABLECIDO QUANDO AL PELIGRO INPEDI-MIENTO O TARDANC, A EN IR A ROMA, LOS OBISPOS PROVEAN EN SUS OBISPADOS EN SU BUENA GOBERNACION ECCLESIASTICA I SALUD DE LAS ALMAS, AUN EN LAS COSAS POR DERECHO AL PONTIFICE RESERVADAS POR LA IM-MINENTE NECESSIDAD. SI QUERIA PROCEDER LIBRE SU AUTORIDAD REAL I SIN DEPENDEN-CIA, DEXASE LOS SUBSIDIOS DE LA IGLESIA, QUE LUEGO LE BUSCARIAN SUS MINISTROS, I SUS ESTADOS LE DARIAN MAS QUE LE CONCE-DERIA LA CURIA ROMANA.

Hanc magni Cani doctrinam adoptavere, sapiusque in executionem misere Reges, Curia, & Episcopi Gallia sub omnibus illis diffidiis, quæ inter Regnum illum & Romam subinde exarsere tribus Henricis regnantibus, II. III. & IV. quemadmodum legi potest Tom. X. Gallicæ Collectionis, *Memoires Du Clergé de France*, Parisiis impressæ an. MDCCXXII. a pagina 455. ad 572.

EPILOGUS TOTIUS OPERIS.

Quidquid in utraque Parte Tentaminis hujus diximus & probavimus ex Sacris Literis, Conciliis, Sanctis Patribus, Theologis, & Canonici Juris Interpretibus: totum id ad hæc Capita reducitur. Primum: quod auctoritas & jurisdictio Episcoporum, considerata ejus institutione a Christo facta, ex se est absoluta nullisque limitibus circumscripta respectu cujuslibet Parœciæ. Alterum: quod in possessione jurisdictionis hujus sic absolutæ nullisque restrictæ limitibus, per multa sæcula permansere Episcopi, relaxantes vel ipsas Leges Conciliorum Generalium Romanorumque Pontificum, ubicumque id subditorum necessitas aut utilitas postulasset: donec paulatim invalescere cœperunt Reservationes Apostolicæ, idque non sine repugnantia plurimorum Episcoporum gravissimorum sanctissimorumque. Tertium: quod quando Episcopi in Reservationes consensere, vel potius quando eas invalescere passi sunt; sub ea omnino conditione consensere, ut quotiescumque quolibet ex capite, & nulla sua ipsorum culpa Romanus aditus clauderetur; ad ipsos continuo rediret pristina jurisdictio & auctoritas, quam Christus Episcopali characteri adnexam voluit. Quodque nisi de ipsorum Episcoporum consensu spoliare Episcopos Papa non poterat hujusmodi jurisditione, præsertim ita absolute & in perpetuum: tum quod Papa proprio motu suo Episcopos privare nequit illa potestate, quam iisdem donarunt Christus, Apostoli, & Ecclesia: tum quod Pastorale munus, quod divina institutione essentiale est Episcopatu, Episcopos prohibet in id consentire, ut cum dâmno sibi creditorum gregum spoliari se patiantur tali potestate; quæ a Christo quidem non propter Pa-

Pastores ipsos, sed propter oves collata est. Quartum: quod quandoquidem in præsentia clausus sit aditus ad Sedem Apostolicam, nulla Lusitanorum Episcoporum culpa: tantaque præterea & tam generalis adsit necessitas dispensationum, præsertim matrimonialium; (ea enim gravi urgenteque necessitate deficiente, tam non potest dispensare Papam, quam Episcopi) possunt ac debent iidem Episcopi suis subditis dispensationes elargiri circa publica etiam impedimenta matrimonii, & circa cetera omnia Apostolicæ Sedi reservata, quæ moram non patiuntur sine gravi damno detrimentoque animarum. Quintum: quod non potest nec debet Summus Pontifex iniquo animo ferre, tum cum Lusitanæ oves nulla culpa sua prohibentur Supremum Pastorem adire, suppleri ab Episcopis vices suas, ut qui divino jure ordinarii ipsarum Pastores sint; qui in similibus dispensationibus concedendis nihil potestatis aut jurisdictionis exercent, quod limitibus illis non contineatur a Christo præfixis, cum in institutione & missione Apostolorum Episcopalem ordinem condidit; atque in Successoribus eorum, nempe Episcopis, absolutos quosdam supremosque divinorum mysteriorum Dispensatores constituit; qui veluti omnipotentes quidam ipsius Christi apud Ecclesiam suam Legati, creditis ovibus ea omnia providerent, quæ ad salutem ipsarum necessaria essent, salvo Primatu S. Petri. Nam Primatus iste supra Episcopatum nihil aliud præferret, quam præcellentiam quandam Inspectionis seu Advigilationis (qualis Superintendentium est): in Episcoporum quemlibet, salvis interim Jurebus & Privilegiis singulorum (a). Sextum: quod

(a) Illustrat doctrinam nostram mirifice locus Gre-

quod his doctrinis moti, antiquam primævam-
que auctoritatem suam providendi & dispen-
sandi generatim in omnibus casibus urgentis
necessitatis, toties redimere soliti sunt Catho-
licorum Regnorum Episcopi, quoties casu ali-
quo prohibebantur subditi Romam adire, in-
fluxuque gaudere Supremi Pastoris, qui est Ro-
manus Pontifex. S. Augustinus in Psalmum
XLIV. num. 32. Ecclesiam adloquens: *Pro A-*
postolis (inquit) constituti sunt Episcopi. Non
ergo te putes desertam, quia non vides Petrum,
quia non vides Paulum, quia non vides illos per
quos nata es. De prole tua tibi crevit paternitas.

S. Cy-

gorii Magni in Epistula ad Joannem Syracusanum
Libro IX. epist. 59. pag. 976. *Nam quod se dicit By-*
zacenus Episcopus Sedi Apostolice subjici; si qua cul-
pa in Episcopis invenitur, nescio quis ei Episcopus Pro-
vinciæ subiectus non sit. Cum vero culpa non exigit,
omnes secundum rationem humilitatis æquales sunt. Con-
fer Richerium Libro II. adversus Duvallium Capite
VI. num. 2. pag. 235. & Cardinalem Cusanum Libro
II. Cap. XIII. pag. 726.



S. Cyprianus in Epistula ad Quintum,
quæ est LXXI.

*Debet unusquisque, non pro eo quod se-
mel ebiberat & tenebat, pertinaci-
ter congregari: sed si quid melius &
utilius extiterit, libenter amplecti.*
NON ENIM VINCIMUR, QUANDO OFFE-
RUNTUR NOBIS MELIORA, SED INSTRUI-
MUR.

*Monitum Auctoris ad omnes Theologos,
& Illustrissimos Episcopos.*

Superiori anno Venetiis prodiit ex Officina Raddiziana Tentamen hoc Theologicum, ex Lusitano Sermone Italice versum; sed ea infelicitate versum, ut maximo mihi dolori fuerit, in Operis infamiam ac dedecus redundasse id ipsum, quod licet inconsulto me, factum tamen in ejus laudem & commendationem videbatur. Non in levibus dumtaxat, neque in uno tantum alterove in loco peccavit interpres: sed in iis etiam quæ capitalia sunt, multa ille subinde expressit, Lusitano Archetypo prorsus dissona, & cum obvio ac nativo verborum sensu omnino pugnantia: ut admodum difficile sit credere, contigisse id ex ignorantia Lusitani Sermonis, non vero ex mala fide ipsius interpretis. Italicam versionem hanc Latina altera, ut audio, paullo post excepit, Venetiis itidem adornata, & iisdem sortasse erroribus inquinata, quæ tamen ad Lusitaniam nondum adpulit. Cum ergo ad gravis & sinceri Theologi existimationem pertineat, sic de limitibus auctoritatis Ecclesiasticæ disputare, ut neque cum Protestantibus de medio tollat Primatum Summi Pontificis, neque cum Ultramontanis deprimat jurisdictionem Episcoporum: Theologos Catholicos omnes, præsertim vero Dominos Episcopos, quorum ministerii (ut ad Innocentium Papam II. scribit S. Bernardus) est de dogmatibus judicare; obnixè ego precor atque obtestor, ut sententias ac doctrinas meas de Potestate Conciliorum Generalium, Romani Pontificis, & Episcoporum; non ab exteris versionibus, (quæcumque illæ sint) sed ab editionibus Olisiponsibus sive Lusitanis sive Latinis omnino petant. Dabam Olisipone decima die Februarii anno MDCCLXIX.

Antonius Pereria Figueredius, Regiæ
Curia Censoriæ Xvir Ordinarius.

ANTONII PERERIAE

Presbyteri ac Theologi Olisiponenſis, Regiæ Curia
Cenſoriæ Decemviri Ordinarii, Regiſque
Fideliffimi ab Epiftulis Latinis

RESPONSIO APOLOGETICA

AD CENSURAM

GABRIELIS GALINDI

THEOLOGI MATRITENSIS

E Clericorum Regularium Minorum
Ordine

In Tentamen Theologicum Olisipone editum

DE AUCTORITATE EPISCOPORUM
TEMPORE SCISSURÆ.

Secunda editio.



OLISIPONE

APUD ANTONIUM VINCENTIUM SILVIUM

ANNO MDCCLXIX.

Cum bona Regiorum Cenſorum venia.

Nolo in suspitione hereseos quemquam esse pa-
tientem. S. Hieronymus contra errores Joannis
Jerosolymitani.

ANTONII PERERIE

RESPONSIO APOLOGETICA

AD CENSURAM

GABRIELIS GALINDI.

EPISTULA GABRIELIS GALINDI.

Mauriti die 17. Julii an. D. 1767.

J. M. J.

REVERENDISS. P. ANTONIO PEREIRA

Congreg. Oratorii Presbytero, ac Lisbonensi
Sapientissimo Theologo &c.

GABRIEL GALINDO

Clericorum Regularium Minorum, in Domo Spiritus
Sancti Matritensi in Sacra Theologia Lector
Jubilatus, salutem & in Christo
religiosam amicitiam.

R. P. M.

1. **A**ttente perlegi a te eruditissime elaboratam Tentativam Theologicam, quam certo studio, ac litteratura tua dignam gratulabundi amplectentur omnes Dominici Gregis Sacri Pastores, eo quod & Ordinis sui dignitatem ab ipso D. N. Jesu Christo primo Pastore efficaciter, sicut & erudite deducis; & ut ovibus pascua possint opportuna præbere, viam ostendis. Quod absdubio remoto pietatis offendiculo, credo facilius, optatiusque, ac laudabilius coram Deo, & hominibus præstitisses, si, haud invito Pastore omnium supremo, systema tuum cum Angelico Theologorum viam salutis sequentium Principe (cui adhærere velle te cum devias tibi

S

vi-

videris) composuisses, & consuluisses. Probatum enim hujus veritatis Doctoris, ab ipso in Cruce pendente veræ scientiæ Auctore tamquam ex cathedra & Magistri docentis, & Pontificis Summi definientis ter approbati, Discipuli facultatem, vel jurisdictionem in sacris Antistibus agnoscunt, quæ in casibus urgentis necessitatis, quando vere a Summo Pontifice fieri nequit quavis vera de causa, ea de medio tollant impedimenta Matrimonium dirimentia, etsi publica, antequam ipsum contractum, quæ idem Summus Pontifex si interpellari valeret, stante iusta causa dispensaret: quin ut talem in Ecclesiæ Præpositis ad dispensandum potestatem statuam, ad aliud recurrant principium, quam ad justam Epicheiam, quæ voluntas præsumpta, seu tacita Sedis Apostolicæ, committere creditur Episcopis exercitium dispensandi sibi reservatum, in omni, & pro omni casu, in quo & gravis necessitas urget, & exigit inconvenientia spiritualia, scandalave tolli, & aditus ad eandem Sanctam Sedem Romanam vel difficilis valde, vel tum ex parte Pastorum, tum Oviū abs culpa oclusus omnino est. Qui vere Angelici Ducis vestigia post gradientes claro sequenti ducuntur discursu (a).

2. Non est credibile Summum Pontificem in casu, & pro casu, quo effata inconvenientia sequuntur, velle talem dispensationem sibi reservare. Nam cum reservatio, sicut & alia quævis similis lex ordinetur in ædificationem, non in destructionem animarum; (ut egregie,
ac

(a) R. P. Thomas Hurtado meæ Religionis clarus splendor, & Doctoris Angelici præclarus Affleck, tom. 1. de Resid. subresol. 4. n. 4. & seqq. pag. 258. Joan. Dicaillio Cancellar. Deling. Universit., Disput. 8. de Matrim. dub. 4. & alii.

ac opportune cum Apostolo dicis) suaderi nequit pro tali casu sub his circumstantiis, sub quibus si reservatio staret, vergeret in animarum damnum, velle Summum Pontificem omnium Fidelium Patrem, eam reservationem locum habere.

3. Aliud etiam enucleant pro tacita hac Sedis Apostolicæ voluntate suadenda satis efficax argumentum, sic breviter compilatum. Superiore vidente, & nec reclamante, aut in contrarium dicente, sententiam aliquam super Disciplina Ecclesiastica, nedum a quamplurimis celeberrimis Doctoribus scripto publico doceri, sed & a Prælati Ecclesiæ praxi dari; signum ostendit præclarum tacitæ saltem approbantis voluntatis & doctrinam, & praxim. Cumque nequeat Sedes Apostolica Orbis totius specula non vidisse, ex quo cœpit talis sententia in Ecclesia vigere, quæ communis, ac receptissima facta est, nec potuit non innotescere Pontifici tunc regnanti, quod Episcopi ea potestate utebantur de facto, quin tamen reclamarint, aut contra factum pronuntiarint, quotquot exinde Pontifices extitere Romani; signum ergo est illas & sententiam, & praxim saltem tacite eos approbare; ac charitatis igne voluntate flagrante, velle hoc in simili necessitate ovibus sibi creditis adhiberi remedium, ne pereant, per Pastores Ecclesiarum toto Orbe diffusarum.

4. Quo indubitanter systemate haberes Summum Pontificem nedum non reluctantem, sed probabilissime approbantem in casu præsepti Regni Lusitani Illustrissimos Præsules posse, & ex charitate debere in impedimentis, prout adstruis, matrimonialibus, & valide, & licite dispensare, suisque dilectis filiis ad Sedem Apostolicam remedium, ut impetrent, recurrere non valentibus, necessarium adhiberi per proprios Episcopos medicamen: & eandem habe-

res simul Sanctam Sedem in tui doctrinam approbandam, ut judico præpronam, quam merito præsumo habeas exosam, ni (si vales) facias fatis validissimæ objectioni omni homini super Theologia Morali mediocriter instructo obviæ, desumptæque ex condemnatione ab Alexandro felic. recordat. P. VIII. sub die facta 20. Decembr. an. Dom. 1690. super 31. propositionibus, inter quas ea erat ordine xxix. dicens: *Futilis, & toties convulsa est assertio de Pontificis Romani supra Concilium Œcumenicum auctoritate, atque in Fidei quæstionibus discernendis infallibilitate*. Damnata contra quam insurgit Doctor Angelicus (a): quin refugium præbeat contra hanc proscriptionem, quam in magno Parente Augustino clare, & apertissime fundes, doctrina quævis; cum ejusdem condemnationis Decretum exprimat num. xxx. damnatam sequentem propositionem: *Ubi quis invenerit doctrinam in Augustino clare fundatam, illam absolute potest tenere & docere, non respiciendo ad ullam Pontificis Bullam*. Damnata.

5. Circa quæ te cum doctrina plenum experiar, mihi dubitare non licet, quin præsens habeas, similia Decreta a Sancta Petri infallibili Cathedra immediate emanare post maturum examen, ac diligentissimam doctrinarum discussionem, mere præsuppositive his se habentibus ad Definitionem proscriptionis: eis Supremus Pastor Domini oves vigilans confirmat, ac tuetur, eas arcens a lupis, pascuaque ostendit salubria, ubi in verbis vitæ earum animæ veritatis cibo recreentur, ac in deliciis lætentur æternis: quodque similia doctrinæ morum declarativa Decreta ubique terrarum univer-

(a) Div. Thom. q. 10. de Potentia art. 4. ad 13.
= 1. p. q. 36. art. 2. ad 2. = 2. 2. q. 1. art. 10. ad 2.

versos Christi Fideles ligandi vim habent, tum quoad præceptum, tum quoad pœnam etiam locis, ubi publicatio facta non fuit, degentes; dummodo Romæ, uti consuetum, fuerint affixa, sicuti tenet communior, & nedum in re tanti momenti tutior, sed & probabilior Theologorum sententia. Quam excommunicationis majoris latæ sententiæ ipso facto incurret, Sum. Pontifici reservatæ, qui verbo vel scripto publico, aut private docuerit, vel tractaverit (nisi ut convellat) doctrinam in eis damnatam &c. Quæ tam lucè abundanti Doctori per me exponi sic supervacaneum ducō, ac si Aquilam vespertilio viam Solis in Zenith medio splendentis assumeret edocendam.

6. Et ideo hanc mihi certo ingentem difficultatem, Reverendissime ac Sapientissime Pater, & Domine, ut explanares maxime optavi, ac Tentativæ cursui asperrima hæc obstantia per Orbem universum (quæ miror, & juste miror sanctum Lusitanum Inquisitionis Senatum omni respectu venerandum saltu præterisse) planas in vias facias, ut omnibus numeris absolutum te & Urbs, & Orbis cum tuis operibus videant, legant, ac laudent Magistrum. Meque aliquid sciendi avidum doctrina dites, ac præceptis, quæ in tam præclari Doctoris obsequium libentissime exequar, honorare digneris: sic te Omnipotens, ut quæ sunt vera doceas incolumem ad longævam ducat ætatem, atque, ut quæ sunt vera capias, ultimo te cælo adscribat, uti veraciter postulat

Reverendis. ac Colendis. P. Magister

V. R. P. obsequentissimus Cliens
Qui supra.

RESPONSIO APOLOGETICA

ANTONII PERERIE.



GABRIELI GALINDO

E Clericorum Regularium Minorum Ordine
 Sacræ Theologiæ apud Matritenses
 Professori Emerito

ANTONIUS PERERIA

Presbyter Congregationis Oratorii
 S. Philippi Nerii Olisiponenfis

S. P. D.

1. **Q**Uanto cum gaudio, doctissime Galinde, Epistolam tuam legendam suscepi, tanto sane cum dolore legi. Cum enim a te sperarem significari Lusitanis nobis aliquid, unde plane intelligeremus, expulsis de Hispania Jesuitis expulsas quoque inde esse Transalpinas opiniones, seu potius tyrannides: (quarum illi quidem non ad Ecclesiæ utilitatem, sed ad Societatis suæ emolumentum strenui defensores erant) nihil aliud lecta Epistula inveni, quam obtrudi a te nobis pro Catholicis Dogmatibus ipsissima Romanorum placita: quibus convellendis & extirpandis navare diligentem operam debebant una cum Lusitanis Hispani Theologi omnes, si modo Theologi esse ac videri vellent. Theologus enim meo iudicio non est, qui privatas & novas Romanæ Curiae opiniones pro inconcussis receptisque Catholicæ Ecclesiæ Dogmatibus venditat. Privatas autem opiniones voco, quæ apud Catholicos non ubique vigent: novas, quæ prioribus Ecclesiæ sæculis fuerunt ignotæ. Nemo enim ignorat illud Vincentii Lirinensis: *Quod semper,*

per, quod ubique, quod ab omnibus. Nemo illud Tertulliani: *Verum quodcumque prius, adulterum quodcumque posterius.*

2. Porro doctrinam de infallibilitate Romani Pontificis, deque illius supra Æcumenica Concilia auctoritate, in florentissimo Galliæ Regno (quæ Christianitatis quidem portio maxima est, & omnium procul dubio nobilissima) non admitti nec sustineri quis nesciat? Leges vero a Romano Pontifice latas obligandi vim pro tota Ecclesia habere, etiamsi promulgatæ solemniter per Provincias illæ non fuerint, modo Romæ Valvis Apostolorum sint adfixæ; Jurisprudentia quidem illa est non modo naturali Juri contraria, sed etiam cum perpetua constantique Disciplina duodecim sæculorum, & cum ipso Decretalium Gregorianarum Codice aperte pugnans.

3. Similiter auctoritatem & jurisdictionem Episcoporum a Papa esse & non a Christo immediate, toti antiquitati æque est inauditum: ut maxime dolendum sit, impugnari nunc vel in dubium vocari ab Hispanis contrariam doctrinam, quam mira consensione ante ducentos annos propugnasse in Tridentina Synodo leguntur tot ex Hispania Episcopi celeberrimi, tot Theologi præstantissimi: quemadmodum cum ex Historia Sarpîi Pallavicinique, tum ex Annalibus Odorici Raynaldi liquido constat. Scilicet nondum per ea tempora Jesuitarum in Hispania & Lusitania opes creverant: nondum in Scholas nostras invaserat inimica Episcoporum & venerandæ antiquitatis natio. Quod quia postmodum factum est, Lainii magis quam Soti placita adridere cœperunt.

4. Fateris tu quidem, auctoritatem Episcoporum a Christo me non solum *erudite*, sed etiam *efficaciter* deducere. Sed cum eodem tempore Episcoporum Jura omnia in unius Romani Pontificis arbitrio ponas, videris sane in ea

esse sententia, ut credas; Episcopatum quidem a Christo esse, sed Episcopalem jurisdictionem ejusque exercitium omnino esse a Papa. Quod idem est ac dicere, Episcopatum quidem instituisse Christum, sed mancum & mutilum, & ab hominibus perficiendum: vel non fuisse ceteros Apostolos Collegas Petri, sed ipsius Procuratores; non *pari consortio præditos honoris & potestatis*, (ut Cyprianus docet) sed precariam omnino & a Petro in omnibus dependentem jurisdictionem habentes. Id vero est, quod toti antiquitati inauditum in superioribus dixi: id quod Hispanis Episcopis nullo modo se probare potuit in Synodo Tridentina. Cum enim ibi ex præscripto Romanæ Curix persuadere voluissent Itali, *Episcopos primos in Ecclesia esse, sed dependenter a Papa*: verbum illud *dependenter*, tamquam ordini suo indecorum avversati Hispani contendebant, primos in Ecclesia dicendos esse Episcopos non *dependenter a Papa*, sed *sub Papa*. Petrus autem Guerrerius Archiepiscopus Granatensis, vir animo & eruditione maximus, sic ea de re sensum expromebat suum: *Ego sum Episcopus Granatæ, Papa vero Archiepiscopus*. Quibus verbis significabat Antistes sapientissimus, Papæ jurisdictionem in Ecclesiam Universam sic se habere, ac jurisdictionem Archiepiscopi in Ecclesias suæ Provinciæ: hoc solo discrimine, quod Papæ jurisdictionis in totam Ecclesiam est Juris divini, jurisdictionis vero Archiepiscopi in Provinciam est Juris humani. At jurisdictionem uniuscujusque Episcopi in suam Diocesim esse sub Archiepiscopo, sed non ab Archiepiscopo, quis nesciat?

5. Legens ergo Epistolam tuam non possum non dolere vicem nonnullorum Theologorum Hispanorum: (nonnullos dico, quia multorum non miserandam, sed invidendam litteraturam scio) qui majorum doctrina relicta, Transalpina placita non jam ut Scholæ opiniones, sed
ut

ut Catholica Dogmata amplectuntur , amplectendaque exteros docent . Nam Romanum Pontificem non esse infallibilem , neque Generali Concilio superiorem , sæculo decimoquinto docuere Joannes de Segovia Archidiaconus Ovetensis , qui Basileensis Concilii pars magna fuit : & Alphonsus Tostatus Abulensis Episcopus , cujus *Defensorium* utinam frequenter in manus fumerent , adcurateque perlegerent nostri homines . Neutram vero quæstionis partem ad Fidem Catholicam pertinere , sæculo decimosexto plane adfirmarunt præstantissimi laudatissimique Doctores vestri tres : Franciscus de Victoria Dominicanus in Relectione *De Potestate Papæ & Concilii* ; Alphonsus de Castro Franciscanus in priori Libro egregii Operis *Adversus Hæreses* , capite secundo : Martinus Navarrus in Commentariis ad Caput *Novit* , *De Judiciis* . Quibus quartus addi potest Hadrianus Florentius , inter Romanos Pontifices hujus nominis Sextus , natione quidem Belgæ , sed domicilio & obedientia Hispanus : cujus notissimum illud est in iv. Sententiarum , ubi de Sacramento Confirmationis agitur : *Ad secundum principale de facto Gregorii dico , quod si per Ecclesiam Romanam intelligitur caput ejus , puta Pontifex ; CERTUM EST , QUOD POSSIT ERRARE etiam in his , quæ tangunt fidem , HÆRESIM PER SUAM DETERMINATIONEM AUT DECRETALEM ADSERENDO* . Hæc tamen illa doctrina est , quam tot gravissimis ex omni natione Theologis probatam ; ipsis etiam Canonistarum Principibus , Gratiano , ejus Glossatori , & Abbati Panormitano familiarem ; *erroneam & hæresi proximam* adpellare non dubitat Bellarminus , temerarius ipse potius & censura notandus , judicio saniorum Theologorum . Temerarium certe & censura dignum vocant Illustrissimi Fratres Walemburchii , Adrianopolis & Mysæ Episcopi , secuti celeberrimum alium Con-

Controversiarum Scriptorem Franciscum Veroniam in sua *Regula Fidei Catholicae*.

6. Sed jam ad discutienda singula Epistolæ tuæ capita progrediamur. Primum scribis, *optatius, ac laudabilius* me famæ securitatique meæ consulturum fuisse, si in demonstranda & adferenda Episcoporum auctoritate circa impedimenta matrimonii, *ad aliud principium non recurrerem, quam ad justam Epicheiam, qua voluntas præsumpta, seu tacita Sedis Apostolicæ committere creditur Episcopis exercitium dispensandi sibi reservatum in omni, & pro omni casu, in quo & gravis necessitas urget, & aditus ad eandem Romanam Sedem vel difficilis valde, vel occlusus omnino est.* Egregie tu quidem, & amice. Volebas ergo jurisdictionem Episcoporum non ab intrinseca Episcopatus ratione, sed ab extrinseca interpretatione Thomæ Hurtadi & Joannis Dicastilii me repetere. Hos enim tu mihi auctores sequendos proponis in margine Epistolæ: horum proinde judicio Episcoporum potestatem metiendam putas; quasi nobis cum ex Evangelio, tum ex veteris Ecclesiæ sensu liquido non constaret, quam late se extenderet *Episcopalis eminentia divina auctoritas*, ut verbis utar antiqui Concilii Toletani.

7. Ego vero, quem minime latebat argumentatio illa luculenta, seu (ut tu scribis) *clarus ille discursus* Hurtadi & Dicastilii; consulto illam adhibere nolui, idque multis de causis. Primo: quia recentiorum Casuistarum me usque adeo tædet pigetque, ut ubi animum adscribendum adpuli, mox ab illorum citandis testimoniis perpetuo abstinere mecum statuerim. Incredibile enim dictu est, quantam & Apostolicæ simplicitatis & primæ innocentie jacturam fecerint nostri mores, lectione illorum Theologorum, qui ubi de Decalogi Præceptis agitur, nihil non indulgent humanæ cupiditati; ubi vero ad Romani Pontificis ventum est

po-

potestatem, nonnisi letalia peccata, execrationes, maledictiones, schismata, scandala, gehennas crepant adversus eos, qui potestatem ipsam non infinitam, sed certis limitibus contentam volunt. Horum unus, si Antonio Arnaldo fides, superiori sæculo exeunte Parisiis clamabat: *Pereat Orbis, modo maneat auctoritas Pape*. Quod stulte, an ridicule potius dictum fuerit, viderint alii. Ego hic non possum non meminisse illud Christi Phariseos increpantis: *Culicem excolantes, & camelum glutientes*. Scio Hurtadum tuum (ut erat in antiquis Conciliis & Sanctis Patribus magis versatus, quam pro more gentis suæ) paullo candidius & incorruptius, quam ceteros, Moralem Theologiam tractavisse. Sed homo Transalpinis placitis æque ac reliqui illius ætatis addictus; & cui pro inconcusso dogmate erat, quidquid vel in Decreto vel in Decretalibus occurrebat: nihil sane poterat in rem nostram depromere, quod & temporum necessitati & Episcoporum auctoritati ex æquo consuleret.

8. Secundo: quia (ut ego in Præfatione Tentaminis Theologici adnotavi) septem annorum experientia demonstrat, movendis ad dispensandum Episcoporum animis non sufficere jactatæ Epicheiæ leges, quas nemo ignorabat; & quibus admissis, merito adhuc hærebant Antistites nostri. Nam Epicheia locum non habet, ubi pro observatione legis aperta est mens & voluntas Supremi Legislatoris. At in casu nostro mentem & voluntatem suam pro observantia Reservationis sæpius manifestat Romanus Pontifex per multiplices Declarationes Cardinalium, quas ex Rigantio descripsi, & quas Benedictus XIV. in Opere *de Synodo Diocesana* Episcopis in memoriam revocavit, ne facultatem dispensandi etiam in casu urgentissimæ necessitatis sibi adrogare Episcopi audeant: Constatque recenti memoria apud Hispanos,

nos, cum Philippus V. Rex Catholicus anno MDCCIX. aditum ad Romanam Curiam interclusisset subditis; graviter Hispanis Episcopis succensuisse Summum Pontificem Clementem XI. quod quædam ipsi & Regis jussione & temporum difficultate adacti administrare cœpissent, Sedi Apostolicæ alias reservata. Nimis certe ignarus est artium & consuetudinum Romanarum, siquis sibi persuadeat, æquo animo laturum aliquando Pontificem, dispensari ab Episcopis vel tantisper ea Disciplinæ capita, ex quarum Reservatione tantum emolumentum adcrefcit Romanæ Curie.

9. Tertio: quia excitata inter nos quæstio non est, an dispensare possint Episcopi in impedimentis occultis, & post contractum matrimonium, idque in hoc vel illo casu rarissimo, & in foro conscientie: sed an possint dispensare in publicis, & ante matrimonium contractum; idque certa lege & in foro externo cum juridica cognitione causæ, pro omnibus casibus in quibus dispensaret Pontifex? In priori quidem casu facultatem dispensandi in Episcopis agnoscunt Theologi plerique; in secundo vix e Casuistis invenias, qui tibi suffragentur. Non suffragatur certe Joannes Dicastillius, cujus tu mihi auctoritatem objicis, & cujus *clarum discursum* transcribis fere ad verbum. Nam eo ipso in loco, quem tu citas ex *Disputatione viii. de Matrimonio*, Dubio iv. diferte ille monet, doctrinam suam intelligendam esse pro casu, quo impedimentum est occultum, matrimonium vero publicum, adeoque jam contractum. Paulo infra quidem addit Dicastillius, hoc ipsum posse Episcopum ante contractum matrimonium pro casu necessitatis. Sed ex antecedentibus & consequentibus planum est, loqui eum de impedimentis nondum publicis. Nam eo solo nomine impugnat Averfam, quod etiam cum impedimenta sunt occulta, potestatem

tem dispensandi ante contractum matrimonium Episcopis denegabat.

10. Thomam vero Hurtadum sub iisdem conditionibus Dicastillio accessisse, illud certissimo argumento est, quod doctrinam ille suam Dicastillio maxime auctore fulcit. Quod nequis mala fide a me dictum suspicetur, Hurtadum ipsum, age, suis verbis loquentem audiamus eo in loco Operis *de Residentia*, quem describis. *Alia innumera consecraria, inquit, ex dicto principio colligi possunt, quæ pertinent ad diversas materias; ut de dispensatione in impedimentis tam dirimentibus quam non dirimentibus, de qua Sanchez Lib. viii. de Matrim. & Delingana Universit. Cancell. Joan. Di Castillo Disp. viii. de Sacram. Matrim. Dub. 4. Ubi dicit, quod ex tacita Pontificis concessione potest Episcopus dispensare in impedimentis dirimentibus, quæ jure nature non dirimunt, in foro conscientie, & quando impedimentum est occultum: vel quando est publicum, si non pateat facilis aditus ad Pontificem, (quod ego intelligo in partibus Indiarum & aliis valde remotis) & conjuges non possunt separari absque magno scandalo, & hanc sententiam dicit & vere quod est communis. Audin, mi Galinde, In foro conscientie, & quando impedimentum est occultum? Et mox: Vel quando est publicum, si non pateat facilis aditus ad Pontificem, & conjuges non possunt separari absque magno scandalo? Hæc vero doctrina quid commune habet cum ea, quam tu ex Dicastillio & Hurtado mihi sequendam dicis?*

11. Atque hinc etiam luculenter patet, argumentum alterum petatum ex silentio Apostolicæ Sedis in rebus ad morum Disciplinam spectantibus, quod tu *satis efficax* vocas, esse revera infirmissimum, utpote falsis nixum principiis. Primo enim quam multa sunt, quæ Sedes Apostolica tacita videt, quin tamen tacendo adprobet? Ut unum e multis proferamus
 exem-

exemplum , ecce tibi Probabilissimi monstrum alit maxima pars Theologorum , fover maxima pars Episcoporum . Probe id agnoscit Apostolica Sedes ; silet tamen , nec reclamatur . An propterea adprobaturum dicas a Sede Apostolica Probabilissimum ? Apage cum ejusmodi approbatione . Faceffant ab Ecclesia Dei ejusmodi argumenta , quibus semel admissis , nulla jam novitas erit , quæ patronam non habeat Sedem Petri . Nulla enim est , quam ipsa non toleret aliquandiu . Quod si ejusmodi Epicheis pugnare licet , eodem ergo argumento conficere possum , adprobari tacite a Romana Sede meam doctrinam . Probe enim illi perspectum est , tradi eam a quamplurimis gravissimisque Theologis , & ab Episcopis praxi mandatam . Nullum interea contrarium Diploma , nulla contraria Declaratio ab Apostolica Sede hæctenus emanavit , quæ ad utrumque systema non ex æquo pertineat .

12. Deinde quod addis , communem & receptissimam esse illorum Theologorum sententiam , quæ docet , *in casibus urgentis necessitatis , quando aditus ad Sedem Apostolicam vel difficilis valde , vel oclusus omnino est ; fas esse Episcopis tollere impedimenta matrimonii dirimentia , etsi publica , & ante matrimonium contractum : id non minus falsum est , quam primum .* Jam enim supra ostendi , egregie te lectoribus imponere , dum hanc sententiam Theologorum Ordini familiarem dicis . Quod mihi suo nunc testimonio denuo confirmat Thomas Sancius lib. ii. *de Matrimonio* , Disp. 40. Postquam enim §. ii. ex suo & multorum aliorum Theologorum sensu demonstrasset , *posse dispensare Episcopum concurrentibus his circumstantiis ; ut si matrimonium sit publicum , impedimentum autem occultum , & sic scandalum timetur ex separatione , nec ad Pontificem aditus patet : (en vero communis & receptissima doctrina , de qua nulla inter nos quæstio)* mox §. viii. in hunc modum

dum dicere pergit : *Et ausim dicere nullius auctoris patrocinio fretus , posse Episcopum dispensare aliquando in impedimento matrimonium dirimenti , antequam matrimonium contrahatur , quando urgentissima necessitas id postularet . Exemplum sit . Accedit mulier mane fassura , & reperitur habens impedimentum dirimens , cujus detectio infamiam notabilem produceret , & sunt omnia jam parata ad nuptias vespere celebrandas : & tentatis omnibus mediis nulla evadendi via aperitur , sed suspicio vehemens orietur alicujus criminis detecti in confessione , si sœmina abstinere velit a nuptiis , aut differre , dum Pontificia dispensatio obineatur . Dixi tentatis omnibus mediis , quia si aliqua evadendi via commode reperitur , nullo modo poterit Episcopus .*

13. Vides , mi Galinde , Hispanorum Casuistarum Principem , quasi novum & magnum aliquid venditantem , nullius se auctoris patrocinio fretum dicere , quod modo audivimus ? Nullum ergo legerat Sancius , qui doceret , vel ubi impedimentum sola mulier fateretur , sed matrimonium nondum contractum esset , posse Episcopum dispensare propter urgentem necessitatem . Qui autem ita restrictè & meticulose loquitur de impedimento ex sola mulieris confessione noto , & ubi omnia jam parata essent ad nuptias celebrandas : quid , quæso , dicturum putas , si impedimenta tam essent publica , quam quæ Lusitanos Optimates nunc prohibent a contrahendo cum amitis , materteris , fratrum & sororum filiabus , & cum consobrinis ? Quid , si res non sic in angusto versaretur , quemadmodum a Sancio describitur ?

14. Confessus est vel sic doctrinæ novitatem Basilii Poncius , qui cum Libro viii. de Matrimonio cap. xiii. §. 6. lectores monuisset , non primum nec solum fuisse Sancium , qui tradidisset talem doctrinam : antiquiorem tamen unum protulit Vasquesium , ea de re cursum

sim nec satis aperte differentem in Primam Secundæ Quæst. clxxviii. cap. 2. juniorem autem unum Salam Disput. x. *de Legibus*, Sect. iii. Scio his postea accessisse ex iisdem Jesuitis Hurtadum & Rebillum, quos laudat Perezius *de Matrimonio* Disp. xliv. Sect. vi. §. 11. Sed ut multo plures, imo innumeros laudasset Sancio vel Perezius; nemo non videt, positionem horum Doctorum immane quantum distare a positione nostra. Omnes enim doctrinam illam cum Sancio restringunt ad casum aliquem singularem, extraordinarium, & extremi discriminis, & in quo nihilominus detectum impedimentum occultum remanet, & intra cancellos pœnitentialis fori conclusum. Contra res Lusitanæ eo in loco sunt in præsentia, ut nisi Episcopi concedatur jugis & absoluta facultas passim dispensandi in publicis & notissimis impedimentis consanguinitatis & affinitatis, idque ante contractum matrimonium, & causa cognita in foro exteriori; non satis provideatur vel saluti plebejorum, vel Patriorum splendori. Quare non absurde videtur Jacobus Sambovius, Parisiensis Doctor celeberrimus adfirmasse in priori volumine Resolutionum Moralium, casu lxvii. *respectu illorum impedimentorum, quæ non sunt occulta, conspirare Theologos ad unum omnes, non posse Episcopum dispensare sive in contrahendo sive in contracto. Velis igitur nolis, fateri debes, vel meis principiis utendum, vel dispensatione carendum. Debes etiam non diffiteri, stultum me futurum fuisse, ut qui maxime, si in eo Opere in quo demonstranda susceperam Episcoporum Jura, non quid Episcopi per se possent, sed quid per Episcopos posset Romanus Pontifex, demonstrare pergerem. Nam Episcopis quidem datam a Christo eam facultatem esse, qua & oves sibi creditas pascere, & illarum saluti necessaria omnia providere valeant; luculenter ego,*

ego, nisi fallor, solideque ostendi. Quid ergo opus erat tua illa Epicheia? Nempe quia Jura omnia in unius Romani Pontificis arbitrio esse credis cum novitiis Magistris tuis. Aliter ego credo cum tota antiquitate. Ostende tu antiquitatem falli, & credam ego novitati.

15. Significas deinde timere te, ne propter adfertam a me Episcoporum auctoritatem invisus sim Apostolicæ Sedi: quasi invisus Sedi Apostolicæ esse possit, qui ne illa cuiquam sit invisus, quanta maxima potest contentione laborat. Romano Pontifici, ejusque Adulatoribus, odiosa fortasse erit mea doctrina. Sedi Apostolicæ, Cathedræ Petri, odiosa, credo, nunquam erit. Miraris distinctionem? audi Sanctum Leonem Magnum in Epistula ad Anatolium CPnum: *Aliud sunt Sedes, aliud Præsidentes*. Qua in re præclare omnino Christianus Lupus Augustinianus in Scholiis ad Dictatus Gregorii Papæ VII. *Aliud esse Ecclesiam quam-piam, aliud ejus Episcopum, est manifestum. Hinc inter Romanam Ecclesiam & Romanum Pontificem, hic etiam Dictatus distinguit. Quin & aliud est Episcopus, aliud ejus Cathedra. ALIUD APOSTOLICA SEDES, ALIUD PONTIFEX ROMANUS. Leo Magnus in Litteris ad Anatolium: ALIUD SUNT SEDES, ALIUD PRÆSIDENTES. Proinde distinctio hæc fundata & antiquissima, & multis elucidandis necessaria.*

16. Audi Hispanum tuum e Dominicano Ordine celebratissimum, Joannem Cardinalem de Turrecremata in Summa de Ecclesia Lib. ii. cap. 112. ubi cum ex Archidiacono in Caput Sic, Dist. xix. dictum illud laudasset: *Cautè dicit Agatho Apostolica Sedes, & non dicit Apostolici*: e vestigio ita colligit: *Sedis ergo Apostolica sanctiones, sive sententia in Judicio prolata a Romano Pontifice intelligitur, non quæ occulte, malitiose, inconsulte per Romanum Pontificem, aut etiam per ipsum cum paucis sibi faventibus,*

T

aliis

aliis in fraudem contemptis, seu non vocatis, ad partem profertur: sed quæ a Romano Pontifice cum maturo & gravi virorum sapientium, & præsertim Dominorum Cardinalium primo Concilio digesta & maturata profertur.

17. Audi Hispanum alterum Alphonsum de Castro Franciscanum, Tridentinæ Synodi Theologum sapientissimum, ob singularem eruditionis & probitatis famam Compostellanum Archiepiscopum à Carolo Quinto designatum. In priori Libro *De Justa Hæreticorum Punitione*, cap. iv. præmisso e Turrecremata superiori testimonio, in hunc modum prosequitur: *Si quando forte aliquis Romanus Pontifex in definitione fidei erravit, inde evenire potuit, quod vel rem non plene, ut decebat, examinavit; vel non eos quos oportebat, consuluit. . . . ERRAVIT TUNC HOMO QUI IN SEDE APOSTOLICA ERAT, SED NON ERRAVIT SEDES APOSTOLICA. Vides, mi Galinde, ut majoribus vestris aliud est Sedes Apostolica, aliud Romanus Pontifex?*

18. Atque id ipsum Germanos suos centum ante Castrum annis docuerat magnus ille Cardinalis Nicolaus Cusanus, Turrecrematæ suppar: dum in priori Libro *De Concordantia Catholica* capite xiv. in hunc modum differebat: *Licet aliquis, ut Liberius, Honorius, & alii in Cathedra Petri aliquandiu sedentes, in errorem schismaticum seducti ceciderint; sedes tamen absque vitio remansit. Maximum est illud, quod mente tenendum esse censeo: quia hæc est certa regula, & secuta firmitas, quod sedes, quæ originem receperunt a Sede Romana, cum qua tamquam filia uniuntur; una sedes, sive Cathedra censentur: licet tam in successione directa in linea recta Romanorum Pontificum, quam collateralium, certi Pontifices in hæresim ceciderint. Ab Abraham enim in Christum generationes per Matihæum secundum lineam nominantur, licet non omnes in linea sancti fuerint; Christus tamen per eandem attingebatur.*

tur . Sic in Ecclesia , cujus hac est figura , Christus per rectam lineam Pontificum attingitur , malitia mediorum Presulum non obstante . Est enim ipsa linea , seu Cathedra sancta , in Christi adventum indefectibiliter duratura usque ad seculi consummationem . Et rursus in Libro secundo , capite xxi . Legitur in Gestis Hildebrandi , qui Gregorius Papa Septimus vocabatur , sic : Est autem privilegium Romanæ Sedis semper adstiteri per Cardinales Presbyteros & Diaconos ipsi Summo Pontifici , vel Vicario ipsius Sedis : id est ei , quem ipsa Sedes Sacrosancta os suum facit ; per quem & cum quo prædicat , per quem sacramenta ministrat , per quem & cum quo firmanda confirmat , & improbanda improbat : qua non subscribente , invalida est Summi Pontificis sententia . Ecce quomodo ab antiquo irrita fuit Romani Pontificis sententia absque Cardinalium subscriptione , & quod Papa Sedis Apostolicæ os tantum fuit . Hæc Nicolaus Cusanus non minus vere quam acute .

19. Hac tamen distinctione admissa , quam ab ipsis Romanis Pontificibus adsertam negare non potes ; repones , saltem a Romano Pontifice timendas mihi esse diras , & imprecationes . Fateor & mihi , & ceteris Catholicis maxime timendas : sed quas ex judicio Sedis Apostolicæ , non ex judicio paucorum quorundam Theologorum Curia blandientium pronuntiarit Romanus Pontifex . Nosti illud Leonis Magni : *Manet Petri privilegium , ubi ex ipsius æquitate fertur judicium* . Nosti & illud Hincmari Remensis : *Qua sententia constat , quia non manet Petri privilegium , ubi ex ipsius æquitate non fertur judicium* .

20. Quæ ego in Tentamine Theologico tradidi de Potestate Episcoporum & Conciliorum , ea in numero saltem probabilium doctrinarum habenda dubitare nemini licet . Quis autem ferat , anathemate percelli a Romano Ponti-

fice quemquam propterea, quod probabilem ipse, adeoque gravissimis fundamentis innixam opinionem amplectatur? Annon Pontificia æquitate & majestate foret indignum, siquis de Ecclesia eo nomine ejiceretur, quod esset Thomista vel Scotista? Cur ergo ejiciendus est Augustinianus? Opiniones a Thomæ & Scoti sæculo natas, censura notari sub anathematis poena vetant Romani Pontifices, Cur ergo anathemate dignum judicaturi sunt Pontifices Romani, siquis opinionem tueatur mille & amplius ante Thomam & Scotum annis, imo iplo Apostolorum & Apostolicorum Virorum ævo in Ecclesiam invectam a tot Episcopis ac Doctoribus eximie sanctitatis? Nondum quippe ulli in Ecclesia erant Thomistæ, nondum Scotistæ ulli, cum Policrates Ephesium Episcopus Victori Romano Pontifici excommunicationem minanti, nisi Pascha Romano more celebraret, ita respondere, teste post Eusebium Hieronymo in Libro de Scriptoribus Ecclesiasticis: *Se a multis ex toto orbe Fratribus eruditum, peragrata omni Scriptura, non formidare eos qui Asianis minabantur: dixisse quippe ejus Majores, Deo obedire magis oportere, quam hominibus.* Quibus verbis plane significabatur vir fortissimus, tantum Romani Pontificis Decreta ab Ecclesiæ Decretis distare, quantum humana a divinis distant. Nondum ulli in Ecclesia erant Thomistæ, nondum Scotistæ ulli, cum S. Cyprianus eique adherens tota Ecclesia Africana, quos Stephanus Papa, Augustino referente, abstinendos putaverat, si de suscipiendis hæreticis priscam consuetudinem convellere niterentur; non terreri se Stephani minis, adeoque irreformabile a se ejus contra Rebaptizationem Judicium non haberi, his verbis declarabat in frequentissimo Concilio octoginta septem Episcoporum Collegarum suorum: *Supereſt ut de hac ipsa re singuli quid sentiamus,*
pro-

proferamus : neminem judicantes , aut a jure communionis aliquem , si diversum senserit , amoventes . Neque enim quisquam nostrum Episcopum se Episcoporum constituit , aut tyrannico terrore ad obsequendi necessitatem Collegas suos adigit . Nondum ulli erant Thomistæ , nondum Scotistæ ulli , cum S. Augustinus de facto Cypriani adversus Donatistas copiose differens , aperte constanterque docebat : vel tum cum Stephani Papæ Definitioni ac jussis obfirmate repugnabat Cyprianus ; vel tum cum Stephani minis contemptis venientes ab hæreticis rebaptizare pergebat ; æque Catholicum permansisse Cyprianum ac Stephanum , æque utrumque in unitate constituisse . Duo erant (inquit) eminentissimarum Ecclesiarum , Romanæ scilicet & Carthaginis Episcopi , Stephanus & Cyprianus , ambo in unitate Catholica constituti : quorum Stephanus , Baptismum Christi in nullo iterandum esse sentiebat , & hoc facientibus graviter succensebat . Cyprianus autem in hæresi & schismate baptizatos , tamquam non habentes Baptismum Christi , baptizandos in Ecclesia Catholica existimabat . Multi cum illo , quidam cum isto etiam sentiebant : utrique cum eis in unitate consistentes . Aperte constanterque docebat , si potuit Petrus contra veritatis Regulam , quam postea Ecclesia tenuit , cogere gentes judaizare ; potuisse etiam Cyprianum contra regulam veritatis , quam postea Ecclesia tenuit , cogere hæreticos vel schismaticos denuo baptizari . Aperte constanterque docebat , non ausurum se tale aliquid adserere , quale Stephanus jussit , NISI ECCLESIE UNIVERSE CONCORDISSIMA AUCTORITATE FIRMATUM ; cui & ipse Cyprianus sine dubio cederet , si jam illo tempore QUÆSTIONIS HUIUS VERITATIS ELIQUATA ET DECLARATA PER PLENARIUM CONCILIUM SOLIDARETUR . Ut pulchre admodum proinde direxit Illustrissimus Gilbertus Choyseulus Episcopus Tornacensis , in celeberrima

Epistula ad Martinum Steyaertum : voluisse Deum, *qui*, ut ait Apostolus, *facit de tenebris lumen splendescere*; ut ex Cyprani errore, obstetricante Augustini ratiocinatione, Catholica veritas oriretur. Hæc autem Catholica veritas erat, in quæstionibus Fidei neminem esse pro ethnico & publicano habendum, hoc est, neminem esse ab Ecclesia exturbandum nisi eum, qui ipsam Ecclesiam non audiret : quæ quia Cypriani ævo mentem suam de Baptismo hæreticorum nondum Fidelibus aperuerat, ideo Augustino docente, retenta pace & unitate Ecclesiæ, Stephano Papæ aliter sentienti & præcipienti non solum non obtemperare, sed etiam intrepide obloqui & obistere potuit Cyprianus. De quo an sententiam aliquando mutaverit, nescire se dicit Augustinus : (*fortasse factum fuit, sed nescimus*) Catholicum Episcopum permansisse, & beatissimum Christi Martyrem occubuisse, nemo inficiatur. Nondum ulli Thomistæ erant, nondum Scotistæ ulli, cum Leo Magnus, Pontificiæ auctoritatis si quis alius retinentissimus, sic de cogenda nova Synodo Œcumenica ad fopendas controversias ex Ephesino Conciliabulo exortas Theodosium Imperatorem adloquebatur : *Cui sacramento. quia impie nunc a paucis quibusdam obviatur, omnes partium nostrarum Ecclesiæ, omnes mansuetudini vestræ cum gemitibus & lacrymis supplicant Sacerdotes; ut quia & nostri fideliter reclamant, & ejusdem Libellum appellationis. Flavianus Episcopus dedit, GENERALEM SYNODUM JUBEATIS intra Italiam celebrari, quæ omnes offensiones ita repellat aut mitiget, NE ALIQUID ULTRA SIT VEL IN FIDE DUBIUM, VEL IN CARITATE DIVISUM*, Nondum ulli Thomistæ erant, nondum Scotistæ ulli, cum Gregorius Magnus Joannem CPnum Patriarcham suis jussis parere detrectantem, objecta Ecclesiæ auctoritate ineluctabili in hunc modum terrebat : *Quidquid*
hu.

humiliter facere debui, non omisi: sed quia in mea correptione despicio, RESTAT UT ECCLESIAM ADHIBERE DEBEAM. Nondum ulli erant Thomistæ, nondum Scotistæ ulli, cum Eugenius III. pro finienda causa Gilberti Porretani, quæ in Parisiensi Concilio se præsentē agitata jam fuerat, rei* difficultate motus ad Generalem Synodum provocabat. Ut enim scribit illius ævi Historicus nobilissimus Otho Frisigensis Episcopus Libro 1. de Gestis Friderici, cap. 54. *Sentiens Papa, utpote vir cantus & religiosus, causæ difficultatem, protelandam eam USQUE AD UNIVERSALE CONCILIUM judicavit.* Nondum denique ulli erant Thomistæ, nondum Scotistæ ulli, cum Innocentius III. ad Philippum Augustum Gallorum Regem, matrimonium suum a Pontifice dissolvi postulantem ita rescribat: *Si super hoc ABSQUE GENERALIS DELIBERATIONE CONCILII determinare aliquid tentavimus, præter divinam offensam & mundanam infamiam, forsan ordinis & officii nobis periculum immineret.*

21. Fateamur ergo, doctissime Galinde, non posse divinis mandatis refractarios & rebelles haberi eos, qui Romani Pontificis de Fide Decreta irreformabilia esse negant; nisi cum ipsis pariter refractarii & rebelles habeantur Beatissimus Martyr Cyprianus, & egregius Ecclesiæ Doctor Augustinus. Fateamur item, non posse de Ecclesia quemquam a Romano Pontifice exturbari propterea, quod Definitiones Concilii Generalis Pontificiis Definitionibus præfert; nisi simul ab Ecclesia extorres fiant quamplurimi & laudatissimi Prædecessores ejusdem Pontificis, qui sese Generalibus Conciliis inferiores re & verbo ostenderunt.

22. Causam vero, cur mihi a Romano Pontifice timeas, unam tu illam adsignas; quod doctrinam meam subiacere videas *validissimæ objectioni omni homini super Theologia Morali medicrister instructo obvia, desumptæque ex conde-*

*mnatione ab Alexandro Papa VIII. facta 20. Decembris anno MDCXC. super xxxi. propositionibus, inter quas ea erat ordine xxix. dicens = Futilis, & toties convulsa est adsertio de Romani Pontificis supra Concilium Œcumenicum auctoritate, atque in Fidei quæstionibus discernendis infallibilitate. = O me miserum & imperitum, qui in Theologia Morali ne mediocriter quidem instructus, damnatam ab Alexandro VIII. hanc propositionem ignoravi! Te verò longe fortunatissimum atque oculatissimum, qui toti Gallorum Regno florentissimo, & sapientissimo, imo toti Ecclesiæ Catholicæ novum hoc & hætenus ignoratum Fidei mysterium pandisti! Sed dic, amabo te, mi Galinde: quid Liber meus commune habet cum damnata illa propositione? Age, excutiamus illam, nativumque & obvium ejus sensum exploremus. Aut ego Latini sermonis sum plane ignarus, aut illa hunc sensum facit: *Futilis*, hoc est, vana & nullius momenti: & *toties convulsa*, hoc est, & toties profligata, excisa, eversa est adsertio de Romani Pontificis supra Concilium Œcumenicum auctoritate, atque in Fidei quæstionibus discernendis infallibilitate. Ubinam vero, quæso, in Libro meo invenisti, id a me affirmari? adsigna locum, & herbam porrigam. Auctoritatem quidem Romani Pontificis supra Concilium Œcumenicum, ejusque in quæstionibus Fidei irreformabile Judicium, multis ego in locis impugnavi, aliorum potius quam meis verbis usus. Verum id Alexander VIII. minime damnat: utpote qui id tantum damnat: quod propositionis verba præferunt. Verba autem propositionis sensum alium nativum & obvium non habent, nisi quem paullo ante exposui: nempe adsertionem de superioritate & infallibilitate Papæ futilem esse, sæpissime convulsam esse. Id autem ego in Tentamine Theologico nusquam affirmavi: imo ad calcem Principii V. Ro-*

V. Romanos Theologos sum adhortatus, ut modestiam ac moderationem æmulantes antiquorum Hispanorum, Cordubæ videlicet, Soti, Navarri, & Victoriæ; partes Romani Pontificis sic tuerentur, ut ejus cum in definiendo inerrantiam, tum superiorem Concilio Œcumenico auctoritatem, non tamquam certum & indubitatum Dogma, sed tamquam probabilem Scholæ opinionem propugnare essent contenti.

23. Sed tu, credo, in ea sententia es, ut existimes, damnata propositione illa, damnari per consequentiam quoque doctrinam Gallo- rum. Et non videtur tibi insolitum atque inauditum, damnari a Romano Pontifice extra Concilium Œcumenicum doctrinam adeo antiquam, adeo Sacris Litteris Patrumque Traditioni consonam: doctrinam tot celeberrimis Academiis, tot Doctoribus gravissimis, & quod majus quiddam est, duobus Conciliis Œcumenicis, Constantiensi & Basileensi probatam? Scimus in Tridentina Generali Synodo evenisse non semel, ut propter auctoritatem unius Cajetani, alteriusve Scholastici, a censura delatarum propositionum quarundam consulto abstinerent Patres reverentiæ causa. Et tu putas Romanum Pontificem, nulla habita ratione tot Conciliorum, tot Academiarum, tot Theologorum, eadem cum Gallis sentientium; doctrinam de superioritate Concilii Generalis, deque fallibilitate Romani Judicii damnare, & proscribere ex Cathedra intendisse? An ignoras vulgare effatum: *Quod omnes tangit, ab omnibus debet adprobari*? Et illud: *Nemo iudex esse potest in causa propria*? Decisio hujus & aliarum similium questionum non minus Episcopos, quam Papam tangit. Quæ igitur ratio finit, ut eas Romanus Pontifex inconsulto Episcoporum Corpore, seu non audito Concilio Œcumenico solus deficiat, solus credendas proponat?

24. Sed ponamus, Alexandri Papæ in dam-
nnan-

mnanda propositione illa mentem fuisse, quam tu fingis. Quæro: utrum in damnationem illam consenserit universalis Ecclesia, an non? Si dicas consensisse Ecclesiam universalem, oppono ego Ecclesiam Gallicanam, universalis Ecclesiæ partem maximam & nobilissimam: quæ post editum & promulgatum Alexandrinum Decretum, constans in tuenda Majorum doctrina etiamnum perseverat. Cujus rei certissimum ac plane invictum argumentum est, primum Defensio Declarationis Cleri Gallicani post annum MDCXC. ab Illustrissimo Bossuetto Meldorum Episcopo adornata, & anno demum MDCCXXX. Luxemburgi impressa: Deinde excitata occasione Bullæ *Unigenitus* celebris controversia, quæ ab anno MDCCXIII. ad nostra usque tempora Gallorum & Romanorum animos sæde exercuit. Denique Instructiones Pastorales interjectaque a Bulla & a Pontifice ad futurum Concilium Generale provocatio Cardinalis Noallii Archiepiscopi Parisiensis, Colberti Monspelliensis, aliorumque sedecim Illustrissimorum Galliæ Episcoporum: quibus appellantibus eodem tempore adhæsere Parisiensis Academia, Doctoresque ex Religiosis Familiis propemodum innumerabiles. Si vero fatearis, non consensisse in damnationem illius propositionis Ecclesiam universalem, iterum rogo te: Cur ergo credere me jubes, quod universalis Ecclesia non jubet? Cur mihi Lusitano per te non licet, quod Gallo cuivis per Ecclesiam licet? Neque enim credo in ea sententia esse te, ut hæreticis vel schismaticis refragantes. Concede ergo, aut Alexandro VIII. aliam mentem fuisse; aut non obstare illius Decretum, quominus in Hispania & Lusitania propugnetur doctrina Gallorum.

25. Dices privilegium id esse proprium Romanæ Sedis, ut ubi aliquid ex Cathedra creden-

dendum proponit Romanus Pontifex, mox illud amplecti teneantur Fideles singuli, non expectato consensu universalis Ecclesiæ. Principium petis, dum id quod in quæstione est, pro confesso adsumis. Ponamus enim definiri a Romano Pontifice aliquo, posse a se de medio tolli Apostolica auctoritate totum Ordinem Episcopalem; nihilque proinde Episcopos posse, nisi quod Papa ipse velit eos posse. Neque enim deerunt in Romana Curia Theologi, qui Petri Paludani, Joannisque de Turrecremata doctrinis imbuti, auctoritatem eam consulenti Pontifici strenue adserant. Ponamus definiri, datam Petri Successoribus a Christo esse potestatem deponendorum Regum, si qui vel Ecclesiæ rebelles, vel Pontificibus ipsis iniqui, vel regendis populis inhabiles videantur: id quod post Gregorium VII. Bonifacius VIII. in Extravaganti *Unam Sanctam*, post Bonifacium VIII. Paulus IV. in Bulla *Cum ex Apostolatus officio* definire visus est. Ponamus definiri, verba illa Christi, *Reddite quæ sunt Cæsaris Cæsari*, sic intelligenda esse; ut Cæsari quidem tributum & obedientia debeatur, quamdiu Cæsar est; sed Cæsarem esse desinere, ubi Pontifici id placuerit. Hunc enim Evangelii germanum sensum esse contendit Bellarminus in Libro contra Barclajum, ut qui aliter sentiunt, temerarios, scandalosos, hæreticos vocet. Ponamus definiri, nullum in Clericos jus esse Principibus Christianis: id quod Græcorum Imperatori persuadere olim tentavit Innocentius III. ut ex capite *Solita, de Majoritate & Obedientia*, planum est. Ponamus definiri, non licuisse Regibus Galliæ, Hispaniæ, Lusitaniæ, & Siciliæ, de Regnis suis inconsulta Apostolica Sede expellere Jesuitas. Quid enim vetat, adnitentibus iisdem Jesuitis eorumque in Romana Curia Favitoribus, hæc aliaque id genus nova dogmata ex Cathedra Fidelibus imperari? Ro-
go

go jam te : crederesne Pontifici sic definienti ? si ais , dico a nullis hostibus cavere sibi magis debere Reges & Episcopos , quam ab hujusmodi Theologis : qui dum uni Papæ subiciunt spiritualia & temporalia omnia , totamque proinde humanam potestatem precariam faciunt ; Reges non Reges , sed Papæ Beneficiarios : Episcopos vero non Episcopos , sed Papæ Procuratores haberi a nobis volunt . (Et re vera Imperium Germanicum Papæ *Beneficium* esse , jam olim Friderico Primo Imperatori . per litteras significavit Hadrianus Papa IV . Et Episcopos Papæ *Procuratores* adpellare non dubitavit Petrus Paludanus) . Si negas , repono : ubi ergo est debita illa Romanis Judiciis obedientia , quam tantopere jactas ?

26. Ad extremum mones , ubi de auctoritate Papæ & Concilii agitur , frustra me ad Augustinum confugere : cum ab eodemmet Alexandro VIII. proscripta quoque fuerit hæc altera propositio : *Ubi quis invenerit doctrinam in Augustino clare fundatam , illam absolute potest tenere , & docere , non respiciendo ad ullam Pontificis Bullam* . In quo & mecum parum candide agis , & sensum Pontificiæ Definitionis non videris probe adsecutus . Mecum parum candide agis , quia rem ita proponis , quasi ego unius Augustini auctoritate usus fuerim in extollenda Concilii potestate , nullamque Pontificiarum Bullarum rationem habendam duxerim . Atqui ego non Augustinum modo adlegavi , sed etiam Gregorium Magnum , & Innocentium Tertium : adlegavi Concilia Œcumenica duo , Constantiense & Basileense : adlegavi inclytas Academiæ quinque , Parisiensem , Vienneensem , Coloniensem , Erfurdiensem , & Cracoviensem : adlegavi celeberrimos Cardinales Zabarellam , Alliacenum , & Cusanum : adlegavi Tostatum Abulensem Episcopum , Gersonem Cancellarium Parisiensem , Glossatorem Gra-

Gratiani, Abbatem Panormitanum, Dionysium Carthusianum, Joannem Driedonem, aliosque Theologos primi subfellii: quibus omnibus ineluctabile doctrinæ suæ argumentum suppeditat celeberrimus locus Evangelii: *Si te non audierit, dic Ecclesie*. Ubi Ecclesiæ Judicium, tamquam supremum & ultimum agnoscere a Christo jubetur Petrus, Apostolorum & Christianorum omnium vertex: quod ipsius etiam Romanæ Ecclesiæ perpetua constansque traditio ad tempora usque Clementis Papæ Octavi professæ est in Missalibus & Breviariis suis. Neque ego porro nullam Pontificiarum Bullarum rationem habui, qui in explicandis Bullis Eugenii IV. Leonis X. & aliorum, multum operæ temporisque insumpsi.

27. Non videris item sensum Pontificiæ definitionis probe adsecutus. Nam propositionem illam non ea mente damuat Romanus Pontifex, quasi nobis non liceat Pontificias Definitiones ad sensum & doctrinam Augustini exigere. Nihil enim in Definitionibus suis diligentius cavere solent Petri Successores, quam ne quid sibi in definiendo excidat, quod Augustini certis & indubitatis placitis adversetur; quæ placita illi probe agnoscunt, Prædecessoribus suis omnibus totique Ecclesiæ Catholicæ probatissima esse & acceptissima. Illud ergo jure merito censura notavit Alexander VIII. Primum, quod in controversiis Fidei decidendis potiores Augustini, quam Romani Pontificis partes esse, significabat damnata Thesis. Quod falsissimum esse fateri debent, reipsaque fatentur vel illi, qui Judicium Romanæ Cathedralis, secluso consensu universalis Ecclesiæ, irreformabile esse negant. Ut alios prætermittam, satis erit legisse Gersonem in Tractatu *de Examinatione Doctrinarum*, Parte I. Consideratione secunda, cui Parisienses omnes ultro adfentiuntur. Quamvis enim, cum res est de in-

inveniendi vero, fieri nonnunquam possit, ut illud Augustinus sive privatus Doctor alius felicius certiusque inveniatur, quam ipse Romanus Pontifex: (nam in concernentibus fidem dictum unius Prælati præferendum esse sententiæ Papæ, si melioribus rationibus & auctoritatibus moveretur; cum Sylvestro in Summa, verbo Concilium, docent ipsi Theologi Transalpini) tamen ubi de proponendo Fidelibus populis vero ipso agitur, major proculdubio est auctoritas Summi Pontificis, quam cujuslibet alterius Episcopi. Major non solum extensive, (quod ajunt) quatenus Definitio Pontificis se extendit ad omnes & singulas Ecclesias, cum Definitio Episcopi privatæ Diœceseos limites non excedat; sed etiam intensive, quatenus ex ipsa ratione ac dignitate primæ Sedis majus pondus accedit Definitioni Pontificiæ, quam Episcopali; licet neutra per se internum adsensum a nobis exigat, nisi accedente consensu totius Ecclesiæ. Atque illud sane est, quod Donatistis scribebat Augustinus in Libris de Baptismo: *Nemo nescit, Apostolatus Principatum cuilibet Episcopatu esse præferendum, & Cathedrarum distare gratiam.* Sed placet audire Gersonem in Libello superius memorato. *Neque porro sequitur, (inquit) Papæ potest in definiendo fallere & falli; igitur non est Judex idoneus. Concluditur tamen ex hac radice duplex veritas: prima, quod determinatio solius Papæ in his, quæ sunt Fidei, non obligat, ut præcise est talis ad credendum: alioquin staret in casu, quod quis obligaretur ad contradictoria, vel ad falsum contra Fidem. Secunda veritas est, quod sententia Papæ ligat omnes Fideles ad non dogmatizandum contrarium, nisi per illos, aut apud illos, qui manifestum contra Fidem deprehendunt errorem, & scandalum grande Fidei suo silentio fieri cognoscunt.* Itaque post Judicium universalis Ecclesiæ sive Concilii Generalis, nullum admitti debet majus aut gravius, quam Papæ.

28. Illud deinde Alexander VIII. pari jure proscripsit, quod auctoritatem Augustini Pontificiis Bullis quibuscumque auctor illius Theſis præferre nullo discrimine videbatur, illis verbis adeo generalibus, *non respiciendo ad ullam Pontificis Bullam*: quod æque impium ac nefarium est. Revera enim quantacumque sit auctoritas Augustini, minor tamen est auctoritate Ecclesiæ: Quamplurimæ porro Bullæ sunt Pontificum Romanorum, quas Ecclesiæ adensus immobiles atque irreformabiles reddidit: utputa Bulla Leonis Magni ad Flavianum contra Eutychianos, Bulla Agathonis contra Monothelitas, Bulla Leonis X. contra Lutherum, Bulla Pii V. contra Bajum, Bulla Innocentii X. contra Jansenium. Nihil sane in Augustino reperitur, quod his aliisque Bullis a tota Ecclesia generaliter receptis sit contrarium. Nul- lum ex indubitatis ejus placitis umquam damnavit, nullum, credo, in posterum damnatura est Ecclesia. Si quis tamen in Augustinum æquo propensior, ita sibi de illius doctrina blandiatur, ut Ecclesiæ judicio vel posthabito vel contempto, unum sibi Augustinum audiendum putet: certe is & graviter errat, & Augustino ipsi non minus, quam Ecclesiæ est injurius. Anteponit enim auctoritatem Augustini auctoritati Ecclesiæ, cujus Augustino ipso Judice tanta auctoritas est, ut id ipsum quod de Evangelio credimus, credere minime teneremur, nisi nos ad id credendum ipsius Ecclesiæ auctoritas cogeret. Notum illud est Augustini dictum: *Ego Evangelio non crederem, nisi me Ecclesiæ moveret auctoritas*. Et illud alibi: *Neque nos tale aliquid auderemus adserere, quale Stephanus jussit, nisi Ecclesiæ concordissima auctoritate firmati*.

29. Superioribus causis tertia damnandæ propositionis addi potest ac debet non minus justa: nempe quod quid Augustinus senserit de Fide Catholica, auctor non ex Judicio Aposto-
licæ

licæ Sedis, sed ex privato judicio suo interpretandum ianuebat. Quod quam absurdum & periculosum sit, utinam exitio suo numquam nos docuissent tot Scriptores; qui dum Augustini mentem plene se adsecutos vel credunt, vel fingunt, nihil minus quam Augustinum sapiunt. Quod Jansenio Iprensus Episcopo contigisse nemo ignorat: ut nihil jam de Luthe- ro, Bajo, & aliis dicam. Atque hæc profecto sunt, & non alia, quæ in duabus illis propositionibus damnata voluit Alexander VIII. Quibus tamen adfines nihil habere doctrinam meam, fatebuntur omnes, qui animo a partibus libero unam cum alia compararint. Stat ergo, & jure damnatam a Romano Pontifice utramque illam propositionem, & licere unicuique doctrinam Gallorum Augustino duce tueri.

30. Quod scribis de Beato Thoma Aquinate, adsertorem illum fuisse Pontificiæ infallibilitatis, nihil me movet. Quid enim Thomas ad Augustinum? nempe quod discipulus ad Magistrum. Et tu, cum Augustini testimoniis nihil terreri te significes, vis tamen terreri me testimoniis Thomæ? Dicis Aquinatis doctrinam Christum de cruce *tamquam de Cathedra* approbasse. Video quo spectet narratio tua: nempe ad verba illa Christi Thomam de cruce adloquentis: *Bene scripsisti de me Thoma?* Verum nisi prius ostenderis, credere id nos debere ea fide, cui refragari nefas sit; neminique proinde jam licere Theologum esse; nisi Thomistam: nisi etiam demonstraveris, generaliter sive universaliter accipiendum esse, quod simpliciter tantum sive indefinite dixisse Christus fertur: nihil omnino agis. Nam & per Concilium Ephesinum nobis Spiritus Sanctus dixit, bene scripsisse Cyrillum Alexandrinum: neque tamen inde colligere licet, debere nos in omnibus Cyrilli doctrinam amplecti. Similiter & per Ecclesiam suam nobis dixit Spiritus Sanctus, bene scripsisse

se Augustinum : & tu tamen , ubi de auctori-
tate Ecclesiæ agitur , contendis frustra me esse
in citando Augustino .

31. Adde , quod non ita certum est , sub-
scripsisse Thomam illorum sententiæ , qui Ro-
mano Pontifici privilegium non errandi adtri-
buunt , eundemque Concilio Œcumenico supe-
riorem faciunt . Certe Joannes Gerson , quem
ego in doctrina Thomæ non minus versatum
esse arbitror , quam te ; in Sermonē S. Antonii
Abbatis , quem coram Patribus Concilii Con-
stantiensis habuit anno MCCCCXVII. diserte
negat id , quod tu adfirmas . Postquam enim
Decretum retulisset , quod Sessione V. ejusdem
Concilii editum fuerat , & in quo Generali Con-
cilio inferior ac subditus declaratur ipse Roma-
nus Pontifex , e vestigio ita prosequitur : *Huius*
veritati fundata supra petram Sacra Scriptura ,
quisquis a proposito detrahit , cadit in hæresim jam
damnatam , quam nullus umquam Theologus , ma-
xime Parisiensis & sanctus adseruit . Vidi nuper
Sanctum Thomam , & Bonaventuram : (hic reli-
quorum libros non habeo) dant supremam & ple-
nam Summo Pontifici potestatem Ecclesiasticam : re-
cte procul dubio , sed hoc faciunt in comparatione
ad Fideles singulos ; & particulares Ecclesias .

32. Patrum vero memoria Joannes Launo-
jus , infinitæ propemodum lectionis vir , in e-
pistula ad Christophorum Fauvæum , quæ est
septima Libri tertii , non contemnendis argu-
mentis demonstrare adgressus est , immerito Tho-
mam a Bellarmino adnumerari Defensoribus
Pontificiæ inerrantiæ . In duabus autem aliis
epistulis ad Antonium Faurum , & in alia ad
Paulum Ratuynum , quæ prima , secunda , &
tertia sunt prioris Libri , probandum suscepit
idem Launoyus , quæ Thomas variis in Operi-
bus grandia & magnifica scripsit de Romano
Pontifice ; ea illum ex supposititiis Conciliorum
V
testi-

testimoniis, spuriiisque nonnullorum Patrum locis fere desumpsisse. Eo enim sæculo vixit Thomas, quo pro genuinis habebantur multa; quæ posterior ætas respuit tamquam adulterina. Pleraque enim testimonia ævo illo colligebantur e Decreto Gratiani, quod falsis antiquorum Pontificum Decretalibus, falsisque veterum Patrum Scriptis refertum esse hodie ignorat nemo. Atque ejus generis quidem sunt loca Cyrilli Alexandrini, quæ Thomas laudat in Opusculo *contra errores Græcorum*: & Hieronymi epistula ad Damasum, quam ipse adlegat in 2.2. qu. xi. art. 2.

33. Denique Anonymus Scriptor, qui Lanoyi epistulas doctis adnotationibus illustravit; in epistulam ejusdem ad Antonium Faurum, quæ est prima Libri primi, hæc monuit: *An Thomas sit infallibilitatis Patronis accensendus, necne, adhuc sub judice lis est.*

34. Neque loca tria, quæ tu in margine epistolæ indicas, rem plane faciunt. Nam quæ Thomas scribit in Prima Parte, Quæst. xxxvi. art. ii. ad 2., & in Secunda. Secundæ, Quæst. i. art. x. ad 2. (tertium a te laudatum e Quæst. x. de Potentia, art. iv. ad 13. invenire non potui) nihil omnino habent, unde Pontificia inerrantia comprobetur. Illud enim unum utroque in loco docet Thomas, ad Romanum Pontificem pertinere editionem Symboli, quia ad illum pertinet Concilia convocare & confirmare, ubi Symbola Fidei condi solent. Hoc autem ne ipsi quidem Galli negant, quibus fixum ratumque est, in *Fidei Questionibus præcipuas partes esse Summi Pontificis*, sed non solas. Neque quia ad eum regulariter spectat convocatio & confirmatio Synodorum, colligere inde licet, omnem suam auctoritatem & firmitatem a Pontifice haurire Synodos etiam Generales.

35. Sed tibi ego non invitus adsentior, fuisse Beatum Thomam in ea sententia, quæ docet

cet, Papam in definiendo esse infallibilem, & Concilio etiam Œcumenico superiorem. An propterea non licebit mihi contrariam tenere & sequi? Id tu quidem non obscure significas in ipso principio Epistolæ, dum Beati Thomæ doctrinam a Christo de Cruce adprobatam dicis, eumque *Theologorum viam salutis sequentium Principem* vocas. Ceterum quod ad illam Christi adprobationem pertinet, jam in superioribus innui, piam illam quidem historiam esse, sed historiam mere humanam; quæ tametsi in Romano Breviario legi soleat, impar tamen omnino est Theologicis concertationibus profligandis. Est enim apud omnes Theologos certum atque exploratum, inniti fidem nostram non revelationibus Augustini, non Thomæ, non Briggittæ, non Terefiæ, non alicujus privati Doctoris aut sanctæ feminæ: sed revelationibus Prophetarum & Apostolorum, quorum morte conclusum est Depositum Catholicæ Fidei.

36. Anno MCCCCLXXXVII. Joannes de Montefono Dominicanus Theses xiv. Parisiis propugnavit, quæ quia erronæ & scandalosæ videbantur, primum a tota Academia, deinde ab Episcopo sunt confixæ. Provocavit ab hac sententia Joannes de Montefono ad Clementem Papam VII. Avenione sedentem, quem pro vero Petri Successore tum habebant Galli & Hispani. Academia vero ad tuendam causam suam Avenionem misit Legatos quatuor, quorum Princeps erat Petrus de Alliaco, Cameracensis postea Episcopus, & Sanctæ Romanæ Ecclesiæ Cardinalis. Multa pro se adlegabat apud Pontificem Dominicanus Doctor: atque in his illud: *Quod solius Sedis Apostolicæ erat declarare, damnare, & reprobare*. Item illud: *Quod eorum quæ tangunt fidem, ad solum Summum Pontificem pertinebat examinatio & decisio*. Et quia ille a se esse Beatum Thomam vel putabat vel fingebat,

eius se etiam auctoritate tueri conabatur dicens: *Quod Dominus Urbanus Papa V. per ejus Bullam Universitati Studii Tolosani scripserat, & voluerat, ejusdem Sancti doctrinam tanquam benedictam & Catholicam teneri a Christicolis & Studiosis, & eam pro viribus ampliari.* Quid vero ad hæc Aliacenensis? nomine totius Academiae sic respondit coram Pontifice: *Dicendum est, quod illud quod prædictus Frater ad suam adpellationis fundamentum principaliter adsumit; scilicet, quod solius Sedis Apostolicæ est declarare, damnare, & reprobare.* Et iterum, *quod eorum quæ tangunt fidem, ad solum Summum Pontificem pertinet examinatio & decisio.* HOC, INQUAM, CONTINET MANIFESTAM HERESIM: & ideo propter hoc solum, si nihil aliud erroneum dixisset, Romana Ecclesia ipsum deberet cogere ad revocandum. Quia per illam exclusionem excluditur Universalis Ecclesia & Generale Concilium eam representans, quod est hæreticum: QUIA IN CAUSIS FIDEI A SUMMO PONTIFICE ADPELLARI POTEST AD CONCILIUM.

37. De Scriptis vero Beati Thomæ ab Ecclesia probatis quod Joannes de Montefono opponebat, id breviter in hunc modum diluebat inclytus Academiae Procurator: *Respondetur quod ex prædicta Bulla Domini Urbani, aut alia quacunque Littera authentica, non potest sufficienter concludi, quod Sancti Thomæ doctrina sit in quibus adprobata, sicut clare ostendetur in tertio capite hujus Tractatus.* Et fidem illi suam quidem plenissime liberavit, in *Apologia Facultatis Theologicæ Parisiensis circa damnationem Joannis de Montefono*, quæ extat ad calcem prioris voluminis Operum Gersonianorum ex editione Dupini.

38. Annus tunc erat centesimus decimus quartus a morte Thomæ: recensque proinde & vulgaris tunc apud Parisienses esse debebat memoria illius visionis, in qua Christus de Cruce pendens doctrinam Thomæ comprobasse dicitur.

Re.

Recens quoque & vulgaris commendatio doctrinæ a duobus Summis Pontificibus Joanne XXII. & Urbano V. facta . Et tamen religioni non fuit celeberrimæ & prudentissimæ Academiæ, auctoritate Thomæ se tuentem Theologica censura confodere .

39. Rursus anno MDXII. cum Thomas de Vio Cajetanus Parisiensium placita oppugnasset, illudque octavo loco objecisset : *Sanctus Thomas & multi Theologi tenuerunt, Papam esse supra Concilium ; ergo non est tutum oppositum .* Jussus ab Academia Cajetano respondere Joannes Major, superius argumentum in hunc modum disjecit : *Ad octavum dicitur , Beatus Thomas tenuit , quod Diva Virgo fuit in originali peccato concepta ; quod materia non potest esse sine forma de potentia Dei absoluta : quod Deus potest modo facere duos Angelos ejusdem speciei specialissimæ , & multa similia , quæ omnino improbabilia in Schola putantur . De Theologis multo plures tenuerunt oppositum . Superius ostensum est , quod Augustinus & alii Doctores tenent partem quam insequimur : hoc tenuerunt varii Cardinales , ut Joannes Patriarcha Antiochenus , Petrus de Alliaco , Nicolaus de Cusa : Joannes Gerson Cancellarius Parisiensis , profecto numquam satis laudatus : & nostra Facultas a diebus Concilii Constantiensis , IN QUA PLURES EXERCITATOS HABEBIS THEOLOGOS , QUAM IN DUOBUS VEL TRIBUS REGNIS ; quæ sic hanc partem fovet , quod nulli licuit adserere oppositum probabile .*

40. Hinc autem illud etiam confecisse mihi videor, doctissime Galinde: ubi de auctoritate agitur Concilii & Pontificis, parum considerate a te dici Thomam, *Theologorum viam salutis sequentium Principem .* Quod quid aliud, quæso, est, nisi dicere, extra viam salutis versari eos qui a Thomæ doctrina dissentientes Concilium Pontifici præferunt? Id autem si serio adseris,
 expo-

expone jam, quo abituros putes Theologos Parisienses, quibus minime licet a Majorum doctrina discedere? quo discipulos Scoti, ex quibus Alphonsum Castrium Pontificiæ inerrantiæ & superioritatis impugnatoribus adnumerat Bellarminus? Antonium vero de Corduba quæstionem hanc inter adiaphoras posuisse, ego in Tentamine Theologico ex ipsius verbis ostendi. Quo denique discipulos illos Thomæ, qui cum Pontificem Concilio superiorem agnoscant, probabilem interea & Catholicam esse fatentur contrariam sententiam? Veluti cum in Relectione *de potestate Papæ & Concilii* ita scribit Franciscus Victoria: *De comparatione potestatis Papæ est duplex sententia: altera S. Thomæ & sequacium multorum & aliorum Doctorum tam in Theologia quam in Jure Canonico, quod Papa est supra Concilium: altera est communis Parisiensium, & multorum aliorum Doctorum in Theologia & Canonibus, ut Panormitani & aliorum: quod Concilium est supra Papam.* Utrosque, licet contraria sentientes, æque Catholicos nulloque discrimine habet sapientissimus Thomista: neutros ergo versari extra viam salutis putat Victoria. Et pari quidem æquitate utramque opinionem Gallorum & Romanorum, eodem sæculo retulit Martinus Navarrus, cum ad caput *Novit, de Judiciis*, tum in Commentario *de Pœnitentia*. Dicatur ergo Beatus Thomas Theologorum Princeps, sed Princeps utrorumque Theologorum. Dicatur ejus doctrina ab Ecclesia, imo ab ipso Christo Domino adprobata; sed eo modo adprobata, quo Augustini, Hieronymi, Chrysostomi, Cyrilli, & aliorum Doctorum: nec quia ab ejus placitis forte quis diffidet, extra salutis viam ponatur.

41. Hæc cum ita se habeant, nulla jam, opinor, causa erit, doctissime Galinde; cur vel mihi a Vaticanis fulminibus timeas, vel Tentaminis Theologi vicem doleas. Nam me causæ æqui-

æquitas securum facit Romanarum dirarum , quæ vibrari tantummodo in illos debent , qui recepta & inconcussa Catholicæ Fidei dogmata , vel indubitata Romani Primatus Jura oppugnant . De Libro vero meo non est , quod vereare , ne litterarium orbem non feliciter peragret . Scias enim , ex omnibus qui de illo ad me scripsere , unum te ad hanc diem inventum esse , qui carperes , qui erroris argueres . Illum de Lusitano in vernaculum sermonem convertere Itali , & Galli . Roma præterea , Neapoli , Venetiis , Taurino , Parisiis , Matrito , litteras ad me vel de me Olisiponem dedere viri eruditi plurimi , qui & de felicitate Tentaminis gratulabantur , & doctrinam ejus laudibus ad cælum efferebant . Ne autem emendicata a me exterorum suffragia suspicere , scito nullum ex iis mihi esse notum , nullum antea litteris compellatum , nullum beneficio vel gratia devinctum . Neque tamen propterea expers navi omnis Opus meum judico : *Homo enim sum* , ut ait Comicus , *humani nihil a me alienum puto* . Sed quod me damnatarum doctrinarum reum agis , non possum non moleste ferre : qui nihil impensius curo , quam ne quid scribendo excidat , quod vel minus probatum sit , vel minus Catholicum videatur .

42. Illud vero multo me pejus habet , quod ad calcem Epistolæ scribere non dubitasti : mirari te , & juste quidem mirari , quod Senatus Lusitanæ Inquisitionis *salu præterierit* , quæ a me evulganda erant : ea nimirum , quæ tu a Romanis Pontificibus tamquam erronea damnata crederes . Sed quæ tu dicis a Lusitanis Inquisitoribus *salu præterita* , hoc est , festine ac negligenter discussa : iis examinandis integerrima Curia consulto delegit Censores duos e Carmelitarum Excalceatorum Sacro Ordine , quorum esset præ ceteris spectata virtus , incorruptumque judicium . His tertius denuo accessit ex Ordine

dine Benedictino pari religione & litteratura, qui Tentamen Theologicum a me Latinitate donatum & propediem edendum, rursus de more examinandum commisit Senatus Fidei. Quocirca justius ego miror, religioni tibi non fuisse de Lusitana Inquisitione tam sinistrum temperariumque judicium tulisse: ut in re tanti momenti aliquid a nostris vel oscitanter lectum vel temere adprobatum judicares: quasi Catholici esse minus Lusitani, quam Hispani scirent. At si *Regula Fidei*, ut Tertullianus ait, *una est, atque immobilis*; eam nos certe Fidei Regulam, unam atque immobilem constanter tenemus omnes, constanterque tenebimus usque ad sanguinem. Neque quia aliquid forte sentimus vel scribimus, quod Romanis auribus displiceat, Catholici propterea esse desinimus. Scimus enim Catholicam Fidem non Romanæ Curie placitis, sed solo Dei Verbo scripto vel tradito contineri.

43. Depone igitur, mi Galinde, sollicitum de fortuna Libri timorem. Depone de Lusitanis Censoribus suspiciones illas tuas iniquas & præcipites. Omnes enim Dei gratia Catholici sumus, perinde ac vos: omnes Romanam Ecclesiam Catholicæ Unitatis centrum agnoscimus: omnes Romano Pontifici, Petri Successori Christique in terris Vicario, veram sinceramque obedientiam profitemur etiam tum, cum nostrorum vel Regum vel Episcoporum Jura pro virili tuemur. Vale, & si quid in te excidit paulo acerbius, parce. Olisipone e Regia Domo Beatæ Mariæ Virginis de Necessitatibus Congregationis Oratorii, Augusti die XV. anno MDCCLXVII.

F I N I S.


ANT 1317210

XVI

E

48





7761



